






25

12  
13  
h  
31







TRACTATUS PHYSICO-  
MEDICUS,

De

# Origine For- marum,

Pro

D. DANIELE SENNERTO,

Facult. Medicæ in VVitteberg. Aca-  
demiâ Professore & Seniore &c.

Contra

D. JOHANNEM FREITAGIUM,

Medic. in Groningæ & Omlandia  
Academiâ Professore &c.

Conscriptus

à

M. JOHANNES Sperlingen

Physicæ in Academiâ Witteberg.

Professore P.

BIBLIOTECNA NAZ.  
ROMANA  
VITTORIO EMANUELE

a

WITTEBERGÆ,

Impensis JOHANNIS HELWIGII Bibliop.

Excudebat Ambrosius Rotbuius Acad. Typogr.

Anno M DC XXXIV.





V I R I S

*GENEROSA NOBILITATE ET  
Magnificentia, perquam Reverenda Di-  
gnitate, Auctoritate, rerumq; usu & Consiliorum dex-  
teritate longè Præclarissimis, Protosynedry Ecclesia-  
stici Electoralis, quod Dresda est, Præsidi  
& Consiliariis Eminentissimis,*

**DN. FRIDERICO à Merssch/  
in Reichenbach & Fritzen Hæreditario,  
Aulæ Electoralis Saxon. Consi-  
liario & Præsidi &c.**

**DN. MATTHIÆ HÖE**  
ab HÖENEGK, in Gönsdorff/ Ober- &  
NiederRachwitz Hæreditario, Theolo-  
go Præcellentissimo, Aulæ Cæsareæ  
& Palatij Imperialis Comiti Splendi-  
dissimo, Serenissimo Electori Sax. à  
Concionibus aulicis, Confessionibus  
Sacris & Consiliis Ecclesiasticis  
primariis &c.

DN. ÆGIDIO STRAUCHIO,  
SS. Theol. Doct. Eximio, Ecclesiæ  
Dresdensis ad D. Crucis Pastori Me-  
ritissimo, & vicinarum Superinten-  
denti Dignissimo juxtà ac Vi-  
gilantissimo &c.

DN. D. LEONHARTO KOPPE-  
LIO, Jcto Celeberrimo, Serenissimo  
Electori Sax. ab Appellationum  
Consiliis &c.

DN. NICOLAO HELFRICHIO,  
J.U.D. famigeratissimo, atq; ho-  
noratissimo &c.

*Dominis Evergetis ac Pro-  
motoribus meis devotè ve-  
nerandis.*



UNDUM egregiam *Mundus*  
egregiorum miracu- *miracu-*  
lorum compagem esse, *lorumple-*  
nus.

Viri Summi & Eminen-  
tissimi, Patroni ac Me-  
coenates aeternum Venerandi, *Nature*  
*scrutator* subinde ingeminat. Tam  
exquisite enim formatus, tam con-  
cinnè ornatus & ordinatus, tam mi-  
rabiliter structus ac instructus est,  
ut mens istum exactius perscrutans  
non possit non altè exclamare voce:

Quot opera, tot miracula! Quid e-  
nim divite suo condit sinu Terra?

Quid Aqua? Quid Aer? Quid  
Cæli? Nil nisi innumerabiles mira-  
culorum myriades. Terra in medio

*Terra.*

Universi pendula & super NIHI-  
LUM fundata, quot quæso gazas  
assidue suo ostentat scrutatori, seo

)( 3 du-

Aqua.

duloq; largiter subministrat colo-  
no? Luxuriant sanè campi, luxuri-  
ant montes, colles, valles & conval-  
les, ac non sine stupore metalla, plano-  
tas, arbores, insecta, aliaq; innume-  
ra Thaumaturgi Divini parturi-  
unt miracula. Aqua venas terra i-  
tinere longo pererrans, miris iti-  
dem superbit bonis ac donis. Quot  
enim genera piscium, quot discrimi-  
na arborum, quot species gem-  
marũ, corporumq; aliorum omnem  
humana mentis aciem ludentiũ, in  
mari, in fretis, in ostiis, in fluvijis, in  
fontib; in lacubus & paludibus ge-  
nerantur, formantur, vagantur? A-  
er pariter nullis aquae postponitur  
parasangis, sed stupendis suis o-  
mnem in modum gaudet tumetq;  
dotibus. Per hunc montes vallesq;  
miro aurium sonant resonantq; lu-  
dibrio. Per hunc vivimus, per hunc  
cernimus, per hunc audimus, per  
hunc

Aer.

bunc loquimur ac munia quæq; per-  
ficimus. Quot quæso hæc species &  
simulacra, quotq; effluvia, Creatori  
notissima, creaturis imperscruta-  
bilia, meant ac remeant? Quot hæc  
nubila, quot tonitrua, quot arcus,  
ventos, ignes, nives & grandines,  
prudentissima ac validissima pla-  
smavit manus EXCELSI? Tandem  
& Cælum, immensum illud immen- Cælum.  
si Dei theatrum, cum flosculis suis  
amanissimis, ocellisq; letissimis &  
jucundissimis, citra omnem dubij  
aleam tot continet miracula, quot  
habet lumina, quæ & ipsa tot mira-  
culis quot radijs & viribus sunt re-  
ferta. Adeo magnus est Dominus  
Deus noster, magnus non solum in  
semet ipso, nec magnus saltem in  
magnis, sed & magnus ac gloriosus  
in minimis!

Verum enim verò inter hæc mi-  
randa Dei opera unum attentius



Admi-  
randum  
generatio-  
nis opus.

contemplari, & rationis trutinâ ex-  
actius ponderare, est animus. Scili-  
cet corpora Generationi & Cor-  
ruptioni lege fatali obnoxia, non fe-  
cit solum MANUS quæ cuncta fe-  
cit, sed & arte insigni immensaque  
sapientiâ à totali interitus labe &  
clade liberavit. Iis namq; verè  
mirandam potentiam sese multipli-  
candi, & quod in singulari substan-  
tiâ durabile non est divinâ forma-  
rum propagatione perpetuandi,  
communicavit. Inde etiamnum vi-  
vit frutex in frutice, brutum in  
bruto, homo in homine: neq; mori  
potest, quod vivam sui reliquit i-  
maginem. Hoc opus illud est, quod  
eminere omniumq; aliorum admi-  
rationem longè superare gaudet,  
quodq; præ ceteris omnibus Δημι-  
γὸν σοφώτατον τε καὶ δυνατώτατον, Opti-  
ficem sapientissimum & potentissi-  
mum, digito monstrat & ostentat.

Hoc,



Hoc speculum illud est, in quo Sapi-  
 entia, Potentia, & Providentia Dei,  
 ceucharagma Regis aut Principis  
 in numismate, omnium oculos feri-  
 unt acriterq; perstringunt. Hoc  
 monumentum illud est, quod omnes  
 omnium seculorum Philosophi sum-  
 mâ cum reverentiâ adverunt, ac  
 τὴν καὶ σοφίαν μέγιστην, arte & scientiâ  
 summâ, gravidum deprehenderunt,  
 sed maximam partem (quæ mentis  
 humana esse solet cæcitas) tandem  
 instar vulpecula à ciconiâ elusa abi-  
 erunt. Viderunt enim è semine mot Generatio  
 dico in terram matrem omnium, planta-  
 quotannis, imò quotidie, demisso, de- rum &  
 fosso, & depaſto, herbas arboresquæ arborum.  
 pullulare ac adolescere. Viderunt  
 semen in terra sinu conditum, ac be-  
 nignâ solis aerisq; aurâ tepefactum  
 & suscitatum, primùm macerari,  
 post utring; disrumpi, hinc in plan-  
 tam aut arborem pulcherrimam,

) ( S ex a. 11

mento è terra visceribus magnâ  
arte & industriâ attracto, adapta-  
to, inq̃ partes speciei cuius debitas,  
dispositione spectabili, ordine mira-  
bili, & varietate delectabili, for-  
mari ac transformari. Viderunt  
in hac arborum formatione infer-  
nè in terram radices spargi, easq̃  
soliditate tantâ infigi & adglutina-  
ri, ut parvo temporis spatio elapso  
vietiam validâ vix evelli & dimo-  
veri queant: sursum verò stipitem  
ac truncum mitti, & externè corti-  
ce, velut indumento, adversus fri-  
goris aestusq̃ injurias, vestiri; inter-  
nè autem medullâ & venis cùm ma-  
joribus tùm minoribus, mirabili or-  
dine ab invicem distinctis, toti-  
q̃ corpori nutrimentum largientibus,  
donari ac dotari. Viderunt arbo-  
ribus jam formatis in supremâ ea-  
rum parte folia, flores & fructus,  
in quibus vicissim venarum series  
flu-

stupenda, in quibus & eadem figura, eadem levitas & asperitas, eadem longitudo, latitudo, & profunditas, idem color, idem sapor, idem odor, eademq; omnium dignitatum & ornamentorum ratio ac conditio est, elegantissimè & sapientissimè fingi ac pingi. Sic & in animalium, in primis perfectorum, generatione videntur & perspexerunt, semina utriusq; sexus in uterum deponi, & ex illâ vilissimâ ac penitus deformi, fœtidissimâ ac vix nominandâ substantiâ, quam absq; abominatione nemo conspicit (ut rectè Titelmannus loquitur) egregium membrorum egregiorum apparatus, observatis ubiq; numero, pondere, & mensurâ, produci. Videntur factâ statim conceptione varias concretiones, secretiones, densationes, rarefactiones & contractiones oriri, adeò, ut jam olim Senex

Generatio  
animali-  
um.

*nex ille Divinus dictitare non du-  
 bitaverit, ὁ γόνος ἐν ἐπὶ τὰ ἡμέρησιν ἔχει  
 ὅκοιτα πέρ ἐστιν ἔχειν τὸ σῶμα, genitura  
 septimo die habet, quæcunq; corpus  
 habere debet. Viderunt ex mate-  
 riâ illâ sordidâ & foetidâ ossa, car-  
 tilagines, ligamenta, membranas,  
 villos, venas, arterias, nervos, mu-  
 sculos, glandulas, omnesq; & singu-  
 las, cùm Similares, tùm Dissimila-  
 res, fingi particulas. Hac, inquam,  
 & ejusmodi plura, viderunt, perspe-  
 xerunt, altiusq; pensitarunt, sed  
 Causam talia tentantem; Causam  
 semina mutantem & transforman-  
 tem; Causam concretiones, discre-  
 tiones & excretiones molientem ac  
 moderantem; Causam nutrimen-  
 tum conveniens convenienter at-  
 trahentem, adaptantem, & ex eo  
 partium magnitudinem, nume-  
 rum, figuram, colorem, odo-  
 rem, & sexcenta alia, producen-  
 tem;*

*Causa Ge-  
 nerationis  
 inventu  
 difficili-  
 ma.*

tem; Causam materiam illam sordidam & deformem disponentem, formantem, expolientem & adornantem, totumq; Generationis ac Formationis opus non sine successu prosperiore agentem & peragentem, pari facilitate ac felicitate videre nequiverunt.

Felix qui potuit rerum cognoscere causam!

Galenus, felicissimus aliàs Galenilabor fructu-  
francus.  
tenebrarum mentis humanae propulsator, summam in Causâ hac investigandâ & perscrutandâ fateatur industriam, sepiusq; se investigasse secum ait, *an ἡνὰ λόγον ἵκνυσθαι ἐπὶ ταῖς τῶν ζώων καὶ ἀσκευαῖς*, an praeagnantem aliquam rationem de viventium structura, invenire potuerit, sed nullam invenisse, & ὅδ' ἄχει τὸ πιδαν, non usq; ad probabile quid, pervenire potuisse, indeq; magna tristitia affectum fuisse: rogat ergo omnes seculi sui Philosophos, *εἰ τι σοφὸν εὐρίσ-*

ἐπιπρόνοεν, si quid veri invenerint, id  
sine invidiâ secum communicent. Si  
selectum sic torquetur ingenium,  
quid humili ac plebei accidat ani-  
mula? Hinc multi alij eandem Cau-  
sam eodem nisu & fervore rimari  
ac scrutari allaborarunt, sepiusq;  
anxiè de Generationis & Forma-  
tionis Autore, an Deus sit, an Na-  
tura, an Cœlum, an Anima, an  
calor, an spiritus, an humor, an fa-  
cultas seminis, an aliud quid que-  
siverunt, sed nihil aut parum solidi  
invenerunt. Inprimis autem fas-  
mosa aliquando in Scholis, & pro  
Aristotelicâ vendita fuit. Schola-  
sticorum de Educatione formarum è  
potentia materiæ opinio, quæ tamen  
à nullo ita explicari & demonstra-  
ri potuit, ut vel intelligi, vel men-  
tem veritatis avidam satiare, va-  
luerit. Semper enim mens cogne-  
scia scire desiderat, quamnam Cau-  
sam

Eductio  
formarū  
è potenti-  
æ materiæ  
introduc-  
ta.

ſam Efficientem, Principalem & Eduſtio  
Proximam forma illa, quæ è poten-<sup>formarum</sup>  
tiâ materiæ eduſta dicitur, agno-<sup>è potentiâ</sup>  
ſcat? Non ſanè Materiam; quia hæc materia  
nō agit, ſed ſaltem ſubijcitur ac pa-  
titur, planeq; impoſſibile eſt Princi-  
pium Paſſivum Cauſam Efficien-  
tem Principij Activi evadere poſſe.  
Nec etiam Materia potentiam; quia  
ut Materia principium paſſivum,  
ita & materiæ potentia paſſiva, nō  
activa, eſt. Nec calorem, aut alias  
qualitates; quia accidentia ut id,  
quod ſunt, beneficio ſubſtantiarum  
ſunt, ita & id, quod operantur, ſub-  
ſtantijs acceptum referunt. Nec  
Cœlum, Solem, aut reliquas Stellas;  
quia Cauſæ hæ Remotæ & Univerſa-  
les ſunt: at effectu particulari dato,  
etiam cauſa particularis & Pro-  
xima danda eſt. Atq; ſic Eduſtio  
illa formarum è potentiâ mate-  
riæ cum effectu particularem  
ponat,

ponat, causam verò istius Efficien-  
tem, Proximam ac Principalem,  
ponere nequeat, rei baud satisfacit.  
Sic & novisse animus veri cupidus  
attentat, an è Prima, an è Secunda  
materie potentia, forma illæ edu-  
cantur? Non sanè è Prima poten-  
tia educi queunt, quia ex hac, jux-  
ta propria Scholasticorum princis-  
pia, nulla fit forma: est enim unio  
versalis, illimitata, & indifferens.  
Nec è Secunda; quia secunda hæc  
materia Scholasticis corpus est.  
Jam si corpus est, jam antè formam  
habet, quæ forma unde quæ so? Sic  
& audire a vet animus potentiã il-  
lam mirans & rimans, an ea mute-  
tur in formam an verò forma fiat è  
nibilo? Enibilo formam fieri non  
posse Educationis Defensores cōstan-  
ter asserunt. Potentiam autem in  
formam mutari nemini naturam  
& essentiam istius altius pensitanti  
preo



probabile videbitur. De potentiâ  
enim eâ Scholastici fermè non ali-  
ter ac de accidente loquuntur &  
sentiunt, unde eam dispositionem  
& temperiem vocare non erube-  
scunt: at accidens in substantiam  
mutari nequit. Si verò potentia  
hæc accidens non est, sed ipsa Ma-  
teriæ Primæ substantia, ut aliqui  
bus haud displicet, quæso quî fit,  
quod Materia Prima, quæ aliàs  
immutabilis statuitur, non mutetur  
tantum, sed & in principium  
sibi contradistinctissimum trans-  
formetur? Sin autem potentia hæc  
Modus est, quomodo Modus, qui  
juxta Aristotelicam Philosophiam  
ad Entis speciem planè non spectat,  
& nec pati, nec agere potest, in for-  
mam, substantiam nobilissimam &  
actuosissimam, mutabitur? Hæc  
sanè, & similia, rationum ponde-  
ra, animum nec terminis, nec con-  
b jectis

jecturis, nec autoritativis piden-  
 tem, sed unice λόγον καὶ Πείραν, Ratio-  
 nem & Experientiam, quarentem  
 ac inquirentem, ab illâ formarum  
 Educatione retrahere queunt, nisi  
 validissimo, felicissimo. Hinc fa-  
 ctum, ut nunquam Aristotelici o-  
 mnes à seipsis impetrare valuerint,  
 ut Opinioni isti suum tradiderint  
 calculum, sed jam olim Themistius,  
 Themistij, Vir & autoritate, & sapientia, &  
 de formis in semini-  
 bus actu  
 existenti-  
 bus.

judicio maximus, animam ipsam  
 statim in seminibus præsentem do-  
 micilii sui architectam, & omnium  
 dispositionum, concretionum, secre-  
 tionum, excretionum, accretionū,  
 caterorumq̃, Causam esse; non au-  
 tem eam domicilio isto rectè à ne-  
 scio quoniam disposito & elaborato  
 demum è potentiâ materia adven-  
 tare, monstravit & demonstravit.

Sententia  
 Scaligeri  
 de formis

J. C. Scaliger etiam, Vir omni laude  
 major & omni invidiâ potior, cujus

ACU-

*acumen & breve ac subtile dicendi in semin-*  
*docendiq; genus mirantur omnes, bus actu*  
*imitantur pauci, illam materia pos- existi-*  
*tentiam (satis examinavit, exagi-*  
*tavit & refutavit, argumentaq;*  
*que trepidationem in animis Phi-*  
*losophorum, (ut loquitur) excita-*  
*runt, feliciter & subtiliter discuf-*  
*sit, & vel solus glaciem egregiè fre-*  
*git* Hinc & Excellentiss. & Experi- *Sententia*  
*entiss. Dn. D. Sennertus, cum illam Sennerti*  
*Themistii & Scaligeri sententiam de formis*  
*cum veritate, cuius semper aman- in semini-*  
*tissimus fuit, congruere, & in isto bus actu*  
*ipsius Jehovæ mandato, Crescite & existi-*  
*multiplicamini, fundari, contra, al-*  
*teram Scholasticorum opinionem*  
*inexplicabilem, & nec Rationi, nec*  
*Experientia, nec S. Scriptura, con-*  
*sentaneam esse animadverteret,*  
*eam Anno Christi 1599. in Epit. Phys.*  
*primùm proponere, dein Anno 1607.*  
*in quadam Disputatione Publicâ hic*  
*b 2 VVit-*

*VVitteberga habitā repetere, post  
etiam Anno 1609. Libello Quaestio-  
num Medicarum, quinquē Anno 1611.  
Institutionibus Medicis, nec non An-  
no 1619. Tractatui de Chym. cum Ari-  
stot. & Galen. Cons. ac Diss. inferere,  
nullus dubitavit. Placuit factum  
hoc multis Doctissimis Viris, unde  
(ut silentio premam ceteros) à Clariss.  
Dn. Henrico Petræo, Phil. & Med. D.  
& Prof. P. in Academiâ Marburgensi,  
hæc ipsa sententia publicè in substi-  
diurn (ut titulus Disputationis ha-  
bet infucatae veritatis, ad incor-  
ruptam judicij trutinam liberè  
pensisculandam, proposita, exposita,  
& suscepta fuit. Ubi non saltem  
omnes Clariss. & Excellentiss. Dn. Sen-  
nerti rationes repetuntur & ex  
asse retinentur, sed etiam ipse Dn.  
Sennertus ob industriam suam sin-  
gularem nominatim deprædicatur,  
ita ut cum eo se malle (sunt verba  
Dn.*

*Sententia  
Petræi de  
formis in  
seminibus  
actu exi-  
sistentibus.*

Dn. Petræi) illucescenti veritati votivam bederam suspendere, & Creatoris bonitati ac sapientiæ hymnum canere, quàm cum turbulenta multitudinis turbâ in antiquo errore volutari, candido ac ingenuo laudatus Autor fateatur animo.

Clariss. Dn. Caspar Hofmannus etiam, Medicina in Acad. Altorfina Professor Celeberrimus, Vir in Aristotele versatissimus, illam de Educatione formarum opinionem, nec Aristotelicam, nec vero congruam, Sententia Hofmanni de formis in sensibus actu existentibus.  
sed frustrâ ab otiosis Scholasticis excogitatam esse, fusè demonstrat, & rationes quibus eam Conimbricenses, Petrus Fonseca, Franciscus Suarez, Antonius Ruvio, Benedictus Pererius, Franciscus Vicomercatus, Fridericus Pendasius, & qui hos sequuntur, propugnant, satis examinat & confutat. Nuper saltem D. Johannes Freitagius, Ausum Freitagii. Medici-

re in Academia Groningensi Professor, in quibusdam Disputationibus Publicis, eâ nempe, quæ est de Morbis totius Substantiæ, illâ, quæ est de Calido Innato, & istâ, quæ est de Origine formarum, Dn. Sennerto sese opponere, educationem formarum iterum propugnare, traducemq; seu realem formarum in seminibus præsentiam impugnare, omni conamine tentavit. Ubi quidem si candidè, methodicè, perspicuè, modestè, & in veritatis subsidium ac falsitatis excidium id fecisset, non exiguam gratiam promeritus fuisset, dum magnalia Dei uberius considerandi & explicandi, illa quæ forsitan obscurè aut etiam ambigüè dicta fuerunt, dilucidandi, ista, quæ ommissa vel etiam quasi ommissa erant, fideliter addendi, aut alio pacto Studiose Juventuti & cunctis veritatis amatoribus inserviendi, an-

(am

sempræbuiſſet optatiſſimam. Ver-  
rũ(dicam quod res eſt) abſq; can-  
dore, abſq; methodo, abſq; perſpi-  
cuitate, abſq; modeſtiã, & abſq; ve-  
ritatis amore, merã motus invidiã,  
ſaltem Senem noſtrum Veneran-  
dum noxio lingua ſuæ telo deſigere  
allaboravit. Obea enim, quæ nec  
primus, nec ſolus propoſuit Dn. Sen-  
nertus, in famam ejus mirum di-  
rumq; in modum debacchatur, ſæ-  
piusq; acerbum iſtorum, quæ non  
intelligit, ſe præbet Judicem atque  
Cenſorem, menteq; iratã conde-  
mnat, quod ne per tranſennam qui-  
dem aſpexit, ac cum egregiè ſibi ſa-  
pere videtur, talia profert, quæ vel  
tyrones ac idiote refutare vale-  
rent. Eſi verò hîc Claris. Dn. Sen-  
nerto facile fuiſſet, non ſimbriam  
aut calcem, ſed jugulum bujus ſui  
Antagoniſtæ petere: tamen per le-  
viora hac aliis magis arduis, ma-



gis necessariis, & magis etiam proficuis, tempus subtrahere, & quæ sub manibus absolvenda habet, deponere, operæ pretium non putavit. Ne verò marmorea aut adamantina esse, quæ vix ficulnea & straminea sunt, sibi imaginetur D. Freitagius, ob Reverentiam Præceptoris meo debitam, nec non ob convenientiam, quam materia ista cum Studio, Professione, & Exercitiis meis cum Publicis tum Privatis habent, è minimis minimus ego ante menses paucos Disputationem de Morbis Totius Substantiæ examinaui & refutavi; quo actò peractoque etiam illam de Origine formarum cum Ratione & Experientia conferre non dubitavi, brevique istam quoque de Calido Innato pari calore candoreque aggredi & cum Jæno enervare constitui.

Tracta-



*Tractatum autem præsentem,*  
*qui est de Origine Formarum, ma-* *Tractatus*  
*teriâ nobilissimâ & abstrusissimâ,* *oblatio.*  
*Vestr. Generosit. Nobil. & Magnif.*  
Summi & Eminentissimi Viri, Patroni  
& Mæcenates æternùm Venerandi,  
humilimè offerre non sine immenso  
rationum pondere decrevi. Si enim  
non absq; Magnorum Virorum pa-  
trocinis publicæ committuntur lu-  
ci labores aliorum, certè vel maxi-  
mè hic meus qualis - qualis conatus  
ob invidorum ac lividorum mor-  
tus omnem in modum Patronos de-  
siderat, efflagitat. Et si ingrato  
omine terra pejus nil creat, gra-  
titudinis ergò non saltem hoc quic-  
quid est literarum, sed & me totum  
vestris Magnificentiis mancipan-  
um esse facile deprehendo. Ma-  
gnum enim est, quod nomine Serenif-  
simi & Illustrissimi Principis ac Do-  
mini,

mini, Dn. JOHANNIS GE-  
ORGII, ELECTORIS SA-  
XONIAE &c. Domini nostri Cle-  
mentissimi, Generosit. Nobilit. &  
Magnificent. Vestrae, mihi minimo  
& indigno, Professionem Physicam  
in Celeberrimâ hac VVittebergen-  
si Academiâ, committere non dubi-  
tarint. Haude equidem me dignor  
tali honore, sed verè ac sincerè me  
minorem tanto favore, tantâq;  
promotione judico & pronuntio.  
Cum tamen eundum, quò fata tra-  
hant, DEO meo confidens, nobilem  
hanc Spartam grato accepto pecto-  
re, ac pietatem erga Deum, reve-  
rentiam erga Promotores, indu-  
striam, candorem ac veritatis amo-  
rem in Officio, promitto atque pol-  
liceor. Quod superest, agite Viri  
Magnifici, vile & exile hoc scri-  
ptum fronte serenâ suscipite, mihi  
studiis

*studiisq; meis favete, labores à me  
exantlatos porroq; exantlandos be-  
nevolè sublevate, & ad alia poli-  
tiora sub Vestro splendido nomine  
& justissimo patrocinio in lucem e-  
mittendi calcar sacrum mihi ad-  
movete. Sunt quidem, fateor,  
quædam in hoc meo Tractatu à  
communi sententiâ non parum di-  
versa, verùm à Ratione & Expe-  
rientiâ, addo & S. Scripturâ, di-  
versa cum non sint, in Dei gloriam  
& Reipublicæ literariæ emolumen-  
tum ea publicare cur erubescerem?  
Finis & Docentium & Discipulorum  
Veritas est, cui soli ( & non in ver-  
ba Magistri ) jurare, pium, candi-  
dum ac cordatum decet Disputato-  
rem. DEUS Opt. Max. Vos, In-  
clutæ Domus Saxonicæ columnas,  
diutissimè vigentes florentesq; cons-  
servet, ad nominis sui gloriam,  
Eccle-*

*Ecclesiæ pressæ tutelam, omni-  
umq; bonorum emolumentum,  
recreamentum.*

*Dab. V Vitteberg, die 20. Febr.  
Anno 1634.*

**Vestr.**

**Generosit.**

**Nobilit. &**

**Magnificent.**

*Observantiss.*

**M. JOHANNES Sperling/  
Physicæ Professor  
Publ.**



D E O


*Duce & Auspice.*


*Præfatio ad Lectorem.*

**I**nclutam famam gloriamq; perennem Herculeum Virorum qui miranda Dei mirandi opera altius mirari rimariq; & præ cateris quod pectus exaturet scriptis mandare, voluere ac valuere, mereri laborem, nemo cordatorum ibit inficias. Cujusvis enim non est Natura penetralia adire, & quid in Cælo, aere, terrâ, undisq; geratur perspicere, cursusq; siderum, raptus grandinum, formas nivium, facies metallorum, horrea formicarum, retia aranearum, partus & pastus insectorum, sexcentaq; alia, perspiculare. Latitat sanè in imâ putei profunditate Veritas, & à paucis extrahi gaudet, cumq; optimè videtur extracta, vix misella est Opinio. Quos inter Viros Magnos, qui opera Domini

Nocturnâ versantq; manu, versantq;  
diurnâ,  
quorumq; facta egregia fructum postulant  
veram

veram & immortalem gloriam, quum SEN-  
NERTUM nostrum esse, nemo cæca ex-  
pers invidiæ inficias ire ausit, pro famâ, glo-  
riâ, & autoritate tanti Viri, ego minimus  
omnium Tractatum exiguum contra D. Jo-  
hannem Freitagium, sententias ejus de  
nobilissimis Quaestionibus Physicis & Me-  
dicis temerè impugnantem, exarare & vo-  
lui & debui. Quid enim non deberemus  
illis, à quibus præclarè sumus instituti? Ne-  
mo nostrum est liberaliter educatus,  
cui non educatores, cui non magistri  
sui atque doctores, cui non locus ille  
mutus, ubi ipse altus aut doctus est, cum  
gratâ recordatione in mente versetur,  
graviter ait ille Romana Eloquentiæ Parens.  
Proponere ergò & θέσιν & ἀντιθέσιν cum  
ἐκθέσει, adeoq; totam illam Adversarij Dispu-  
tationem ordine refutare, aggredior. Quod  
ut fiat feliciter, faxis, ô faxis! ÆTERNE  
DEUS, cujus Sapientiâ, Potentiâ, & Pro-  
videntiâ, totus personat orbis: à TE enim,  
& ad TE, & in TE, & per TE, sunt o-  
mnia, & TU supra  
omnia.







ΣΥΝΘΕΣΙΣ.

## THESIS PRIMA.

*De origine formarum in genere nil  
definiri potest.*

ΕΚΘΕΣΙΣ.

**N**esignem formarum  
esse varietatem, nec illi et  
iam, qui vel per transennam  
saltem Mundi adspexit the-  
atrum, & monumenta inspexit docto-  
rum, quit esse ignotum. Quot enim  
species Mundi, tot formæ. Imò ab o-  
mnibus etiam speciebus unam, primam,  
communem, & genericam, abstrahen-  
dam esse, non sine rationibus speciosis  
docere satagunt multi. Hinc sanè for-  
marum ratio & veritas angustis coërce-  
ri nequit cancellis. Ordinis ergò eas,  
quantum ad præsens spectant negotiū,  
contrahere, remq; tribus *Notis* & tan-  
dem *Conclusione* expeditam dare cona-  
bor. Sit ergò

*Formarū  
varietas.*

A

Nota

## NOTA PRIMA.

*Formæ & Prima & Secunda fit  
mentio apud Autores probatos.*

*Forma  
Prima  
quid sit.*

Prima est, conceptus genericus, communis, & universalis, in omnibus corporis naturalis speciebus & individuis fundatus & radicans. Ac de hac directè in Parte Generali Physicæ agi dicuntur, siquidè ibi non de formâ Cœli, non de formis Stellarum, non de formis Elementorum, Mistorum, Metallorum, Plantarum, Brutorum, aut Hominis, sed de formâ ab omnibus hiscè abstractâ, seu quod idem est, de formâ primâ, universali, & genericâ, res sit. Secunda est, quæ ad certam corporis naturalis speciem spectat. Quales sunt, forma hominis, forma canis, equi, salicis, abietis, tiliæ &c. Et de his formis directè in Speciali Physicæ Parte agendum.

*Forma  
Secunda  
quid sit.*

## NOTA SECUNDA.

*Formæ Secundæ aliæ sunt corporum  
Corruptibilem, aliæ Incorruptibilem.*

*Forma  
corporum  
Incorruptibilem.*

Cum enim quædam corpora naturalia perpetuò unâ eademq; gaudeant facie, de quibus ita Manilius canit:

Non

Non aliam videre patres, aliamvé  
nepotes

Adspicient;

quædam verò mutantur, corrumpantur, omnique constantiæ & ἀφαιρούσας palmâ defraudentur: formarum etiam istorum corporum aliam atque aliam esse rationem, nisi cælum miscere mari & mare cœlo velimus, fateri necessum habemus.

*Forma  
corporum  
Corrupti-  
bilium.*

### NOTA TERTIA.

*Formæ corporum Corruptibilium  
aliæ sunt Specificæ, aliæ Subordinate, aliæ  
Accidentariæ, aliæ Partiales.*

Specificæ sunt, quæ materia actum ul-  
timum & specificum largiuntur; certamq;  
Mundis speciem constituunt. De his intelli-  
gendum illud: Datâ formâ, dantur tria:

*Formæ  
Specificæ  
quid sint.*

1. *Esse.* 2. *Distingui.* 3. *Operari.* Tales for-  
mæ sunt, anima hominis, anima canis,  
anima quercus, forma auri, forma Solis

&c. Subordinate sunt, quæ certis specie-  
bus corporum naturalium insunt, & sub Spe-  
cificæ formæ dominio latitant, factâ verò

*Formæ  
Subordi-  
nate quid  
sint.*

ἀνομαλία, dominioq; quasi excusso, ad offi-  
cium formale se accingunt, sibiq; idoneum  
domicilium extruunt. Sic certa prodeunt

animalia ex cadavere leonis, certa ex  
 cadavere tauri, certa ex cadavere equi,  
 certa è cæteris. Hinc *D. Wolsfg. Franz. in  
 Hist. An. Sacra* p.m. 843. ait: *Ubi vis locorū  
 generantur vermiculi, in frondibus arborū,  
 in foliis herbarum, in lignis, in arboribus, in  
 vestibus, in libris. Nec possunt numerari om-  
 nēs species vermium in foliis & arboribus,  
 quia sunt peculiares in pyro, in malo, in ficu,  
 in mespilo &c.* Et *Dn. D. Sennertus in  
 Libr. de Chym. cum Gal. & Arist. Conf. &  
 Diss. cap. 12.* rem totam uberius non abs-  
 que insigni animi veritatis avidi recrea-  
 mento & emolumento proponit & ex-  
 ponit. Accidentariæ sunt, quæ per ac-  
 cidens corporibus naturalibus nonnunquam  
 ad tempus insunt. Dicuntur ergo ita, non  
 ratione sui, sed ratione corporis, cui acci-  
 dental ter insunt. Tales imprimis sunt,  
 quæ cum cibo & potu assumuntur, nec  
 tamen in corporis substantiam vertun-  
 tur, unde pro varietate cibi & potus,  
 magna etiam est harum formarum va-  
 rietas. Elegans exemplum habemus  
 in *DN. Sennerti Conf. & Diss. cap. 12. p. m.  
 204.* ubi sic legimus: *Alatur capra herbis  
 quibusdam purgantibus; lac capræ illius bi-  
 bat nutrix, fiet ut infans, qui lac sugit à nu-  
 trice,*

*Formæ*

*Acciden-*

*tariæ quid  
 sint.*

erice inde purgetur. Ubi primò in ventriculo capræ herba illa mutantur in chylum; ex chylo fit sanguis in hepate; ex sanguine in mammis lac; lac hoc ubi nutrix bibit, rursum fit ex lacte in ventriculo nutricis, chylus; ex chylo sanguis; ex sanguine lac; lac hoc sugit infans & purgatur. Atque ita vis purgatrix cum suo proprio subiecto & spiritu, in tot mutationibus integra & incorrupta manet. Hic sanè forma illa, quæ principalis purgationis est causa, accidentaria est respectu ventriculi capræ, epatis capræ, & mammarum capræ; accidentaria etiam est, respectu ventriculi nutricis, epatis nutricis, & mammarum nutricis; accidentaria iterum est, respectu ventriculi totiusq; corporis infantis. Partiales sunt, quæ certam partem integrantem corporis humani, vel alterius animalis, constituunt. Sic aliam formam habet ventriculus, aliam epar, aliam cor, aliam lien, aliam testes, aliam mamma, aliam partes aliæ. Diveritas enim operationum diverfitatem indicat formarum. Et caro quæ in macello venditur, licet animâ tanquam Specificâ Formâ destituta sit, non minus caro dicenda venit, quàm quæ pars corporis vi-

*Formæ  
Partiales  
quid sint.*

ventis est : & hoc sine propriâ carnis  
formâ fieri, probabile non est.

## Conclusio.

*Ob insignem ergò formarum va-  
rietatem, de illarum origine in genere  
nil definiri potest.*

*De For-  
marum ori-  
gine in ge-  
nere nil  
definien-  
dum.*

Non enim indifferenter de his pro-  
nunciari valet, quod educantur, aut  
quod traducantur, vel etiam quod cre-  
entur. Esto exemplum. Forma Solis,  
canis, & vermiculi, educuntur né, an  
traducuntur, num creantur? In genere  
sanè nil respondendum. Ita ergò ar-  
gumentamur: *Quarumcunq; rerum, &  
respectu ortus, & respectu essentia, & re-  
spectu affectionum, insignis est varietas, de  
illarum origine in genere nil definiendum.*  
*Formarum, & respectu ortus, & respectu  
essentia, & respectu affectionum, insignis est  
varietas. Ergò de formarum origine in  
genere nil definiendum.* Major patet, quia  
ob varietatem ortus, essentia & affe-  
ctionum, variant etiam assertiones de  
origine. Minor sat probata fuit. Et  
dubio procul accuratum Naturæ inda-  
gatores Usus & Experientia plura for-  
marum

marum docebunt genera. Nil enim in totâ rerum Naturâ magis absconditum quam formæ, quas cum invenisse gloriamur, vix misellum est accidens.

*Des nobis  
formas,  
& Phylli-  
da solus  
habeto.*

## THESIS SECUNDA.

*Forma Prima nec educitur, nec inducitur, nec traducitur, nec creatur.*

*Ex J. J. J.*

Scilicet ea forma, quæ alterum corporis naturalis principium est, & in parte Generali Physicæ, ubi nec de Cœli, nec de Aeris, nec de Ignis, nec de alterius speciei formâ, solliciti sumus, directè pensitatur, non è potentiâ materiæ educitur, non in materiam inducitur, non cum materiâ traducitur, non etiam creatur. Est enim ens Universale, & per consequens nec ortum, nec interitum habet: nam oriri & interire singularium est, non universalium. Tale ergò formo argumentum: *Quacumq; forma ens universale est, ea nec educitur, nec inducitur, nec traducitur, nec creatur. Forma Prima ens universale est. Ergò Forma Prima nec educitur, nec inducitur, nec traducitur, nec creatur.*

*Forma  
Prima nō  
educitur,  
non indu-  
citur, non  
traduci-  
tur, non  
creatur.*



Major probatur, quia oriri est singularium. Minor probatur, quia cum in genere de principiis Physicis disputamus, non de certi individui, sed de omnium individuorum & specierum principiis differimus. Hinc contra formarum translationem insurgere non licet: *Nullum principium generatur & traducitur. Forma est principium. Ergo forma non generatur & traducitur.* Major probatur, quia principia sunt æterna & immota. Quasi verò non idem regeri posset, contra formarum educationem: *Nullum principium educitur. Forma est principium. Ergo forma non educitur.*

### THESIS TERTIA.

*Formæ corporum Incorruptibilium nec educuntur, nec inducuntur, nec traducuntur, sed originem suam creationi debent.*

*Formæ  
corporum  
Incorru-  
ptibilium  
non edu-  
cuntur, nō  
inducun-  
tur, non  
traducun-  
tur.*

Εκ θεοῦ.

Corpora Corruptibilia sunt, quæ mutabilem ac defectibilem entitatem habent. Seu: quæ ab esse ad non esse transire solent. Incorruptibilia sunt, quorum entitas est immutabilis ac indefectibilis. Seu: quæ ab esse



*esse a d non esse non transeunt.* Hæc ergò  
 Incorruptibilia corpora formas suas  
 quas in creatione semel receperunt  
 hucusq; retinuerunt, retinebuntq; tan-  
 diu quandiu esse suum retinebit hoc  
 Universum. Quærenti ergò, *quenam*  
*sit origo formæ Solis, quenam formæ Luna,*  
*Et quenam formæ Cæli;* respondemus,  
*Creatio.* Deus enim ut non sine materiâ,  
 ita nec sine formâ, corpora illa produ-  
 xit, quæ, cùm sint incorruptibilia, for-  
 mam quam semel acceperunt, hucusq;  
 retinuerunt. Argumentor igitur hoc  
 pacto: *Quacunq; corpora non generatione,*  
*sed creatione, suum esse acceperunt, illorum*  
*forma nec educuntur, nec inducuntur, nec*  
*traducuntur, sed creationi suam originem*  
*debent.* Corpora Incorruptibilia non ge-  
 neratione, sed creatione, suum esse accepe-  
 runt. Ergò corporum Incorruptibilium for-  
 ma nec educuntur, nec inducuntur, nec tra-  
 ducuntur, sed creationi suam originem de-  
 bent. Mirum proinde est, quosdam et-  
 iam formas corporum coelestium è  
 materiæ potentiâeductas  
 somniare.

# THESIS QUARTA.

*Formæ Specificæ corporum Corruptibilem nec educuntur, nec inducuntur, sed traducuntur.*

*Status  
Contro-  
versia.*

Ἐκθεσις.

Hæc illa Helena est, quâ de tanto certatur ardore inter solertissimos quosq; unde scilicet corporum naturalium, quæ fieri & interire, nasci & denasci, cernimus, formæ suam habeant originem. Nempè, corpora nonnulla & φύσις & ἀνάγκη fatalia sunt: ne ergò species aliqua intereat, Mundi q; sat laudatam pulchritudinem destruat, Naturæ Rector & Director, insigni sapientiâ & industriâ generationis modo & mediocritate & permanere fecit, quod in singulari suâ substantiâ perpetuari haud valuit. Vivit ergò planta in plantâ, brutum in bruto, homo in homine. De hiscè igitur formis ad species Mundi spectantibus, jam est litigium, an *educationi*, an *inductioni*, an *traductioni*, suam debeant originem. Turba Scholastica formas è potentiâ materiæ educi asserit.

rit. Quid autem sit è materiæ potentiâ  
 educi, omnem in modum explicare la-  
 borat, sed labore verè irritò & frustra-  
 neo. Alij per potentiam intelligunt  
*Universalem* potentiam, quæ Materiæ  
 Primæ essentialis sit, & ad Prædicamen-  
 tum Substantiæ reducenda veniat; alii  
 potentiam *Particularem*, seu dispositio-  
 nem urgent, quæ accidentalis sit, & ad  
 Prædicamentum Qualitatis spectet; alii  
 potentiam per *modum* explicant, & in-  
 terrogati, quidnam sit illa potentia ex  
 quâ formæ seu fiant seu confiant, re-  
 spondent, eam nec substantiam, nec ac-  
 cidens, sed modum quendam esse; alii  
 tentatis omnibus formam *ex privatione*,  
 tanquam termino à quo, esse dicunt;  
 alii aliis vel conditionibus vel descri-  
 ptionibus, inexplicabilem illam mate-  
 riæ potentiam dare satagunt explica-  
 tam. Omnes tandem in eo conveni-  
 re videntur, educationem formæ è po-  
 tentiâ materiæ, nihil aliud esse, quàm  
 productionem formæ ab agente natu-  
 rali mediantibus dispositionibus, ita ut  
 quæ prius erat in causis, & esse poten-  
 tiale tantùm habebat, pòst sit extra cau-  
 sas & esse actuale acquirat. Verùm hæc  
 omnia

*Scholasti-  
 ci varii in  
 explican-  
 dâ forma-  
 rum edu-  
 ctione.*

omnia & singula quæstionem de origine formarum dant irresolutam, veritatemq; ex Orphei Orco & Democriti puteo extrahere nesciunt. Adeò in rerum naturalium speculatione cum vulpeculâ à ciconiâ elusâ vas vitreum lambimus, pultemq; haud attingimus! Ordinis & perspicuitatis ergò sit

### Conclusio Prima.

*Formæ Specificæ corporum Corruptibilem non educuntur.*

*Nam*

*Formæ  
Specificæ  
non edu-  
cuntur ex  
potentiâ  
Univer-  
sali.*

I. Si educuntur ex potentiâ *Univer-*  
*sali*, quî fit quod universalis hæc potên-  
tia, quæ ad omnes formas æqualiter &  
indifferenter dirigitur, per certam &  
specificam formam actuetur? Nempè,  
quî fit, quod idem Solis calor in uno  
prato, tempore eodem, diversissimas  
crescere facit plantas, videlicet mille-  
folium, atriplicem, nasturtium, gramen  
marinum, acetosam, & infinitas alias?  
Argumentor ergò: *Quæcunq; potentia*  
*est indifferens ad omnes formas, ex eâ nulla*  
*specificæ forma educitur. Materia poten-*  
*tia Universalis est indifferens ad omnes for-*  
*mas. Ergò ex materia potentia Universalis*  
*nulla*

*nulla specifica forma educitur.* Major probatur, quia illa potentia non magis actuaretur per hanc, quam per illam formam; nec magis per illam quam per istam, aut per aliam. Dejici ergo de statu indifferentiæ & universalitatis debet, si specificâ actuanda est formâ. Deinde, si educuntur formæ specificæ ex potentiâ Universalî, mutaturne hæc potentia Universalis in formam, an venit illa ex nihilo? Tertium hîc non datur, & tamen neutrum à Scholasticis conceditur, nevel materiæ immutabilitas, vel rerum naturalium generatio (uti putant) tollatur. Ita igitur argumentor:

*Quæcumq; potentia non mutatur in formâ, sed se habet semel, ut semper, ex eâ nulla forma specifica educitur. Potentia Universalis non mutatur in formam, sed se habet semel, ut semper. Ergo ex potentiâ Universalî nulla forma specifica educitur.* Major est clara. Minor probatur, quia potentia hæc est materiæ primæ essentialis, imò ipsa, ut loquuntur, materiæ primæ entitas, ergo mutari nequit.

II. Si educuntur formæ ex potentiâ *Particulari*, eadem redeunt difficultates. Nam illa potentia, dispositio, & *Forma Specifica non educitur ex potentiâ Particulari.*

propensio, vel mutabitur in formam, vel forma fiet è nihilo. E nihilo eam nō fieri expressè docent, quia aliàs, ut ajunt, crearetur. In formam autem non mutari eam sic probo: *Nullum accidens mutatur in substantiam. Potentia secunda & particularis est accidens. Ergò non mutatur in substantiam.* Major patet. Minor est Scholasticorum. Pergo igitur: *Quicquid non mutatur in substantiam, id etiam non mutatur in formam. Potentia secunda & particularis non mutatur in substantiam. Ergò etiam non mutatur in formam.* Major constat, quia forma est substantia.

*Forma  
Specifica  
non edu-  
cuntur è  
Modo.*

III. Si educuntur formæ ex tali materiæ potentiâ, quæ nec substantia, nec accidens, sed *modus* est, iidem, si non majores labyrinthi occurrunt plexus, frustra que obscurissima illa modorum ratio rei ex se intricatæ & obscuræ labile & fragile sit κρησφύγετον. Nam i. modus Scholasticis non est ens, unde cum entis speciebus contra distinguunt. Jam venitne forma ex eo quod ens non est? ἐντελέχεια ex illo quod ne ad species quidem ἐντὶ quadrare asseritur? Substantia sat nobilis & perfecta ex eo quod minus

minus & debilius est accidente? 2. Modus ille aut activè, aut passivè se habebit. Sed nec activè, nec passivè, quia modi nec agendi, nec patiendi principia sunt. Unde ergò formæ? 3. Modus iste vel *Substantialis*, vel *Accidentalis* erit. Si *Substantialis*, materiam afficiet, aut ad complementum ejus faciet, ad formam verò planè nullum respectum habebit; si *Accidentalis*, vel materiam accidentaliter afficiet, vel forma ad accidentia spectabit. 4. Si *Descriptiones* potentiæ è quâ formas venire asserunt, cum modorum ratione hætenus trita & receptâ, conferendæ essent, immensum discrimen modi & potentiæ illius facilè patefceret. Sed transeant. Argumentor: *Quicquid 1. quoad entitatem minus est accidente. 2. nec activè, nec passivè se habet. 3. in divisivas rationes contractum, applicari nequit: ex eo non veniunt specifica corporum naturalium forma. Modus 1. quoad entitatem minor est accidente. 2. nec activè, nec passivè se habet. 3. in divisivas rationes contractus, applicari nequit. Ergò ex modo non veniunt specifica corporum naturalium forma.*



*Forma  
Specifica  
non edu-  
cuntur è  
Privatio-  
ne, ut ter-  
mino à  
quo.*

IV. Si verò formæ educuntur è po-  
tentiâ & privatione, ut ex termino à quo,  
nescio sanè an ex eâ fiant ut pius ex im-  
pio, doctus ex indocto, sanus ex ægro-  
to, & dies ex nocte; an verò in re maxi-  
mè seriâ ludatur. Argumentor: Qui-  
cunq; querenti, unde quis factus fuerit do-  
ctus, unde pius, unde modestus & unde di-  
ves; respondet, doctus ex indocto, pius ex  
impio, modestus ex immodesto, & dives è  
paupere: is vel ludit vel parùm sapit. Qui-  
cunq; querenti unde veniant formæ; re-  
spondet ex potentiâ & privatione, ut ex ter-  
mino à quo: is querenti, unde quis factus  
fuerit doctus, unde pius, unde modestus, &  
unde dives, respondet doctus ex indocto pius  
ex impio, modestus ex immodesto dives è  
paupere. Ergò qui querenti, unde veni-  
ant formæ; respondet, ex potentiâ & pri-  
vatione, ut ex termino à quo: is vel ludit,  
vel parùm sapit. Major em nemo sanus  
negabit. Minor patet, quia de similibus  
idem judicium. Nec cogitandum,  
vitium esse in formâ, siquidem syllogi-  
smus est in primâ figurâ, & in modo Da-  
rii. Neque obstat vocabulorum multi-  
tudo, quia non numerandæ voces, sed  
tres termini, qui periphrasin non abnu-  
unt. Con-



## Conclusio Secunda.

*Formæ Specificæ corporum Corruptibilem non inducuntur.*

Inductio formarum quæ hîc negatur illa est, quâ è cœlo & aëtris formam in materiam rectè præparatam, naturali & inevitabili necessitate, invehî & inseri nonnulli defendunt. Quibus præclare respondet *Excellentiss. & Experientiss. Dn. Sennertus in Conf. & Diss. cap. 9. p. m. 92.* his verbis: *Licet superiorum & inferiorum consensum lubenter admittimus, nec negamus, inferiora hæc à superioribus gubernari & foveri: tamen hinc non sequitur, quod rebus naturalibus omnibus vires & formæ à cœlo imprimantur. Rerum ortus promovet, ac res ortas fovet cœlum, & causa remota, communis, externa, & administrans generationum est, non rebus oriundis species largitur. Sed cum ipsimet, qui hanc opinionem sequuntur, necesse fateri habeant, Deum Opt. Max. cum stirpes & animalia crearet, ea divinis viribus & suis quæq; fecundisq; seminibus implevisse, imò Deum omnes herbas ac arbores & omnia vegetabilia ante stellas creasse, atq; ita omnia vegetabilia semina sua fecunda, antequam astra condita*  
 B *essent,*

*Formæ  
Specificæ  
non indu-  
cuntur.*

essent, obtinuisse: quomodo negare possunt eodem ejusdem Creatoris jussu per semina illa sese propagare? Et si possunt, ac stirpes & animalia facunda semina, quibus se propagant, obtinent: quorsum à cælo formas, quæ seminibus jam insunt, petere opus est? Et si omnes formæ à Cælo defluerent, nulla in hiscè inferioribus esset univoca generatio; sed & stirpes & animalia cæli tantum soboles essent. E quibus verbis sequentes ne-

*Argum. I.* Citamus Syllogismos: I. Omnis effectus particularis & determinatus particularem etiam, determinatam & proximam postulat causam. Formæ specificæ corporum corruptibilium sunt effectus particulares & determinati. Ergo particularem etiam, determinatam & proximam postulant causam. Major probatur, quia speciei determinationem non largitur Causa universalis, sed particularis. Minor facilè patet exemplis formæ caninæ, equinæ, leoninæ, asininæ &c. Hinc pergo: Quicquid particularem, determinatam, & proximam causam postulat, illud à cælo & astris, universali, generali, indifferenti & communi influxu gaudentibus, non inducitur. Formæ specificæ corporum corruptibilium particularem, determinatam, & proximam causam postulat.

Ergo

Ergò à cælo & astris, universali, generali, indifferenti, & communi influxu gaudentibus, non inducuntur. II. Quicquid jussu divino potestatem & vires sese multiplicandi & propagandi recepit, illius genitum formam suam extrinsecus non accipit. Corpora corruptibilia jussu divino potestatem & vires sese multiplicandi & propagandi receperunt. Ergò corporum corruptibilium genita formas suas extrinsecus non accipiunt. Major probatur, quia aliàs illa potestas, illæ vires virtutesq; forent frustraneæ, otiosæ, & inutiles. Minor est clara. III. Quicquid fecunditatem suam ante Stellarum creationem habuit, illud à stellis formam suam non recipit. Herba, arbores, ac omnia vegetabilia, fecunditatem suam ante Stellarum creationem habuerunt. Ergò à stellis formam suam non recipiunt. Major probatur, quia fecunditas illa nec in otio aliquo, nec in passione, sed in activæ potentiae usurpatione, consistit. Minor est e i. cap. Gen. ubi legimus, tertio Creationis die, Deum jussisse terram germinare germen, herbam producentem semen, arborem fructiferam facientem fructum

Argu. II.

Argu. III.

B 2

juxta

juxta speciem suam : Stellæ verò quarto demùm productæ fuere die. IV.

*Argu. IV. Quicquid omnem generationem Univocam tollit, id stare nequit. Sententia quâ forma de Cælo & astris induci statuuntur, omnem generationem univocam tollit. Ergo ea stare nequit.* Major est manifesta, quia unanimi consensu generatio univoca viget floretq; . Minor probatur, quia sic semper genitum generanti esset dissimile, & nec nomen, nec formam ejus participaret. Generans enim esset Sol, vel alia stella, vel ipsum etiam cælum. A quo enim quid formam suam lege naturæ recipit, illius soboles est: genitum, canis nempe, leo, equus, tilia, quercus &c. formam suam lege naturæ à Sole & aliis stellis reciperent : ergo etiam stellarum soboles essent.

### Conclusio Tertia.

*Formæ Specificæ corporum Corruptibilia traducuntur.*

*Formæ Specificæ traducuntur.*

Eductionem & Inductionem qui negavit & refutavit, Traductionem facile probabit. Tale enim est argumentum: *Quæcunq; forma nec educitur, nec inducitur,*

tur, illa traducitur. *Forma specifica corporum corruptibilium nec educuntur, nec inducuntur. Ergo traducuntur.* Major sufficiens est, quartumq; membrum a nemine admittitur. Loquimur enim de rebus generandis. Minor haecenus probata fuit. Evidentiæ ergo argumento huic subnectimus aliud: *Quicquid facit alterum, quale ipsum, illud factò & genito suam communicat essentiam.* Generans facit alterum quale ipsum. Ergo generans genito suam communicat essentiam. Major est rata, quia per illud quale non quid accidentale, sed essentiale intelligitur. Minor est Aristotelis & Scholasticorum. Porro: *Quicquid genito suam communicat essentiam, illud etiam isti suam communicat formam.* Generans genito suam communicat essentiam. Ergo generans genito etiam suam communicat formam. Major probatur, quia rerum naturalium essentia sine forma non est. Minor fuit Conclusio prioris Syllogismi. Jam quaeritur, quando generans genito suam communicat formam? Tunc nempe quando generat, ita ut generationis actu peracto, etiam illa formæ communicatio peracta fuerit. Hinc gallus per-

B 3

fecto



fecto generationis actu potest mactari  
& comedi: planta facta excretionem se-  
minis quit comburi: & sæpè patres fa-  
cto acerbo relinquunt posthumum.

## THESIS QUINTA.

*Formæ Subordinate, Accidenta-  
riæ, & Partiales, quoad originem  
cum Specificis adeò exactè in omni-  
bus non concordant, unde specia-  
liter explicandæ ve-  
niunt.*

Εκθεσις.

Formarum traductionem qui defen-  
dunt, ad species Mundi in generationis  
opere ferventes & laborantes respici-  
unt. Vident enim stimulos egregios la-  
boresq; improbos metallorum, plan-  
tarum, brutorum & hominum, sese pro-  
pagare & multiplicare gaudentium. De  
his ergo quibus mediis & adminiculis  
speratum obtineant finem, quærunt &  
disquirunt. Et cum Scholastici hinc ad  
Eductionem (ubi aliū sat cautè & pru-  
denter animam rationalem excludunt,  
alii parum sobriè & Christianè illam  
inclu-

includunt) confugiant; hi cum Themistio, Scaligero, & aliis, ad Translationem se convertunt. Status ergo Controversiæ formas específicas, à corporibus naturalibus in opere generationis actuosis & negotiosis, productas, tangit: de quibus dictum Theſi antecedente. Verum cum præter illas aliæ adhuc sese ostendent formæ, etiam de iis curiosus est animus veritatis avidus. Facile enim videmus, non eâ ratione quâ equi, canes, porci, cervi, capræ, boves & oves fiunt, etiam vermes in equis, canibus, porcis, cervis, capris, bovis & ovibus fieri; nec quo modo medioque generantur columbæ, eo etiam è stercore columbarum vermiculos nasci. Varia namque est Natura, quæ ubi se paululum ostendit, mox in mille facies iterum ceu Protheus convertitur, & in minimis etiam ac vilissimis omnem mentis humanæ aciem cogit obstupescere & obmutescere. Quamvis ergo hîc in tantâ rerum varietate & obscuritate τὸ ἐπεχέν prehendere, manumque de tabulâ movere possemus, ne forsan *Iliacos intra muros peccetur & Extra*: tamē nè planè videamur a symboli, quid probabile &



verisimile sit, proferre tentabimus. In magnis laudanda voluntas. Sit igitur

### Conclutio Prima.

*Formæ Subordinate primùm cum ipsis Specificis fuerunt creata, & post unà cum specierum propagatione propagata, sine non nullo pradiæ.*

*Insecta an à Diabolo?* Fuerunt olim qui erucas, papiliones, vermes, & similia animalcula, præsertim fruges, herbas, & arbores depopulantiâ, hominesq; vexantia, à Diabolo facta esse, & etiamnum fieri, putarunt. Sed his, exemplo de muscâ sumpto, bellè respondit *August. tract. 1. super Johan.* his verbis: *Si Diabolus facit muscas, tum etiam facit apem, quæ paulò amplior est quàm musca, si apem, tum etiam locustam, si locustam, tum etiam lacertam, si lacertam tum etiam avem si avem, tum etiam ovem & bovem, quin & elephantem & hominem, & ita nec homo erit à Deo factus. Nos ita argumentamur: Nullum corpus naturale Diabolum agnoscit sui autorem. Eruce, papiliones, vermes &c. sunt corpora naturalia. Ergò Diabolum non agnoscunt sui autorem. Major probatur, quia duplex est*



est via corpora naturalia producendi:  
 1. *Via Creationis.* 2. *Via Generationis.* At  
 Diabolus nec per creationem, nec per  
 generationem, facit quicquam. Non  
 per creationem, quia creare infinitæ  
 virtutis, adeoq; proprium Dei, est: non  
 per generationem, quia hæc in Ange-  
 lum nullum cadit, nec si caderet ad res  
 naturales se extenderet. Alij putant,  
 formas istas suam habuisse, & etiam-  
 num habere, originem, interdum ex  
 pulveribus, interdum ex humoribus,  
 maximam verò partem ex putredine.  
 Hinc varia numerant subiecta, è quibus  
 ista prodeant animalcula: aut enim, in-  
 quiunt, ex rore in frondibus veniunt;  
 aut ex lignis sive viridibus sive cæcis;  
 aut ex foliis virentibus; aut ex fructi-  
 bus, ut inter grana tritici aut hordei aut  
 ex animalium excrementis, sive illa eje-  
 cta, sive adhuc in corporibus retenta  
 fuerint, ut lumbrici; aut è fecibus ace-  
 ti, aliorumq; liquorum; aut è cœno &  
 fimo putrescente, ut in fimis & caseis &  
 aquis putridis; aut ex nive vetustâ &c.  
 Verùm respondet his ipsis Dn. D. *Wolfg.*  
*Franzius in Hist. Anim. Sacr. Tract. 4. c. 7.*  
*Sine dubio voluit Deus ordinem generationis*

*Insecta an  
 è pulvere  
 & putre-  
 dine?*

B

S

anima

animalium esse certum, ne modo mus ex mu-  
 re nasceretur, modo mus ex putredine gi-  
 gneretur. Quæ ratione generatio horum ani-  
 malium perpetuo casui & æterna incertitu-  
 dini obnoxia redderetur. Sine dubio mens  
 Dei in primâ creatione fuit, & adhuc hodiè  
 est, ut generationis similium specierum non  
 nisi ex similibus speciebus certissimâ & con-  
 stantissimâ perpetuâq; regularitate conti-  
 nuaretur. Et Dn. D. Sennertus in Conf. &  
 Diff. c. 12. postquam recensuit, triticum  
 degenerare in lolium, lysimbrium in  
 mentham, rapum in raphanum, ocymû  
 in serpillum, vitem albam in nigram,  
 nigram in albam, zeam in triticum, tri-  
 ticum in zeam, vermiculos sui generis  
 nasci in cascis, scarabæos in fimo equi-  
 no, cicnices in lectis, gryllos in limo ad  
 fornaces, pediculos & pulices in ani-  
 malibus, lumbricos in intestinis anima-  
 rum, blattas in vestimentis & pellibus  
 &c. tandem concludit his verbis: Semi-  
 nalis vis ad certam speciem producendam  
 requiritur. Putredo vero saltem calorem  
 suppeditat, à quo vis seminalis excitatur. Et  
 lib. 4. medic. pract. Tract. de Infant. Curat.  
 cap. 5. pag. 35. inquit: Putredo sola nullam  
 speciem producere potest, & si quid omnino  
 ad ge-

ad generationem facit, non facit id quatenus putredo, sed quatenus cum eâ est calor quidam benignus, à quo vis seminalis excitatur. Præter qualitates enim primas occultum quid, & seminalis quadam vis in materiâ latet, quæ ad certam speciem producendam disposita est. Unde ex materiâ è quâ pediculi generantur, non pulices, non vermes fiunt, sed hæc animalis species: sicut in plantis idem fit, ubi è qualibet planta species, dum corrumpitur, peculiaria animalia fiunt. De quo Scaliger Exerc. 59. scribit: *Plantæ gignunt in se ipsis animalia, non putrefactione, sed quadam quasi semina foventes ad generationem.* Et Exercit. 190. *Animalia, inquit, non in plantis putridis, sed tanquam successu vis operis soboles nascuntur &c.* E quibus lat patere puto duo:  
 1. Formas istas in & cum speciebus mundi à Deo fuisse creatas. Cum enim quercum fecit, non forsitan unicam formam fecit; & curâ equum formavit, nō unicam illam equi animâ plasmavit; & cum immania cete omnipotente suo verbo elaboravit, non unam unius piscis animam ædificavit; sed egregia corpora, variis & infinitis fermè corpusculis, suis iidem formis constantibus, gaudentia, crea-

*Forma  
Subordi-  
nata pri-  
mum à  
Deo crea-  
ta.*

*Formæ  
Subordi-  
natæ unâ  
cum speci-  
ficis pro-  
pagantur.*

*Insectorū  
Finis Uni-  
versalis.*

creavit, quæ demùm ἀνομαλία intro-  
dūta sese ostentant, suumq; alacri studio  
concelebrant Creatorem. 2. Formas  
illas in & cum speciebus mundi etiam-  
num propagari. Non enim materia pri-  
ma est, quod in actu generationis ex-  
cernit equus; non materia prima est,  
granum tritici aut hordei: sed multæ  
ibi prostant formæ, quoad nomen i-  
gnotæ, quoad effectum meridiano So-  
le notiores. A posteriori enim nostra  
est cognitio, nemoq; Solem laudaret,  
nisi lumen, calorem, & reliqua ejus bo-  
na & dona omnibus fermè sensibus &  
membris palparet & calcaret. Tertiū  
restat, de formarum istarum, & conse-  
quenter animalculorū illorum *sine &  
usu*. Non sanè animalcula illa sunt fru-  
ges consumere nata, sed insigni *sine &  
Universali & Particulari* gaudent. Quo-  
ad Universalem, etiam hīc stat vigetq;  
illud: *Omnia à Deo, omnia ad Deum; Cū-  
ctā bonum quarunt, unde prodierunt*. Fa-  
cta enim sunt ad annunciandam Dei  
gloriam, potentiam, sapientiam, & bo-  
nitatem. Aurea verba habet *On. Doct.*  
*Franzius in Histor. Anim. Tract. 4. cap. 7.*  
inquitens: *Pro Dei sapientiā & gloriā  
sunt*

sunt insecta, in quibus non modò colorum diversitates spectare, ita ut illas peritissimi pictores ad vidum satis exprimere nequeant, sed etiam animadvertere licebit, quod tanquam pavones pro variâ positione & obversione ad solis corpus, nunc hosce nunc alios de sese prabeant colores. adeò ut qui nunc apparebat aureus, mox inclinantibus sese paululum aureus sit appariturus, item qui sub sole erat caruleus, sub umbrâ erit viridis, quæ res peritissimo Philosopho negotium explicandi reddere potest difficilimum, & hoc in muscâ volante speciatim observare solitus fuit & observare jubet Lucianus. Ecce quàm magnas res in vilibus hiscè creaturis Creator nobis expendendas posuit. Quoad finem Particularem, si hæeremus, nostra accusanda esset ignorantia, Dei verò non reticenda potentia. Qui pulicem hominis causâ creatum dicunt, ad ejus inutilem sugendum sanguinem, nugæ spargunt, teste Scaligero Exercit. 205. f. 1. Etiamné Chirurgo hosce, ait subtilitatum ille Magister l. d. Muribus mollita est Mater illa pia, architectatrix atq; dispensatrix. Quin eis quoq; præfecit Magistratum, à quo loris caderentur illi: si benè acceptam, minus benè exercerent disciplinam?

An pulex  
creatus ad  
inutilem  
hominis  
sanguinẽ  
sugendũ?

*An cimex factus, ut è somno nos excitet ad fundendas preces?* *nam?* Qui Cimicem factum, ut noctu ex importuno somno excitet nos ad preces Cœlitibus fundendas, aut Serpentem, ut nos excitet ad fortitudinē, somniant, ab eodem loco eodem ridetur & exploduntur egregiè. *Quis miseriùs, ait, aut infeliciùs ejus (Naturæ)*

*An serpens creatus, ut ad fortitudinem exercendam nos excitet?* *opera interpretabitur, quàm qui ab eâ Cimicem allegatum dicet: ut noctu ex importuno somno excitet nos ad preces Cœlitibus fundendas. Sunt & larvata ingenia quædam, sibi ignava, aliis maligna: quæ jussu Dei, venena serpentibus comparata profiteantur: ut ea sint calcaria nobis ad fortitudinem, patientiam, temperantiam. Etenim si ita est, ne aggrediantur vipera infantes, quibus nulla est in animis tuitio, in corporibus munimentum. Non ipsas pecudes populentur Indici Dracones. Nulli enim in bruto pecore habitus morales. Quare non addiderunt febres, lapsus, luxationes, Indicam luem? Quæ istis omnia precanda sunt ut boni fiant. Hascè profectò utilitates cum incommodis Aristippi libenter equidem commutarim. Rectius dicimus, eorum animalculorum nonnulla ex aëre, aquâ, & terrâ, venenosas qualitates educere, atque sic elementa purgare, ut totius mundi ju-*

*Insectorum  
Finis Par-  
ticularis.*

diſtus & purus ſit ſtatus; alia majoribus animalibus, & conſequenter ac mediare etiam homini, cedere in alimenta; alia aliter ad hominem ſua referre bona. *Et ſi enim, ait, Dn. D. Franzius l. c. cap. 12. non omnia poſſunt comedi ab hominibus: tamen comeduntur ab aliis brutis, quæ bruta præſunt & famulantur hominibus.* Hæc de fine animalculorum. Si verò quæras de fine formarum latentium, & in corporibus adhuc ſalvis & integris degentium, dicimus facere illas cum ſuis materiis ad conſtitutionem corporis. Egit tali corpore quercus, tali ſalix, tali equus, tali canis, tali leo &c. Hoc ſi non ad palatū, ſcias, nec lapidis, quem pedibus calcamus, ſpeciale nos noviſſe uſum, quid ergo mirum eſt, ſi in hiſce abſtruſiſſimis aliqua ſe obferat mentis vel cæcitas, vel imbecillitas.

*Formarū  
Subordi-  
natarum  
Finis.*

## Concluſio Secunda.

*Formæ Accidentariæ quoad originem ſuam parum nobis facere que-  
unt negotij.*

Deferuntur enim in corpora, quorū reſpectu Accidentariæ dicuntur, unde quoad originem earum nil novi ſeſe offert,

*Formæ  
Acciden-  
tariæ quoad  
originem  
nihil  
novi ba-  
bent.*



offert, sed cum origine vel Specificarum, vel Subordinatarum, conveniunt Nam 1. Ipsa animalcula hæc sese interdum sponte sua in corpora alia insinuant, & postmodum de loco ad locum cum corporibus istis transportantur, cumq; ab hominibus animadvertuntur, illic generata fuisse putantur. Hinc Dn. D. Franzius in *Hist. Anim. tract. 4. c. 7.* ait : *In nares onerarias magnas simul importantur mures latitantes in mercibus, quos mercatores per benè longa tempora in suis adibus prius collegerunt ; Sic meminimus gryllos ex aliis oppidis translatos cum vestibis peregrinantium in purissima aliorum hypocausta. Et quis excogitare valeret omnes modos, quibus hac parva, vel ipsa volatu, reptatione, cursuq; suo, loca quadam petunt, vel per alias bestias & homines aliò transportantur.* Et quod de animalculis hiscè verum est, id etiam de aliis corporibus naturalibus falsum non est. Sic experimur, & sanè non sine dolore experimur, infelix illud contagium pestis, per fomitem de loco ad locum, de civitate ad civitatem, & nonnunquam de gente ad gentem, transferri. II. Interdum animalculorum istorum semina,

vel



et etiam, ut *Scalig. Exercit. 61. f. 2.* loquitur, quasi semina, unà cum cibo, potu, ere, alijsq; modis, in corpora quædam assumuntur, è quibus postmodum, non tendis, sed jamdudum factis formis, ova corpora pronascuntur. Sic semina vermium cum carnibus inferuntur entriculo: sic vis mineralis in subjecto hærens cum vino communicatur corpori: sic cum pulvere lumbricorum assumuntur formæ ipsæ lumbricorum; unde vermes, calx, & lumbrici, non rarò in hominum nascuntur corporibus. Hinc adversus vermes & pecculos multum facit bona diæta: multum abstinencia à ficibus, cæterisq; cibus delicatis & promiscuis: multum mundas servare vestes: multum peccitatione ac lotione mundare caput: multum lectorum mutare stramina: multum tandem abstinere à vestibus ex nâ aut pellibus ovium morbidarum aut à lupis laceratarum confectis. Et ad hanc classem etiam spectant semina illa quæ ad alias res sive animatas sive inanimatas transportantur. Sic semina ranarum & luciorum in alias piscinas transportantur, ranæq; & lucii ibi, ubi nec ra-

næ nec lucii antea aderant, non sine stupore vulgi generantur. Quorum rerum exempla innumera prostant ubiq;

### Conclusio Tertia.

*Formæ Partiales ad mirandam seminis nos deducunt fabricam.*

Adverte hîc animum spectator rerum novarum, non sine re *Francisc. Titelman. in Philos. Nat. Lib. 8. Cap. 11.* ob admirandam seminis naturam ait. Si enim ullibi verum est illud *Aristotelis Lib. 5. de Gener. Anim. Cap. 7.* αἱ δὲ χαῖ μέγῃ ἔσαι μικραὶ, τῇ δυνάμει μεγάλας εἰσὶ. Hoc est, *principia quamvis magnitudine parva sint, tamen facultate sunt magna:* certè de semine, summo illo Naturæ thesauro, verissimum & certissimum erit. Parvum est semen magnitudine, sed maximum facultate, adeò ut quicquid formarum essentialiter & per se in toto est animalis corpore, id huic ipsi referat acceptum, imò huic ipsi actu infuerit. Ex hoc enim omnia membra, nobilia & ignobilia, supera, infera, & media, format nunquam non provida Mater, Natura. Hinc irreparabile damnum & inemendabile malum, ex hujus pro-

gna-

*Formæ  
Partiales  
actu in se-  
mine.*

gnascitur damno & malo, generantq;  
podagrici podagricos, epileptici epilep-  
ticos, surdi turdos, muti mutos, alii  
alios. De quâ mirabili seminis natu-  
râ cum præ cæteris eleganter scripserit  
& senserit modò citatus *Franc. Titelm.*  
citato loco, non piget verba ejus nota-  
tu dignissima adscribere, iisq; Theses  
nostras concludere. Ita autem ille:

*In semine animalis, atque ideo in semine ho-  
minis, nonnè illud vel maxime stupendum  
est, quòd ex virtute illâ, quæ in tam vilissi-  
mâ atque penitus deformi & sordidâ mate-  
riâ inest, talis ornatur membrorum tam  
pulchra compositio, tam convenientissimus  
ordo, tam efficax dispositio membrorum,  
tam eximia singularum partium conjun-  
ctio? Videlicet ut in infimo pars aliqua lata  
fabricetur, super quam ipsum corpus debeat  
moveri de loco in locum: cujus partis extre-  
mum multiplicem habeat divisionem, ut sit  
velut in particulas dissecta materia, hoc est,  
ut pes habeat suos digitos in extremitatibus:  
atque hæc rursus partes talem habeant or-  
dinem, ut quæ primo loco ponitur, cæteris  
sit & altitudine & crassitie major, atque ita  
deinceps suo ordine, ut sit novissimus digi-  
tus omnium tenuissimus & minimus.*

*Admiran-  
da seminis  
natura.*

Item ut partes hæ sic divisa, in extremo pedis secundum quinarium numerum ita regulariter & universaliter distinguantur, ut monstrum judicetur, si quando in uno pede senaria inveniatur distinctio. Iterum ut harum partium qualibet in sui extremitate ex parte superiori duritiem habeat unguis, mirabili artificio & subtilissimâ conjunctione ita adglutinati carni & pelli, ut nullâ possit excidere violentiâ, quantumvis compri-  
mantur pedes aut urgeantur multis laboribus. Item ut singula hæ partes, suas habeant juncturas, in quibus possint incurvari, & prior quidem major non nisi unam hujusmodi habeat in sui medio, ceteri verò binas. Et hæc quidem omnia in pedis & manus compositione manifestè apparent etiam extrema tantum consideranti. Ex adverso autem in supremo loco quomodo artificio maximo pars componitur rotunda, quæ cranio uno in superiori parte tegitur, hoc est, osseo tegmine ita durissimo & indissolubili, ut per annos plurimos in terrâ jacens non possit omnino consumi, quod quidem cranium carne & cute operitur, unde crinium egreditur defluxus, partem illam undequaq; circumvestiens. Sub hoc autem cranio, nobilis quedam & tenerissima fundatur substantia, quam cerebrum

rebrum dicimus, eaq; secundum diversas partes variè formata, ut diversarum virium aptum possit esse susceptaculum, & organum diversarum nobilium operationum, in qua insuper rotundâ parte supremâ ab anteriori parte consistunt oculi, in sua concavitate pulchrè firmati: sic tamen ut facillimè mobiles, quibus sunt etiam sua cilia & supercilia. Sub his sunt nares, ad latus autem aures: sub naribus autem oris apertura ad ingressum cibi, & per circuitum mandibula dentibus plena, quorum ij qui in ipso ingressu consistunt, tenues sunt & acuti, ad disseccandum atq; scindendum impositum cibum, posteriores verò crassiores sunt & plus quam duplicati, qui partes cibi jam anterioribus dentibus concisas possint velut molendo in minutissimas particulas conterere: propter quod etiam molares appellantur. A parte autem capitis posteriori, omnibus clausis, nulla conspicitur apertura: sed nervi fortes & junctura mirabiles illic consistunt, quæ caput partem supremam cum humeris parte inferiore conglutinant: ita ut cum caput humeros non contingat, pulchrè tamen absq; onere per colli interpositionem ab eisdem gestetur. Hinc verò ab humeris velut duo rami extenduntur brachia duo, ad opus quodlibet pera-

gendum, eaq; in medio curvabilia in cubito, extremitates autē similiter in digitos ordinate divisas habentia, ut de pedibus supra diximus. Deinde nobilissimum membrum cordis ita mirabiliter in medio animalis positum consistit, habens ad sui caloris temperamentum circumjacentem pulmonem, aërem sua respiratione continuo in madum follis attrahentem, sicq; suum calorem temperantem: vicinum etiam habens epar sanguinis officinam, & stomachum velut corporis totius coquum, alimenti totius susceptivum. Habet insuper splenem, habet renes, habet intestina omnia, mirabili connexionione & convolutione disposita. Quod hæc (inquam) omnia quæ tantum figuraliter attingimus, & alia intus recondita multò mirabiliora, ita ordinate, ita perpetuò in corpore hominis, sive etiam animalis alterius, ex seminis tum vilissimæ substantiæ virtute efficiantur, quis non ista maximum reputet miraculum? Nonne rectè tibi videtur domino dixisse Psalmista, Mirabilis facta est scientia tua, ex me confortata est, & non potero ad eam?

*Psal. 138.*

ANTE

## A N T I T H E S I S

D. Johan. Freitagij.

*Formæ ex potentiâ materiæ oriun-  
tur, non autem per traducem  
propagantur.*

EXPLICATIO ET REFU-  
TATIO.

Scholasticorum de Origine Forma-  
rum sententiam propugnare, & Tradu-  
cem impugnare, ac in specie *Excellen-  
tissimum & Experientissimum Dn. Doct.*

*Institutū  
D. Iohan-  
nis Freita-  
gii.*

SENNERTUM &c. *Præceptorem meum  
venerandum*, oppugnare, certa *Dn. Doct.  
Johannem Freitagium &c.* traxit libido.  
Fecit hoc in Disputatione quadam,  
cujus Titulus : *Disputatio Medico Philo-  
sophica de Formarum Origine, quam ad-  
versus veneranda Antiquitati repugnan-  
tem Neotericorum doctrinam Auditoribus  
suis exhibet &c.* Hanc ergo Dispu-  
tationem candidâ mente examinare,  
rem cum re conferre, & rationes ra-  
tionibus convincere, aggredior. Cum  
autem Adversarius serie continuâ &  
non

non parùm confusâ rem suam proponat, perspicuitatis ergò Argumentorum *Centuriam* extrahere, extractamq; in Pentades referre conabor. Subjungam verò Argumentis propria Adversarij verba, ut pateat an candidè egerim, an secus, & an corticem tetigerim, an nucleum. Formabo autem responsiones & Generales & Speciales, saltem eo fine ut veritas magis magisq; pateat, & DN. SENNERTI mens veritatis avida, & vanæ gloriolæ nescia, inclarescat. Antequam tamen id agam, nonnulla ad Thesin primam & secundam Adversarij, in quibus *περὶ οὐμίου καὶ περὶ θεοῦ* habet, reponam, & post rectâ ad *κατασκευὴν καὶ ἀνασκευὴν* me convertam. Est ergò

#### THESIS I.

*Pu'cherrimam & verissimam Veneranda Antiquitatis de rerum generatione sententiam, neotericorum quorundam perculsus ratiociniis, evertere & exilio damnare conatur Clariss. D. Sennertus, asserendo, ex potentia materia formas materiatarum non educi, sed mediante semine, cui in prima creatione indite, per traducem propagari, instar luminis à lumine accensi vel animæ*  
*canis*



& anis divise & propagata per semen, duplici  
 illas potestate insignitas esse, quarum prima  
 est, quod sui sint omnes multiplicativa, se-  
 cunda, quod sibi met ipsis fabricent domici-  
 lium, & materiam ad incolatum & infor-  
 mationem recipiendam praparent & dispo-  
 nant. Animam seu formam transferri cum  
 semine, quod materialium forma cum ipsa  
 materia sint divisibiles ad modum quo plan-  
 ta particula avulsa terraq; indita secum  
 transportat animam, quâ similem producit.  
 Animalia tantum per semina deportantia  
 formam animalis generatricem aut ex eo  
 quod semini respondeat, generari, plantas  
 non tantum per semina, sed & per ramos a-  
 vulsos, per radices, aliosq; propagationis mo-  
 dos nasci & propagari. Animam sui domi-  
 cilij formatricem necessario esse in semine ex  
 actionibus & facultatibus illi soli competen-  
 tibus, quæ à calore nativo nec proficisci, nec  
 inesse eidem possint, demonstrat, quod nihil  
 supra suam agit virtutem nullumq; accidens  
 agit nisi per vim substantie. Vide Sennertum  
 de Galen. cum Chym. consensu & diff. cap.  
 mixti simplicis eundem, qui sit animalis  
 generandi modum tradit, libro citato, diver-  
 sam tamen formarum propagationem ratio-  
 nē admittere etiam videtur, in epitome na-  
 tura!

tural. scient. lib. 1. c. 1. videlicet illam qua alia  
 aliam expellendo seipsam promoveat.

## RESPONS.

I. Sententia de educatione formarū  
 è potentiā materiæ, ex antiqui-  
 tate autoritas, est nulla.

Ἐκ θεοῦ.

Aristote-  
 lis dogma  
 nō est for-  
 marum e-  
 ductio.

Aristoteli  
 semen a-  
 ctu anima-  
 tum est.

Primus sententiæ hujus Autor fuisse  
 vulgò fertur Aristoteles, sed in rei ve-  
 ritate ea Scholasticorum dogma est,  
 non Aristotelis. Prorsus enim in Ari-  
 stotele non habetur, formas educi è po-  
 tentiā materiæ, neque unquam ex Ari-  
 stotele probari poterit, quod formas  
 seminibus denegaverit, & tantum quā-  
 dam idoneitatem, habilitatem & apti-  
 tudinem ad eas illis concesserit. Potius  
 Libr. 2. de Gener. Anim. cap. 3. docet τὰ  
 σπέρματα, τὴν γονίαν, & τὰ κῦήματα, semi-  
 na, genituram, & conceptus, nihilo mi-  
 nus vivere quàm stirpes. Verba sic ha-  
 bent: ὅτι γὰρ ὡς ἀψυχον θεῖν ἕως τὸ κῦημα,  
 καὶ κατὰ πάντα τρόπον ἐστρημύλον τῆς ζωῆς.  
 ὁ δὲ γὰρ ἥπλον τὰ τε σπέρματα καὶ τὰ κῦήματα  
 τῶν ζώων ζῇ τῶν φυτῶν, καὶ γόνιμα μέχρι τινός  
 ὄντιν. Hoc est, Conceptum enim in anima-

tum

sum esse nemo statuerit, & vitâ omnibus  
modis privatum: quippe cum nibilo minus  
semina & conceptus animalium vivant,  
quàm stirpes, & aliquandiu prolifica sunt.  
E quibus tale fluit argumentum: Quic-

quid inanimatum non est, sed vitam non mi- *Argumē-*  
nus quàm stirpes habet, illud non saltem ido- *tum fir-*  
neitatem, habilitatem, & aptitudinem ad *missimū,*  
animam, sed ipsam animæ substantiam in se  
habet. Semina inanimata non sunt, sed vi-  
tam non minus quàm stirpes habent. Ergò  
semina non saltem idoneitatem, habilitatem,  
& aptitudinem ad animam, sed ipsam ani-  
mæ substantiam in se habent. Maiore quid  
clarius? Minor est ipsius Aristotelis.

Quanta ergo sententiæ de Educatione  
formarum è potentiâ materiæ antiqui-  
tas? Nec est, quod excipere quis velit,  
in eodem Aristotelis capite non semel  
etiam dici, *semen habere animam poten-*  
*tiâ, non actu.* Explicat enim Aristot-

*Exceptio.*

teles seipsum. Siquidem δυνάμιν ορ-  
ponit, non ταῖς ἰστίαις, sed ταῖς ἐνεργείαις.  
Verba ita habent: τὴν μὲν ἔν θρεπτι-  
κῷ ψυχῷ, τὰ σπέρματα καὶ τὰ κυήμα-  
τα τὰ χωριστὰ δηλονότι, δυνάμει μὲν ἔχον-  
τα ἵετον, ἐνεργείᾳ δὲ σὺν ἔχοντα, πρὶν ἢ  
κατὰ-

*Responsio.*

καθάπερ τὰ χωρίζοντα τῶν κυημάτων ἔλ-  
κει τὴν τεθφλὴν, καὶ ποιεῖ τὸ τῆς τοιαύτης ψυ-  
χῆς ἔργον. Hoc est: *Animam igitur vege-*  
*tantem in seminibus & conceptibus nondum*  
*separatis, haberi potentiā statuendum est,*  
*non actū. priusquā eo modo, quo conceptus*  
*qui jam separatus, cibum attrabant, & offi-*  
*cio ejus anima fungantur.* Aristoteli er-  
gò semen potentiā est animatum, non  
respectu essentiae animæ, sed respectu  
operationum animæ. Hinc Scaliger Ex-  
ercit. 6. §. 5. p. m. 28. ait: *Quapropter hac*

Quomo-  
do Aristo-  
teli semen  
sit poten-  
tiā anima-  
tum.

de re ita sentiendum, quemadmodum suprā  
dicebamus, formam esse in semine canino:  
cujus in potestate dicitur esse, quia semen est  
potens dare formam, quam in se continet.  
Educitur autem de potentiā remotā, qui est  
actus primus, ad potentiā propinquam,  
qui est actus secundus, scil. ut forma sit in  
eadem materiā ad eum modum qui nullis  
egeat adminiculis, ut sine suo fruatur, ad  
quem comparatum est totum compositum.  
Et sect. 7. p. m. 30. inquit: *Forma perfecta*  
*est ibi intus actū. Nisi enim esset actū, non*  
*utiq; agere posset. At ubiq; Philosophus de*  
*eā loquens ait: τὸν κίνησιν ταύτῃ ποιεῖ. Nam*  
*quod ait δύναμις inesse: hoc ideò dixit, non*  
*quia egeat aliā substantiā sese eliciente atq;*  
*persi-*

perficiente: sic enim esset inchoata sed quia  
 caret instrumentis expressis, quae sunt in ejus  
 potestate. Quam Scaligeri sententiam  
 repetit & explicat Clariss. Dn. Sennertus  
 in Tract. de Cons. & Diff. Chym. cum Arist.  
 & Galen. cap. 9. p. m. 99. his verbis: Quan-  
 quam vero Aristoteles potentiam solum semen  
 animam habere dicat: id cum Scaligero ideo  
 dictum putamus, non quia egeat aliqua sub-  
 stantia sese eliciente atque perficiente; sed  
 quia caret instrumentis expressis, quae sunt  
 in ejus potestate: seu, non quia non sit ipsa  
 essentia animae in semine, semeng. actus pri-  
 mi respectu non animatum esse dicatur; sed  
 solum de potentia secunda, quae perficitur a-  
 ctu secundo, id accipiendum est, nimirum  
 respectu operationum, quas nondum edere  
 potest ob defectum organorum. Nam in se-  
 mine non est reipsa apparatus ille organorum  
 ac partium distinctus, deestq. semini non illa  
 ab anima, sed illa à corporis structura, &  
 partium compositione ac cōformatione per-  
 fectio, ob cujus defectum semen planta per-  
 fecta vel animal perfectum nominari non  
 potest. Hinc & Clar. Caspar Hofmannus  
 de Formarum Origine pag. 128. inquit: Ari-  
 stoteles semini toties tribuit actum, ut homi-  
 nis sit valde imperiti, urgere tantum loca  
 illa,

illa, quibus δῶαμι ait esse. Et si tempus  
hiscè insumendum, facili negotio plu-  
rima loca ex Aristotele producerem;  
in quibus ipsam animæ substantiam se-  
minibus concedit. Hoc in primis no-  
tandum, sæpissimè ab Aristotele doce-  
ri, in semine esse τὴν δέχην κινῆσαν, τὴν  
δῶαμιν ποιῶσαν, & τὸ ποιητικόν: jam, qua-  
nám est illa δέχῃ τῆς κινήσεως καὶ ᾠρέσεως?

Quantam  
Aristoteli  
sit illa δύ-  
ναμις ποι-  
ῶσα ὥστε  
κινῆ-  
σεως καὶ  
ᾠρέσεως.

Respondet subtilis Scaliger Exercit. 6. s. 5.  
p. m. 29. his verbis: Hæc fabrica sit, aut à  
substantiâ, aut ab accidente, aut ab utroq; ;  
Non ab accidente solo, primùm quia nullum  
accidens agit, nisi per vim suâ substantiæ.  
Deinde, quia nullum accidens cognoscit. Illa  
enim virtus, tam nobilis templi architecta,  
sapientissima ab hominibus Philosophis judi-  
cata est. Ædificabitur igitur à substantia:  
At hæc forma seminis est. Sanè seminis  
forma, si non est anima, bruta res est. Et si  
fabricat, est equalis anima. At incremen-  
tis, & amisse carnis repositione, opus illud  
animæ est. Et s. 7. p. m. 30. ait: Aristote-  
lis perpetua sententia est: in semine ani-  
mam inesse, quæ sibi corpus fabricat. Quem-  
admodum est in 7. divine Philosophia. Se-  
men, inquit, est sicut artifex &c. Non  
ergò Aristotelis sententia est, formas  
edaci

educi è potentiâ materiæ, sed Scholasticorum, qui sæpè satis frigidè & Aristotelis & Naturæ inspexerunt & inquisiverunt monumenta. Frustrà igitur hîc illa Veneranda Antiquitas urgetur; quasi verò imperiti quidam è Scholasticis scriptores, quorum vix decimus quisque Aristotelem Græcum legit vel intellexit, sint illi Venerandi Antiqui. Rectius Clariss. Dn. Hofmannus, qui toties Aristotelem legit & relegit, quoties Freitagus cum vix aspexit, se dogma de Educatione formarum è potentiâ materiæ, nec in Aristotelis, nec in Naturæ Libris deprehendere posse fatetur.

*II. Pulchritudo sententia de educatione formarum è potentiâ materiæ est nulla, quia nulla ejus est veritas.*

Εκθεσις.

Suum cuiq; pulchrum esse, in ore omnium est. Hinc pulcherrima D. Freitagio sententia de educatione formarum est: sed, quisquis amat ranam, ranam putat esse Dianam. Et, ut cibus famelico, vel è

*Nec pulchra, nec vera sententia est, formarum educitio.*



secundario pane, pulchrior est, quàm  
montes aurei, & quàm Sol ipse, testan-  
te *Scaligero* Exerc. 300. l. 4. ita & multis  
pulcherrimæ sunt sententiæ, in se satis  
deformes & enormes, quia meliorum  
suavitates & amœnitates ob præconce-  
ptas opiniones percipere, vel nequive-  
runt, vel noluerunt. Ac quemadmo-  
dum solo cœloq; sicco plantæ & arbu-  
sculæ, succi melioris copiâ destitutæ,  
quemvis humorem obvium non absq;  
aviditate insigni sugunt sorbentq;: ita  
& homines, qui τὸ εἰδέναι ἐπὶ ἐργονταί Φύσις,  
i. Met. c. i. avidâ mente famem sæpè fer-  
culis quibusvis non sine delectatione  
explent, parùm discernentes, quænam  
*sint mala mixta bonis, & quanam noxia ve-*  
*ris.* Nobis pulchrum non est, nisi quod  
à primo & summo pulchro est. Hoc  
enim mensura omnis pulchri, omnis  
boni, omnis perfecti, & omnis veri est.  
Pulchritudo ergò sententiarum, ab ea-  
rundem unicè dependet veritate, satq;  
pulchra, quæ sat vera est. Unâ ergò fi-  
deliâ duos hos cè dealbavimus parie-  
tes *Thef. 4. Concl. i.* Verbulo dicam: Nul-  
la sententiæ de educatione formarum è  
potentiâ materiæ inest pulchritudo,  
quia

*Pulchrū  
quid.*



quia nulla ei inest veritas; nulla ei inest  
veritas ob rationes suprà allatas, sat fir-  
mas, sat invictas.

III. *Antiquitas sententia de for-  
marum translatione est egregia.*

Ἰ.κ.θ.σ.ς.

Non jam dicam, omnem sententiam veram, esse etiam antiquam, quia sat antiquum, quod sat verum. Sed cum Adversarius per antiquitatem, diuturnam opinionis existentiam intelligat, etiam hanc sententiæ de translatione formarum non deesse affirmo. Argumentor enim: *Quacumq; sententia fundatur in scriptis Galeni, Platonis, & Aristotelis, ejus antiquitas est egregia. Sententia de translatione formarum fundatur in scriptis Galeni, Platonis, & Aristotelis. Ergo ejus antiquitas est egregia.* Major non negabitur, quia non de absolutâ, sed respectivâ antiquitate res est, quo sensu Adversarius etiam suam de educatione formarum opinionem putat antiquam. Minor est trimembris. Quoad primum, Galenus *Libr. de Marcore cap. 1.* triplicem viventium facit ordinem, quorum

*Sententia  
de tradu-  
Elione for-  
marū sat  
antiqua.*

*Galeno se-  
mina no-  
vum vivē-  
tium gen-  
constitu-  
unt.*

*Platoni  
semina  
sunt ani-  
mā præ-  
dita.*

primus sit Plantarum, secundus Animalium, tertius utrorumque Seminum. Verba ejus hæc sunt: Cum autem marcor sit viventis corporis corruptio, triag, sin-  
viventium genera, animalia, stirpes, ac se-  
mina, & ob hac etiam fructus: horum pro-  
priè marcor affectus esse dicitur &c. Qui-  
bus verbis quid quæsiō clarius? Quoad  
secundum membrum assumo locum  
ex *Academ. Contempl. Petri Valentia Za-  
frensis*, qui lib. 9. cap. 2. p. m. 325. ita ait:  
De sensu, inquit Plato, Plantas esse ejus ali-  
quā ex parte compotes: nam prædita dicun-  
tur sensu suavis & tristis ac unā cupiditati-  
bus: Insuper etiam semina à Platone dicun-  
tur animā prædita, & consequenter dici pos-  
sunt animalia: omne enim animā præditum  
asserit esse animal. Et paulò pòst p. 326.  
Et jure Plato statuere videtur semina ani-  
mata, cum conspiciamus ea frequenter ex se  
emittere germen, & per solam cum terrā  
conjunctionem incipere nutriri; quod non  
facerent, nisi animam includerent. Vivunt  
itaq, semina, sed vitam postremam: vita au-  
tem sine animā non reperitur. Dicuntur ta-  
men animam includere potestate; quatenus  
non includunt illam cum postremā perfe-  
ctione, cum partium corporis distinctione,  
& cum

Et cum actu secundo; ut convenit plantis. Insuper eis convenit sola vis, quæ formare debet corpus, eoque formato mox uti; non autem ea quæ ex illâ consurgit Et actu format.

Quoad tertium membrum, repetō locum è *Libr. 2. de Gener. Anim. cap. 3.* ubi Aristoteles semina, genituram, & conceptus; non minus quàm stirpes vivere asserit. Ita ergo è Galeno, Platone, & Aristotele argumentor: Quicumq; animas in seminibus actu esse voluerunt, illi in doctrinâ de traductione formarum egregie nobiscum consentiunt. Galenus, Plato, & Aristoteles, animas in seminibus actu esse voluerunt. Ergo Galenus, Plato, & Aristoteles in doctrinâ de traductione formarum egregie nobiscum consentiunt. Major patet, quia traductio unice fundatur in reali & actuali animæ in semine præsentia, unde etiâ contrariæ sententiæ defensores seminibus denegare animas tanto laborant conamine. Minor fuit modò probata.

Aristoteli  
semina a-  
nimata.

Syllogi-  
smus in-  
viclus.

IV. A nudâ sententiarum antiquitate, non licet argumentari ad eandem veritatem.

Ex Jeros.

Ponatur jam, non concedatur, sententiam de traductione formarum esse

Antiqui-  
tas senten-  
tiarum  
nil facit  
ad verita-  
tem illa-  
rum.

D 2

novissi-

novissimam, & vix nudius tertius natam; contrà verò, sententiam de educatione formarum esse vetustissimam, & statim cum Caino satam: sed quid inde? Verané hæc erit, quia antiqua; & falsa illa, quia nova? Syllogismus esset talis: *Quæcunq; sententia est antiqua, illa est vera; & quæcunq; est nova, illa est falsa. Sententia de educatione formarum est antiqua; & sententia de traductione formarum est nova. Ergò illa est vera, hæc falsa.* Sed egregia est illa Major, quâ forsân quis omnes Veterum errores, ante secula multa notatos, refutatos, & relegatos, suaserit esse revocandos. Vigent potius florentq; illa quæ in ore omnium: *Antiquitas & multitudo errantium, errori non pariunt patrocinium: Antiquitas dogmatis absq; antiquitate veritatis, magis heterodoxia quàm orthodoxia est argumentum.*

*V. Educationem formarum evertere & exilio damnare, non tam Neotericorum quorundam percussus ratiociniis, quàm nobilissimis, & à sapientibus omnibus approbatis, fretus æmulois, voluit debuitq; Clariss. Dn. D. Sennertus.*

Λόγῳ καὶ πείρᾳ. *Ratione & Experientiâ*,  
 velut concessis, & ab omnibus veritatis  
 amatoribus ac falsitatis osoribus ap-  
 probatis κατηγόροις, opiniones quasvis  
 trutinandas esse, non semel monet *Clari-  
 ss. & Excellentiss. noster Sennertus*. Vi-  
 deat Adversarius *Cap. 5. Tract. de Conf. &  
 Diss.* & faciliè consentiet, optimumque  
 ibi discendi veritatemque inquirendi  
 modum deprehendet. Λόγῳ ἐργὸ καὶ  
 πείρᾳ, nullis & remissis omnibus præ-  
 conceptis opinionibus, vanisq; hypo-  
 thesibus, & umbratilibus Scholastico-  
 rum speculationibus, contra formarum  
 educationem pugnavit Dr. SENNERTUS.  
 Et cum Philosophi non sit Sacram ne-  
 scire Scripturam, hanc etiam gratâ &  
 Christiana mente adire & audire, non  
 dubitavit. Quis enim Creatori de crea-  
 turis loquenti, suum non adjiceret cal-  
 culum? Scripturâ ergò S., Ratione, &  
 Experientiâ fretus, formas materiato-  
 rum è materiâ nunquam fuisse educlas,  
 sed primitus ab ipso Deo creatas, & be-  
 nefic o propagationis mediâte semine  
 hucusq; conservatas & porro conser-  
 vandas esse, asseruit. Scripturâ S., Ra-

*Quid Clari-  
 ss. Dn.  
 Sennertus  
 impulerit,  
 Educationē  
 oppugna-  
 re, & Tra-  
 ductionē  
 propu-  
 gnare.*

*Præter  
 Rationem  
 & Expe-  
 rientiam,  
 etiam S.  
 Scripturâ  
 à Philoso-  
 pho Chri-  
 stiano con-  
 sulenda.*

tionem, & Experimentiâ fretus, formas, seu formarum beneficio corpora naturalia, sese multiplicare, & subjectum seu materiam, aut domicilium suum aptè disponere, elaborare & exornare, dictitavit. Λόγῳ καὶ πείρᾳ fretus, formas multas ad divisionem materiæ dividi, mediante semine generari, imò per ramos, per radices, perq; alias partes semen includentes, propagari, subindè inculcavit. Λόγῳ καὶ πείρᾳ fretus, animam actu esse in seminibus, suumq; sibi fabricari domicilium, calorem autem saltem calefacere, & ex se nec cor, nec jecur, nec venam, nec arteriam, nec partem aliam, formare, affirmavit & confirmavit. Quæ omnia & singula probare meum non est, prostant enim præclara ejus Scripta, nil nisi Rationem, Experimentiâ, & S. Scripturam, urgentia. Nulla ergo sunt Adversarii sesquipedia verba, plus in fronte quàm in recessu habentia, remq; ipsam ineptè & confusè proferentia.

*VI. Adversarius argui posset negligentia.*



Ait: Vide Sennertum de Galen. cum Chym. consensu & d. fl. c. Quod nām jam est illud Caput, in quo eundem generandi modum & m. s. simplicis & animalis esse tradit? Vitium quidem Typographicum fuisse cogitarem, nisi similes citationes etiam in Disputatione de Morbis Substantiæ observassem. Sic etiam citat Epitomen naturalis scientiæ Dn. Sennerti, & quidem Cap. 1. Lib. 1. ubi doceri ait formam unam expellere aliam & promovere seipsam. Sed in dicta Epit. Lib. 1. cap. 1. de *Naturâ Philosophiæ* agitur: ubi, quid quæso de formarum expulsionem & promotionem? Si unquam quicquam, loca certè cautè & candidè citari debebant, præsertim ea è quibus petuntur argumenta. Sed transeant. De locis ubi ista continentur, dicendum infrà.

*Adversarius citat frigidè.*

## THESIS II.

*Hanc sententiam oculatius paulo inspicere opera pretium fuerit, veritatem enim principiorum impugnare, barbariem aut ruinam bonis artibus minatur.*

D 4

RESP.

## RESPONS.

*Eductionem non probare, sed saltem traductionem improbare & dubiis levissimis impugnare, est rem Scholasticorum non parum suspectam dare.*

*Εκθεσις.*

*Frustr. à  
carpū-  
tur in ali-  
is, quæ in  
sinu repe-  
riuntur  
proprio.*

Oculatius inspicere gestit, sententiam de traductione formarum, sed cur non oculatius inspicit sententiam de Educatione formarum? Cur non argumenta profert, quib9 eam det munitam & confirmatam? Cur non videt educatione potiùs quàm traductione veritatem principiorum impugnari, falsitatuq; monstris scientias repleri? Adeò in perspectandis aliorum, vel veris, vel apparentibus, vel planè fictis, erroribus, sumus Lyncei, in propriis cæciores talpæ! Sit ergò

## Conclusio Prima.

*Adversarius probare tenetur formarum Educationem, & non saltem aliquam enarrare dubia contra earundem Traductionem.*

NH



Nil enim tam clarum & manifestum  
 est, de quo non dubia nonnulla move-  
 re possit Scepticus. Ergò probet pri-  
 mum Adversarius Educationem, pòst  
 improbet & damnet Traductionem.  
 Sed forsàn actum agere non vult, quia  
 argumenta sat firma, sat valida, & sat in-  
 victa, pro formarum Educatione passim  
 in omnibus etiam Physicorum prostant  
 Compendiis, ut describere ea nec lici-  
 tum, nec proficuum, videri queat. Vi-  
 debimus quid argumentorum istorum  
 humeri portare queant, quid ferre re-  
 cusent. Argumentantur I. *Quicquid à* *Argum. I.*  
*materiâ dependet in fieri, esse, & operari, pro Edu-*  
*illud è potentiâ materia educitur. Forma ctione for-*  
*à materiâ dependent in fieri, esse, & opera-* *marum.*  
*ri. Ergò forma è potentiâ materia educun-*  
*tur.* Minor ut pateat, distinguendum  
 esse, ajunt saniores, inter Formam Se-  
 parabilem & Inseparabilem. Insepa-  
 rabiles formæ, quales sunt omnes unicâ  
 hominis animâ exceptâ, sine materiâ  
 fieri & existere nequeunt. Separabilis  
 verò, seu anima Rationalis, materiâ et-  
 iam sublatâ permanet. Minorem ergò  
 loqui dicunt, de formis Inseparabilib9,  
 non de Separabilibus. II. *Quicquid*  
*est,*

*Argū. II. pro Educatione formarum.* *est, vel generatur, vel creatur, vel incipit esse. Formæ sunt. Ergò vel generantur, vel creantur, vel incipiunt esse. Sed non creantur, uti constat. Nec generantur, quia potius totum generari dicitur, quàm pars. Ergò incipiunt esse. Si hoc, aut ex nihilo esse incipiunt, aut ex aliquo. Sed non ex nihilo, quia aliàs crearentur. Ergò ex aliquo. Si ex aliquo, vel ex eo quod est actu, vel ex eo quod est potentiâ. Non ex eo quod est actu.*

*Arg. III. pro Educatione formarum.* *Ergò ex eo quod est potentiâ. III. Forma substantialis quæ est distinctum quid à materiâ, aut fuit aliquid ante generationem, aut nihil fuit. Si fuit tollitur generatio. Si non fuit, itidem tollitur generatio, & statuitur creatio. Neque ergò formæ sunt, antequam fiunt; neq; inducuntur per*

*Arg. IV. pro Educatione formarum.* *creationem: sed educuntur è potentiâ materiæ. IV. Quicquid per agens naturale educitur, illud è potentiâ materiæ educitur. Forma per agens naturale educuntur. Ergò formæ è potentiâ materiæ educuntur.*

*Argū. V. pro Educatione formarum.* *V. Quicquid sine materiâ subsistere nequit, illud è potentiâ materiæ educitur. Forma sine materiâ subsistere nequeunt. Ergò è potentiâ materiæ educuntur. Hæc sunt potissima Scholasticorum Argumenta, quæ solvere qui novit, facile*

cilè omnes alias Obiectiunculas unâ  
 operâ solvere valebit. Primum ergò  
 quod spectat, dependetne forma à ma-  
 teria? Dependetne principia à se in-  
 vicem? Quod ab alio dependet, illius  
 sanè principiatum est. At, estne for-  
 ma principiatum materiæ? Sed ne ter-  
 mino fallant, sciendum, Dependen-  
 tiam sumi dupliciter: 1. *Generaliter*. 2.  
*Specialiter*. Generaliter sumitur pro  
 eo, quod quocunq; modo indiget alio  
 ad suum esse. Et sic concedimus for-  
 mas dependere à materiâ in fieri & esse,  
 ac consequenter etiam in operari. Ve-  
 rùm quid inde? Hoc nempe, formas  
 non posse fieri sine materiâ & extra ma-  
 teriam, sed fieri in & cum materiâ; nec  
 posse esse & operari sine materiâ & ex-  
 tra materiam, sed esse & operari in &  
 cum materiâ. At, adhuc manet quæ-  
 stio, unde illæ formæ sint, quæ nec fieri,  
 nec esse, nec operari possunt, sine ma-  
 teriâ & extra materiam? Specialiter  
 terminus Dependentiæ sumitur pro  
*Causali Dependentiâ*, atque sic in primis  
 res est de Dependentiâ *Effectivâ & Ma-*  
*teriali*. Quoad utramq; Minor planè  
 falsa est.

*Resp. ad*  
*Argum. I.*

Nana

Nam 1. Materia in ordine ad formam Activè se non habet, sed Passivè: & licet activè se haberet, tamen effectum seipsâ præstantiorem & nobiliorem, producere nesciret. 2. Materialem Dependentiâ ad formam qui trahit, ex eâ formatum & compositum facit. Et quis non palparet Contradictionem, Formæ competere Dependentiâ Materialem? Quoad Argumentum secundum 1. Malè in Majori divelluntur ea, quæ non sunt opposita, sed subordinata. Idem est, ac si dicerem: animal vel est rationale, vel irrationale, vel substantia. Annon enim ea quæ generantur & creantur, etiam esse incipiunt? Sed nova hæc loquendi ratio, ob unicam introducta fuit formam. Sicut & illa, cum dicunt, formas non corrumpi & interire, sed esse desinere. Adeo posito uno inconvenienti, sequuntur infinita. 2. Formæ utiq; generantur. Si dicis, totum generari, formam congenerari, quoad rem nihil dicis, quoad modum loquendi quid a.s. Si in reipsâ nec materia, nec forma generantur, quid quæso generatur? Quid novi totum habet, præter suas partes unitas?

Sed

*Respons.  
ad Argu-  
ment. II.*

Sed hac de re infra uberius in Respons.  
 ad Argum. 1. Pentad. 2. 3. Necessum  
 est, formas fieri ex nihilo. Si enim ex  
 aliquo fierent, non principia, non for-  
 mæ, sed principiata, formata & compo-  
 sita essent. Et asserere formam ex eo  
 quod potentiâ est fieri, est sonum sine  
 mente dare. Videatur supra Theſ. 4.  
 Concl. 1. Nec metuenda est creatio,  
 quia cum hæc dicitur productio rei ex  
 nihilo, ad duo respicitur: 1. ad produ-  
 centem, qui est solus Deus. 2. ad pro-  
 ducendum, quod est corpus vel spiri-  
 tus. At hîc utrobique disparitas. Quo-  
 ad tertium 1. pari modo contra edu-  
 ctionem regerimus: Forma ista aut fuit  
 ante generationem, aut nihil fuit; Si  
 fuit, quid opus generatione fuit? Ge-  
 nerationis enim finis est forma: at præ-  
 sente fine cessatactio. Si non fuit, crea-  
 ta fuit. Et quamvis recurrant ad Nihili-  
 um Privativum: tamen ne sic quidem  
 se salvant. Formaliter enim Nihilum  
 Privativum cum Negativo convenit,  
 & Materialiter saltem materiam cum  
 idoneitate notat. Jam fuitne forma  
 ante generationem nihil Privativum?  
 Privativum nihil formaliter est nihil.  
 Ergo

*Resp. ad  
 Arg. III.*

Ergo hoc pacto forma esse non potuit.  
 Materialiter autem Privativum Nihil est  
 materia cum idoneitate. Ergo ne for-  
 ma fuit materia cum idoneitate? Si di-  
 cunt, forma illa non fuit materia, sed  
 fuit in materiâ disposita: Respondeo,  
 in istâ materiâ nihil fuit, præter ipsam  
 materiæ substantiam & hanc idoneita-  
 tem, cum aliis quibusdam accidenti-  
 bus. Ubi autem ibi formâ? 2. Formâ  
 ante generationem puram nihil fuit:  
 Siquidem effectus non est ante realem  
 influxum efficientis. Creatio tamen in-  
 de inferri nequit, quia non solum  
 Deus, sed etiam Natura & Ars effecta  
 sua de novo produciunt. Quoad quar-  
 tum, fallit terminus Educationis. In Ma-  
 joris enim subjecto *non educitur*, vel idem  
 notat quod produciitur, & sic Major  
 petit principium; vel idem est quod  
 aliàs Peripateticis est *non educi*, opposi-  
 tum *non traduci*, & sic Major mira est, ta-  
 lis nempe: Quicquid educitur, illud e-  
 ducitur: Quicquid fit, illud fit. Quoad  
 Quintum, Major est nulla. Etiam ma-  
 teria sine formâ subsistere nequit: ergo  
 forsan hæc è potentiâ formæ educitur:  
 Videatur Respons. ad Argum. I:

*Resp. ad  
 Arg. IV.*

*Resp. ad  
 Arg. V.*

Con-

## Conclusio Secunda.

*Adversarius oculatiùs inspicere tenetur sententiam de educatione formarum, quæ non parum principiorum impugnatur veritatem, & scientias artesq; replet falsitatibus.*

Principium est, omnem effectum habere suam causam Efficientem, Principalem & Proximam. Hoc impugnatur & destruitur, si forma è potentiâ materiæ educitur. Quænam enim est Causa Efficiens Principalis & Proxima formæ ranae in agris Æquivocè (ut loquuntur) productæ? Non Sol: hic enim est Causa Universalis, & nō magis ranam quam murem facit. Non calor: hic enim accidens est, ergò Instrumentaliter hinc causat, de Principali autem Causâ quaeritur; hic etiam ad murem concurrat, cur autem fit rana, & non mus? Non putredo: nam & hæc accidens est, & quod causat vi caloris facit; quod ergò calor nequit, etiam putredo nequit. Et sanè inquirant & disquirant utut velint ac possint, non tamen deprehendent Causam Efficientem Principalem & Proximam: si modò observare velint. 1. Effectum nō posse esse causâ suâ nobilliorē.

2. Ma-

*Eductio formarū infert effectum, causâ Efficientē Principali & Proximâ destitutum.*



2. Materiæ aptitudinem & dispositionem ad Causam Efficientem non spectare. Et hoc non saltem in ranâ sed ubiq; procedit. Cum canis forma educitur, quânam est ejus Causa Efficiens Principalis & Proxima? Talis nempè quæ effectû suo non est deterior. Imò, cum hominis anima fit in utero (ad hominem enim generationem spectare cernimus omnes) quânam tunc est Causa Efficiens Principalis Proxima? Agitné tunc die trigesimo aut quadragésimo post factam conceptionem Pater? Qui forsan mortuus fuit ante aliquot septimanas. Principium est, *principia non esse ex se invicem*. Hoc impugnatur & destruitur, si forma è potentiâ materiæ educitur. Esset enim forma ex materia. Nec juvat eos, quod formam ex potentiâ materiæ, non ex materiâ, educi asserant. Siquidem illa potentia si est materiæ potentia, adhuc indicat formam esse suum debere materiæ, nec eâdem cum materiâ gaudere prioritate. At ut materia nullo modo est ex forma: ita etiam forma nullo modo esse debet ex materiâ. Principium est, *materiam primam esse immutabilem*. Hoc

*Eductio  
formarū  
principiū  
facit prin-  
cipiatum.*

*Eductio  
formarū  
materiam  
primam  
facit mu-  
tabilem.*



Hoc impugnatur & destruitur, si forma  
 è potentiâ materiæ educitur. Nam aut  
 mutari debet illa materia in formam,  
 aut forma veniet è nihilo, quod illis pa-  
 radoxum. Et licet generationes for-  
 marumq; educationes trahere velint ad  
 materiam secundam, quæ illis est cor-  
 pus: tamen ne sic se expedire queunt.  
 Adhuc enim quæritur, unde venerit illa  
 formâ, quæ materiam istam secundam,  
 quæ corpus dicitur, constituit? Sanè ex  
 materiâ primâ, nisi progressus in infini-  
 tum concedendus. Principium est, *Eductio*  
*generans genito communicare suam essen-* *formati*  
*tiam.* Hoc impugnatur & destruitur, si *negat ge-*  
 forma è potentiâ materiæ educitur. *nerans ge-*  
 Qualis, quæso, communicatio essentia *nito suam*  
 absq; communicatione formæ? Qui *communi-*  
 formam communicat, ille sanè essen- *care essen-*  
 tiam communicat; & qui formam non *tiam.*  
 communicat, essentiam etiam non cõ-  
 municat. Si jam mortuo gallo, forma  
 pulli, quæ antea actu in ovo & semine  
 non fuit, educitur, tunc formæ hujus  
 causa efficiens pullum generabit, &  
 quod formam hanc efficere non pote-  
 rit, ut ille gallus mortuus, etiam ad ge-  
 nerationem non spectabit. Generatio  
 E enim

enim est introductio formæ, ex propriis Scholasticorum principiis. Sed de his, & similibus, fusius & exquisitius infrà.

### Conclusio Tertia.

*Transductio nec principiorum impugnat veritatem, nec artibus ac scientiis minatur barbariem aut ruinam.*

*Una &  
simplex  
veritas.*

Verum vero consonat ubiq; Cum ergò suprà Thes. 4. Concl. 3. sententiæ de Transductione monstrata & demonstrata fuerit veritas, cum veris principiis, regulis, ac scientiis, dubio procul concordabit. Hoc saltem cavendum, ne quis hypotheses suas pro principiis venditet, ne opiniones suas scientiis æquiparet, ne de re, quam nunquam intellexit, temerè judicet, ne benè dicta malè explicet, ac ne studio contradi-cendi aut calumniandi veritati sese opponat. Visuri ergò nunc sumus candidè, quomodo illa formatum transductio Adversario evertat principia, & quamnam bonis artibus & scientiis minuetur barbariem aut ruinam.

Sit igitur

CEN.

# CENTURIAE ARGUMEN- torum ab Adversario pro- positorum,

## PENTAS PRIMA.

### *Argum. I.*

Quæcunq; sententia confundit Cau-  
sas Externas cum Internis, illa evertit  
principia, proindeq; toleranda non est.  
Sententia de Translatione formarum  
confundit Causas Externas cum Inter-  
nis. Ergo evertit principia, proindeq;  
toleranda non est. Major est extra con-  
troversiam. Minor probatur 1. quia si  
formæ, quæ est causa efficiens, particu-  
la aliqua in ipsum genitum transfertur,  
utiq; forma illa & Causa Externa & In-  
terna est. Externa, quatenus habetur  
pro causâ Efficiente. Interna, quatenus  
fit pars essentialis geniti. 2. quia si mate-  
ria etiam abscinditur à generante & cō-  
municatur genito, utiq; & illa habebit  
rationem causæ Externæ, quatenus à ge-  
nerante est; Internæ, quatenus in geni-  
to est.

### *Argum. II.*

Quæcunq; sententia facit formam  
per se primò divisibilem, ea est nulla.

Sententia de traductione formarum, facit formam per se primò divisibilem. Ergò est nulla. Major probatione non indiget. Minor probatur, quia si formæ efficientis particula è generantis corpore in seminis corpus, & pòst è semine in genitum transit; necèssum est formam per se primò esse divisibilem. Ratio est, quia semen nec pars, nec materia corporis fuit.

*Argum. III.*

Quæcunq; sententia confundit potentiam generativam cum nutritivâ & augmentativâ, illa est falsa. Sententia de traductione formarum confundit potentiam generativam cum nutritiva & augmentativâ. Ergò est falsa. Major est manifesta. Minor probatur, quia effectus potentiæ nutritivæ & augmentativæ completur & manet in ipso subjecto, in quo insunt potentiæ: effectus autem generativæ (ut Titelm. habet) extra subjectum istius potentiæ est. Jam si formæ sunt in seminibus, generationis effectus erit in ipso generante.

*Argum. IV.*

Quæcunq; sententia infert hominem propagare individuum, ea est falsa.

Sen-

Sententia de translatione formarum infert hominem propagare individuum. Ergò est falsa. Major probatur, quia homo propagat speciem seu hominẽ, non individuum, alioquin seipsum propagaret. Minor probatur, quia sententia hæc vult, hominem suæ propriæ essentiaë seu formæ participatione generare.

*Argum. V.*

Quæcunq; sententia vult Petrum producere eundẽ Petrum, seu seipsum, ea est inepta. Sententia de translatione formarum vult Petrum producere eundem Petrum. Ergò est inepta. Major patet, quia Petrus non se, sed hominem numericè à se distinctum generat. Minor probatur, quia si propriam suam formam & essentiam communicat, utique seipsum generat.

**Adversarij Verba.**

THESIS III.

*Hactenus indubitata veritatis regula fuit, causarum alias esse internas alias externas, quarum hæ sint materia & forma essentiam rei constituentes, illa efficiens & finis, quatenus tales, eandem non ingredientes.*

E 3

Effi-

Efficientium causarum sive univoca sive æquivoca fuerit, nulla unquam ingreditur efficientiam effecti. Animalia enim univocè generantia, nec ex sua propria materia, neque ex sua forma producant semen, unde animal profatum, sed ex cibo chylum, ex chylo sanguinem, ex sanguine semen, in quo potentia proxima ad animal. Illud à substantia efficientis, nec quoad materiam, neque quoad formam abscinditur vel dividitur, sed generatur ab efficiente, ex sanguine & spirituum mixturâ in testibus à natura destinatis ut generandi materiam conficiant. Si verò hoc ipso formæ efficientis particula ex ejus corpore in corpus seminis transeat, necessum foret, formam per se primò esse divisibilem, quod nec pars nec materia corporis fuerit semen. Rectè proinde Titelman. lib. 8. natural. philosoph. cap. 10. inquit; Effectus operationis virtutis generativa est extra subjectum ipsius potentia. Potentia nutritiva & augmentativa, ipsa suum individuum in quo est, nutrit & augmentat. Nulla autem res per potentiam generativam seipsam generat, sed aliud distinctum individuum, simile tamen secundum speciem. Hac speciem propagat, illæ conservant & ad generationem tanquam ad finem ordinantur. Homo propagat

pagat speciem seu hominem, nō individuum, alioquin seipsummet propagaret. Petrus non generat nec producit eundem Petrum seu seipsum, sed sui speciem, hoc est, hominem in individuo existentem alio. Quocirca non sua propria essentia seu forma participatione generat, sed per suam formam tanquam causam efficientem.

## Responsio Generalis.

*Adversarius confundit communicationem μετεκβατικῶν, cum communicatione ἀλλοποιητικῇ.*

Εκθεσις.

Communicationis doctrina ut pulcherrima & utilissima, ita & difficilima est. Siquidem χαλεπὰ τὰ καλὰ. Ad præsens negotium quæ spectant proponam breviter. Dividitur Communicatio in eam, quæ est inter res disjunctas & separatas, & illam quæ est inter res conjunctas & unitas. Illa triplex est:

1. κοινωνία κατὰ μετέκβασιν, communicatio secundum transgressionem. 2. κοινωνία κατ' ἀλλοποιώσιν, communicatio secundum alterius similis productionem. 3. κοινωνία κατὰ χεῖρσιν, communicatio secundum usurpationem.

*Transductio  
formarū  
ad quam  
Communi-  
cationis  
spectet.*

E 4

Hæc



Hæc duplex est: 1. κοινωνία κατὰ συνδύασιν καὶ ἔνωσιν propriè dictam. 2. κοινωνία κατὰ σύγχυσιν, seu secundum unionem impropriè dictam. Usitatas Descriptiones Communicationum κατὰ μετέκτασιν & κατ' αἰλοποιώσιν proponam, & Adversario confusionem suam ostendam. Κοινωνία κατὰ μετέκτασιν est, quâ communicatum deserto communicante transit ad id cui communicatur. Κοινωνία κατ' αἰλοποιώσιν est, quâ communicans omnia sua retinet, & tamen sibi simile, numero diversum, in altero producit, illiq; sese communicat. Hinc ita argumentor: Quicumq; contra disputantem de communicatione αἰλοποιητικῇ, excipit per ea quæ spectant ad communicationem μετεκβατικῇ, is confundit communicationem μετεκβατικῇ cum αἰλοποιητικῇ. Adversarius contra disputantem de communicatione αἰλοποιητικῇ, excipit per ea quæ spectant ad communicationem μετεκβατικῇ. Ergo Adversarius confundit communicationem μετεκβατικῇ cum αἰλοποιητικῇ. Major suâ radiat luce. Minor probatur, quia illi qui traducem defendunt, non ita à generante formam communicari genito asserunt, ut illa ex uno corpore in aliud saltet, vel etiam ut eius



ejus particula aliqua à generante ave-  
latur, & ex eo in genitum deferatur, sed  
ut planè nova forma, specie eadem, nu-  
mero diversa, producat, & producen-  
do communicetur, atque sic non de  
communicatione μετεμβλητικῇ, sed de  
communicatione ἀλλοποιητικῇ loquun-  
tur. Hinc satis cauti Patrem nec totam  
animam, nec partem animæ, sicut nec  
totum corpus, nec partem corporis,  
communicare, sed se instar ignis, à quo  
alius ignis accenditur, sine prioris vel  
divisione, vel mutilatione, habere, sta-  
tuunt. Unde & traducem in ordine ad  
hominem spectatum (quamvis aliàs in  
primâ suâ significatione tradux sit *pro-  
pago, seu pars quedam ab arbore secta & in  
aliam traducta*; sicq; omninò absq; divi-  
sione fieri nequeat) ita describunt: *Tra-  
dux est anima rationalis propagatio spiri-  
tualis, quâ ea à parentibus in liberos sine di-  
visione & sine transfusione propagatur, to-  
tusq; homo ab homine toto, tam quoad ani-  
mam, quam quoad corpus, progeneratur.*  
Cur ergo hic Adversarius excipit de  
communicatione μετεμβλητικῇ? Frustra-  
nea itaq; sunt omnia illa quinque Argu-  
menta, turpiter communicationem

*Tradux  
quid.*

E

ς

κατὰ

κατὰ μετέκβασην cum communicatione  
καὶ ἀλλοπρώσει confudentia.

## Responsiones Speciales.

### *Ad Argum. I.*

Minor negatur. Forma enim quæ multiplicatione sui aliam formam producit, in generante manet, & nunquam in genitum transfertur, atque sic benè rationem Causæ Externæ, nullo modo, autem (quoad genitum) Internæ habet. Sic & materia à generante non, abscinditur & genito communicatur, sed retinet generans totam suam materiam, & per quoddam ad substantiam, essentiam, & integritatem suam non spectans, effectum sibi similem producit. Offendunt Adversarium nonnullæ locutiones, quas magis quàm res ipsas pensitat, & hinc tot confusionum môstra format. Nempè, dicitur semen διόσπασμα σώματος καὶ ψυχῆς, ita ut ad subjecti divisionem anima ipsa dividatur, & aliquid ejus cum semine ab animali decidatur, in *Lib. de Chymic. cum Arist. & Gal. Conf. ac Diff. cap. 9.* Hinc illas necit consequentias, non tam res quàm verba sequentes, nientemq; Clar. Sententiæ everentes & peryertentes. Ubi  
scire

*Generans  
nihil de  
substantiâ  
suâ amit-  
tit.*

scire debebat, Philosophos esse rerum  
 sectatores, non verborum lancinato-  
 res. Sæpè necessitas vocabula nonnul-  
 la extorquet, loquimurq; non ut volu-  
 mus, sed ut valemus. Ita ergò ex ipso  
*Dn. Sennerto* contra *Adversarium* argu-  
 mentor: *Quicumq; statuit generans pro-*  
*ducere animam numero à suâ animâ diver-*  
*sam, ob quam novum postmodum oriatur*  
*animal, illè causam Externam cum Internâ*  
*non confundit. Dn. Sennertus statuit, ge-*  
*nerans producere animâ numero à suâ ani-*  
*mâ diversam, ob quam novum postmodum*  
*oriatur animal. Ergò Dn. Sennertus cau-*  
*sam Externam cum Internâ non confundit.*  
 Major sat rata est. Minor patet ex co-  
 dem Cap. 9. ubi apertè ait animam ge-  
 niti esse ejusdem speciei cum animâ ge-  
 nerantis, sed nō ejusdem numeri, & ob  
 hanc animâ etiam novum exoriri ani-  
 mal. Et quamvis *Scaliger Exerc. 6. §. 10.*  
 animam geniti partem animæ genitoris  
 vocare non erubescat: tamen 1. non ut  
 cucurbitæ prævum è corpore educunt  
 sanguinem meliorem relicto, ita & nos ex  
 egregiis *Scaligeri* scriptis, non nisi mala  
 extrahamus & attrahamus. Quis n. ne-  
 garet, quod etiam in *Scaligeri* scriptis  
 sint bona mixta malis, & mala mixta bonis.

2. Mul-

2. Multa scribuntur ex usu loquendi, ut quæ acrius & penitius quis sentit, facilius induat in animos auditorum. Ad mentem ergò Scaligeri magis quàm ad vocabula respiciendum. Benè enim Scaliger novit, animam planè non habere partes.

*Ad Argum. II.*

*Generans  
generando  
non suam  
dividit for-  
mam.*

Minor iterum negatur. Nulla siquidem formæ efficientis particula à generante abscinditur, sed fit generatio sine ullâ generantis & diminutione & divisione. Et sicut forma cum in materiam novam sese promovet, non auctur: ita eadem cum se multiplicat, nec diminuitur, nec dividitur. Et sanè, ait *Scalig. Exerc. 101. s. 15 formam qui majorem, aut minorem, dicit, abutetur patientiâ sapientum.* Cum verò vel idem *Scaliger*, vel *Dn. Sennertus*, viventia in generationibus aliquid de suâ materiâ & de suâ formâ largiri, dicunt; non ad identitatem *numericam*, sed *specificam*, respiciunt. Hoc est, non hoc volunt, ac si aliqua mutilatio, vel respectu animæ, vel respectu corporis generantis fieret, sed saltem & animam & corpus à generante esse, declarare conantur. Sic & cum

gene-

*Quomo-  
do gene-  
rans com-  
municet  
aliquid de  
suâ mate-  
riâ & de  
suâ formâ*

generans aliquid de suâ essentia in generatum transferre docent, saltem identitatem specificam, non autem individualem, exaggerant, rationemq; generationis intimius perscrutant. Neque modus ille loquendi novus est. Siquidem ipsi Peripatetici ita loquuntur, ut exemplo *Zabarella* (quem magni facit *Adversarius*) & *Armandi de Bello Visu*, patebit. *Zabarella Libr. de facult. anim. cap. 11.* sic ait: *Generans communicat aliquid de suâ animâ nutritivâ, quatenus exhibet semen animatum, ut ipse Arist. asserit in 2. libr. de Ortu anim. cap. 3. est enim semen præditum facultate vitali, quæ eadem in generante erat; sed simul communicat aliquid de suâmet materiâ, quia forma non potest migrare de materiâ in materiam, quare necesse est, ut vivens generans exhibeat portionem suæ materiæ, unâ cum portione animæ nutritivæ, & caloris sui naturalis; fit autem postea alia numero anima, & aliud vivens ejusdem speciei.* *Armandus de Bello Visu in Explic. Termin. Tract. 2. c. 15.* ita ait: *Sciendum, quod genitum exit à generante dupliciter: uno modo secundum quod procedit in esse distinctum, clausum tamen intra terminos generantis, & iste exitus vocatur*

catur propriè conceptio: alio modo, secundum quod procedit in esse distinctum & manifestum, ideò in eis non propriè dicitur conceptio sed nativitas. Et quia res nominatur secundum quod apparet, ideò iste modus ex-eundi facit nativitatem secundum communem modum loquendi. Nihilominus tamen & iste exitus primus potest dici nativitas, secundum quod dicimus duplicem nativitatem: unam in utero, aliam ex utero. Et quia in plantis simul procedit quid in esse distinctum & manifestum: ideò in eis non dicitur propriè conceptio, sed nativitas.

*Ad Argum. III.*

Differunt  
potentia  
nutritiva  
& augmē-  
tativa à  
generati-  
vâ.

Etiam hæc Minor falsa est. Quoad probationem, lubenter concedimus id, quod *Titelmannus* habet, potentiam nutritivam & augmentativam à generativâ in eo differre, quod illarum effectus maneat in ipso subjecto in quo sunt potentia, hujus autem tendat extra subjectum, & quod potentia nutritiva proprium individuum nutriat, & augmentativa proprium individuum augmentet, generativa verò aliud distinctum individuum, simile tamen secundum speciem, producat. Sed quid hoc contra Traducem? Generans enim nō gene-

generat ante emissionem seminis, atq; Nihil ge-  
 sic minimè in generante potentia ge-  
 nerativæ dabitur effectus, sed ibi ubi est nerat sei-  
 tale semen emissum. Hinc semper de psum.  
 semine *prolifico* loquimur. Per semen Semen  
 autem prolificum intelligimus (re ad prolificum  
 hominem contractâ; ut fieri solet in A- quid.  
 nalogis & Analogatis) neutrius sexus  
 semen seorsim sumptum, sed utriusq;  
 conjunctum, & in utero foeminæ ritè  
 unitum, ut habet *Clariss. Dn. Sennertus*  
*in Tract. de Cons. & Diss. cap. 9.*

*Ad Argum. IV.*

Adversarius loquitur obscure. Non  
 enim satis patet, an in hoc argumento è  
*Grammaticis*, an è *Physicis* disputare co-  
 netur. Assumit verbum propagare, &  
 illud nō ad individuum sed ad speciem  
 spectare asserit, quod & in Grammati-  
 cis & in *Physicis* est falsum. Verbum c-  
 nim propagare cur non individuis et-  
 iam competeret? Dicimus sanè pro-  
 pagare sobolem, propagare vitem, pro-  
 pagare nepotes &c. ubi utiq; propaga-  
 tio individuum est. Hinc & propago  
 propriè notat, *vitem suppressam, ut eâ ge-*  
*nerentur plures*; quod de individuo ac-  
 ceptandum esse, ultro patet. Sed mitti-  
 mus Grammaticalia. Na-

*Propaga-*  
*re cui com-*  
*petat.*

Na-



Naturam ipsam si spectemus, propagatio & ad speciem & ad individua refertur: ad hæc ex se, ad illam propter hæc. Stat v, gr. propagatio generis humani, quia se propagant & multiplicant individua, horum enim tantum est agere, propter Canonem: *Actio est suppositorum*. Cadit ergò Major. Probatio addita est nulla. Cur enim homo seipsum non propagaret, hoc est, multiplicaret? Cur propagatione hac novum individuum non procrearet, atque sic speciem conservaret? Sed forsitan Adversarius vult hoc, homo non *propagat*, seu *gignit*, seipsum. Sed sic aperte falsum est, hominem propagare, hoc est, gignere, speciem. Singularium enim est gignere & gigni, non universalium.

*Ad Argum. V.*

*Petrus nõ  
se, sed sibi  
simile, ge-  
nerat.*

Minor falsa est. Probatio non attendit defensores traducisurgere commutationem ἀλλοποίησιν. Generat nempe Petrus sine diminutione sui novum individuum, quod antea planè non fuit. Unaq; Petri est anima, à quâ multæ; sicut una anima canis plurium sufficit generationi, ut habet *Scal. Exerc. 6. l. 10.*



PENTAS SECUNDA.

*Argum. I.*

Quæcunq; sententia statuit principia generari, ea est improbanda. Sententia de Translatione formarum statuit principia generari. Ergo est improbanda. Major probatur autoritate Aristotelis, Zabarellæ, & Bodini, qui generationem & corruptionem non adscribunt principiis, materiæ scilicet & formæ, sed principiatis & compositis. Minor est inpropatulo, quia sententia hæc formam canis, equi, salicis, quercus, & alias, vult generari.

*Argum. II.*

Quicquid fit, fit ex aliquo quod est in  
potentiâ. Forma quæ generari statui-  
tur, fit. Ergò fit ex aliquo quod est po-  
tentiâ. Porro : Quicquid fit ex alio  
quod potentiâ tale est, illud actu in isto  
non est. Forma fit ex alio quod poten-  
tiâ tale est. Ergò forma actu in isto  
non est; & per consequens, anima in semi-  
ne actu non habetur.

*Argum. III.*

Quæcunq; sententia statuit, i, formas  
transferri ex hoc subjecto in aliud, &  
F                      migra-

migrare ex hac materiâ in aliam. 2. particulam quandam formarum in aliam extra suum subiectum transfundi materiam: ea rejicienda est. Sententia de translatione formarum statuit 1. formas transferri ex hoc subiecto in aliud, & migrare ex hac materiâ in aliam. 2. particulam quandam formarum in aliam extra suum subiectum transfundi materiam. Ergò rejicienda est.

*Argum. IV.*

Quicquid effectum non ingreditur, illud etiam effectui non tribuatur. Forma & materia parentum effectum, filium scilicet, non ingrediuntur. Ergò forma & materia parentum etiam filio non tribuantur. Major est clara. Minor probatur, quia parentes sunt causa Efficiens, adeoq; Externa, quæ effectum non ingreditur. Unde non ita se habet semen, ut se habet surculus ab arbore avulsus, quia hic est pars arboris, sed semen pars parentum non est, nec magis animatum dici potest quàm sanguis.

*Argum. V.*

Si generatio fit, cum parentes producant semen prolificum, habens potentiam formæ aq; speciem sui similem, frustra

strà formæ actu statuuntur in semine. Sed generatio fit, cum parentes produ-  
cunt semen prolificum, habens poten-  
tiam formæ ad speciem sui similem. Er-  
gò frustra formæ actu statuuntur in se-  
mine. Nec si à calore potentia illa de-  
ducitur in actum, propterea statim di-  
cendum illam formam à materiâ gene-  
rari.

## Adversarij Verba.

### THESIS IV.

*Forma si ab efficiente immediate genere-  
tur & transeat cum semine, ut ex eo sibi domi-  
cilium exstruat, principia generarentur;  
atqui de naturâ principiorū est, non genera-  
ri, vel corrumpi, sed principiati. Et Arist.  
lib. 1. Phys. auscult. cap. 1. ait, omne quod ge-  
neratur est compositum. Zabarell. lib. de ge-  
nerat. & inter. c. 5. inquit. propriè dici totum  
compositum generari & interire nō formam  
vel materiam. Et Bodin. lib. 3. Theatr. natur.  
Quest. 70. nec materiam nec formam gene-  
rari sed totum ex utroq; mixtum. Sed conce-  
damus propius & premamus arctius.*

### THESIS V.

*Omne quod fit, fit ex aliquo quod est in  
potentiâ. Nihil verò reducitur ex actu ad  
F 2 poten-*

potentiam, nisi abente existente in actu: si enim sit aliquod ens existens in potentia, id ab alio existente in actu reduci debet, cum nulla potentia seipsam actuare possit & quod sit, id actu nondum est, sed ad actum aspirat, quod vero facit id omnino actu necessarium est esse. Nisi enim una & eadem res dicenda sit actu esse & non esse, fatendum est quidquid sit ab alio fieri. Haecenus illud primae divinae scientiae immotum existit oraculum & principium, cui & nos inniti equum est.

### THESIS VI.

Forma cum speciem propagat, suae similem producit (ita cum illis loqui fas sit) induit rationem causa efficientis: generat itaque sibi simile ex alio quod potentia tale erat. Nulla enim forma rerum speciem profert, quatenus seipsam ex hoc subiecto transferendo migrat in aliam materiam aut subiectum, sic enim statuere est metempsychosin Pythagoream reducere; nec quatenus sui particulam, in aliam extra suum subiectum transfundit materiam, sic enim ipsa primo foret divisibilis & quanta; semen enim non est pars animata animae seminantis una & eadem à quo avellatur tanquam surculus ab arbore, non magis animatum semen est quam  
san-

*sanguis, nec pars corporis propriè dicta: Necessum itaq; est ut se propaget similem sui producendo, tanquam causa efficiens: atqui hæc non ingreditur effectum, ut causa interna & constitutiva pars essentia. Ex forma enim & materia parentum non nascitur proles, sed generatur, tanquam ab efficiente sibi similem procreante, ex principiis non ex propria sua essentia delibatis aut divisitis tanquam particulis. Generatio itaq; fit cum parentes producant semen prolificum, habens potentiam forma ad speciem sui similem. Illa forma nondum actu generata est, sed hæret in potentia seminis (excipe animam rationalem) uti in ovo actu non est forma pulli sed proxima potentia ad eundem. Sufficit semen à generante talem accipere potentiam ut externo quodvis adminiculo convenienti possit in actum perducì. Ovum leni caloris fotu actuatur, & generatio perficitur, ubi semen equali potestate præditum, est genitum, quo producto & in suo loco (videlicet matrice commoda) asservato, atque superstite, ipse generans interire potest. Quod si à calore & virtute uteri in actum ducatur, non dicendum formam esse generatam à calore; vel ab accidente substantiam produci. Erat enim in potentia proxima,*

que est ratio disposita materia propinquissima, talem importans necessitatem, ut accedente caloris opera, atque convenienter adjuvantium actione formae propria & debita, non alia qualiscumque emergat atque exurgat. Quod in semine potentia est ad animam id ab anima habet, videlicet illam dispositionem, ut potentia in eo sit proxima ad animalis formam, quam ut adipiscatur, non est amplius istius animae praesentia opus, a cuius virtute eam habet; sed sufficit in commodo loco vim plasticam ab anima inditam suscitari, foveri ipsamque potentiam in actum deduci, quod semini animantium accidit in utero, & stirpium in terrâ.

## Responsiones Generales.

I. *Adversarius frustra odiosum id clangit: Iste habet: Ille dixit.*

Εκθεσις.

Res intellectus nostri mensura sunt, *non Libri.* Omnium opiniones ad veritatis praesidium & falsitatis excidium limandas & refutandas esse, omnes uno ore fatentur & Philosophi & Medici. Frustrâ ergo Adversarius vel Bodini, vel Zabarella,



rella, vel Aristotelis, vel alterius, sententiam *Experientissimo Dn. Sennerto* opponit, quippè qui Ratione & Experientia, non autoritate humanâ pugnandum passim dicitur. Qui veram credit esse propositionem quampiam, in *Præfat. ad Lect. de Conf. & Diff.* ait, idè quod Plato, Aristoteles, vel quivis alius eam crediderit, nec aliam rationem & causam inquit: certè ingenio omni caret. Veritas enim non in ore ejus qui quid affirmat, sed in reipsâ quæ explicatur, consistit. λέγω ergὸ καὶ πείρα pugnet Adversarius, non Autoritatibus.

*II. Adversarij Exceptiones maximam partem super unovolvuntur cardine.*

Ἐκ θύρας.

Ait, formam habere rationem Causæ Efficientis, formam non migrare de subjecto in subjectum, formam non dividi, non esse unam eandemque in parente & filio &c. Sed hæc omnia etiam dixerat antea, profluuntque ex unâ communicationis ἀλλοποιοῦντις

*Cithara.  
dus videtur, cum  
semper  
eâdem ob-  
erant chor-  
dâ.*

τὴν μεταβαλὴν confusione. Si modum quo communicabiles dicuntur formæ, pensitaret Adversarius, vix talia proferret. Nempè est & manet Patris generantis anima Causa Efficiens, non migrat ea de subiecto in subiectum, non dividitur, non in duobus aut tribus corporibus est, sed tota, salva & incolumis persistens, aliam numero diversam, specie eandem, certâ mediante materiâ generat & producit.

### III. Adversarij protestatio est contraria factò.

Ἐκθεσις.

Produce-  
re paren-  
tes & fi-  
lios animâ  
rationali  
destitutos,  
est facere  
accamen-  
tum ru-  
brum.

Animam Rationalem se excipere sæpius profitetur, & tamen ubiq; mentionem Parentum & Filiorum, hominis, Petri &c. reddit. Unde sic argumtor : Quicunq; animam Rationalem à Controversia de Origine Formarum vult exceptam, ille etiam Parentum, Filiorum, Hominis, & Petri, nullam facere debet mentionem. Adversarius animam Rationalem à Controversiâ de Origine Formarum vult exceptam. Ergo etiam Parentum, Filiorum, Hominis, & Petri, nullam facere debet



*debet mentionem.* Major probatur, quia Parentes, filij, homo, Petrus, nullâ aliâ animâ quàm rationali constant. Et, quod benè notandum, quid sibi illa Adversarij volunt verba thesi 6. prolata? *Generatio itaq; fit, inquit, cum parentes producant semen prolificum, habens potentiam formæ ad speciem sibi similem.* Certè hîc etiam Animæ Rationalis potentiam in semine hæere dicit, quod sat crassum. Nihilominus tamen statim subjicit, excipe animam rationalem, quod nugatorium esse quis non videt? Excipit, & non excipit. Sed de his infra plura.

## Responsiones Speciales.

### *Ad Argum. I.*

Distinguendum est inter principia *Universalia & Specialia*, Universalia non generantur, quo sensu suprâ Thesi 2. dictum, Formam Primam nec educi, nec induci, nec traduci, Specialia verò principia omninò generantur. Falsa ergò est Major. Sive enim propria Scholasticorum principia, sive naturæ & veritatem ipsam consideremus, principia non minus quàm principjata

*Principia Universalia & Prima nō generantur.*

*Principia Specialia & Secunda corporum corruptibiliū generantur*

F 5

& com-

generatur

& composita generari deprehendim⁹.  
 I. Scholastici statuunt, 1. formam de-  
 pendere à materiâ in esse, fieri, & ope-  
 rari. 2. formam non fieri, sed confieri,  
 non produci sed comproduci, non ge-  
 nerari, sed congenerari : è quibus sic  
 argumentor : (1.) *Quicquid ab alio de-*  
*pendet in fieri, illud fit. Forma ab alio de-*  
*pendet in fieri. Ergò forma fit.* Major ma-  
 nifesta est. Id enim quod non fit, quo-  
 modo in fieri dependere potest ? Et sic-  
 ut rectè dico : *Quicquid ab alio depen-*  
*det in esse, illud est :* Et, quicquid ab  
 alio dependet in operari, illud opera-  
 tur ; Et contrà : *Quicquid non est, ab*  
*alio etiam non dependet in esse ;* Et,  
 quicquid non operatur, ab alio etiam  
 non dependet in operari : Ita etiam ju-  
 re eodem rectè dico : *Quicquid ab alio*  
*dependet in fieri, illud fit ;* Et contrà,  
 quicquid non fit, ab alio etiam in fieri  
 non dependet. Sed forsan Adversarius  
 concedit formam fieri, negat tamen e-  
 am generari. Argumentor ergò por-  
 rò : *Omnis substantia que fit, aut per crea-*  
*tionem aut per generationem fit. Forma est*  
*substantia que fit. Ergò forma aut per crea-*  
*tionem, aut per generationem fit.* Sed non  
 per

*Formas  
 fieri & ge-  
 nerari è  
 principiis  
 Scholasti-  
 corum  
 Argum. 1.*

per creationem fit, quod concessum.  
Ergò per generationem. Major patet,  
quia saltem stat duplex ille substantias  
producendi modus. Sunt enim in uni-  
versum tria Efficientia, *Deus, Natura, &*

*Ars.* Potens est *Ars*, potentior *Natura*,  
potentissimus *Deus*. *Ars* producit  
mera accidentia: (contradistinguen-  
dum enim formale materiali; hoc qui-  
dem substantia est, sed à naturâ, non ab  
arte, facta) *Natura* & *Deus* non acciden-  
tia sola, sed substantias accidentibus  
suis donatas & dotatas; illa generando,  
hic creando. Minor fuit probata. (2.)

*Quicquid confit, comproducitur, connasci-  
tur, & congeneratur, illud etiam fit, produ-  
citur, nascitur, & generatur. Forma confit,  
comproducitur, connascitur, & congenera-  
tur. Ergò forma etiam fit, producitur, nasci-  
tur & generatur.* Major probatur, quia τὸ  
confieri, ut nomine, ita & re includit τὸ  
fieri, & τὸ comproduci produci, & con-  
generari generari: aliàs nec cor, nec pul-  
mo, nec hepar, nec ullū aliud membrū  
generaretur, quæ tamen generari ex-  
pressè dicit *Aristot. Lib. 2. de gener. anim.*  
c. 2. ubi egregiè disputat, an ab intrinse-  
co, an ab extrinseco, an à separato, an à  
conjuncto, partes corporis generentur.

Sive

*Tria Effi-  
cientia.*

*Ars quid  
producat.*

*Deus &  
Natura  
quid pro-  
ducant.*

*Formas  
fieri & ge-  
nerari è  
principiis  
Schola-  
sticorum  
Argū. I I.*

*Formas  
fieri & ge-  
nerari, i-  
psa docet  
Natura.*

*Quid cõ-  
fiat, con-  
generetur,  
connasca-  
tur, &  
compro-  
ducatur.*

Sive ergò solitariè, sive conjunctim cum alio quid fiat & generetur, tamen fit & generatur: non enim quia manus fit cum brachio & digitus cum manu, ideò non fiunt. II. Naturam & veritatem ipsam si spectemus, utiq; formas fieri & generari manifestissimèprehendimus. Æternæ enim non sunt, sed initium habent: ergò eo ipso quo esse incipiunt, fiunt, impossibile siquidem est incipere & non fieri. Sic cum generatur canis, forma canis esse incipit: si hoc, ergò fit, & si non fit, etiam esse non incipit. Imò, si quid argutiæ modo loquendi, aut quid subtilitatis terminis istis, confieri, congenerari, connasci, & comproduci, inesset, rectius compositum diceretur confieri, connasci, congenerari, & comproduci, quàm principia. Natura enim semper à partium productione ad totius productionem progreditur, factisq; & productis omnibus & similaribus & dissimilaribus partibus, tandem ultrò confactum & comproductum est totum compositum. Sic factâ animâ canis, factoque epate, corde, cerebro, arteriis, venis, nervis, ligamentis, ossibus, cartilaginibus, cæterisque parti-

partibus omnibus, confactus & congeneratus etiam est canis. Hinc in Phys. Lib. 1. cap. 3. ita habet *Excellentiss. & Experientiss. Dn. Sennertus*: Verum enim vero, sive primò, sive secundò, sive consequenter, sive sola, sive cum composito, fiat forma, nibileminus remanet quaestio integra; Unde forma quæ jam est in materia, & antea non fuit, habeat suam essentiam; an præextiterit in materiâ, an fiat materia in formam conversione, an ex nihilo. Non enim si digitus fit cum manu, idè non fit ex aliquo. Imò potius compositum consequenter & secundò fieri dicendum, quam materiam. Ut enim dum ligna, lateres, calx, & alia fiunt & componuntur consequenter domus fit: ita compositum naturale, quod nihil aliud est, quam materia & forma, fit cum materia & forma fit. Cum autem materia non fiat, quid aliud fieri dicendum, quam formam.

*Ad Argum. II.*

Transcat quod Adversarius formam modò ex aliquo, modò ab aliquo fieri dicat, & terminos illos pro Synonymis habeat, cum tamen aliàs differant immensum. Rectius accuratiores Aristotelici, quorū propugnator audire vult  
Adver-

*Accuratè  
loquendo  
differunt  
termini,  
A, Ex,  
Per, &  
Propter.*

Adversarius, per quatuor hos cè terminos, *à, ex, per, & propter*, quatuor distinctas causalitates notant, ita ut terminus *à* vel *ab* spectet ad *Efficientem*, *ex* ad *Materiam*, *per* ad *Formam*, & *propter* ad *Finem*. Formam igitur *ab* aliquo esse, & formam *ex* aliquo esse, differunt egregiè. Sed, ut dictum, transeat; in verbis esse possemus faciles, si modò conveniremus in re. Major Argumenti est Canon Scholasticorum, sed tot ambiguitatibus involutus, ut cum vix ipsi Scholastici explicare sufficiant. Possemus ergò facile Majorem istam rejicere, 1. ut obscuram & ambiguam. 2. ut alienam & suspectam. Siquidem dogmata dubia per Canones æquè dubios, imò ex ipso dubio dogmate constitutos, contra eos qui in hoc ipso non consentiunt, sed *λόγῳ καὶ πείρᾳ* pugnant, probare, est aliena, suspecta & inepta arma proferre. Ex abundanti tamen Scholasticas Canonis vel limitationes vel distinctiones adferre, ac in quantum valeat, & in quantum non, pensitare, ac num contra nos urgeri possit, an secus, rimari lubet. Sonat ergò Canon ita:

*Quic-*

*Quicquid fit, ex aliquo fit.* Cui non ab-  
 similis ille: *Ex nihilo, nihil fit.* Hic jam  
 Scholastici explicant 1. *to fieri.* 2. *to ex.*  
 3. *to nihil.* Fieri, dicunt, sumitur vel pro  
 fieri *simpliciter & absolute*, vel pro fieri  
*secundum quid.* Simpliciter fieri dicitur  
 id, quod est ultimus actionis alicujus  
 terminus. Sic fit compositum, non  
 forma aut materia. Secundum quid fie-  
 ri dicitur, quod quia non est à seipso ab  
 alio fit, sed non separatim, verum cum  
 alio, & in alio. Sic fieri dicitur forma.  
 Canon, *Quicquid fit, ex aliquo fit*, loqui-  
 tur de eo quod dicitur fieri *simpliciter.*  
 Hinc & exempla de vermiculis qui fi-  
 unt è caseis, de cane qui fit è semine, &  
 similia, afferunt. Non ergo ab Adver-  
 sario ad formas, quæ Scholasticis nec  
 fiunt, nec generantur, trahi debet. Ad  
 composita enim & non ad principia  
 Canon applicari debet, aliàs in Syllogi-  
 smis exinde formatis quatuor fient ter-  
 mini. 2. Terminus Ex Scholasticis hoc  
 loco valde ambiguit dicitur. Nunc enim  
*Subjectivè*, nunc *Terminativè*, nunc *Consti-*  
*tutivè* sumitur, Subjectivè si acceptetur,  
 Canon, *to Ex.*

*Limita-  
 tiones Ca-  
 nonum:*

*Quicqu.  
 fit, ex ali-  
 quo fit:  
 Ex nihilo,  
 nihil  
 fit.*

*Quotu-  
 pliciter  
 Scholasti-  
 cis dicatur  
 to fieri.*

*Adversa-  
 rius Cano-  
 nem male  
 applicat.*

*Quotu-  
 pliciter  
 Scholasti-  
 cis dicatur*

*to Ex.*



Canon, *Quicquid fit, ex aliquo fit*, hoc vult: *Quicquid fit, ex aliquo tanquam sub-  
jecto suo generatur*. Et hoc sensu dicunt,  
ex ente in potentiâ aliquid generari,  
tanquam ex subiecto. Terminativè si  
acceptetur; Canon hoc dicit: *Quic-  
quid fit ex suo contrario seu opposito fit*. Ter-  
minus enim ille est ipsum contrarium,  
unde & Canonem formant: *Contra-  
rium fit è contrario*. Constitutivè si intel-  
ligatur, Canon id ait: *Quicquid fit, ex  
aliquo tanquam parte componente & con-  
stituente fit*. Et sic omnia corpora natu-  
ralia ex materiâ & formâ fiunt. Si jam  
Adversarius urgeat significationem pri-  
mam, principium petit. Hoc enim jam  
controvertitur, an id quod fit, ex po-  
tentiâ illâ Scholasticorum fiat; si secun-  
dam, nihil infert, quia hoc pacto merus  
saltem terminus à quo indigitatur; si  
tertiam, malè ad formâ tanquam prin-  
cipium, non autem ad principiatum &  
compositum Canon applicatur. 3. Ni-  
hil etiam Scholasticis vel est *Negativum*,  
vel *Privativum*. Negativum est purum  
non ens, quod enti opponitur Contra-  
dictoriè. Privativum est *κατὰ τὸ* non ens,  
quod negationem quidem notat, sed  
idonei-

*Adversa-  
rius Cano-  
nem ap-  
plicare ne-  
quit.*

*Quotu-  
pliciter  
Scholasti-  
cis dica-  
tur vò Ni-  
hil.*



doncitatem & habitudinem conno-  
 at. Canonem, *ex nihilo nihil fit*, de prio-  
 ri nihilo intelligunt, non de posteriori.  
 sempè, ex nihilo negativo nihil (per  
 am generationis, non creationis) fit;  
 ex nihilo autem privativo illis aliquid  
 . Sed quid inde? Ergone forma fit  
 potentiâ materiæ? Larga hæc est  
 collectio, siquidem de Composito Ca-  
 nonem intellectum volunt, nō de prin-  
 cipiis. Ut taceam illam privationem ite-  
 m involvere principij petitionem.  
 e potentiâ istâ sat dictum supra Thef.  
 Concl. I. Missis jam illis Interpretum  
 plicationibus, Canonem potius ita  
 marem: *Quicquid fit, ab alio fit*; non  
 : *Quicquid fit, ex alio fit*. Effectus enim  
 nper postulat Causam Efficientem,  
 n autem semper requirit materiam.  
 fiebant Angeli ab alio, non autem  
 uratè loquendo ex alio: fit anima  
 ionalis ab alio, sed non ex alio: & fi-  
 : formæ omnes ab alio, sed non ex  
 o. Hinc argumētum invertimus hoc  
 to: *Quicquid fit, ab alio fit. Forma fit.*  
 d *ab alio fit*. Major in confesso est.  
 nor fuit probata. Si jam ab alio fit,  
 so, à quonam? Aut à materiâ, aut

*Adversa-  
 rii appli-  
 catio nul-  
 la.*

*Canon  
 Scholasti-  
 corū quo-  
 modo li-  
 mitandus.*

*Inverso  
 Argu-  
 menti.*

G

à for-

à formâ: tertium enim non datur, omnisq; sive actio sive passio vel ad materiam vel ad formam revocanda venit. A materiâ autem non fit, quia hæc non agit, sed patitur. Ergò à formâ: ergò formæ sese multiplicant, propagant, speciesq; conservant. Ibimus per exemplum. Forma canis generati à quonâm fuit facta? Num à materiâ canis, an à forma canis, num à coelo, an à substantiâ aliâ, an ab accidente certo? Accidentibus & causis aliis remotis & universalibus nullus hîc est locus, quia effectus specificatio causam specificantem postulat. Ergò restat materia & forma. Cujusnâm materia & forma? Canis nempe generantis: generatum enim à generante suam habet essentiâ, ut in confesso est. Sed à materiâ illa forma non fit, quia hæc passivè se habet, & ab omnibus passivum salutatur principium, non activum: ergò à formâ seu animâ canis, quæ in opere generationis aliam sibi quoad speciem similem, quoad numerum diversam, producit animam. Et quamvis recurrere quis velit ad materiam dispositam, tamen agens est de quo quæritur, non patiens,

agens

agens proximum est, de quo quæritur;  
agens principale est, de quo quæritur:  
quæ si quis pensitaverit, facile nec ma-  
teriæ virtuti, nec siderum efficaciam, nec  
caloris potentiam, vim producendi istam  
animam tribuere valebit. Sic & cum ex  
ovo gallinaceo gallus, ex anserino an-  
ser, & ex serpentino serpens produci-  
tur, de causâ Efficiente Proximâ & Prin-  
cipali (non de subiecto aut materiâ)  
istius animæ galli, illius animæ anseris,  
& huius animæ serpentis inquiritur &  
disquiritur, quæ præter formam alia nec  
est, nec esse potest.

*Ad Argum. III.*

Minor negatur. Non enim forma  
migrat & saltat ex unâ materiâ in aliam,  
nec illius aliqua particula è corpore  
priori migrat in corpus aliud, sed gene-  
rans totam suam formam retinet, & no-  
vam in & cum materiâ convenienti &  
habili gignit, eo modo quo candela ac-  
censa alium in aliâ candelâ gignit ignem.  
Plura hac de re dicta fuere supra in Pen-  
tade primâ, quæ brevitatis ergò repe-  
re non lubet. & de Pythagoreâ Me-  
tempsychofi, quam toties ingeminat  
Adversarius, in *Tract. de Morb. Tot. Subst.*

*Animam  
& corpus  
parentum  
in filio ne-  
mo qua-  
rit.*

*Quaest. 4. ad Except. Respons. 1. seq. 2. a-*  
*ctum est prolixius.*

*Ad Argum. IV.*

*Parens  
 retinet su-  
 am ani-  
 mam &  
 suum cor-  
 pus.*

*De quo-  
 nam semi-  
 ne Status  
 Contro-  
 versia sit?*

Conceditur Syllogismus totus, quia omninò in filio nec anima nec corpus parentum est; sed à duabus parentum animabus profecta fuit una quoad numerum diversa anima, & à duobus parentum corporibus productum & profusum fuit unū numero diversum corpus. Semen verò an sit pars corporis, an non, nihil ad nos. Non enim loquimur de semine prout in parentum testiculis, vel etiam prostaticis glandulosis hæret, sed illud semen animam habere asserimus, quod in utero benè disposito legitimè mistum & suscitatum est. Hic enim generationis (respectu ad hominem habito) est modus, ut (1.) semina facunda & pura in uterum tanquam agrum feracissimum effundantur, (2.) exquisitè misceantur, (3.) retineantur, (4.) utriq; ingenitâ facultate suscitantur. Hæc illa semina sunt, quibus animam actu inesse, conceptus vivificatione & partium efformatione persuasi, statui-  
 mus: hæc illa *γενή* est, cui toties *τὸ δὲ  
 χλὺ κινῆσθαι* inesse monet Aristoteles:  
 hoc

hoc illud κύημα est, δυνάμιν ποῖσαν & ἐχλὼν ἡμέσεως continens, ut idem Aristoteles loquitur, & alii saniores cum pso. Aliàs verò, si quid de semine in corporibus Parentum contento dicendum, & an pars sit, an non, inquirendum, dicimus partem sumi in significato vel *strictiori*, vel *latiori*. In *strictiori* si sumatur, semen pars corporis animati non est. Habent enim animata omnes suas partes, etiam tunc cum semina non habent, unde utile excrementum appellari consuevit. Si verò pars in *latiori* sensu, quo Hippocrati τὰ μόρια ἰσχύοντα, ἰσχύοντα καὶ ὁρμῶντα, hoc est, *continentia*, *contenta*, & *impetum facientia*, dividuntur, sumatur, ad partes semen utiq; spectat. Quod verò malè cum surculo comparetur, nondum videmus, quia collatio illa stat eatenus, quatenus semen est medium propagationis; aliàs verò facile concedimus, dari certas inter surculum & semen disconvenientias, quia simile etiam est dissimile.

*Ad Argum. V.*

Non pauca hîc conjunguntur, quæ distinctè consideranda. I. Assumptum

G 3

petit

*An, & quo modo semen pars animati sit.*

petit principium. Nempè, generationem fieri, cum parentes producant semen prolificum, habens potentiam formæ ad speciem sui similem, probandum, non ita nudè proferendum est. Pro contrariâ sententiâ (ut ea non repetam de quibus suprà fat dictum) ita argumentor:

*Generatio Scholasticis est introductio forma.*

*Quicquid est generationis terminus proximus, sine ejus præsentia nulla generatio fieri potest. Forma est generationis terminus proximus. Ergo sine forma præsentia nulla generatio fieri potest.*

Major fat firma est. Minor est Scholasticorum. Siquidem sine formæ substantialis productione nullam esse generationem omnes consentiunt: unde etiam generationem fieri ajunt in instanti, quia forma tanquam substantia non acquiritur divisibiliter, adeoq; successivè.

*Syllogismus in viduus.*

Hinc porrò argumentor: *Quicumq; facit generationem sine forma productione, ille facit atramentum rubrum, tenebras splendentes, vitrum ligneum, cadaver vivum, & uno verbo, contradictionem in adjecto. Adversarius facit generationem sine forma productione. Ergo Adversarius facit atramentum rubrum &c.*

II. Prætereundum nō est, Adversarium excipere animam rationalem, & tamen non excipere Pa-

re Pa-

re Parentes. Sic ergò argumentor: *Quicumq; excipit animam rationalem, & non excipit parentes, ille facit parentes irracionales. Adversarius excipit animam rationalem, & non excipit parentes. Ergò Adversarius facit parentes irracionales.* Porro: *Quicumq; facit parentes irracionales, ille facit σιδνεγζυλον, seu oppositum in appposito. Adversarius facit parentes irracionales. Ergò Adversarius facit σιδνεγζυλον, seu appositum in opposito.* Major probatur, quia paternitas & filiatio non nisi naturis rationalibus competunt, nec canem appellamus patrem & catulos filios, nisi forsan per Ironiam, aut etiam per jocum, ut Scaliger facit Exerc. 6. s. 5. *Unus homo, ait Armand. de Bello Visu in Explic. term. Tract. 2. cap. 15, producit alium hominem per viam naturæ, dicitur pater, productus dicitur filius. Non tamen dicitur propriè de plantis, & de brutis: quia quâdam appropriatione tractum est ad producta intra naturam intellectualem.* III. Qui negat formas factâ statim conceptione actu esse in feminibus, facere non potest, quin animam Rationalem vel ex potentiâ materiæ educi, vel à Deo immediatè creari, fateri habeat. Licet enim cum hîc excipiant nonnulli Scholastici,

*Paternitas & filiatio quibus competant.*

*Anima Rationalis an tûtò excipi possit.*



nihilominus tamen etiam de hujus formæ origine respondere tenentur, an nempe ita à parentibus veniat, ut statim generationis actu finito & conceptione peractâ, in massâ illâ semineâ & casei instar coagulata & concretâ, realiter adsit, an verò demùm post dies, imò post septimanas aliquot, adveniat? Prius qui cum Scholasticis negant & posterius affirmant, annon necessariò vel ad educationem è materiâ, vel ad creationem immediatam, confugere habeant, viderint ipsi. IV. Utiq; si à calore & virtute uteri in actum deducitur illa potentia, forma substantialis à calore & accidente aliquo generabitur.

*E dogmate Scholasticorum sequitur formas generari ab accidente.* Tale enim est argumentum: *A quocunq; forma deducitur in actum, illud formam generat. A calore uteri (Et quoad ovipara etiam calore quovis) forma deducitur in actum. Ergo calor uteri (Et quoad ovipara etiam calor quivis) formam generat.* Major est Scholasticorum, quibus introductio formæ est generatio. Nec est quod excipiat Adversarius, hanc fuisse rationem dispositæ materiæ propinquissimæ, ut accedente calore etiam propria accesserit forma. Nam hoc saltem ad materiam



teriam spectat: lis autem est de Causâ  
 Efficiente. Cum v. gr. ex ovo fit pul-  
 lus, dispositio materiæ non agit, efficit,  
 & producit animam pulli, sed se passivè  
 habet, sicut lignum ex quo fit mensa, &  
 corium è quo fit calceus: quæritur er-  
 gò, quænam sit causa efficiens proxima  
 hujus animæ? Annon illa quæ poten-  
 tiam actuât, & animam actu adesse, quæ  
 antea actu aberat, facit? Manet ergò  
 adhuc salva *Clariss. Sennerti* exceptio, in  
 hoc fundata Syllogismo: *Quicumq; sta-*  
*tuunt in seminibus formas non esse actu, sed*  
*potentiâ, & calore in actum deduci, illicalo-*  
*rem formas producere & generare concede-*  
*re coguntur.* Scholastici statuunt in semi-  
 nibus formas non esse actu, sed potentiâ, &  
 calore in actum deduci. Ergò Scholastici  
 calorem formas producere & generare con-  
 cedere coguntur. V. Vis plastica Adver-  
 sario parùm præbet patrocinij. Dicit,  
 non commodo loco vim plasticam ab a-  
 ni- quâ insitam suscitari, foveri, ipsamq;  
 potentiam in actum deduci. Sed ne  
 sic quidem se expedire potest. Nam illa  
 vis plastica facitne animam, an sit ani-  
 ma? Si facit animam, facitne eam ut  
 instrumentum, an ut causa principalis. Si

*Vis plasti-*  
*ca an ani-*  
*mâ faciat*

ut instrumentum, non producet eam sine immediatâ conjunctione animæ. Instrumenta enim cum suis causis principalibus conjungi debent, siquidem in agendo cooperantur, & principali causæ ad producendum effectum interviunt. Atque sic præsentia animæ maximè opus erit in semine. Si ut causa Principalis facit animam, vel æquè nobilis, vel nobilior, erit animâ productâ. Ratio est, quia *effectus non potest esse nobilior suâ causâ*. Si jam æquè nobilis aut nobilior est animâ, omnia illa dubia Adversarii contra animæ præsentiam in semine prolata, regeri contra hanc vim plasticam queunt facillimè. Et quorsum frustra multiplicamus entia? Si autem hæc vis plastica animam non facit, sed anima fit, quid opus erit illâ materiæ potentiâ? E vi plasticâ sic tutius venire poterunt animæ, quàm è materiæ potentiâ. Imò, estne hæc vis plastica substantia, an accidens? Plurimi eam pro accidente habent: pauci verò substantiam esse eam agnoscunt. Si accidens est, (1.) ex accidente fiet substantia, quod *ἄλογον*, & (2.) quodnam accidentis hujus esset *πρῶτον δεκτικόν*? Ac (3.) migravitne

*Vis plasti-  
ca an ani-  
ma fiat.*

vitné hoc accidens ex anima parentum  
 in corpus seminis? Si substantia est, (1.)  
 aut caret vitâ, aut habet vitam. Si caret  
 vita, unde vita? quomodo non-vivens  
 substantialiter mutatur in vivens? Si  
 habet vitam, cur non est ipsa anima?  
 Cur non semen facit animatum, ad mi-  
 nimum formaliter? (2.) Aut forma est,  
 ut materia est, aut compositum est. Si  
 forma est, ex unâ formâ fiet alia forma;  
 & quodnam habet subiectum infor-  
 mationis? Si materia est, an prima, an  
 secunda est; & à quânam actuatur for-  
 mâ? Si compositum est, quânam ejus  
 materia, & quânam ejus forma, & vi-  
 titné, an non vivit? Sed mitto hæc,  
 àm diversæ enim de vi plasticâ sunt  
 sententiæ, ut ex eâ vix probari poterit  
 quicquam: dubium enim per æquè  
 dubium, & ignotum per ma-  
 gis ignotum probari  
 nequit.

## PENTAS TERTIA.

*Argum. I.*

Si formæ non sunt à formis efficientium separatæ tanquam portiones, nec in subjecto aliquo genitæ, nec ex nihilo, sequitur eas esse è potentiâ materiæ. Sed Antecedens est. Ergò & Consequens. Antecedens cum triplex sit, etiam tripliciter probatur. Nam 1. formæ à formis efficientium tanquam portiones separatæ non sunt, ob rationes suprà positas. 2. formæ in subjecto, seu semine, genitæ non sunt, quia aliàs forma in semine esset actu existentiali, re non existente; imò res una & eadem substaret duobus actibus specificis & ultimatis. 3. formas ex nihilo esse, absurdum est.

*Argum. II.*

Nulla forma materiæ ultimatæ, in re est, quam non informat. Animæ inseparabiles sunt formæ materiæ ultimatæ. Ergò animæ inseparabiles in re non sunt, quam non informant. Major probatur, quia forma & formatum sunt tempore simul, & si præ-

præſente ultimatâ & exiſtentiali formâ  
 res adhuc eſſet informis, res eadem ſi-  
 nul non foret & actu foret. Ubi itaq;  
 forma tanquam in ſubjecto eſt, ibi in-  
 format. Extra ſe generat, ut efficiens,  
 non ex ſe, neque in ſe.

*Argum. III.*

Ex quocunq; ſequitur ex ovo non  
 fieri pullum, ſed ovum, & ex cibo non  
 hylum, ſed alium cibum, & ex chylo  
 non chymum vel ſanguinem, ſed alium  
 hylum, illud ſtare nequit. Ex formæ  
 ſui multiplicationem propagatio-  
 ne ſequitur, ex ovo non fieri pullum  
 ſed ovum, & ex cibo non chylum, ſed  
 alium cibum, & ex chylo non chymum  
 ſed alium chylum. Ergo formæ per ſui  
 multiplicationem propagatio ſtare ne-  
 quit. Minor probatur, quia quemad-  
 modum ex cane fit canis, ita & ex ovo  
 et ovum, ex cibo cibus, ex chylo chy-  
 ſus, ex chymo chymus.

*Argum. V.*

Quæcunq; ſententia cauſas æquivo-  
 cantes à generatione excludit, illa  
 agenda non eſt. Sententia, quâ rerum  
 generatio per ſemina tanquam forma-  
 rum

rum traduces fieri statuitur, causas æquivocè agentes à generatione excludit. Ergò ferenda non est.

*Argum. V.*

Quæcunq; sententia omnia mista inanimata à generatorum censu excludit, mutuamq; elementorum transmutationem negat, illa tollenda est. Sententia quâ rerum generatio per semina tanquam formarum traduces fieri statuitur, omnia mista inanimata à generatorum censu excludit, mutuamq; elementorum transmutationem negat. Ergò tollenda est. Minor probatur, quia nullum ex anime producit semen, nisi quis, lapides & saxa vivere, juxta Paracelsicam absurditatem defendere & amplecti sustineat.

**Adversarij Verba.**

THESIS VII.

*Actu formas à generante propagari qui statuunt, dicant, an à formis efficientium sint separata tanquam portiones, vel in subiecto aliquo (puta semine) genita aut erunt ex nihilo. Primum non procedit ex allegatis causis; secundum si admittis, forma in semine erit*

ne erit actu existentiāli, re non existente. In ovo erit forma ovi per quam existit, ultimata & forma pulli existentiālis atq; ultimata pullo non existente, eritq; & substabit res una & eadem duobus actibus specificis & ultimatis. Relinquitur proinde ex nihilo (quod absurdum) vel ex potentia materia formas proferri. Verum duas formas específicas non posse esse in eadem materia, immobile est veritatis ab omni antiquitate principium. Nulla siquidem forma materiātorum ultimata, in re aliqua esse potest, ubi non informat, & uti extra eandem non existit, sic ubicunq; in eadem est, informat, quod forma & formatum sint tempore simul, juxta verioris philosophiæ antiquissima secreta, & principia irrefragabilia, & quod actus rei quæ facit ut res sit in actu; si enim præsentē existentiāli & ultimata forma, res sit adhuc informis, res eadem simul non erit & actuerit. Ubi itaq; forma tanquam in objecto est, ibi informat: Extra se generat efficiens, non ex se, neq; in se. Ex forma sui multiplicationem propagatione sequitur hoc, quod ex ovo non fiet pullus sed verum, quemadmodum ex cane canis, & ex ovo non fiet chylus sed alius, ex chylo non verum vel sanguis, sed chylus.

THE.



## THESIS VIII.

*Statuere omnium rerum generationem fieri per semina tanquam formarum traduces, est æquivocè agentes causas à generatione, & omnia mixta inanimata à generatorum censu excludere, mutuamq; elementorum transmutationem negare. Nullum siquidem exanime producit semen, nisi quis lapides & saxa vivere, juxta Paracelsicam absurditatem defendere & amplecti sustineat. Ab æquivocè agentibus causis generata, primo nonnihil dispiciemus, de cæteris in progressu latius agetur.*

## Responsiones Generales.

1. *Adversarius non distinguit formæ actum Formalem ab Entitativo.*

*Ex JEJUNIS.*

Putat formam semper & ubique sua exequi munia, ac impossibile esse sine formali officio dari & esse alicubi formam, Verum contrarium dicitur Natura, quæ formæ actum *Entitativum* à *Formali* benè distinguendum esse monet. Actus *Entitativus* notat nudam formæ

*Forma a-  
ctus Enti-  
tativus  
quid.*

tix entitatem seu essentiam, aut sub-  
 stantiam: *Formalis* autem formæ influ-  
 xum, quo materiam actuat, determi-  
 nat, & specificat. Sæpè in corpore quo-  
 dam forma quoad actum Entitativum,  
 seu substantiam & entitatem suam, ad-  
 est: quoad actum Formalem verò, seu  
 officium suum & influxum aliàs debi-  
 tum, ob materiæ inhabilitatem, abest.  
 Sic muscæ ingruente hyeme conglo-  
 merantur, & conglomeratæ in templis  
 ost tabulas, aut in ædibus circa cloa-  
 as, semimortuæ delitescunt; Vere ve-  
 rò calore Solis tepesactæ quasi revivi-  
 cunt; vitalesq; operationes vicissim  
 expediunt. Et discessum hirundinum  
 citius si pensitemus, formæ actum Enti-  
 tativum absq; Formali esse posse, facile  
 apprehendemus. Qua de re elegan-  
 ter Dn. Doct. Franzius in *Hist. Anim. Sacr.*  
 ap. 21. p. m. 512. *Quod attinet, inquit,*  
*ipsius discessus hirundinum, non omnes*  
*eunt, sed multa remanent. Quædam à no-*  
*stris remotiores, per maria volitant in calidas*  
*regiones, quædam circa maria sese submer-*  
*gunt, aut occultant in locis saxosis, quia cum*  
*mare sit falsum, ideò vicina loca calefacit.*  
*Quædam verò saltem in montes aliquos pro-*

*Formæ a-*  
*ctus For-*  
*malis*  
*quid.*

*Exempl.*  
*de muscis.*

*Discessus*  
*hirundi-*  
*num.*

pinguos recedunt, & latent, reperiunturq;  
implumes & nuda in petris & angustius con-  
vallium. Aliqui sunt, qui hirundinibus ru-  
bra fila alligarunt. Etsi autem per totam  
hyemem non conspiciebantur ista hirundi-  
nes, tamen sub initium veris redibant & ha-  
beant illud ipsum filum rubrum. Huc per-  
tinet quod Jerem. 8. cap. exprobratur Ju-  
daeis, quod nequeant agnoscere tempus visi-  
tationis, cum grus & hirundo & ciconia  
norit tempus sui adventus. Georgius Major  
in explicatione super Epistolam Pauli 1. Co-  
rinth. 15. refert, se ipsum observasse in hoc op-  
pido Wittebergâ, & in mediâ hyeme repe-  
risse in nidis hirundines mortuas. Immo in  
incisis putridis quercubus, & aliis concavis  
pulvere intus scatentibus arboribus sæpe glo-  
meratim invicem adhaerentes deprehensa  
fuerunt. Hinc Ecclesia præsertim primi-  
tiva usa fuit similitudine contra Ethnicos  
pro resurrectione mortuorum. Sicut enim  
hirundines & musca & alia aves atq; alia  
insecta hyeme intermoriuntur, & sub ver-  
num tempus reviviscunt: ita quoque nostra  
corpora intereunt, sed in ultimo die vivifica-  
buntur. Et de ranis, omnibus notum  
est, quod hyeme se abscondant, & quasi  
mortuæ in rimis terrarum latitent, ca-  
lore

Exempl.  
de ranis.

lore verno verò suscitata, magno velut  
 agmine facto, in magnâ & copiâ & quâ-  
 titate proruant. In hiscè ergò, & simi-  
 libus, actum formarum Entitativum ha-  
 bemus, Formalem nō deprehendim⁹,  
 ut si quid de Formali adest, id perexi-  
 guum erit. Non ab simili sensu *Fortun.* *Quomo-*  
*icetus Lib. 2. de Spontan. Vivent. Ortu c. 36.* *do anima*  
 formam & animam in cadavere esse, ait, *incadave-*  
 on ut forma inest in materiâ, illi tri- *re.*  
 uens esse vivum & animatum, sed ut in  
 ase aut loco, ex necessitate materiæ.  
 Ibi autem Formalis actus adest, ibi ite- *Actus For-*  
 im vel *simpliciter*, vel *secundum quid* ad- *malis da-*  
 t. Simpliciter si adest, dat tria: 1. *Esse.* *plex.*  
*Distingui.* 3. *Operari.* Et de hoc actu pas-  
 n Autores loquuntur, cum formarum  
 gnitates & officia rimantur. Hoc sen-  
 positâ animâ rationali ponitur ho-  
 o, & positâ animâ canis ponitur canis,  
 quoad esse, & quoad distingui, & quo  
 operari. Secundum quid verò si act⁹  
 malis adest, materia saltem ad certâ  
 ciem determinatur, species autem,  
 ut naturâ eam vult constitutam, nō  
 est; operationes etiâ, quæ ibi adsunt,  
 s nondū sunt, quales à specie consti-  
 à natura efflagitat. Et hoc actu formæ  
 H 2 sunt

*Quo actu  
forma in-  
sint semi-  
nibus.*

sunt in seminibus, ubi quidem non plane quiescunt, sed tamen etiam cuncta officii munia non expediunt; ubi quidem constituunt aliquid, sed non id quod natura ultimò intendit.

## *II. Adversarius statum Controversiæ mutat.*

*Expositio.*

*Status  
Contro-  
versiæ.*

Clariss. & Excellentiss. Dn. D. *Sennertus*, cum formas sese propagare & multiplicare, ita ut omnis generatio univoca sit, asserit, ad species Mundi in generationis opere ferventes respicit. Huic sese opponit Adversarius, assumptis exemplis de ovo mutato in pulum, de cibo è quo fit chylus, de chylo è quo fit chymus, & de chymo è quo fit caro. Verùm, quis non videt jam mutari statum Controversiæ? Quis non manibus palpat lufum Adversarii puerilem? Non enim quæritur, an omnis corporum naturalium mutatio ita fiat, ut semper factum & faciens ejusdem sint rationis & speciei, & ut forsitan panis fiat à pane, cerevisia à cerevisiâ, & calceus à calceo: sed id controvertitur, an in generationibus Causa Principalis

palis ejusdem speciei sit cum genito?  
 Et, an generans (v. gr. canis, lupus, equus, anser, gallus, quercus, morus, abanthium, tanacetum &c.) nudam materiam cum aliquali potentiâ communicet, an verò formam ipsam actu in se hârentem & latentem producat?  
 Chylus ergò & chymus quid ad generantia? Ovum quid ad corporum naturalium species? Suntne Chylus, Chymus, & Ovum species Mundi?

*II. Adversarius frustra ad verioris Philosophiæ antiquissimæ decreta & principia recurrit.*

Ἐκθεσις.

Antiquissimum Adversario est verissimum, unde semper antiquitatis urget decreta & dicta. Sed hac de re cum prædictum, ætiam agere nolo. Saltem duo addo: 1. Antiquissimum est verissimum, scilicet quod ἀπλῶς est antiquissimum, cum veritas sit prior menacio: non autem antiquissimum secundum quid, cum etiam ante aliquot ille annos falsa & audiri & credi poterint. Hinc ex Augustino (Libr. de  
 H 3 Quest.



*Differunt  
Philoso-  
phus &  
Philoso-  
phia.*

*Solis Au-  
toribus nō  
fidendum,  
sed inpri-  
mis Crea-  
tionis Li-  
ber legen-  
dus.*

Quaest. V. & N. T. q. 114.) fertur: *Hic est mos Diabolicus, ut per Antiquitatis traducem commendetur fallacia.* 2. Decreta & principia Philosophorum, nō sunt protinus decreta & principia Philosophiæ. Distinguendum enim inter Philosophiam & Philosophum; nec quod hic proponit, illi statim imputandum. Multa sanè sunt Philosophi, quæ non sunt Philosophiæ, multa Medici quæ non sunt Medicinæ, multaq; Theologi quæ non sunt Theologiæ. Cautè ergo procedendum, ne pro auro scorias, pro veritate hominum placita, & pro sapientiâ nonnullorum somnia, acceptemus, defensemus. Quod ut fiat, nunquam Libris & Autoribus solis fidendum, sed inprimis Natura consulenda, & magnus ille Creationis liber, non tribus saltem paginis & totidem literis, ut voluere nonnulli, sed tot paginis quot speciebus, & tot literis quot partibus & particulis, constans, volvendus & revolvendus.

## Responsiones Speciales.

### *Ad Argum. I.*

Antecedens esse negamus. Formæ enim & in *subjecto* & ex *nihilo* genitæ sunt. In sub-



In subiecto genitæ sunt, quia generatio non nisi certâ mediante materiâ perficitur. Ex nihilo genitæ sunt, quia non sunt entia composita aut mixta, quæ è certâ materiâ fingi & è principiis componibilibus & miscibilibus conflare debeant. Principia enim, ad mentem Aristotelis, non sint ex aliis. 1. Phys. c. 5. t. 42. Nec est, quod excipiat Adversarius, si *forma in subiecto genita sunt, erit forma in semine actu existentiâli, re non existente. & res una substabit duobus actibus specificis: ubi 1. non adeo benè pro actu formali substituit existentiâlem. 2. formæ actum entitatiuû confundit cum formali, & formalem secundum quid cum formali impliciter.* Non enim sequitur, ubi est forma, ibi actum formalem & quidem impliciter ita dictum, exercet. Adhuc enim exercitium plura requiruntur. Sic forma terræ est in homine, nec tamen in eo actum formalem & specificum exercet: & animæ sæpè alicubi sunt, ubi tamen munia & officia sua non excediunt, ut patet de ligatis tempore hyerno muscarum, ranarum, & hirundinum formis. 3. malè etiam quamlibet formam esse specificam existimat.

H 4

Non

*Forma in subiecto genita.*

*Forma è nihilo genita.*

*Object.*

*Respons.*

*Forma Existentiâlis tunc dabitur, cum Subsistentiâlis dabitur.*

*Forma non semper officium suum formale exercet.*

*Nō omnes  
forma  
sunt speci-  
fica.*

Non enim sequitur, si in ovo est forma ovi & etiam forma pulli, ergo ibi adest duplex actus specificus. Cur non pari modo colligit Adversarius; Si in ovo est forma ovi, & forma terræ, & forma aeris, & forma ignis, & forma aquæ, sequitur quod quintuplex actus specificus ibi adsit. Non enim negabit, puto, in ovo dari formas quatuor Elementorum. Forma ergo pulli in ovo specifica non est, licet ibi adsit & quoad actum Entitativum, & quoad actum formalem secundum quid ita dictum.

*Ad Argum. II.*

Adversarius suctum suum errat errorem. Nempe, formam semper & ubique esse ultimatam & specificam. Falsa ergo est Minor, de animabus quocunque modo alicubi degentibus. Probatio ita nude sumpta planè nulla est, aliàs sic argumentarer: *Posita forma, ponitur formatum. Post mortem Petri, ponitur forma Petri. Ergo post mortem Petri, ponitur Petrus. It: Posita forma, ponitur formatum. In surculo ponitur forma quercus. Ergo surculus est quercus. Vel: Posita forma, ponitur formatum. In manu ponitur forma hominis. Ergo manus est homo.* Licet igitur

*An, Et quo  
modo, po-  
sita forma  
ponatur  
formatum.*

igitur forma alicubi adsit, si tamen formale suum officium plenariè non exerceat, à præsentia formæ ad præsentiam formati argumentari non possumus. Et quamvis excipere tentet Adversarius:

*Ubi est forma tanquam in subiecto, ibi informat. In semine est forma tanquam in sub-*

*iecto. Ergo ibi informat:* Tamen nec sub-

iecti, nec informationis rationem at-

tendit. Ubi est forma tanquam in sub-

iecto rectè disposito & elaborato, ibi

nformat, hoc est, rei suum esse, suas af-

fectiones, & suas operationes largitur.

Sed cum alicubi est, vel ut in vase, (ut

oquitur Clariss. Licetus) vel ut in indi-

posito & inelaborato, (ut ait subtilis

caliger) ibi prius debet disponere &

laborare, & tandem hoc peracto in-

ormare, seu speciem constituere, &

constitutæ affectiones & effectiones

tribuere. In semine itaq; est forma, non

inè ut in subiecto elaborato & dispo-

to: ergo & formatum, ad cuius con-

stitutionem utriusq; principii justa re-

quiritur dispositio & ratio, ibi ponere

ecessum non est.

### *Ad Argum. III.*

Minor est inepta, Qualis quæso con-

H 5

sequen-

*Except.*

*Resp.*

*Quomo-  
do simile  
à simili.*

sequentia, si ex cane fit canis, etiam ex ovo fiet ovum, ex cibo cibus, ex chylo chylus, & ex chymo chymus, ac forsan ex pane panis, & ex fornace fornax? Hoc sanè est à baculo ad angulum. Quoad Causas Principales stat illa univocatio, non quoad Instrumentales; & quoad generationes introducta est, non quoad quascunq; mutationes. Ridiculum ergò est, à canis generatione ad cibi in chylum conversionem, & nescio ad quæ non, argumentari velle.

*Ad Argum. IV.*

*Quomo-  
do in ge-  
nerationi-  
bus causa  
æquivoca  
locum ha-  
beant, &  
quomodo  
non.*

Dupliciter dicitur & intelligitur, causas Æquivocè agentes à generatione excludi. Vel enim id de causis *Universalibus*, vel de *Particularibus* asseritur. Quoad Universales Minor est falsa. Cum enim Sol & homo generant hominem, utiq; causa Æquivoca à generatione non excluditur. Sol enim non Univoca causa est, quia sic non hominem, verum alium Solem produceret; sed Æquivoca, quia in talem influit effectum qui ab eo diversus est specie. Quoad Particulares causas, omnino genitum à causâ, non æquivocè, sed univocè agente, producitur. Nec enim  
ad

ad Cœlum, nec ad astra, nec ad calorem, nec ad putredinem, nec ad dispositionem, nec ad simile quid, tutò recurripotest, cum 1. Effectus particularis & determinatus particularem & determinatam postulet causam. 2. Substantia ab accidente provenire nequeat, siquidem effectus nobilior non est suâ causâ. 3. Substantia producenda præter materiæ dispositionem etiam causam efficientem necessariò & inevitabiliter desideret. Quâ de re plura in Tractat. de Morb. Tot. Subst. Antith. Quæst. 4. & ad Except. Respons. 3. dictum.

*Cur genitum à causâ Univocâ producat.*

*Ad Argum. V.*

Duo Majoris sunt membra, quorum prius est de mistorum inanimatorum à ensu generatorum exclusionem; posterius, de mutuâ Elementorum transmutatione. Quoad prius membrum, Matrem lubenter concedimus, quia non item animata, sed etiam inanimata multiplicantur & renascuntur. *Est enim, ut Clariss. & Exper. Dn. Sennertus in Conf. Diff. Cap. 9. aurum igne excoctum aut fusum in agrum conjectū & satum se nō multiplicet: quin tamen in terra cavernis, & locis,*

*Multiplificatio Metallorum, aliorumq; inanimatorum.*

*ubi*

ubi metalla crescunt, id fiat, nihil prohibet; cum aurum & reliqua metalla non semper eâ formâ, quam fusa habent, generentur, sed sæpè immatura reperiantur, ac temporis progressu maturentur. Præterea certum est, exhaustas venas aluminis, vitrioli, imò metallorum, post aliqua temporum intervalla, iterum fecundas reddi, & metallis ac mineralibus repleri. Sed sic concessâ Majore, falsa fit Minor. Sententia enim de traduce, quomodo inanimata à generatorum censu excludat, non patet, siquidem etiam ibi simile est à simili, & aurum ab auro, gemma à gemmâ, lapis à lapide. Adversarij probatio Minoris est illa, quia nullum exanime producit semen, nisi quis lapides & saxa vivere, juxta Paracelsicam absurditatem defendere & amplecti sustineat. Ubi transeat, quod negari possit, & absurditatem, & Paracelsicam absurditatem esse, vitam lapidibus & metallis adscribere. Semina ad metalla, lapides, & gemmas spectare, non dubito. Licet enim alio modo sese habeat semen in viventibus, nihilominus tamen non-viventibus exinde negandum non est: sicut etiam longè alio modo se habent semina plantarum & ani-

Non omne  
falsum, est  
absurdū.

Metalla  
an careāt  
principio  
seminali.

animalium, nec tamen ob hæc negantur illa. Quâ de re multa egregia passim habet *Experientiss. Dn. D. Sennertus*. Adducam locum è *Physicis*, qui licet de geminis & lapidibus in specie agat, alia inanimata tamen non excludit sed includit, cum de similibus idem sit iudicium. *Uti autem*, inquit in *Epit. Phys. Lib. 5. cap. 4. varij lapides & gemma generentur*, id à *specificâ* cuiusq; formâ proficiscitur. *Habet enim quavis gemma propriam & specificam formam* quâ ab aliis omnibus discernitur, quam à *seminali*, ut sic dicam, *ui generis principio* nanciscitur. *Quæ non ex Elementorum misturâ* provenit, sed, ut *ecclè Scaliger* nominat, *essentia quinta est*, à *Deo Opt. Max. in primâ rerum creatione* *vic naturalium rerum generi indita*. *Quod iminale principium & spiritus architectonicus* etsi in *peculiariter distincto corpore*, et in *plantis plerisq;*, non apparet, neq; etiam *ejus essentia* satis explicari possit: idcirco tamen negandum non est. *Uti enim saxum*, etsi *semen non gignat*, ut *alia plantæ*: *men principium seminale per totam arboris dispersum habet*, & *binc per ramum imputatum propagatur*: ita & *seminale inimarum ac lapidum principium*, in *matéria*



teriâ lapidificâ latet ; & in hac humana  
mentis caligine ejus essentia nobis ignota est,  
ut reliqua formæ omnes ; & non nisi ex fa-  
cultatum & operationum ac qualitatum di-  
versitate illarum differentia cognoscitur.

*Elemen-  
torû trans-  
mutatio  
caret fun-  
damento.*

Quoad posterius Majoris membrum,  
de mutuâ Elementorum transmutatio-  
ne, nego Majorem. Quamvis enim Ele-  
menta mutuò inter se transmutari do-  
cuerit Aristoteles, & ante Aristotelem  
Ocellus Lucanus : tamen hoc probatu  
difficilimum, imò impossibile, est. Pro-  
bant quidem transmutationem hanc 1.  
ex *Experientiâ*. 2. ex *alteratione*. 3. ex *con-*  
*trarietate*. 4. à *generabilitate* : sed Expe-  
rientia illa vacillat, quia in aere fieri a-  
quam, sed non ex aere dicitur ; ab Alte-  
ratione ad Generationem nulla est cõ-  
sequentia, imò eadem, si non majora,  
de Elementorum alteratione, quàm de  
eorum transmutatione, recurrunt du-  
bia ; & si omnia contraria substantiali-  
ter in se invicem transmutari debent,  
etiam serpens mutabitur in hominem,  
accipiter in columbam, & lupo in o-  
vem ; & à generabilitate Elementorum  
ad mutuam eorum transmutationem  
argumentari, nimis larga est collectio.

Quâ

Quâ de Controversiâ plura habet *Clariss. & Excellentiss. Dn. M. Johannes Schar-  
hus in hac Academia Log. & Metaph. P. P.  
in Phys. Recogn. Part. Spec. Lib. 1. Cap. 5.  
Dub. 1. pag. 463. seq.* E *Francisco Patritio*  
nonnulla subtilitate plenissima & utili-  
tate refertissima addere, iisq; Pentadem-  
ianc concludere, lubet. Ita autem ille  
in *Discuss. Peripat. Tom. 4 Lib. 3. p. 395.* Vul-  
gatissima est sententia, omnia Elementa in  
indicem transmutari, terram fieri aquam,  
& contra aquam fieri terram, aquam ite-  
m verti in aerem, & conversim nec non  
erem in ignem transmutari, rursus ignem  
in aerem. Si non prorsus negem eam trans-  
mutationem fieri, sed dubitem vehementer,  
ut addubitem paulum, quibusnam ratio-  
bus id mihi persuadebitur? aut quibus ex-  
perimentis ostendetur? Non dico de totis  
mentis, de partibus eorum quæro. Certè  
nemo unquam vidit partem Sphære ignis in  
aerem conuersam, quando etiam totam ignis  
spheram nemo affexit unquam, aut vidit  
quam quisquam aeris partem in eum ignē  
insire, rationibus id creditur, duo hæc ele-  
menta habere symbolum inter se: caliditatem  
in ære, eā alterum in alterū transmutari con-  
tinuo mutuo. Quæro, ratio hæc mihi ostēdat,  
an sem-

*Aurea ver-  
ba Fr. Pa-  
tritiij de E-  
lemento-  
rum trans-  
mutatione*

an semper transmutatio hac fiat, an temporibus interpolatis? Si dicatur, semper fieri, rogabo, quarum partium? earumne, quae in contactu continuo sunt, an longinquarum? Non puto dicturos, longinquarum, cum actio & passio, ex Aristotelis dogmate, per contactum fiat. Earum ergo partium sit, quae sese mutuò contingunt, convexo scilicet aeris & concavo ignis? concedent puto. Tunc interrogabo, an tota superficies aeris convexa in ignem transmutetur? an semper? & si tota & semper, cur tandem totus aer, jam multis seculis in ignem non est conversus? Si non tota & non semper, cur hac pars transmutetur, illa nequaquam? cur nunc, non heri? Eadem de partibus concavi ignis interrogationes adhibebuntur, si prostant asseverare. Sed si nec tota, nec semper, hac autem pars & illa, & hodie, transmutatur, & non nudius tertius, causa aliqua est assignanda. Si caelorum variam agitationem dicent, concedemus caelum agitari indies varie. At rogabimus, an observatum sit ibi ea elementa permutari? Si nullam afferent observationem, cur causam somniant rei, quae fortè nunquam facta est, nunquam certè visa. Si conjectatione id asseverabunt, tunc rogabimus, eam conjectationem, proferre non dedignentur.

Si di-

licent necessario id fieri ex causâ univer-  
 , quia elemēta in se indicem mutuo trans-  
 tentur, jam hac est principij petitio. In  
 laborare non laborabimus. Sed quid pro-  
 a sensibus versamur utriq;? Pra oculis NB. NB.  
 nostrates hic aer, aqua, terra. Dicat mi-  
 le numero istorum philosophorum aliquis,  
 unquam viderint, observarint, aerem in  
 am converti? Scio ego, vidi, concedam,  
 aqua & terrâ in aërem vapores ascende-  
 aerem eos fieri nemo unquam vidit. In  
 ulas eos constringi, rursus in aquam re-  
 i, rationi, non oculis credimus. Aerem  
 ndo unquam quisquam in aquam con-  
 sum vidit? dicant, proferant experimen-  
 , aut aquam terram factam, aut banc a-  
 m? Vidimus saepe ad fenestras balnei, ad  
 mnas, ad parietes aquam adnatam.  
 ulti asserunt, aerem ea loca contingen-  
 aquam factum. Ajo ego, vapores eos  
 e. Quibus rationibus, aut sensibus con-  
 ent, non vapores sed aerem fuisse? Ha-  
 ego ollarum experimentum, in quarum  
 culis, vapor exhalans, non aer, in aquâ  
 rescit. Habeo Aristotelis confessionem,  
 res in aere nubes facere, deinde plu-  
 a, fortè nunquam aerem in pluviam di-  
 onversum. At dixit aerem in aquam  
 I trans-

transmutari. Scio eum dixisse, sed experimentum cur non attulit? Adferant sui pro eo, usq; ad id tempus res dubia esto. Sed interim Philosophis his non sensatis, sed omnium maxime sensum profitentibus, non credatur. Idem ajo de aqua in terram conversione, atq; è contrà. Videmus quotidie aquam à terrâ absorberi, terram fieri non videmus nisi quis Aristoteli credere, videre credat esse. Terram aquâ dilui, quotidie videmus, videmus cessante agitatione terram subsidere non tamen transisse in aquam, nec transire. Abjiciemus ergò Auctoritates omnes, dicta, pronunciata, universales rationes omnes, quæ in rebus sensatis cum experimentis non concordent. Τῆτις γὰρ ζητεῖν λόγον, ἀφέντας τὴν αἰσθῆσιν, ἀρρωστία ἕς τὴν Νόσους. Hujus enim querere rationem dimisso sensu, debilitas quedam est intellectus. Præceptore ipso nos admonente. Nisi ergò rationes experimentis consonabunt, in verâ Philosophiâ non admittemus. Non est ergò comprobatum, elementa mutuò transmutari. Neque ulla est causa, cur id isti philosophi finxerint. Hæc Patritius.

## PENTAS QVARTA.

*Argum. 1.*

Si in sterquilinio vi cœlestis operanis generatione æquivocâ produci-forma, ea vel à cœlo infundetur, vel s virtute ex potentiâ materiæ generatur. Sed à cœlo non infunditur. ò ex potentiâ materiæ generatur. non probatur, quia si à Cœlo dimit-ter, erit ibidem formarum congeries inferiores ablegandarum, quæ sunt corruptibiles, sine materiæ confor-existere potentes, nihil adversi à corrumpantur habentes, cum for-nihil sit contrarium, imò, si peri-, in nihilum redigerentur.

*Argum. II.*

forma in sterquilinio vi cœlestis o-ationis generatione æquivocâ pro-a non est à Cœlo oriunda, sequi-am vel antea actu extitisse in mate-vel ex materiæ potentiâ eductam. Sed non est à Cœlo oriunda, sic forma fieret divisibilis, & cœ-fieret forma inferiorum. Ergò actu extitit in materiâ, vel ex mate-potentiâ educta fuit.

Jam actu formam scarabæi in sterquilinio esse, absurdum est, sequitur enim equum generare formas scarabæi, & consequenter scarabæum, ut canis canem. Ergò è materiæ potentiâeducta fuit.

*Argum. III.*

Si formæ ex potentiâ materiæ non exsurgunt, & semper ab existente priorè dividuntur, dicant, quænam forma ignis hoc elemento prior eam ex materiâ primâ produxerit? Sed dicere hoc nequeunt, Ergò concedant prius.

*Argum. IV.*

Si forma ignis est à forma ignis ab initio à creatore factâ, cur non ex materiæ primæ potentiâ elementorum formæ primitus vi creatoris productæ sunt, ut animantium animæ ex Elementis?

*Argum. V.*

Quicumq; formas non vult educi ex potentiâ materiæ, ille concedere cogitur ex aere generari ignem, quia antea in aere erat forma ignis, ut forma canis in semine canis, materiam sibi præparans. Dn. Sennertus formas non vult educi ex potentiâ materiæ. Ergò concedere cogitur ex aere generari ignem, quia



quia antea in aere erat forma ignis, ut forma canis in semine canis, materiam sibi præparans. Major patet, quia mutua Elementorum transmutatio negari non potest.

## Adversarij Verba.

### THESIS IX.

*Si in sterquilino vi cælestis operationis generatione equivoca producitur forma, ea vel à cælo infundetur, vel ejus virtute ex potentia materie generabitur: à Cælo si dimittatur, erit ibidem formarum congeries ad inferiores ablegandarum, quæ per se necessario sint incorruptibiles ad instar animæ rationalis sine materia consortio existere potentes, quæq; materia recedente cum eadem non intercitant, quod ante ejus congressum exstiterint nec quicquam adversi habeant à quo corrumpantur, cum formis nihil sit contrarium. Omne enim quod intercudit à contrario vel potentiore perit.*

*Quinimò si perirent in nihilum redigerentur, siquidem non redeant in potentiam materie Elementaris, cum ex ea non exsurrexerint. Atqui uti nullares ex nihilo generatur, ita quoque nulla in nihilum redigitur. Aut forma Cælo oriunda erit, & sic forma*

erit divisibilis, & cælum erit forma inferiorum, quod philosophia sana non admittit: relinquitur proinde materia in qua vel antea actu erant formæ, vel ex cujus potentia educebantur. Actum formam scarabæi in sterquilinio esse absurdum est, sequitur enim equum generare formas scarabæi, & consequenter scarabaum, uti canis canem juxta Scalig. & Themistium, neque est quod dicas in generatione murium ex quisquiliis ranarum ex limo, & scarabæorum ex sterquilinio primò aliquid generari quod semini simile sit; quæretur enim à qua forma inferiorum id fiat, annon à cælo quæ hoc pacto & materiam præparat & formam educit? Ex quo pariter liquet, formarum propagationem per semina, à principio continua serie generantia, intercidere.

#### THESIS X.

Supereſt igitur ut admittatur formas ex potentia materie produci, vel explicetur commode unde oriantur. Neque enim ex nihilo fiunt aut in nihilum rediguntur, neque ex Cælo sunt, neque ex aliarum divisione aut particulatione. Agendum nega ex potentia materia eas exsurgere & semper ab existente priore alia dividi: quæ itaque forma ignis hoc elemento prior eam ex materia prima produxit

xit. Neque enim hanc ex supra allegatis  
 gare neque subjectum mutationis inficiari  
 sumus. Dic ab initio à creatore ex eadem  
 materia cur non ex ejus potentia elemento-  
 rum forma primitus vi creatoris producta  
 à animantium anima ex Elementis? Ne-  
 re verò non potes mutuam eorum trans-  
 mutationē, an itaq; ex aere generatur ignis,  
 ut antea in aere erat forma ignis, uti for-  
 ma canis in semine canis sibi materiam præ-  
 parans? Hic nova generationis ratio commi-  
 scenda, videlicet formarum mutua expul-  
 sio aut propagatio, de qua postea.

## Responsio Generalis.

*Adversarius abutitur principiis  
 Aristotelicis.*

Εκ της.

Principia Aristotelica sunt: Nulla res  
 ex nihilo generatur: Nulla res in nihilum re-  
 digitur, & Substantius nihil est contrarium.  
 Hinc Adversarius concludit, formam  
 non fieri ex nihilo, formam non redigi  
 in nihilum, & formam nullum habere  
 contrarium. Omnia sine re & funda-  
 mento. Priora n. duo Aristotelicorum

*Principi-  
 orum Ari-  
 stotelicorū  
 abusus.*

*Quid Aristotelicis  
ex nihilo  
non generetur,  
& in nihilum  
non redigatur.*

dictoria, de compositis & principiatis intelligenda sunt, non de principiis. Composita enim ad mentem Aristotelicorum saltem & generantur & corrumpuntur. Ergo cum generantur, ex aliquo generantur, & cum corrumpuntur, in aliquid corrumpuntur, propter materiam primam quam statuunt ingenerabilem & incorruptibilem. Quicumque ergo Canones hos trahit ad formas, ille principiis Aristotelicorum abutitur. Adversarius Canones hos trahit ad formas. Ergo Adversarius principiis Aristotelicorum abutitur. Tertium Aristotelicorum effatum, illimitate intelligendum non est. Hinc Aristotelici id limitant hoc pacto: Substantiae nihil est contrarium, scilicet *terminative & immediate*. Hoc est, Substantiae in se & ex se, ratione suae naturae & essentiae spectatae, nihil est contrarium: substantiae vero in & cum accidentibus suis consideratae utique multa sunt contraria. Hinc homo homini lupus est, non propter substantiam, sed ob invidiam, ob fastum, ob odium, & qualitatem similem: & Diabolus contrariatur Deo & hominibus, non ratione substantiae, sed

*Quomodo substantiis nihil sit contrarium.*

d ob superbiam & malitiam: & ignis  
 contrariatur aquæ ob caliditatem, lu-  
 as ovi ob qualitatem occultam &c.  
 itque sic formis etiam licet nihil con-  
 trarium sit *terminativè & immediatè*: ta-  
 men utiq; etiam illæ mediantibus qua-  
 titatibus suos habent hostes & Adver-  
 sarios. Datam distinctionem si negat  
 Adversarius, quomodo quæso Elemen-  
 torum defendere poterit transmuta-  
 tiones? Ita enim argumentor: *Quibus-*  
*unq; nihil est contrarium, illa nec mutan-*  
*tur, nec inter se transmutantur. Elementis*  
*nihil est contrarium. Ergo Elementa nec*  
*mutantur, nec inter se transmutantur.* Ma-  
 jor probatur, quia mutatio Aristoteli-  
 cis (à quorum partibus stat Adversa-  
 rius) est à contrario in contrarium &  
 inter contraria. Minor probatur, quia  
 sunt substantiæ.

*Adversa-*  
*rius nega-*  
*re cogitur*  
*Elemento-*  
*rum trās-*  
*mutatio-*  
*nem.*

## Responsiones Speciales.

### *Ad Argum. I.*

Hypothesi non positâ in Syllogismis  
 Hypotheticis, nihil concluditur. Si  
 Cælum ruit, perimus. Sed, quid si non  
 ruit? Dicit Adversarius, si in sterquilinio

*Calum in sterquilinio anima non facit.* vi cœlestis operationis generatione æquivocâ producitur forma, ea vel infunditur, vel educitur. Sed, quid si in sterquilinio vi cœlestis operationis generatione æquivocâ non producitur forma? Quod autem ita non producat, dictum probatumq; suprà.

*Ad Argum. II.*

*Anima  
scarabæi  
actu in  
sterquilinio.*

Transeat, ut modò dictum, quod generatione æquivocâ vi cœlestis operationis in sterquilinio forma non producat. Transeat & quod disjunctivam illegitimè formet. Saltem id tangendum, cur formam scarabæi in sterquilinio actu esse putet absurdum, siquidem alii pro vero, non falso, multò minus pro absurdo, id habent. Quia, d. cit, sequitur equum generare formas scarabæi & consequenter scarabæum, ut canis canem. Bella consequentia! Do instantiam de formis Elementorum: Si formæ Elementorum actu sunt in sterquilinio, sequitur equum generare formam ignis, formam aeris, formam aquæ, & formam terræ, ac consequenter ignem, aerem, aquam, & terram, ut canis canem. Rectius *Fortunatus Licetus*, animam scarabæi actu in cadavere (& si in ca-

in cadavere, cur non etiam in sterquilinio?) equi esse dicitur, & sensu hoc ab Aristotele, animarum plena esse omnia, dictum fuisse judicat. *In primis enim*, ait Libr. 2. de Spontan. Vivent. Ortu. Cap. 36. *materia, ex qua proximè oriuntur viventia spontè nascentia, est purum putumq; cadaver: sed in cadavere anima non inest ut forma in materia illi tribuens esse vivens & animatum; verum in eo esse potest, ut in vase ex necessitate materie; quod & dudum vidimus, & mox apparebit. Forma igitur & anima, à quâ velut efficiente univoco, proximè sunt viventia spontè nascentia, præexistit in eorum materiâ quæ cadaver est, ut in vase, nihil illi tribuens. Plura suprà in Thesisibus de formis Subordinatis.*

*Quomodo anima sint in cadavere.*

### *Ad Argum. III.*

Transcant, quæ è superioribus de divisione formatum nota esse queunt. Si Adversarius inter Ethnicos & natus & educatus esset, quæstionis hujus non nullam forsan habere posset rationem. Verùm Christianum esse, & in Sacris omnes species Mundi à Deo creatas, obnoxiasq; corruptioni generationis beneficio hucusq; conserva-

*Qui Christianus est, Creationē ignorare nequit.*



*Autor primi ignis.*

servatas, & porro conservandas esse, legisse ac relegisse, & nihilominus unde vel primus ignis vel primi ignis forma, venerint quærere, est vel ludere, vel S. Scripturæ autoritatem in dubium trahere. Breviter argumentor: *Quicumq; fecit ignem, aerem, aquam, & terram, is etiam fecit formam ignis, aeris, aquæ, & terræ. Deus in creatione Mundi fecit ignem, aerem, aquam & terram. Ergo Deus etiam in creatione Mundi fecit formam ignis, aeris, aquæ & terræ.* Major patet, quia ut ignis, aer, aqua, & terra, sine materiâ non fiebant, ita nec sine formâ. Minor est in Cap. I. Genes.

*Ad Argum. IV.*

*Cur forma Elementorum primitus è potentiâ materia non fuerinteducta.*

*Voluntas Creatoris, est ratio facti.*

Quærit Adversarius, cur non ex potentiâ materiæ primæ primitus formæ Elementorum à Deo productæ fuerint, ut animantium animæ ex Elementis? Respondetur I. Adversarius nescit voluntatem Creatoris esse rationem facti. Dicat, cur Deus Mundum sic & non aliter fecerit? Nonné, quia istum sic & non aliter facere voluit? Nostrum non est, Deo limites & rationes agendi præfigere & præscribere. Legat Adversarius Caput primum *Geneseos*, & ex quâ materiâ

teriæ primæ potentiâ species Mundi prodierint, à Mose, imò ipso *Spiritu S.* sufficienter percipere valebit. 2. Adversarius confundit Creationem cum Generatione, & malè à rerum creatione ad earundem generationem, & vice versâ ab earum generatione ad illarum creationem, argumentari conatur. Animas animantium ex elementis venisse, ait. Sed quomodo? An per Creationem, an per Generationem? Et, quid inde? Ergo né propterea formæ Elementorum venient è potentiâ materiæ primæ? Nempè, *Capite 1. Gen. v. 20. seq.* ita habet Moses: *Dixit Deus, producant aquæ reptile animæ viventis, & volatile vollet super terram in superficie expansionis cæli. Creavit igitur Deus cetos magnos, & omnem animam viventem reptantem, quam produxerunt aquæ juxta speciem suam, jumenta & reptilia, atq; bestias terre secundum speciem suam, fuit q; ita.* Jam quæritur, quomodo producta fuerint hæc animantia? An per Generationem, an per Creationem? Non puto tam crasum esse ullum hominum, ut creationem hîc iterus sit inficias. Siquidem creatio, quæ Hexaemero illo absoluta & com-

*A Creatione ad Generationem, & contrâ, argumentari non licet.*

*Prima animatorum origo est Creatio.*

*Creatio  
Prima.  
Creatio  
Secunda.*

& completa fuit, in Capite illo ut in propriâ sede describitur. Neque refert, quod ex aquâ & terrâ prodierint animantia, quia distinguendum est inter Creationem *Primam* & *Secundam*. Illa ex nihilo; hæc ex indisposito, inhabili, & inepto, procedit. Hinc à primavâ rerum creatione ad hodiernam earum generationem argumentari non licet. Miserrimi ergò essent Adversarii Syllogismi: *Ex quo producta fuerunt primitus anima animantium, ex eo etiam bodiè ista producantur. Ex elementis producta fuerunt primitus anima animantium. Ergò ex elementis etiam bodiè ista producantur. It: Quemadmodum anima animantium producta fuerunt ex Elementis, ita etiam forma Elementorum primitus vi creationis ex potentiâ materie primæ sunt producta. Sed satis benè anima animantium producta fuerunt ex Elementis. Ergò etiam satis benè forma Elementorum primitus vi creationis ex potentiâ materie primæ sunt producta. It: Ex quo producta fuerunt primitus animantia, ex eo etiam producantur bodiè. Ex aquâ & terrâ producta fuerunt primitus animantia. Ergò ex aquâ & terrâ etiam producantur bodiè. Egreg æ sanè Majores illæ,*

illæ, dignæ quæ à tali adferantur Philo-  
 sopho, & contra *Excellentiss. & Experi-*  
*entiss.* urgeantur *Sennertum*. Digniora  
 notatu sunt verba *Dn. Sennerti, in Conf.*  
*& Diss. cap. 12.* contra *Erastum* sic scribén-  
 tis: *Monstret Erastus, quomodo Deus toti*  
*materia* *banc potestatem indiderit.* *Ex terrâ*  
*& aquâ plantas & animalia produxit Deus,*  
*omnibusq; formas suas indidit, iussitq; ut sin-*  
*gula plantarû & animalium species sese mul-*  
*tiplicarent, & secundum speciem suam semi-*  
*na & fructus ferrent: at quod materia toti*  
*extra species, potestatem animalia produ-*  
*cendi Deus indiderit, nusquã in sacris extat.*

*Ad Argum. V.*

Major est nulla. Quoad probationē,  
 utiq; mutuum Elementorum transmu-  
 tationem negamus, proindeq; novam  
 generationis rationē comminisci haud  
 tenemur. Probet ergò *Adversarius* Ele-  
 mentorum transmutationem, non ex  
*Aristotele*, non ex *Zabarellâ*, non ex ul-  
 lo alio Autore, sed λόγῳ καὶ πείρᾳ. Nos  
 è propriis *Adversarii* principiis ita argu-  
 mentamur: *Quibuscunq; nihil est contra-*  
*rium, illa substantialiter nec mutari, nec*  
*transmutari queunt. Elementis nihil est*  
*contrarium.* Ergò *Elementa substan-*

*Elemēto-*  
*rum trans*  
*mutatio*  
*probanda.*

*Adversa-*  
*rius pro-*  
*prio iugu-*  
*latur gla-*  
*dio.*

*tialiter*

*tialiter nec mutari, nec transmutari queunt.*  
 Major probatur, quia omnis mutatio  
 est à contrario in contrarium. Minor  
 est Adversarij, qui subindè ingeminat,  
 formis nihil esse contrarium. Quod si  
 verum de formis, etiam materiæ nihil  
 erit contrarium, quia materia æquè ac  
 forma substantia est: at substantiæ nihil  
 contrarium. Imò, Materia Elemento-  
 rum cum Adversario sit Materia Prima,  
 quæ statuitur esse ἀπὸ τοῦ, nec *Immedia-  
 tè*, nec *Mediatè*, contrarium agnoscit.  
 Si jam nec Materia, nec Forma Elemen-  
 torum, ullum habent contrarium, cur  
 Elementa mutabuntur, & transmuta-  
 buntur? Si nullū ab alio pati, nullumq;  
 in aliud agere potest, unde illa transmu-  
 tatio? Plura suprà in *Respons. ad Argum.*  
 V. Pent. Tert.

## PENTAS QUINTA.

### *Argum. I.*

Quicquid est causa Mixtionum & ge-  
 nerationis Æquivocæ, materiamq; ster-  
 quilini, limi, & quiscularum, animare  
 & informare valet, illud etiam & mixta  
 inanimata, & lapides, & metalla forma-  
 re potest. Virtus cœlestis est causa mix-  
 tio-

tionum & generationis Æquivocæ, materiamque sterquilini, limi, & quisciliarum, animare & informare valet. Ergo virtus cœlestis etiam & mixta inanimata, & lapides, & metalla formare potest.

*Argum. II.*

Si lapis generatur in vesica, vermis in intestinis & qualibet corporis parte, & in ulceribus, cur non metalla de novo vi cœlestium alibi exsurgant? Quis cœlum, quod Scaliger dicit esse omnia potestate efficiendi, hac privabit virtute? Quis materiam potentiâ recipiendi hanc formam?

*Argum. III.*

Quæcunq; opinio statuit omnia mixta esse animata & vitalia, illa ferenda non est. Opinio D. Sennerti de translatione formarum, statuit omnia mixta esse animata & vitalia. Ergo ferenda non est.

*Argum. IV.*

Quicquid ob nobilioris formæ acquisitionem miscetur, illud formam acquirendam in se non habet. Res naturales ob nobilioris formæ acquisitionem miscentur. Ergo formam acquir-

K

ren-

rendam in se non habent. Major probatur, quia si præsens esset forma, ejus acquisitione non foret opus. Minor patet è fine mitionis. Cur enim ex materiâ primâ primò generantur Elementa, & ex Elementis mista, & ex mistis viventia, nisi ut nobiliores producantur formæ, rerumq; essentiæ & genera conserventur?

*Argum. V.*

Si omnis forma, & etiam misti, propagat seipsam, omnis generatio erit univoca, nulla æquivoca. Sed consequens est falsum. Ergò & antecedens. Consequentia Majoris est, quia forma canis non generat porcum, nec forma tritici producit lapidem. Falsitas autem consequentis patet, quia 1. cum ex cibo generatur chylus, ex chylo sanguis, ex sanguine caro & semen, ex semine os, necessum est in cibo præfuisse formam chyli, in chylo sanguinis, in sanguine carnis & seminis, in semine ossis, omniumq; spermaticarum partium, & simul ipsius animantis. 2. otiosæ & frustraneæ crunt, & animæ & animarum facultates ac instrumenta, & partium temperies. 3. omnes formas quæ consequenter ex cibo



cibo prædeunt, in eo præfuisse statuere oportebit. Ut enim anima canis est in semine, ita etiam forma sanguinis erit in chylo, & forma chyli in cibo, & sic omnia erunt in omnibus, aut formæ & semina vel essentiæ ex Iliado & abyssu vel Orco Bombastij in hanc mundi scenâ venient, personasq; assument, & corpora sibi fabricabunt.

## Adversarij Verba.

### THESIS XI.

*Metalla gemmasq; hinc inde recens generari ubi nulla præfuerint, & herbas hinc inde nasci, quarum species ibidem seminantes ante non exstiterint, nec ipse autor negat, allegato, de Gal cum Chym Consens. & Diss. libro. & experientia, atq; observatio oculotenus testatur. Si itaq; virtus cœlestis est causa mixtionum & generationis æquivoca, tamen earum rerum quæ sine semine generantur (uti ipse Sennertus testatur in Physica sua, ubi asserit, generationis mixti causam generalem esse cœlum, proximam verò actionem duarum qualitatum) quam quæ semen producant, eoque, mediante speciem propagant, si materiam sterquilinij limi, & quicquiliarum animare & informare valeat,*

quidni posset & mixta inanimata & lapides  
& metalla formare. Si lapis generatur in  
vesica, vermis in intestinis & qualibet cor-  
poris parte & in ulceribus, cur non metalla  
de novo vi cœlestium alibi exsurgant? quis  
cœlum, quod Scaliger dicit esse omnia pote-  
state efficiendi, hac privabit virtute? quis  
materiam potentiâ recipiendi hanc for-  
mam.

### THESIS XII.

Clariss. Sennertus lib. de Gal. cum Chym.  
Consens. & Diss. fol. 352 inquit. In rerum pro-  
pagatione, specifica requiritur forma, quâ  
elementorum concursus & mistio temeraria  
prestare non potest. Forma ergo & anima  
cujuscunq; rei architecta, & primus motor  
in mitione est anima & forma cujusq; rei.  
Hactenus ille.

### THESIS XIII.

Formam autem hanc efficientis forma  
portionem esse, ab eaq; divisum, & per tra-  
ducem semineum vel quod huic respondet  
propagatam ut anima canis per semen &  
planta per hoc vel ramum avulsam, sibi met  
ipsi fabricari domicilium, ibidem docet.

### THESIS XIV.

Hec autem opinio statuit omnia mista esse  
animata & vitalia: ubi anima, ibi vita quia  
vita

vita est actus animæ, sed illud ipsemet it negatum allegato libro, & sequeretur (Paracelsicè) lapides, bilem, sanguinem, aliq̃, mista inanimata vivere.

### THESIS XV.

*Verum enim verò res ordine multoties miscentur, ut nobiliores acquirantur forma: si enim præsens esset ejus acquisitione non foret opus: aut igitur res habent illam formam quam natura intendit, & sic non opus est nova mixtione ad illam acquirendam. Cur enim ex materia prima primò generantur elementa, & ex elementis mista & ex mistis viventia (omnia enim simpliciter mista vivere simpliciter est absurdum) nisi ut nobiliores producantur forma, rerumq̃ essentia & genera conserventur. Contemplemur naturæ processum. Si omnis forma & etiam misti propagat seipsam formando sibi corpus, omnis generatio erit univoca nulla æquivoca. Forma canis non generat porcum, nec forma tritici producit lapidem. Cum igitur ex cibo generatur chylos, ex chylo sanguis, ex sanguine caro & semen, ex semine os, necessum est in cibo præfuisse formam chyli, in chylo sanguinis, in sanguine carnis & seminis, in semine ossis omniumq̃*

K 3

sperma-

*spermaticarum partium & simul ipsius ani-*  
*mantis. Atqui hoc pacto animam benefi-*  
*cio caloris in ventriculo certa ejusdem idio-*  
*syncrasia peculiariter & propriè determi-*  
*nati & commensurati generare chylum, pa-*  
*riq; ratione chymum in Epate, semen in testi-*  
*bus erit falsum, & sic anima humana & ca-*  
*lor natus proximum ejus instrumentum,*  
*ipsaq; partium temperies, frustra erunt &*  
*otiosa, quia forma in cibo & in chylo & in*  
*chymo &c. cum spiritu suo insito habente*  
*vim concoctricem virtutesq; ab anima de-*  
*pendentes & necessarias, eadem generabit.*  
*Omnes porro ex hoc animas, seu ut vult for-*  
*mas, quæ ex cibo consequenter prodeunt in*  
*eo præfuisse oportebit statuere. Non enim de*  
*novò generantur per generationem novi mi-*  
*sti, siquidem non generatur chylus, quia ge-*  
*neratur chylus, sed chylus generatur ex cibo,*  
*quia in cibo erat forma chyli, uti forma seu*  
*anima canis in semine canis, & ex chylo san-*  
*guis, quia in chylo forma sanguinis, atque sic*  
*deinceps. Aut si vis ab anima calore visce-*  
*rum hæc generari, dic unde forma chyli, chy-*  
*mi, sanguinis, seminis. Si ex tuâ opinione*  
*per propagationem formarum præexisten-*  
*tium, quenam anima vel forma ex sui divi-*  
*sione eam informabit? ex potentia itaq;*  
*mate-*

materia educi necessum erit, alioquin sequetur in materia actu existere omnes istas formas, quæ ex eadem prodire aut exsurgere possint. Sub forma cibi non peribit forma chyli, nec sub hujus forma chymi, quia ad hujus generationem superstitem illam esse oportebat. In tritico erit forma tritici & chyli & vermis, & tandem, quod verè Paracelsicum est, erunt omnia in omnibus, aut forma & semina vel essentia ex Iliado & abyssu vel Orco Bombastij in hanc mundi scenam venient, personasq; assument, & corpora sibi fabricabunt. Sed quid hoc aliud est, quam damnatam Paracelsi haresin, novis palliatam rationibus, reducere, & antiquatos errores in fraudem scientiarum, & perniciem studiosæ juventutis, recentibus incrustare absurditatibus?

## Responsio Generalis.

*Adversarius malè è mystione ad mentem Scholasticorum sumptâ, contra formarum translationem argumentatur.*

*Dogmata  
Scholasti-  
corum de  
Mistione  
summè  
dubia.*

In hiscè & aliis thesibus Adversarius mistionem Scholasticorum assumit, & contra formarum traductionem pugnat. Ubi 1. Sciat Interpretes Aristotelis tam variè & perplexè, de mistione scribere & sentire, ut per doctrinam istam saltem dubia dubiis cumulentur, rei ipsi verò parùm lucis addatur. Putant enim quatuor Elementa ita uniri, ut etiam è quavis minimâ particulâ queant extrahi, quia aliàs non quælibet pars misti mistum esset. Hinc intestinum foveat bellum de formis Elementaribus, an intereant in misto, an maneant; & si maneant, an integræ, an remissæ maneant; & si integræ si remissæ maneant, in quantâ copiâ ignis, in quantâ aqua, in quantâ terra, in quantâ aer, confluere debeant; & si ita confluerint, unde postmodum sapores, unde odores, & unde colores, surgere queant? E quibus sat lubricis principis, quidnam vel pro educatione, vel pro inductione concludendum? Adversarius ipse cum Scholasticis mihi non consentire videtur, dum infrâ th. 50. Scaligerianam Misti descriptionem approbat.

*An Adversarius faciat cum Scholasticis, quorum tamen defensor audire gestit.*

bat. Nempè Scaligero *Exercit. 101. f. 1.* *Mistio est motus corporum minimorum ad mutuum contactum, ut fiat unio.* Quo stante, Scholastica mistionis doctrina non stabit. Quod inter alios egregiè monstrat & demonstrat *Sebast. Basso Medic. D. in Philos. Natur. Libr. 1. Intent. 3. Artic. 2.* qui Mistionis doctrinæ & descriptioni ad mentem Scaligeri propositæ, hæc subjicit: *Quæ quidem ex diametro pugnant cum iis quæ Aristoteles contra Empedoclem affirmat libr. 1. de generat. cap. 10. Non oportere dicere, quæ miscentur esse mista secundum partes exiguas, quæ suam adhuc retineant naturam; perspicuum est. Compositio enim esset, non temperatura, aut mistio, nec pars eandem cum toto haberet rationem. Dicimus autem si quid misceri debeat, quod mistum est similium esse partium: & quemadmodum aquæ pars aqua est, ita & temperati temperaturam. Quod si mistio sit compositio secundum partes exiguas, nihil horum accidet, sed solum esse mista ad sensum: atque idem huic quidem si acutè non videat, esse mistum: Lynceo verò non esse mistum videbitur.* 2. Sciat Aristotelis Interpretes talem describere mistionem, quæ nec unquam facta fuit, nec un-

*Mistio  
quid Scaligero.*

*Scholasticorum Mistio nunquã fuit, & nunquã futura est.*



unquam futura est. Miscibilia enim seu Elementa concurrere, inter se pugnare, frangi & refringi, agere & reagere, sicq; mista produci, contendunt. Sed quando hæc observarunt? Longè aliud natura dicat, quæ hominem, bruta, & plantas, non per illum temerarium Elementorum concursum, sed per semina benè cocta, fieri, manifestè monstrat. Imò, in Metallorum etiam, aliorumq; inanimatorum, generationibus, in Elementaribus istis actionibus & reactionibus natura non subsistit, sed spiritus metallicos sese promoventes & multiplicantes assiduis Mundi scrutatoribus præclare ostendit. Unde *Experientiss. Dn. D. Sennertus in Cons. & Diff. Cap. ii.* graviter inquit: *Non credendum est, quod nonnulli sibi imaginantur, quasi cum res aliqua generanda est, ex omnibus quatuor Elementorum regionibus materia ad missionem conquirenda sit: sed cum Deus Opt. Max. res crearet, Elementa quoq; miscuit, & mistis suas formas peculiare ac seminales rationes & essentias cælo analogas indidit. Atque ita cursum naturæ per propagationem specierum in individuis conservat & tuetur. Jam verò post creationem*  
*ista*

*ista principia in aquis & terris ad corporum naturalium constitutionem & nutritionem ubi vis obvia sunt ex variis rerum corruptio-*

*nibus. 3. Sciat mitionem, sive Regularem, sive Irregularem, sive Artificialem, sive Naturalem, ex antea mistis, non è primis illis Scholasticorum miscibilibus, procedere. Regularem mitionem eam dico, quæ secundum leges à naturâ prescriptas fit. Sic naturali mitione semen hominis & hominis, equi & equi, canis & canis, semperq; ejusdem speciei semina, uniuntur & commiscentur. Irregularis mistio est, quæ contra leges à naturâ*

*prescriptas fit. Sic mulus generatur ex equâ & asino, hinnus ex equo & asinâ, leopardus ex pardo & leana, lycopantheros ex lupo & panthera, gallopavus ex gallo & pavone, & partus semiferi ex hominibus & brutis. Naturalis est, quam*

*Natura aggreditur: Artificialis quam Ars. Utriusq; exempla nemini nō nota sunt. Hæ mitiones omnes è rebus antea mis-*

*tis, non ex illis miscibilibus primis, vel spontè, vel casu, vel superiorum virtute, unitis ac dispositis oriuntur, ut ad oculum ostendit Natura cunctis rerum naturalium scrutatoribus.*

*Mistio Natura & Artis non fit immediate ex Elementis. Quid Mistio Regularis.*

*Quid Mistio Irregularis.*

*Quid Mistio Naturalis.*

*Quid Mistio Artificialis.*

Resp.

# Responsiones Speciales.

## Ad Argum. I.

Adversarius à Majori ad Minus argumentari tentat, sed egregiè principium petit. *Si animata, ait, virtute cœlesti generantur, multò magis etiam metalla, lapides, & alia inanimata, vi Cœli generari poterunt. Sed generantur animata virtute cœlesti. Ergò multò magis etiam metalla & lapides, & alia inanimata, vi cœli generari*

*Cælum nō poterunt. Sed petit principium, probareq; tenetur à Cœlo prodire animata. Neque recurrere potest ad Clariss. Sennerti Physicam, talis enim disputandi modus est miserrimus. Ex naturâ desumat medium terminum, non ex libris. Et, cum disputet καὶ ἀνθρώπων, si è Dn. Sennerti libris disputare gaudet, è posterioribus id agat, ubi sententiarum in prioribus contentarum, vel explicationes, vel limitationes, vel correctiones, vel excusationes suppeditantur: non ac si priores suam vel autoritatem vel utilitatem amiserint, sed quia dies diem docet, & diligens Naturæ scrutator semper prioribus aliquid vel adjiciendum vel abjiciendum deprehendit.*

Ad

## Ad Argum. II.

I. Adversarius confundit causam  
*Universalem* cum *Particulari*. Cœli & a-  
 strorum vires esse insignes in auri, ar-  
 genti, plantarum, brutorum, omniumq; *Quomo-  
 do Cœlum  
 non faciat  
 animata ;  
 & quomo-  
 do etiam  
 ista, & sa-  
 no sensu o-  
 mnia, fa-  
 ciat.*  
 corporum naturalium generatione, *& quomo-  
 do etiam  
 ista, & sa-  
 no sensu o-  
 mnia, fa-  
 ciat.*  
 tam constans & antiquorum & moder-  
 norum Philosophorum est assertio,  
 ut fermè influxus ille nobilissimus ex-  
 tra omnem sit controversiam. Verùm  
 efficiunt né aurum, argentum, plantas,  
 bruta, & sensu Scaligeriano omnia, ut  
 Causa Particularis, an ut Universalis?  
 Puto quod ut Universalis. Ita enim ar-  
 gumentor: *Cujuscunq; influxus ad auri, Cœlum  
 argenti, plantarum, brutorum, caterorumq;, causa Uni-  
 generationem, est indifferens, illud est Cau- versalis.  
 sa Universalis. Cœli & stellarum influxus  
 ad auri, argenti, plantarum, brutorum, ca-  
 terorumq;, generationem est indifferens.  
 Ergo Cœlum & Stella sunt Causæ Universa-  
 les. Major est ex Descriptione propriaq;  
 ratione Causæ Universalis. Minor pro-  
 batur 1. ex propriâ Adversarij confes-  
 sione. 2. è re ipsâ. Quoad prius Ad-  
 versarius th. 16. ita habet: *Nulla perfici-  
 tur (generatio) univoca, nisi accedat a qui-  
 voca; à cœli directione est omnium rerum  
 gene-**

*generatio & corruptio ; illud tanquam agens universale omnia inferiora generat , mutat , producit , & sine illo nihil fit in inferioribus .* Quoad posterius , sanè stellæ suæ lumina , radios , aliasq; dotes , indifferenter & absque ullo discrimine in Mundum hunc inferiorem spargunt , & sic semina latentia calefaciunt ac vim torpidam excitant , quò diversa diversorum metallorum , diversarum plantarum , & diversorum animalium genera , prodire queant . Hinc & non omnis fert omnia tellus , & ne in uno quidem campo producantur eadem , sed hîc millesolium , illîc nasturtium , isthic centaurium , alibi aliud : non sanè ob diversum siderum positam , nec etiam ob nudam materiæ , ut materia est , diversitatem , quæ forsan facile æqualiter disponi posset , sed ob causarum particularium alietatem . II. Lapidēs & vermes in vesicâ , intestinis , & omnibus fermè corporis partibus , non sine seminali generantur principio . Vis enim cœlestis cum saltem Universalis Causæ rationem sustineat , non magis lapidem , quàm aurum aut argentum , neque magis vermem , quàm equum aut canem , formabit aut fabri-

*Quomodo lapides & vermes in vesicâ , & cæteris animalium partibus , generentur .*

fabrīcabit. Et quāvis quoad lapides, alij ad *calorem*, alij ad *frigus*, alij ad *exsiccationem*; & quoad vermes, alij ad *calorem*, alij ad *putredinem*, alij denuò ad *vīm cælestem* confugiant; tamen omnes laterem lavant. *Calor* namq; lapides non gignit, quia (ut transeant reliqua argumentorum pondera) in membranis etiam locis, nec non in fontibus frigidis, in copiâ non exiguâ gignuntur; imò lacus sunt, in quibus ligna, ossa, & alia injecta, in lapides mutantur. Ubi dubio procul beneficio caloris lapides isti fieri haud valebunt. Sic neque *frigus* eos producere poterit, quia etiam in capite, in pulmone, in ipso corde, & illius arteriis, lapides generati fuerunt. At, quis tantum *frigus* in corpore hominis viventis quærere auderet? Nec *exsiccatio humidi* rem dabit expeditam, quia in renibus & vesicâ, locis satis humidis, imò in ipsis aquis, lapilli generantur. Sic & vermes pro principe & proximâ causâ, nec *calorem*, nec *putredinem* habent, de quib9 egregiè *Excell. Dn. Sennertus Libr. 2. Instit. Medic. Part. 2. c. 9.*

his verbis: *Neque enim calor, sive putredinalis, sive coquens, sive quocunque modo*

*Calor lapides non gignit.*

*Frigus lapides non gignit.*

*Exsiccatio humidi lapides non gignit.*

*Calor & putredo vermes nō faciunt.*

*Cælum  
vermes  
non facit.*

*appelletur, per se substantiam efficere, & sese nobilius aliquid producere potest. Sicut nec illud rem expedit, quod quidam ad calorem cælestem seu cælum confugiunt. Cælum enim est agens tantum commune ac universale, præter quod in cuiusvis rei sublunaris generatione proprium & proximum agens necessario requiritur &c. Plura videantur loco citato, & in Cons. ac Diss. Cap. II.*

*Principiū  
seminale  
& vermes  
& lapides  
facit.*

*Breviter ita argumentamur: Ut lapides & vermes extra corpus nostrum, ita & in corpore nostro generantur. Sed per principia seminalia extra corpus nostrum generantur. Ergo etiam per principia seminalia in corpore nostro generantur. Nec est, quod quærat quis, unde principia illa in corpus nostrum transferantur & transvehantur; siquidem (ut taceam subordinationem) & cibos & potus nec feculentia, nec lapidescentia, nec semini, expertes haurimus, unde & pro varietate aquarum, locorum, & similium causarum, immensum variare morbos experimur.*

*An materia prima  
sit receptiva  
formarū metal-  
licarum.*

*III. De materiâ, an formas metallorum recipere possit, an non, parum sumus solliciti. Etiam Irus forsan recipere posset divitias Croesi, sed quid inde? Labet saltem quærere,*

*an*



an illa potentia sit *prima*, an *secunda*, &  
 Si prima est, ob eam materia formam  
 metallorum non recipiet; quia prima  
 æqualiter se habet ad omnes formas. Si  
 secunda est, non materiæ primæ, sed se-  
 cundæ, potentia est. Ratio, quia cer-  
 ta dispositio è materiâ primâ facit se-  
 cundam. IV. Argumentum ergò Ad-  
 versarij invertimus hoc pacto: *Ut lapi-  
 des generantur in vesicâ, & vermes in inte-  
 stinis, ita etiam metalla generantur in terris.*  
*Sed è principio seminali lapides generantur*  
*in vesicâ & vermes in intestinis. Ergò et-*  
*iam è principio seminali metalla generantur*  
*in terris.* Major est Adversarij. Minor  
 & è dictis, & è Respons. ad Argum. V.  
 Pentad. Tert. sat patet.

*Inverso.*

### *Ad Argum. III.*

Minor est falsa. Nempè è traductione  
 formarum, omnia mista esse animata  
 & vitalia, non sequitur. Multiplicant  
 enim sese non saltem animata, sed & in-  
 animata. Putat quidem Adversarius  
 his deesse semina, unde in iis traductio  
 stare nequeat, sed malè. Plura suprà in  
 Respons. ad Argum. V. Pent. III.

*Manet di-  
 viso Mi-  
 storum in  
 Animata  
 & Inani-  
 mata.*

L

Ad

*Ad Argum. IV.*

*Ethnici-  
smum sa-  
pit, ex ma-  
teriâ pri-  
mâ gene-  
rata fuisse  
Elementa,  
ex Eleme-  
ntorum mi-  
stione mi-  
sta, & ex  
mistorum  
remissione  
animata.*

Minor est nulla. Probatio addita i.  
*purum sapit Ethnicismum.* Quando enim  
quæso ex materiâ primâ generata fue-  
runt Elementa? Putarem vera esse illa  
quæ *Moses Cap. 1. Gen.* habet: Deum fe-  
cisse terram, Deum fecisse aquâ, Deum  
fecisse expansum, Deum dixisse ut ger-  
minet terra germen, & ut producant a-  
quæ reptile & volatile. Sed Adversarius  
mavult cum Aristotele, homine Ethni-  
co, sibi quandam materiam primam,  
(quæ forsan ab æterno extitit) formas  
Elementares ex se gignentem, & medi-  
antibus hîc animas plantarum & bru-  
torum, imò hominis etiam, (ut infra ait)  
eudentem imaginari, quàm Creatori  
de creaturis proprium testimonium di-  
centi assentiri. Paucis sic argumētamur:  
*Quicquid est immutabile, ex eo non gene-  
rantur Elementa. Materia Prima est immu-  
tabilis. Ergo ex materiâ primâ non generan-  
tur Elementa.* Major probatur, quia uni-  
us generatio est alterius corruptio. Mi-  
nor est omnium Aristotelicorum. 2. *ve-  
rum Controversia statum nō attendit.* Non  
enim animam seminibus brutorum vel  
hominum nō dum mistis & uteri facul-  
tate propriâ suscitatis concedimus: sed,

ut la-

ut sæpius dictum, de seminibus utriusq; sexus rectè unitis, mistis, & suscitatis, loquimur, unde regeri nequit, animas illas ante missionem adfu sse. Plura de Missionem in Generali dicta fuere Responsione.

*Ad Argum. V.*

Falsum non esse, nullam dari generationem Æquivocam, sæpius prolatum probatumq; fuit. *Exceptio prima* Adversarij confundit nutrimenta & excrementa cum partibus, & partes cum speciebus. *Aliud* n. est, elaborationē chyli, sanguinis, & seminis considerare: *aliud* formationē ossis, carnis, cæterarūq; cum spermaticarū tum sanguinearū partiū, ponderare: & *aliud* multiplicationem specierū peniculare. Cum formas traduci statuit *Clariss. Dn. Sennertus*, ad species mundi, nō ad specierū vel nutrimenta, vel excrementa, vel etiā particulas, respicit. Hinc ridiculum est argumētari vel: *Quicumq; statuit canem generare canem, ille etiam statuere necessum habet, ossa generare ossa, carnes generare carnes, semina generare semina, sanguinem generare sanguinem, & chylum generare chylum.* *Clariss. Dn. Sennertus statuit canem generare canem. Ergo etiam statuere necessum habet, ossa ge-*

*Omnis Generatio Univoca.*

*Respons. ad Except. I. Confusio mater falsi.*

*nerare ossa, carnes generare carnes, semina generare semina, sanguinem generare sanguinem, & chylum generare chylum. Quallis enim illa Majoris Consequentia? Species mundi sanè habent potentias sese multiplicandi, sed non ita specierum partes, non ita specierum nutrimenta, nec ita specierum excrementa; id quod adeò manifestum, ut probatione nullâ indigeat. Quis enim quæreret, an & quomodo se multiplicet caput Petri, an & quomodo cor Petri, an & quomodo semen aut sanguis Petri? Chylum autem & sanguinem esse nutrimenta; semen, excrementum; cor, carnem, hepar, ossa &c. partes, inter saniores in confesso est. Forsan tamen Adversarius novisse gestit, unde chylus, sanguis, semen, cor, hepar, ventriculus &c. suam habeant formam substantialem? Respondeo, magna adhuc lis est inter doctissimos Philosophos & Medicos, an partes corporis formis substantialibus à se invicem differant: sed affirmativa ponatur & concedatur, caroq; quæ in macello venditur, non minus quàm ea quæ adhuc in vivente est, verè & univocè ob propriam suam formam sub-*

*De formis  
partium.*

substantialem caro dicatur; formam suam caro ista, ut & ossa, venæ, aliæque partes omnes, in semine (quod *ὑπόστασις σώματος* est) protinùs habuerunt, quæ postmodum certum sibi ædificavit domicilium. Quâ de re dictum suprâ *Thef. 5. Concl. 3.* Unde verò *nutrimenta* & *excrementa*, seu sanguis, chylus, semen, & lac, formas suas receperint, quærere, fermè est frustraneum. Nam quæ coquuntur accuratè loquendo non generantur. Aliud enim *Coctio*, aliud *Generatio* est. Si jam non generantur, nec quæstio de origine formarum ad ista spectat, nec ea peculiarem formam substantialem obtinent. Sola enim generatio cursu naturæ ad formas substantiales tendit. Quo stante, inferre non licet, in cibo præfuisse formam chyli, in chylo sanguinis, in sanguine seminis aut lactis. Quod enim non est, etiam in cibo, chylo, aut chymo, esse nequit. Formas autem partium, & animam ipsam, in semine fuisse, ultro largimur, *Exceptio secunda* malè colligit. Nam i. ex eo colligit, quod non est. Si forma chyli, ait, fuit in pane, otiosus erit ventriculus; & si forma chymi fuit in chylo, otio-

*De for-  
mis nutri-  
mentorū  
& excre-  
mentorū.*

*Respon. ad  
Except. II.*

sum erit hepar; & si forma seminis fuit in sanguine, otiosi erunt testes &c. Verum prius nec concessum, nec probatum fuit. Si asinus volat, habet pennas, 2. Posito etiam, sed non concessio, formam chyli fuisse in pane, & formam chymi fuisse in chylo, & formam seminis in sanguine, non tamen propterea otiosus esset ventriculus, vel epas, vel testes, nec otiosa anima, & otiosæ animæ facultates, quia non nuda illa forma faceret chylum, sanguinem, aut semen, sed etiam materia, non sine labore in ventriculo, epate, & testibus, formata & elaborata. *Exceptio tertia* ultrò cedit per responsiones ad duas priores allatas. Non itaq; metuendum est, ne his ipsis Paracelsi revocentur errores, & incautæ obtrudantur juventuti. Quid de *Paracelso*, ejusq; doctrinâ, *Clariss. Dr. Sennertus* sentiat, & quàm præclare *Viri illius* & vitam, & mores, & dogmata, depinixerit, correxerit, & refutaverit, aureus ille *Liber de Chymic. cum Aristot. & Galen. Conf. & Diff.* & in specie *Cap. 4. de Paracelso*, abundè testatur, ut meras hic Adversarius sonet & resonet Calumnias, cum *Sennertum* damnatam *Paracelsi*

*Resp. ad  
Except.  
III.*

celſi hæreſin novis palliatam rationibꝯ *Adverſa-*  
 reducere, & antiquatos errores in frau- *rii Calu-*  
 dem ſcientiarum & perniciem ſtudioſæ *mnia.*  
 juventutis recentibus in Cruſtare abſur-  
 ditatibus, clamat & ſcriptitat. O uti-  
 nam omnes ad exemplum *Dn. Sennerti*  
 ſtudioſam ſeducerēt juventutem! Bea-  
 ta eſt ſeducio, quā à falſitate abducimur,  
 & ad veritatem adducimur. Gra-  
 tā mente tantos labores poſteritas (ſi  
 qua ſperanda) ſuſcipiet, æternoqꝫ Opti-  
 mum hunc *Φύσεως καὶ κόσμου ἐρμηνεύων*  
 contra omnes invidorum morſiuncu-  
 las honore maſtabit. Nam

*Pascitur in vivis livor; poſt fata quieſcit:*

*Tunc ſuus ex merito quemqꝫ tuetur honor.*

## PENTAS SEXTA.

### *Argum. I.*

Si formam multi inanimati è poten-  
 tiâ materiæ educit calor elementaris, &  
 animas calor cœleſtis ac divinus, ſequi-  
 tur formas non traduci ſed educi. At  
 antecedens eſt. Ergò & conſequens.  
 Probatur antecedens è Scaligero, qui à  
 cœli directione omnium rerum gene-  
 rationem & corruptionem eſſe docet,  
 & luculenter ex Zabarellæ Cap. 9. Lib.  
 de ment. hum. & c. ult. lib. de cal. cœleſt.



*Argum. II.*

Si cœlum ad omnium rerum generationem, ut agens universale & æquivocum concurrit, idq; nunc mediâtè, nunc immediâtè, sequitur frivole omnis generationis potestatem & ordinem animæ vel formæ præexistenti in materiâ rei generandæ attribui. Sed prius est. Ergo & posterius. Probatur prius è Scaligero.

*Argum. III.*

Quicumq; quærit, quid rerum ortus & obitus in his inferioribus moderetur, & quid tantillo terræ tantum aquæ misceat, is naturam naturantem & cœlorum astrorumq; ingentia & potentissima corpora, virtute agendi in hæc inferiora spoliât. D. Sennertus quærit, quid rerum ortus & obitus in his inferioribus moderetur, & quid tantillo terræ tantum aquæ misceat. Ergo naturam naturantem & cœlorum astrorumq; ingentia & potentissima corpora virtute agendi in hæc inferiora spoliât. Major probatur, quia Deus & astra rerum miliones & generationes regunt ac dirigunt.

*Argum.*

*Argum. IV.*

Quicquid brutum est & proprio fine non agit, ac in agendo à prioribus, superioribus & universalioribus dependet, illi opus generationis & missionis adscribi non potest. Natura particularis bruta est & proprio fine non agit, ac in agendo à prioribus, superioribus & universalioribus dependet. Ergò naturæ particulari opus generationis & missionis adscribi non potest. Major probatur, quia opus naturæ est opus Intelligentiæ.

*Argum. V.*

Quicumq; formis particularibus proclivitatem sese propagandi, rerum generationem & interitum moderandi & conservandi, universumq;, & ne quid in specie deficiat, moderandi & administrandi, virtutem assuit, is pulcherri-  
mum ordinem à Deo institutum (qui inter superiora & inferiora est) turbat ac convellit, philosophicas disciplinas ac veritatis regulas pessundat, artium studia corrumpit, ad Paracelsicam barbariem inclinare juventutem, & sensim ad ea quæ Paracelsi mystæ & fratres ro-

sci pone sequuntur, videlicet atheismū, aliaq; errorum plaustra viam munit. At qui D. Sennertus formis particularibus proclivitatem sese propagandi, rerum generationem & interitum moderandi & conservandi, universumq;, & ne quid in specie deficiat, moderandi & administrandi virtutem assuit. Ergo pulcherrimum ordinem à Deo institutum (qui inter superiora & inferiora est) turbat ac convellit &c.

## Adversarij Verba.

### THESIS XVI.

*Generatio autem omnis est à causis equivocis vel univocis. Has propagatione formarum per semina, aut per id quod semini respondet generari asserit D. Sennertus, quo pacto quercus quercum & canis canem producit. Æquivoca generatio fit, cum agens non producit sibi specie simile, & sic cælum est omnia potestate agendi, dictante Scaligero. Nulla autem perficitur univoca, nisi accedat equivoca: à cæli directione est omnium rerum generatio & corruptio; illud tanquam agens universale omnia inferiora generat, mutat, producit, & sine illo nihil fit in inferioribus. Quo pacto ad generationem*

*cum*

eum rerum mistarum tum animatarum vel  
 mediatè vel immediatè agat aut concurrat  
 calor cælestis, elementarem, vel nostrum in-  
 natum dirigens, misiones ac generationes  
 operans & promovens Zabarella luculenter  
 docet lib. de calore cælesti & passim in libris  
 de rebus naturalibus. Is immediatè calo-  
 rem elementi, directum tamen à superiore  
 omnes rerum inferarum mutationes guber-  
 nante, ait, producere formam misti inani-  
 mati, ut verò animal generetur accedere o-  
 portare, externum principium nempe cæle-  
 stem, atque divinum: Forma inquit libr. de  
 mente hum. cap. 9. inanimatorum de mate-  
 ria educuntur ab agente elementari: nam  
 calor elementaris in generatione misti locum  
 habet agentis in educenda forma misti de po-  
 testate materia, sed anima non potest à fa-  
 cultate elementari produci; quare principium  
 habet activum externum, nempe cæleste atq;  
 divinum: causam agentem in productione  
 omnium partium anima, refert Arist. in fa-  
 cultatem cælestem, hoc est, astrorum vires,  
 quas etiam, inquit, inter se dissidere, majore  
 & minore nobilitate, prout etiam anima no-  
 bilitate discrepent; in hanc igitur causam  
 agentem idem refert productionem ani-  
 marum Aristot. Nam animalia quæ ex pu-  
 tri materia generantur, ibidem asserit  
 à tali

à tali cœlesti principio generari; illa verò quæ per propagationem & ex semine gignuntur, inquit, habere in seminibus facultatem generatricem à cœlestibus corporibus inditam, quam dicit esse calorem, non quidem elementarem & igneum, siquidem calor igneus non est productivus viventis, sed calorem cœlestem & à cœlo impressum proinde referentem naturam quinti Elementi, cum ab eo proveniat, & tanquam illius instrumentum est productivus animalis: agit enim semen tum virtute propria tanquam agens proximum, tum etiam virtute cœlesti tanquam instrumentum cœlestis agentis, & hac ratione dicitur in semine inesse principium activum, ab ipso separatum, hoc est rectum & gubernatum ab agente separato, unde dici solet, sol & homo generant hominem; propria enim ipsius seminis virtus, non potest alia esse quàm elementaris, quum semen ex elementis constet, non hac quoque virtus suam actionem contribuit, sed ad animalis generationem nullius esset momenti sine altera quâ semen à cœlo accipit, qua ratione partes animæ, præter rationalem, ita producuntur à cœlesti illo principio, ut de potestate materia ab eo educantur.

## THESIS XVII.

*Idem lib. de calore cœlesti cap. ultimo ex Arist. docet, calorem seminibus insitum, habere vim generandi animal, proinde non elementarem esse, sed cœlestem ac divinum, siquidem calor igneus nullum animal generet: unde quidam collegerunt (inquit) speciei distinctos esse calorem igneum & calorem vitalem, sed decepti sunt, quia diversa quidem sunt principia agentia, quæ calore utuntur, sed ipsa caloris natura est ejusdem speciei: ignis enim non potest animal generare, neque animam de materia educere per calorem, quia non potest agere supra proprias vires; at cœlum & virtus vitalis cœlo proportionem respondens, potest per calorem generare animal. Calor elementaris in mixture agit in siccum & humidum, ea regit & unit, & mixturem absolvit, & formam mixti educit, at non educit animam, hac enim eget agente supereminente naturam elementarem, quale est cœlum & anima seu virtus vitalis cœlo proportionem respondens.*

## THESIS XVIII.

*In ipsa elementari materia, ex qua hæc corpora generantur insitum est activum principium, nempe calor elementaris, à quo  
absol-*

absolvitur mistio & educitur forma misti, quemadmodum etiam à virtute elementari educitur de materia forma elementi, quando ab aliquo elemento convertitur in naturam suam aliud corpus: & quamvis ad has quoque mutationes concurrat cælum, & agens universale, non tamen ut agens proximum & immediatum, nam proximum agens est vis elementaris. Hactenus Zabarella. Ex quibus omnibus liquet, cælum equivocè generare omnia mista inanimata, seorsim existentia, & mista animata calore cælesti ex femine, & demum immediatè non ex semine, sed elementis, ut ex limo ranas & quicquidius mures.

### THESIS XIX.

Unde scitè Scaliger Exc. VI. no. V. Pendere hac nostratia ex superioribus, propter equivocam connexionem, non propter univocam effectuum communionem. Sunt enim superiora quasi forme conservatrices inferiorum; quia hac ipsa causa causarum tuetur ea que fecit, per ea que fecit. Idcirco nos moveri, quia moventur illa, & videre nos quia vivunt illa, & esse quia sunt: Et hac ratione ab Aristotele dictum esse, quod sol & homo generent hominem. Cælum itaq; ad o-



ad omnium rerum generationem, ut agens universale & a quodocumque concurrat, idque mediatè ut in iis quæ ex semine generantur, vel immediatè ut in opificio animalium ex limo quisquiliisve productorum, ut frivole assignetur omnis generationis potestas & ordo, tam simpliciter mistorum quam animatorum, anima vel forma præexistenti in materia rei generande. Scitè proinde Scaliger Exerc. c. l. num. 18. ait falsum esse omne quod generetur ab anima generari: neque solam animam miscere, quod & calor solis misceat, & calor ignis misceat. Quocirca etiam querere, quid rerum ortus & obitus in his inferioribus moderetur, quid tantillo terra tantum aqua misceat, numquid est naturam naturantem, & cælorum astrorumque ingentia & potentissima corpora virtute agendi in hac inferiora spoliare? Quid est in universo quod rerum misiones & generationes dirigit ac regit? an natura particularis & bruta, numverò illa intelligens & omnia dirigens? bos in Venerem fertur non sua intentione, neque ut species propagetur & conservetur, sed sine & consilio universi dirigentis naturam bovis, per suas qualitates, quas ut peculiare ad hoc indidit ita certis temporibus eas excitat.

Opus

Opus naturæ est opus Intelligentiæ, & natura particularis non agit sine suo, sed sine universi, & causarum particularium infimarumq; potestas, à prioribus superioribus & universalioribus dependet, causa enim posterior agit virtute prioris, & subalternatim ascendendo, donec ad primam omnium deveniamus, qua pulcherrima connexionem, ab una & ad unam omnia; dependent omnia; seu tota rerum omnium series. Inferiora autem potissimum per rerum generationem conservantur. Formis vero particularibus proclivitatem sese propagandi, rerum generationem & interitum moderandi & conservandi, universumq;, & ne quid in specie deficiat, moderandi & administrandi virtutem assuere, est pulcherrimum hunc à Deo ordinem institutum turbare aut convellere, philosophicas disciplinas & veritatis regulas pessundare, artium studia corrumpere, ad Paracelsicam barbariem inclinare juventutem, & sensim ad ea quæ Paracelsi mystæ & fratres rosei pone sequuntur; videlicet atheismum, aliq; errorum plaustra, viam munire.

Respon-

# Responsiones Generales.

## 1. *Adversarius frustra contra Excellentiss. Dn. Sennertum urget auctoritatem Zabarella.*

Εκθεσις.

Nostri jam non facimus laboris Zabarellæ sententiam examinare & refutare, sed saltem cum Adversario rem nostram conabimur expedire. Calorem producere formas, probat hoc medio termino, quia Zabarella id dixit. Fiait Syllogismus: *Quicquid dixit Zabarella, id negare non debet D. Sennertus. Calorem facere formas dixit Zabarella. Ergo id negare non debet D. Sennertus.* Major est egregia. Do instantiam: *Quicquid dixit Zabarella, id negare non debet D. Freitagius. Viventia dum generant sibi simile, largiri & communicare aliquid de suamet materia & aliquid de suamet forma, dixit Zabarella. Ergo id negare non debet D. Freitagius.* Minor probatur è propriis Zabarellæ verbis, qui lib. de facult. anim. cap. ii. ita ait: *Generans communicat aliquid de suâ animâ nutritivâ, quatenus*

*Regula & mensura Contraversiarum Physicarum & Medicarum, non est Zabarella, non Aristoteles, nec ullus qui ante nos fuit, sed NATURA.*

exhibet semen animatum, at ipse Aristot. asserit in 2. lib. de Ort. animal. cap. 3. est enim semen præditum facultate vitali, quæ eadem in generante erat; sed simul communicat aliquid de suâ materia quia forma non potest migrare de materiâ in materiam, quare necesse est, ut vivens generans exhibeat portionem suæ materiæ, unâ cum portione animæ nutritivæ, & caloris sui naturalis; fit autem postea alia numero anima, & aliud vivens ejusdem speciei. Atque sic jam Controversiarum Physicarum normam cum proprio suo damno Adversarius constituit Zabarellam.

## 11. Adversarius miserrimè allegat Zabarellam.

Εκ της.

Quàm frigidè & miserè Adversarius alleget Zabarellam, sat dici nequit. Ut ergò id ad oculum ostendatur, de verbo ad verbum cùm Adversarij allegata, tùm Zabarellæ dictata subjiciam. Ita ergò

Jacob.

*Jac. Zabbar. Libr. de D. Job. Freitag.*  
*ment. hum. c. 9. thes. 16.*

Formæ inanimato. Formæ, inquit, Za-  
 rum de materiâ e- barel. lib. de ment.  
 ducuntur ab agen- hum. c. 9. inanima-  
 te elementari; nam torum de materiâ  
 calor elementaris educuntur ab agē-  
 in generatione mi- te elemētari: nam  
 sti locum habet a- calor elementaris  
 gentis in educendâ in generatione mi-  
 formâ mīsti de po- sti locum habet a-  
 restate materiæ, sed gentis in educen-  
 anima non potest à da forma mīsti de  
 facultate elemen- potestate materiæ,  
 tari produci; quare sed anima nō pot-  
 principium activū est à facultate ele-  
 habet externum, mentari produci,  
 nempe cœleste at- quare principium  
 que divinum; itaq; habet activum ex-  
 causam agentem in ternū, nempe cœ-  
 productione omni leste atque divinū:  
 um partium animæ causam agentem  
 refert Aristot. in fa- in productione o-  
 cultatē cœlestem, mnium partium a-  
 hoc est, in astro- nimæ refert Arist.  
 vires, quas etiam in- in facultatem cœ-  
 quit inter se disside- lestem, h. e. astro-  
 re majore ac mino- rum vires, quas et-

*Jac. Zabarel.**D. Job Freitag.*

*Hic Ad-  
versarius  
tres omi-  
fit lineas.*

re nobilitate, prout iam inquit inter se  
etiam animæ pro- diffidere, majore  
ducendæ nobilita- & minore nobili-  
te discrepāt, & sunt tate, prout etiam  
aliæ aliis nobilio- animæ nobilitate  
res, adeò ut à facul- discrepent; in hanc  
tate cœlesti nobi- igitur causam agē-  
liore nobilior etiā tem idem refert  
animæ pars produ- productionem a-  
ci dicatur: in hanc nimarum Aristor.  
igitur causam agen- Nam animalia quæ  
tem refert Aristor. ex putri materia  
productionem ani- generātur ibidem  
marum; nam ani- asserit à tali cœlesti  
malia, quæ ex putri principio genera-  
materiā generātur, ri; illa verò quæ per  
ibidem asserit à tali propagationem &  
cœlesti principio ex semine gignun-  
generari; illa verò tur, inquit, habere  
quæ per propaga- in seminibus facul-  
tionem, & ex semi- tatē generatricem  
ne gignūtur, inquit à cœlestibus cor-  
habere in seminib9 poribus inditam,  
facultatem genera- quam dicit esse ca-  
tricem à cœlestibus lorem, nō quidem  
corporibus inditā, elementarem & i-  
quam dicit esse ca- gneum, siquidem  
lo. calor

*Jac. Zabarel.**D. Job. Freitag.*

lorem, nō quidem calor igneus non elementarem, & est productivus viventis, sed calorem cœlestem, & à cœlo impressum, proinde referentem naturam quinti Elementi, cum ab eo proveniat & tanquam illius instrumentum est productivus animalis: agit enim semen virtute propriâ tantum, tūc etiam virtute cœlesti tantum instrumentum cœlestis agentis, & hac ratione dicitur in semine inesse principium activum ab ipso semine virtute propriâ, tantum virtute proximo, tūc etiam virtute cœlesti separato, unde dicitur tan-

*Hic iterū in medio contextu Adversarius aliquot omisit lineas.*



*Jac. Zabbar.**D. Job. Freitag.*

tanquam instrumentū- solet, Sol & homo  
 rum cœlestis agen- generant hominē;  
 tis, & hac ratione propria enim ipso  
 dicitur in semine seminis virtus non  
 inesse principium. potest alia esse quā  
 activum ab ipso se- elementaris, quia  
 paratum, hoc e. re- semen ex elemen-  
 tum & gubernatū tis cōstet, nam hæc  
 ab agente separato, quoque virtus su-  
 unde dici solet, Sol  
 & homo generant  
 hominem; propria  
 enim ipsius seminis  
 virtus nō potest ef-  
 se alia, quā ele-  
 mentaris, cū semen  
 ex elementis con-  
 stat; nam hæc quo-  
 que virtus suam a-  
 ctionem cōtribuit,  
 sed ad animalis ge-  
 nerationem nullius  
 momenti esset sine  
 alterâ, quam semē à  
 Cœlo accipit. Hoc  
 igitur modo, inquit  
 ibi Aristot, omnes  
 par-

*Hic mul-  
 tas Adver-  
 sarius omi-  
 sit lineas,*

am

*Jac. Zabar.**D Job Freitag.*

partes animæ ex- am actionem con-  
 trinsecus accedere, tribuit, sed ad ani-  
 non quidem ratio- malis generationē  
 ne suæ substantiæ, nullius esset mo-  
 sed ratione princi- menti sine altera  
 pij agentis, quod quam semen à cœ-  
 non est Elementa- lo accipit, quâ ra-  
 re, sed cœleste. Hoc tione partes ani-  
 autem Arist. dictū, mæ præter ratio-  
 utcunq; ab ipso in-  
 tellectū sit, de quo  
 in præsentia non di-  
 sputo, verum etiam  
 absolutè est, si sano  
 modo intelligatur:  
 nempè ut dicamus  
 alias partes animæ  
 præter rationalem  
 ita produci ab illo  
 cœlesti principio,  
 ut ipsæ de potestate  
 materiæ educi ab  
 illo dicantur; ani-  
 mam verò rationa-  
 lem à solo Deo im-  
 mediatè creati in  
 corpore, pendere

ta. M 4

*Et nescio  
 quâ cohe-  
 rentiâ su-  
 am cœcin-  
 navit te-  
 lam.*

*Hic cit-  
 tionis sue  
 finem fe-  
 cit Adver-  
 sarius, du-*

na-

*Jac. Zabbar.**D. Job Freitag.*

*pius an cū  
Zabarellā  
anima ra-  
tionalis  
creationē  
defendere  
velit, an  
secus. Ita  
ipse sequi  
nequit il-  
lum, quē  
pro nor-  
mā & re-  
gulā ob-  
trudit  
aliis.*

tamen ipsam quo-  
que à cœlesti prin-  
cipio nobilissimo,  
quod materiam tā-  
tummodo præpa-  
ret & idoneam red-  
dat ad ipsam reci-  
piendā, sed ipsam-  
met animam non  
producat.

nalem, ita produ-  
cuntur à cœlesti il-  
lo principio, ut de  
potestate materiæ  
ab eo educantur.

*Jac. Zabarell Libr. de  
Cal. Cœlest. c. 11.*

*D. Job Freitag.  
thes. 17.*

Sic facile interpre- Idem lib. de calo-  
tari possumus ver- re cœlesti cap. ul-  
ba Aristot. in tert. timo ex Aristotele  
cap. secundi lib. de docet, calorem se-  
Animal. ortu, quæ minibus insitum,  
à multis in pravum habere vim gene-  
sensum trahuntur; randi animal, pro-  
quum enim dicat inde non elemen-  
ibi Arist. calorem tarem esse, sed cœ-  
seminibus insitum lestem ac divinum,  
generandi animal siquidem calor i-  
vim habere, proin- gneus nullum ani-  
de non elementa- mal generet: unde  
rem qui-

*Jac. Zabar.**D. Job. Freitag.*

rem esse, sed cœlestem ac divinum, si quidē calor igneus nullum animal generat, hinc collegerunt distinctos esse specie calorē igneum & calorem vitalem: sed decepti sunt, quia diversa quidem sunt principia agentia quæ calore utuntur, sed ipsa caloris natura est ejusdem speciei: ignis enim non potest animal generare, neque animam de materia educere per calorem, quia non potest agere supra proprias vires; at cœlum & virtus vitalis cœlo proportionē respondens potest per calorem generare animal. Calor ele-

nci

M 5

men-

*Jac. Zabbar.**D. Job. Freitag.*

*Hic Ad-  
versarius  
plurima  
omisit.*

nerare; ita ut si su-  
mantur duo nume-  
ro distincti calores,  
sed in gradu & in-  
tensione omnind  
similes, quorum u-  
no forma elemen-  
taris utatur, altero  
autem utatur im-  
mediate Cœlum  
vel anima ejus vices  
obtinens, hic gene-  
rabit animal, ille  
verò nequaquam,  
sed solum genera-  
bit elementum, vel  
mistum aliquod: ca-  
lor enim elementa-  
ris in mitione agit  
in siccum & humi-  
dum, & ea regit, &  
unit, & mitionem  
absolvit, & formam  
misti de materiâ e-  
ducit; at non edu-  
cit animam, hæc e-  
nim eget agente su-  
per-

mentaris in multi-  
one agit in siccum  
& humidum, ea re-  
git & unit, & misti-  
onem absolvit, &  
formam misti edu-  
cit, at non educit  
animam, hæc enim  
eget agente super-  
eminente naturam  
elementarem, qua-  
le est cœlum & ani-  
ma seu virtus vita-  
lis cœlo propor-  
tione respondens.

THESES. 18.

In ipsâ elementari  
materiâ, ex qua  
hæc corpora ge-  
nerantur insitum  
est activum princi-  
pium, nempe ca-  
lor elementaris, à  
quo

*Jac. Zabbar.**D. Job. Freitag.*

pereminente natu- quo absolvitur mi-  
 ram elementarem, stio & educitur  
 quale est Cœlum & forma misti, quem-  
 & anima, seu vitalis admodum etiam à  
 virtus Cœlo pro- virtute elementari  
 portione respon- educitur de mate-  
 dens; idè Arist. in ria forma elemen-  
 memorato loco as- ti, quando ab ali-  
 ferit omnem animā quo elemento cō-  
 de foris accedere, vertitur in naturā  
 quatenus principiū suam aliud corpus;  
 activum non habet & quamvis ad has  
 aliquod elementū, quoque mutatio-  
 aut vim elementa- nes concurrat cœ-  
 rem, sed cœleste, &  
 natura elementari  
 præstantius; contra  
 quam evenit in for-  
 mis elementaribus,  
 hoc est, tam elemē-  
 torum quàm misto-  
 rum omnium ina-  
 nimatorum: in ipsa  
 n. elementari ma-  
 teria, ex qua hæc  
 corpora generan-  
 tur insitum est acti-  
 vum

*Hic iterū  
 Adversa-  
 rius multa  
 omisit.*

lum

*Jac. Zabar.**D. Iob. Freitag.*

vum principium, lum & agens uni-  
 aempè calor ele- versale, non tamen  
 mentaris, à quo ab- ut agens proximū  
 solvitur mistio & c- & immediatum,  
 ducitur forma mi- nam proximum a-  
 sti, quemadmodum gens est vis elemē-  
 etiam à vivente ele- taris. Hactenus Za-  
 mentari de materiâ barella.  
 forma elementi,  
 quando ab aliquo  
 elemento conver-  
 titur in naturam su-  
 am aliud corpus: &  
 quāvis ad has quo-  
 que mutationes  
 concurrat Cœlum  
 ut agens universale,  
 nō tamen ut agens  
 proximum & im-  
 mediatum; nam  
 proximum agens  
 est vis elementaris,  
 quemadmodū di-  
 ximus.

*III. Ad.*



111. *Adversarius dum generationem quandam equivocam, respectu causarum universalium, dari, probare conatur, nec Dn. Sennerto contradicit, nec Aristotelicorum mentem assequitur.*

Εκ της.

Probare vult, dari generationem Æquivocam, quia Cœlum, Sol, & reliquæ stellæ, ad omnem generationem concurrunt. Verùm hoc pacto nec *Clariss. Dn. Sennertus* generationem Æquivocam negat, nec *Aristotelici* illam affirmant. Distinguunt enim inter Univocam & Æquivocam generationem, ad eò ut univoca non dicenda sit æquivoca, nec æquivoca univoca; & semper ex *particularibus* causis, non ex universalibus, univocationem & æquivocationem judicant. Ridiculum proinde est, hominem statuere generari æquivocè, canem æquivocè, leonem æquivocè, imò omnia & singula genita æquivocè, ob hanc rationem, quia Sol tanquam universale agens concurrat ad generationem hominis, canis, leo.

*Quo sensu Aristotelici generationem Æquivocam defendunt.*

*An homo, canis, & leo, generentur æquivocè.*

Quid de  
generatio-  
ne Equi-  
vocâ sen-  
tiant Dn.  
Sennertus

leonis &c. Atque ut hæc magis patē-  
scant, mensq; Dn. Sennerti clarior eva-  
dat, locum è *Libr. de Cons. & Diss.* addu-  
cam, ubi Cap. 12. sic legimus: *An ulla  
sit generatio verè æquivoca, qua sine ullo pla-  
nè semine fiat, si ea quæ quotidie in naturâ  
fiunt, considerentur attentius, non sine cau-  
sâ dubitari posse videtur.* In quam rem,  
ut rectius inquirere possimus. propagatio-  
num variae differentie consideranda sunt.  
*Ad omnem quidem propagationem planta-  
rum & animalium, requiritur certa & pe-  
culiari modo disposita seu cūctia ὁλὴ, per quā  
forma se propagare possit: in aliis tamen ille  
apparatus materie est major & operosior,  
in aliis minor: & propagatio in aliis arctio-  
ribus & angustioribus legibus & limitibus  
circumscripta & conclusa est: in aliis latio-  
ribus & laxioribus.* Animalia perfecta  
pleraq; saltem per commissionem seminis pa-  
terni & materni in utero materno generan-  
tur. Alia ova pariunt, è quibus calore foris  
pulli excluduntur. In animalibus ignobi-  
lioribus verò & plantis generatio non ita an-  
gustis legibus conclusa est. Plantæ quædam  
per semina solum terræ commissa propagan-  
tur: aliæ saltem per bulbos aut radices; aliæ  
utroq; modo; aliæ per surculos, sed tamen

eos solum, qui jam ad flores dispositi sunt: in  
 alio humor ille seminalis per totam plantam  
 diffusus est, ita ut quocumque ramo seu radice  
 avulsâ & terræ commissâ propagatio fieri  
 possit. sicut id fit in salice, & ferè in vite.  
 Imò fungi si decoquantur, aut succus expri-  
 matur & succus vel decoctum radicibus ar-  
 torum affundatur, fungi inde nascuntur. A  
 viro quoque fide digno accepi, è spumâ canis  
 rabidi in veste hærente animalcula quadam  
 canibus similia progenita fuisse. Nimirum  
 illud seminale principium rerum minus no-  
 bilium in materiâ lentâ & tenaci sæpè quasi  
 sopitum diu latere, & externis injuriis ac  
 impressionibus resistere, tandemque iterum e-  
 mergere, & suas actiones edere potest.

## Responsiones Speciales.

### *Ad Argum. I.*

Antecedens est falsum. Probatio è  
*Scaligero* inepta est. *Scaliger* enim ibi  
 loquitur de Cœlo ut causâ *Universali*,  
 particularesque causas non excludit.  
 Hinc apertè ait ibidem, nempè *Exer-*  
*citat. 6. ss.* pendere hæc nostratia è sup-  
 riori-

*Calor Ele-*  
*mentaris*  
*formam*  
*misti non*  
*producit,*  
*nec calor*  
*Cælestis*  
*animas.*  
*Scaliger*  
*pro nobis.*

riorib9 propter *equivocam connexionem*, non propter *univocam effectuum communionem*. Unde & semper ibi urget præter agens universale, etiam agentia particularia, non saltem in hominum, sed etiam metallorum, saxorum, ranarum &c. generatione. Non ergò pro Adversario, sed contra eum est Scaliger. Probatio verò è Zabarella desumpta nos non ferit. Equè enim hîc contra Zabarellam, quàm contra alios Aristotelis Interpretes *Clariss. Dñ. Sennertus* disputat. Et sanè, non paucos errores, de *animæ rationalis creatione immediatâ*, de *collectione plurium graduum formarum elementarium*, de *differentiis caloris Elementaris & cœlestis &c.* in citatis illis locis habet Zabarella, quos hîc refutare nostri non est instituti. Hoc saltem inde apparet, Zabarellam suos etiam habuisse errores, unde non protinus ejus standum autoritate.

*Cælum, ut agens universale, non excludit, sed includit agentia particularia.*

### *Ad Argum. II.*

1. Major est nulla. Subordinatâ enim non sunt opposita. Agit sanè Sol, & agit homo, cum generatur homo, nec influxus hujus tollit influxum istius, nec

nec istius huius. Hinc & Canon: *Unius effectus plures esse possunt causa*. Nempe, non saltem *Partiales*, sed etiam *Totales*; nec saltem *diversorum generum*, sed etiam *diversorum ordinum*. 2. Quoad Minorem lubenter scirem, quamnam rem in Mundo hoc inferiori immediate generaret Sol? Argumentor ita: *Quicquid tanquam agens universale ad generationes in hoc mundo inferiori concurrat, illud nihil immediate generat. Sol, Caelum, & stellæ omnes, tanquam agentia universalia ad generationes in hoc mundo inferiori concurrunt. Ergo nihil immediate generant.* Major sat constat. Minor est in ore omnium, & etiam ipsius Adversarij th. 16. Verum enim verò, profert contra rationem & experientiam Adversarius, res immediate à Sole generatas, nempe animalia è limo & quisquiliis producta. At, hoc est petere principium. 3. Animam nec solam generare, nec solam miscere, etiam nos asserimus. Quid ergo hoc ad rhombum?

*Sol immediate nihil generat.*

*Object.*

*Respons.*

*Anima sola non miscet.*

### *Ad Argum. III.*

Major falsa est. Nam 1. Deus, Cœlum, & Astra, causæ universales sunt, *Ortus & interitus quæ rerum.*

N

quæ rerum.

*præter Deum, Cælū, & Astra, alias causas particulares a-*  
*gnoscunt.* quæ particulares non excludunt, sed in-  
 cludunt. Ita ergo argumentor: De o-  
*mini effectu particulari & specifico, causa*  
*particulares & specifica querenda & red-*  
*denda sunt.* Ortus & Interitus in his in-  
*ferioribus sunt effectus particulares & spe-*  
*cifici.* Ergo de his causa particulares & spe-  
*cifica querenda & reddenda sunt.* Major  
 patet, quia universalia ut rebus specifi-  
 cationem non largiuntur, ita nec no-  
 stram sistunt intellectionem. Et scire, est  
 rem cognoscere per causam, non Universalem,  
 sed Proximam & Immediatam.  
 2. Causæ particulares efficientia suâ spo-  
 lianda non sunt. Argumentor ita: Qui-  
*cusq; rerum ortus & interitus, natura natu-*  
*rantis, & cælo astrisq;, in totum adscribit,*  
*is causas secundas & particulares præstan-*  
*tissimā agendi facultate spoliat* Adversarius  
*rerum ortus & interitus, natura naturan-*  
*ti, & cælo astrisq;, in totum adscribit.* Ergo  
*causas secundas & particulares, præstantis-*  
*simā agendi facultate spoliat.* Major pro-  
 batur, quia generatio est naturalissimum  
 & præstantissimum opus viventium. 2. de  
 anim. cap. 4.

*Ad Arg.*

*Ad Argum. IV.*

Et Major & Minor laborant. Major est trimembris, & quoad duo priora conceditur, quoad tertium negatur.

Nempè 1. Quicquid brutum est & proprio fine non agit, illi reverà opus generationis & missionis adscribi non potest. Generationis namq; opus, plenum sapientiâ & admiratione est, & ab agente sapientiâ & scientiâ destituto fieri nequit. 2. Illud verò, quod in agendo à prioribus, superioribus, & universalibus dependet, utiq; opus generationis & missionis expedire potest, si quidem dependentia illa influxum non tollit, aliàs omnis causarum particularium, inò & universalium creatarum, tolleretur efficientia. Ita enim argumentaretur: *Quicquid in agendo à causâ superiori dependet, illud non agit. Sol, Luna, ignis, equus, homo, & omne agens creatum, in agendo à causa superiori dependet. Ergò non agunt.* Major est Adversarij. Minor probatur, quia quod dependet in essendo, etiam dependet in operando: at creaturæ omnes dependent à Deo in essendo: ergò & in operando. Item: *Quicquid in agendo à prioribus, superioribus,*

*An bruto & sine proprio destituto, opus generationis committendū.*

*An dependenti à superioribus causis, opus generationis committendū.*



ribus, & universalioribus dependet, illud opus generationis expedire nequit. Homo in agendo à prioribus superioribus, & universalioribus, dependet. Ergò homo opus generationis expedire nequit. Quoad Mi-

An natu-  
ra parti-  
cularis  
bruta sit.

An natu-  
ra particu-  
laris pro-  
prio fine  
non agat.

norem Syllogismi ab Adversario prolati, quaeso cur naturam particularem brutam vocat? Cur eam proprio fine non agere putat? Si bruta est, quia intellectu caret; etiam coelum brutum erit; & si ob proprium finem non agit, quia non intelligit, itidem coelum proprio fine non agat. Respondeo ergò

1. Indirectè, per Instantiam: *Quicquid brutum est, & proprio fine non agit, illi opus generationis & missionis adscribi non potest.*

*Coelum brutum est, & proprio fine non agit.*

Ergò Caelo opus generationis & missionis adscribi nequit. 2. Directè, per Inficiationem.

Fallum est, quod natura particularis bruta & insipiens sit: est enim rei cuiusvis à Deo concessus suus sciendi &

Vt res sunt  
variae, ita  
& varii  
sunt scien-  
di & co-  
gnoscendi  
modi.

cognoscendi modus & modulus. Nam ut res quaedam sunt *Supremae*, ut homines; quaedam *Mediae*, ut bruta; & quaedam *Infimae*, ut plantæ & inanimata: ita etiam modus sciendi & cognoscendi, alius est *Supremus*, alius *Medius*, alius *In-*

*finus.*

*finis. Supremus* est, cum non saltem finis sub ratione boni cognoscitur, sed etiam proportio & habitudo mediorum ad obtinendum illum ponderatur. Talis cadit in naturas Rationales, & vocatur *Cognitio Intellectualis*. Sic finem suum Studiosus cognoscit, & de mediis quibus illum obtinere queat, maturè deliberat. *Medius* est, cum finis sub ratione boni cognoscitur, saltem per sensus, & non cognita proportionem & habitudine mediorum ad illum obtinendum. Talis & in homines & in bruta cadit, & *Cognitio Sensualis* dicitur. Sic canis panem oblatum cognoscit, & absq; consilio & deliberatione arripit. *Infimus* est, cum finis sub ratione boni cognoscitur per naturam à Creatore indultam & attributam. Talis & in homines, & in bruta, & in plantas, & in omnia inanimata cadit, & *Cognitio Naturalis* vocatur. Sic cognitione hac rectæ & directæ araneæ artificiosissimè formant telam, & in tali ut plurimum loco in quo muscarum est frequentia; sic & formicæ, quæ sæpè nunquam senserunt hyemem, ne hyemem fame pereant, colligunt grana in æstate; & hirundines

*Supremus cognoscendi modus, seu Cognitio Intellectualis.*

*Medius cognoscendi modus, seu Cognitio Sensualis.*

*Infimus cognoscendi modus, seu Cognitio Naturalis.*

*Cognitio Naturalis in araneis, formicis, hirundinibus &c.*

nidos suos in loco altiori, ad quem accessus est difficilior, miro struunt artificio. Ita & vitis fugit brassicam, & (ut *Johan. Baptista Porta in Mag. Natur. Libr. 1. cap. 7. ait*) quum intentis clav: culis omnia complecti soleat, solam refugit brassicam: nam propè sentiens in adversam partem se torquet, ut si quis eam admoneret hostem esse in propinquo, dumq; coquitur brassica, vinum vel si paucissimum instilles, nec coquitur, nec ipsius color constat. Nihil ergò nobis brutum & insipiens in totâ est Naturâ.

*Finis naturæ particularis.*

Falsum etiam est, quod natura particularis ex fine proprio non agat, adeò ut Adversarius nos hîc recordari faciat illius, *nihil tam absurdè dici posse, quod non dicatur ab aliquo malorum Philosophorum.* Demonstrarunt hoc jamdudum, & ex Aristotele, & ex Naturâ, Peripaterici, cum in genere, quia omnes illæ naturæ particulares semper eodem modo agunt, tum in specie de homine, de brutis, de plantis, & de cæteris inanimatis. Hinc & concludere non dubitarunt: *Si quis existimet naturam agere quicquam inconsultò & temerè, ridebitur ab Aristotele, explodetur à Platone, Galeni jussu etiam vapu-*

*vapulabit.* Nec refert, quod opus Naturæ dicatur opus Intelligentiæ, cum Deo non secus ac Naturæ ipsi adscribantur naturæ opera, quia vires operandi concedit, & ad omnia singulaq; opera efficacissimè concurrit. Cum fortibus agit fortiter, cum debilibus debiliter, cum liberis liberè, cum necessariis necessariò, cum contingentibus contingentè. Et mirum est valdè, Adversarium nescire actiones Causæ *Primæ* non excludere actiones Causarum *Secundarum*, & contrà. Breviter ex abundant argumentor: *Quicquid non intendit effici, illud non est causa per se effecti.* Natura particulares non intendunt effectum. Ergo non sunt causa per se effecti. Major est clara, quia ad causam per se spectant duo: 1. *influxus.* 2. *intentio.* Minor est Adversarij, qui bovem in Venerem ferri putat, non intentione suâ, sed sine & consilio univèrsi, cum opus Naturæ sit opus Intelligentiæ. Quasi verò Causæ Subordinatæ sint oppositæ, & simul stare nequeant.

*Opus naturæ cur & quomodo dicatur opus Intelligentiæ.*

*Concursus Dei univèrsalis ad actiones causarum secundarum.*

*Absurdū ex Adversarii opinionè.*

*Ad Argum. V.*

*Adversa-  
rius non  
Disputa-  
torem, sed  
Calumni-  
atorem a-  
git.*

*Inversio.*

Quamvis argumentum hoc è re-  
sponſionibus hætenus datis ſponte ſua  
corruat: tamen pauca ad id reponere  
lubet. Mira proinde eſt Major. Qua-  
lis enim conſequentia, formæ particu-  
lares ſeſe multiplicare queunt, ac per  
illam multiplicationem ſpecies præ-  
ſtant ſalvas & incolumes: ergò ordo  
inter ſuperiora & inferiora turbatur,  
diſciplinæ philoſophicæ & veritatis re-  
gulæ peſſundantur, artium ſtudia cor-  
rumpuntur, Paraceliſica barbaries redu-  
citur, & atheiſmus introducit. Ri-  
ſum teneatis amici. Quid ſi argumen-  
tum inverterem? Argumentor: *Qui-  
cunq;* formis particularibus poteſtatem ſeſe  
multiplicandi, ac per illam multiplicatio-  
nem ſpecies proprias conſervandi, adimit, is  
(1.) ordinem inter ſuperiora & inferiora tur-  
bat, (2.) diſciplinæ Philoſophicæ & verita-  
tis regulas peſſundat (3.) artium ſtudia cor-  
rumpit, & (4.) atheiſmum introducit. D.  
Freitagius formis particularibus poteſta-  
tem ſeſe multiplicandi, ac per illam multipli-  
cationem ſpecies proprias conſervandi, adi-  
mit. Ergò D. Freitagius (1.) ordinem inter  
ſuperiora & inferiora turbat, (2.) diſciplinæ  
Philo.

*Philosophicas & veritatis regulas pessundat, (3.) artium studia corrumpit, & (4.) atheismum introducit. Major probatur, quoad primum, quia sic Sol & homo non generant hominem, Sol & canis non generant canem, nec correspondentia influxus causarum universalium & particularium suum amplius habet vigorem. Quoad secundum, quia Regulæ: In naturâ nihil est otiosum: Omne bonum est sui diffusivum & communicativum: Efficiens particulare speciei dat univocationem, non universale: Tota natura agit propter finem: Actiones causarum secundarum actioni causæ primæ non opponuntur sed subordinantur: Nihil in naturâ est mutilum & mancum, sed quodvis sibi sat pulchrum, bonum, totum, & perfectum &c. cadunt & uno impetu corruunt. Quoad tertium, quia scire est rem per causam proximam cognoscere, qui ergo causam universalem saltem ponit, proximamq; removet, scientias ipsas & tollit & corrumpit. Quoad quartum, quia non creditur expressis Dei verbis, crescite & multiplicamini: imò eo ipso quo causis particularibus efficientia illa negatur, Monstra, aliàs *Natura ἀμαρτήματα* dicta,*

N 5 ipsius

ipsius *Dei ἀμαρτήματα* non sine blasphemîâ audient. Et sic Adversarij telum patitur retorsionem. Nostram sententiam quod spectat, cum ea causas Particulares Universalibus accuratè contradistinguat, suumq; influxum & illis & istis attribuat, nec ordinem ullum, nec disciplinam ullam, nec regulam ullam, nec artem ullam, turbat & deturbat, & multò minus atheismum introducit.

### PENTAS SEPTIMA.

#### *Argum. 1.*

Quicumq; discursu inani & frivolo ex sententiâ de educatione formarum, nonnulla malè infert, ille audiendus non est. D. Sennertus discursu inani & frivolo ex sententiâ de educatione formarum nonnulla malè infert. Ergò audiendus non est. Minor probatur, quia, cum docent Aristotelici ex potentiâ materiæ educi formas, malè D. Sennertus infert, formas hac ratione fieri ex accidentibus & qualitatibus. Potentia enim in materiâ primâ non est qualitas vel dispositio qualitativa, quæ sit accidens, sed in ipsius entitate consistit.

*Argum.*



*Argum. II.*

Si generatio ita fit, ut ex potentiâ materiæ primæ educantur formæ Elementorum, & ex materiâ secundâ (elementis scilicet) educantur formæ mixtorum inanimatorum & animatorum vegetabilium & animalium, frustra à D. Sennerto contra formarum educationem tot moventur dubia. Sed prius est. Ergo & posterius. Probatur prius, quia est vetus & orthodoxa sententia,

*Argum. III.*

Si mixtio vi & actione mutua qualitatuum primarum, à formis à quibus dependent directarum, potissimum verò superiorum virtute inferiora regente gubernatarum, oritur & perficitur, frustra ad formam præsentem recurritur. Sed antecedens est. Ergo & consequens. Ad antecedens n. notandum, non dicendum solas ibi agere qualitates & mixtionem formæq; educationem perficere: siquidem non ipsæ solæ agunt, sed directæ à formis à quibus dependent, potissimum verò gubernatæ virtute superiorū, ad actum hæc inferiora ducente, mixtiones generationesq; moderante, & ut  
tan-

tantum terræ tãto aquæ misceatur procurante, & ut ex mistorum coagmentatione forma esse proprium largiens, & in certâ rerum classe, qua ab aliis specificè differat, statuens, exoriatur, perficiente.

*Argum. IV.*

In quodcunq; omnia sublunaria resolvuntur, ex eo etiam illa quoad materiam & formam generantur. In Elementa omnia sublunaria resolvuntur. Ergò etiam ex Elementis quoad materiam & formam generantur.

*Argum. V.*

Si in misto plura sunt, quàm elementa, sequitur per missionem fieri formam, quæ est altioris naturæ quàm elementaris. Sed in misto plura sunt quàm Elementa. Ergò per missionem fit forma, quæ est altioris naturæ quàm elementaris. Major probatur, siquidem res propterea subit novas missiones, ut nobiliores acquirantur formæ, unde pro varietate missionum & remissionum variant etiam formæeductæ.

Adver-

## Adversarij Verba.

## THESIS XX.

*Materia prima uti formarum ita & qualitatum est expers, & ad omnium illarum receptionem equalem habet respectum.*

*Qualitates quoad sui originem per formam generantur in materia. quoad subjectum & inbrentiam, non sunt proprie in materia, nec in formâ, sed in toto, ex materia & forma constante.*

*Proinde in materia prima non potest ex qualitatibus generari forma, uti inferebat D. Sennertus in libr. de Gal. cum chym. cons. & diff. quia oportuit praefuisse formam cujus vi genitæ & productæ sint qualitates. Omnis substantia prior est suis accidentibus, ut causa suo effecto. Inanis itaq; & frivolus est discursus de generatione ex qualitatibus quod formas sequantur, uti quantitas materiam.*

*Proinde potentia in materia prima non est qualitas vel dispositio qualitativa, quæ sit accidens, sed in ipsius entitate consistit, & cum queritur à quo actuetur, vel in actum deducatur, animus ad primam & secundam est inflectendus. Ex potentia prima formas Elementorum eductas esse, & hac elementa materiam esse secundam, ex qua res omnes generentur, ve-*

tus est & orthodoxa sententia. Materia prima recipit formas elementorum, ex quarum mixtione corpora cetera videlicet mista inanimata & animata, vegetabilia, animaliaq; omnia generantur. Hæc autem elementaria corpora miscentur, vi & actione mutua qualitatum primarum quibus excellenter insignita sunt, in quo opere calor primas tenet, humidumq; cum sicco unit, determinat massamq; penetrando ad coalitum, per minimarum sensuiq; imperdiarum partium juxta positionem, elementa componit, ut unum aliquod fiat consequens, & indispiciens potentiam ad formam istam propter quam fiebat mixtio. Neque tamen dicendum solas ibi agere qualitates & mixtionem formæq; educationem perficere: siquidē non ipsæ solæ agunt, sed directæ à formis à quibus dependent, potissimum verò gubernatæ virtute superiorum, ad actum hæc inferiora ducente, mixtiones generationesq; moderante, & ut tantum terra tanto aque misceatur procurante, & ut ex mistorum coagmentatione forma corpus definiens, eiq; suum esse proprium largiens, & in certâ rerum classe, quâ ab aliis specificè differat, statuens, exoriatur, perficiente.

#### THESIS XXI.

Ex elementis hæc ratione omnia sublimia

ria

ria quoad materiam & formam (animam humanam excipe) generari ex eo patet, quod omnia vicissim in Elementa resolvantur, ex quo pariter conspicuè allucet, elementorum formas in mistis non perire, sed in his materia quandam vicem sustinere. Cum autem in re mista & ex elementis genita, plus sit quam elementa, alia enim inest natura in mistis & mistorum corporibus ex elementis ortis, qua & ab elementis mistisq; elementatis, ex quibus nata sunt, ceterisq; rebus invicem differunt, qua ipsis essentiam definit & constituit, actumq; cum essentia tum existentia largitur, qua ratione gemma differt à metallo, & lapis ab herba; Est enim materia ens in potentia contrahibilitatis per formam, sequitur per misturam aliquid genitum, quod altioris sit nature quam Elementaris, quod est misti rerumq; ex elementorum mitione mistorumq; remitione resultans forma. Rem autem tot subire mitiones, ut nobiliores acquirantur forma, ex natura ordinata stataq; agendi lege patet. Natura non statim ex materia prima, neque primò & immediatè, ex elementis generat animal, sed multis intercedentibus mitionibus quarum priores sunt propter posteriores, ut nobiliores producantur rerū essen-

essentia; Per varias siquidem mistiones, variaq; rerum contemperatione materia sic disponitur, ut nobilissima forma fiat capax subiectum.

Tot enim formas mistorum remissionesq; mistorum subit, ut tandem nobilissimam, quam natura intendit, adipiscatur. Unde forma animalis, & demum humana nobilissimum esse subiectum, & hoc supremum misionis gradum esse indeptum, philosophi perhibent. Ex elementis enim nascuntur mista, ex mistis vegetabilia, ex vegetabilibus cibaria ex his chylus, ex chylo sanguis, ex sanguine semen, ex semine & sanguine partes corporis organici, formam cum animantium tum humanam recipientis.

## Responsio Generalis.

*Adversarius ad Clariss. Dn. Sennerti rationes quædam excipit, sed miserè.*

Εκθεσις.

Formas è materiæ potentiâ educi non posse, rationibus sat validis probat Dn. Sennertus. Ita enim in *Libr. de Chymic. cum Galen. & Arist. Cons. ac Diss. cap. 9.* inquit:

inquit: Si ita velint rem explicare; Materiam quidem actu in se non continere formas, sed in materiâ esse quandam dispositionem & propensionem ad formam, quæ ubi compleatur, tum rem jam fieri actu, quod erat antea potestate: seminisq; hanc esse naturam ut accedente adequatâ causâ effici. ente ex sua potentia quasi edat actum seu formam, quæ ante actionem agentis nondum actu aderat; atq; ita potentiam hanc nihil esse, quàm certam determinationem, ut ex hac materiâ fiat hoc, non aliud, e. g. ex ovo pullus, non equus: Nihilominus queritur, quomodo ista potentia compleatur, & unde actus seu forma quæ substantia est, ad actionem agentis proveniat & originem habeat; an nimirum illa potentia & dispositio quæ qualitas est mutetur in substantiam; an verò ex nihilo fiat forma, ita ut agens nihil de suâ essentiâ illi, præter actionem, tribuat. Quorum utrumq; absurdum est & à veritate maxime alienum; formam scilicet vel ex nihilo fieri, vel actum ex materiâ, & substantiam ex accidente, & λόγον ὁρίσας ex qualitatum crasi quacunq; deducere. Hic jam Adversarius rationes allatas infringere conatur, sed miserrimè. Ait inanem & frivolum esse discursum de

Eductio  
formarū  
è potentiâ  
materia,  
cur à Dn.  
Sennerto  
improbetur.

Excepti.

gene-



*Respons.*

generatione ex qualitatibus, quia materia prima non habeat qualitates, unde etiam è qualitatibus istis fieri non possint formæ. Verùm inanis & frivola est hæc exceptio, quia forma producenda, ex materiæ potentiâ, non Universalî, sed Particulari, quæ sanè qualitatibus non caret, ab Aristotelicis produci & educi dicitur. Ait etiam, potentiam actuari diversimodè, prout vel prima vel secunda est: sed saltem dat sine mente sonum, uti visuri sumus in Responsionibus Specialibus.

## Responsiones Speciales.

### *Ad Argum. I.*

*Quanam  
potentia  
materia  
in ejus en-  
titate jux-  
ta Aristoteli-  
cos cõ-  
sistat.*

Transcat, quod Adversarius confundat *Subjectum Quod* cum *Subjecto Quo*. Minor argumenti facilius dicitur, quam probatur. Quamvis enim potentiam materiæ primæ in ejus entitate consistere nonnulli Aristotelicorum asserant: tamen id non de potentiâ secundâ, verùm de primâ intelligendū venit. Cum autem forma aliqua educenda est, è quanâm educitur potentiâ? E secundâ & particulari respondent saniores Aristoteles.

Aristotelici, non ex universalis. Rationem  
 dant hanc, quia prima est remota, uni-  
 versalis & indifferens ad omnes formas  
 recipiendas; secunda verò est propin-  
 qua, particularis, & ad certam formam  
 restricta, & nihil aliud quam dispositio  
 certa ab interveniente principio exter-  
 no facta, secundum quam ad hanc po-  
 tius quam ad aliam formam recipien-  
 dam determinatur. Hinc i. è verbis &  
 mente *Clariss. Sennerti* argumentor:  
*Nulla substantia fit ex accidentibus. Forma*  
*est substantia. Ergò forma non fit ex accide-*  
*tibus. Porro: Quicquid non fit ex acciden-*  
*tibus, illud etiam nō fit ex potentiâ materiae.*  
*Forma non fit ex accidentibus. Ergò forma*  
*etiam non fit ex potentiâ materiae.* Ratio  
 Majoris Syllogismi Primarij est, quia il-  
 la potentia est accidens, secunda enim  
 est, & ex primâ nulla certa forma educi-  
 tur. Quid jam excipit Adversarius? Ma-  
 teriam primam nullas habere qualita-  
 tes, ait, adeoq; potentiam illam esse ma-  
 teriæ entitatem, nō qualitatem. Verum,  
 nulla forma fit nisi è secundâ seu Parti-  
 culari potentiâ, quæ ex consensu omni-  
 um Aristotelicorum est dispositio qua-  
 litativa, non verò ipsa materiæ entitas.

*Dn. Sen-  
 nerti ar-  
 gumenta-  
 tio.*

*Adversa-  
 rii Exce-  
 ptio.  
 Exceptio-  
 nis Refu-  
 tatio.*

*Adversarij contra-  
dictio.*

2. Ex Adversarij Disputatione de *Morbis Substantia* hunc formo Syllogismum: *Quicumq; statuit formas educi è temperatura & dispositione materia, ille statuere nequit formas educi ex ipsa materia prima entitate. Adversarius statuit formas educi è temperatura & dispositione materia. Ergo statuere nequit eas ex ipsa materia prima entitate educi.* Major patet, quia temperatura & entitas materiae unū idemq; non sunt, differuntq; ut accidens & substantia. Minor est ex *Disput. de Morbis Substantia*, ubi aliquoties ait, formas è materiae temperaturā & dispositione prodire. Atque sic egregie Adversarius sibi contradicit, dum in hac Disputatione negat, quod in illā affirmat.

*Ad Argum. II.*

Minor insignem habet principij petitionem. Id enim quod jam probandum erat, nudè ita recensetur, ac si Adversarij dicere, esset probare. Hoc nempè est, quod in primis quæritur, *quo actuetur potentia?* Respondet Adversarius, *animus ad primam & secundam inflectendus est. Ex potentia prima formas elementorumeductas esse, & hæc ele-*

*Questio  
Dn. Sen-  
nerti.*

*Responsio  
Adversarij.*

*menta*

*menta materiam esse secundam, ex qua res omnes generentur, vetus est & orthodoxa sententia.* Bellè rem suam agit. Hoc sanè est dicere, non probare. Ita habet *D. Sennertus: queritur, quomodo ista potentia compleatur, & unde actus seu forma, qua substantia est, ad actionem agentis proveniat & originem habeat &c.* Si jam respondet *D. Freitagius*, esse veterem & orthodoxam sententiam, ex potentiâ materiæ primæeductas esse formas elementorum, & ex elemētis formas mixtorum & animatorum: quid quæso respondet? Risum movet. Non, an vetus sit hæc sententia, sed unde actus ille veniat, quæritur? Et an sententia hæc orthodoxa sit, an non, jam lis est, quomodo autem orthodoxia ejus probanda? Plura hac de re suprâ in Thesibus.

*Responsio-  
nis Refu-  
tatio.*

### *Ad Argum. III.*

Minor iterum eâdem facilitate, quâ ab Adversario affirmatur, à nobis negatur. Probet Adversarius, qualitates facere formas; probet, formas elementares per qualitates gignere formas alias superiores; probet, virtute superiorum formas elementares producere

formas nobiliores; probet, agentia superiora procurare, ut tantum terræ tanto aquæ misceatur; probet, agentia superiora perficere, ut ex mistorum coagmentatione forma exoriatur. Hæc n. omnia non sunt nobiscum nata principia, nec aliàs etiam ita manifesta, aut forsitan concessa, ut saltem recitari debeant. Nos breviter ita argumentamur:

*Nec Prima, nec Secunda Materia produciunt formas.*

*Quacumq; se habent merè passive, illa formam producere nesciunt. Materia prima & secunda se habent merè passive. Ergo formam producere nesciunt.*

Major patet, quia nihil fit sine causâ efficiente, quam non præstant principia passiva, sed activa. Minor probatur, quia materia est principium passivum, & sive prima sive secunda consideretur, semper in ordine ad formam producendam merè passivè se habet, consentientibus facile Aristotelicis. Si ad iuperiora agentia fugit Adversarius, sic argumentor: *Quacumq;*

*Agentia caelestia formam non produciunt.*

*non influunt influxu particulari, proximo, & specificante, sed universali, remoto, & indifferente, illa nec elementorum, nec mistorum, nec animatorum formas produciunt. Agentia superiora non influunt influxu particulari, proximo, & specificante, sed universali,*

*versali, remoto, & indifferente. Ergo agentia superiora nec elementorum, nec mixtorum, nec animatorum formas producant. Major probatur, quia specificationem dant causæ particulares, non universales, uno ore fatentibus Peripateticis. Cur ergo fit forma ignis, non terræ, & forma equi, non auri? Si dicit, ob dispositionem materiæ: respondeo, de causâ efficiente quæritur, non de materiâ, siquidem efficiens causa proxima dato effectû non potest negari. Plura in *Traçtatu Physico-Medico de Morb. tot. Subst. Antith. quest. 4. Resp. 1.**

*Dispositio  
Materia  
formam  
non pro-  
ducit.*

#### *Ad Argum. IV.*

Utraq; præmissarum falsa est. 1. Major: quia principia generationis confundenda non sunt cum principiis constitutionis. Illa rationem habent causæ *Externa*, ut ipse Adversarius ait thes. 3. & pluribus; hæc *Interna*. Cum ergo quid resolvitur, in interna sua principia resolvitur è quibus constat, non in externa è quibus non constat. Unde & Canon: *in qua quid resolvitur, ex iis constat.*

*In quod  
quid re-  
solvitur,  
ex eo non  
protinus  
generatur.*

Hinc idem est, ac si Adversarius sic argumentaretur: *In quodcunq; quid resolvitur, ex eo etiam generatur. Caseus in vermes resolvitur. Ergo etiam caseus è vermibus generatur.* Seu: Equus & taurus in vermes resolvuntur. Ergo equus & taurus è vermibus generantur. 2. Minor falsa est, siquidem experientia testatur, species rerum naturalium resolvi in suas atomos, quæ intransmutabiles seu impassibiles sunt. Hinc ligno corrupto aut cadavere putrefacto, aliquot millia atomorum egredi solent, quæ & nares, & oculos, & alia sensuum organa sat afficiunt, imò morbos mortemq; non raro subito inferunt. Qua de re egregie Dn. D. Sennertus in *Cons. & Dissens. cap. II.* his verbis: *Superficiales isti natura scrutatores nimis cacutientibus oculis naturales istas resolutiones aspiciunt, & ut Scaligeri joco Exerc. 307. §. 12. utar; sæpe murem farinam aspersum eundem putant cum domino pistrini. Cum cadaver, inquiunt, aliquod putrescit, ignis & aer in auras evaporat; humidum diffluit; finis loco terre relinquitur. Quaso, quisquis es, qui ita judicas cadaveri putrescenti nares propius admove, & vel fator ille te docebit, non purum ignem & ae-*

*Resolutio  
in Atomos*



Et aerem esse, quod exhalat, sed compositum  
 adhuc, aliumque odorem cadaver equi, alium  
 bovis, alium hominis cadaver, alium plan-  
 tam hanc vel illam putrescentem exhalare.  
 Ut enim res integræ aliæ alium habent odo-  
 rem, alium rosa, alium ruta, alium absin-  
 thium, quorum tamen quodlibet de exhalatione  
 sulphurea testatur: ita etiam in putre-  
 dine (ut & in combustionibus) aliæ alium ex-  
 spirant eadem de causâ, & ob eandem sul-  
 phuream exhalationem. Quas certe ex-  
 halationum differentias vel odoratu agno-  
 scere non semper inutile fuerit, atque id nec  
 Chymici, nec Medici neglexerunt. Vermes  
 enim in intestinis latentes ex odore, qui ex  
 ore exhalat, non solum Medici multi, sed &  
 non pauci è vulgo deprehendere possunt.  
 Qui non imminentem gangranam odoratu  
 deprehendere possit, parum exercitatus &  
 cum agrotis minus versatus est vel Chirur-  
 gus vel Medicus. Fumum si terram puram  
 putas, multum erras. Putrida urina, vel si-  
 mus, postquam computruit, salem terræ ada-  
 mistum plurimum continet; quod facili-  
 mē resolutione deprehendi potest &c. Et Cap.  
 12. Corruptionem Gangion fieri multa te-  
 stantur. Ubi enim ex re aliquâ quæ vel pu-  
 trescit, vel comburitur, vel aliàs à calore

O 5

resol-

resolvitur, vapor aut fumus attollitur, visus quidem è longinquo corpus continuum esse judicat; cum tamen non sit continuum, sed atomorum multa millia inter se confusa, ut vel visu intentiore animadverti potest. Nam videmus picem, vel aliam rem accensam, maximum aeris spatium, atomis igne resolutis occupare. Idem operationes Chymica testantur; inprimis sublimatio, ubi atomi illi in alembico colliguntur &c. Equibus sic argumentor: Quaecumq; resolvuntur in suas atomos impassibiles & ulterius non transmutabiles, illa non nudè resolvuntur in Elementa. Corpora sublunaria corrupta resolvuntur in suas atomos impassibiles & ulterius non transmutabiles. Ergo non nudè resolvuntur in Elementa.

*Ad Argum. V.*

Major est nulla. In misto plura esse, quàm Elementa, semper ingeminat Clariss. Dn. Sennertus. Idem cum jam asserat Adversarius, non video an cum Clariss. Sennerto consentiat, & secum dissentiat, an verò ambiguitate ludat. In misto plura quàm elementa esse, ita plura sint, Dn. Sennertus intelligit, alium gradum quàm Elementi, seu aliam formam specificam formis

*Quo sensu in misto plura sint, quàm Elementa.*

formis Elementaribus nobiliorem, præstantiorem, & superiorem, in misto esse: quod & si putat Adversarius, uti verba th. 21. innuere videntur, quærimus, unde illa nobilior forma venerit? Si respondet, ex mitione quatuor Elementorum; regerimus è Scaligero: *Quis te malus genius Alexandreus adigit eo: ut miserè crederes solâ elementorum mitione, fieri posse, ut ferrum trabatur à Magnete? Exerc. 101. f. 14. Et Exerc. 307. f. 12.* Si anima, ut illa belluæ carnifices animarum temerè litigant, conflaretur ex elementorum formis: ipsæ formæ elementorum corruptæ plus possent, quàm integræ. Et ne autoritatibus nos pugnare putet Adversarius, sic argumentamur: *Quicquid habet naturam nobiliorem quàm elementa, illud ex mitione Elementorum non venit. Mista habent naturam nobiliorem quàm elementa. Ergo mista ex mitione elementorum non veniunt.* Major patet, quia effectus non est nobilior suis causis. Misceantur ergò Elementa utut velint, tamen saltèm merè elementares sese ostentabunt formæ, efficaciam minoris, (ut in mitionibus ob contrarietatem fieri solet) quàm ipsa Elementa pura.

Minor

*An forma  
Elementa-  
ribus for-  
mis nobi-  
liores, è  
mitione  
quatuor  
Elemen-  
torum  
veniant.*

Minor fuit concessa. Cætera quæ de  
mitione dici possent, patent è superio-  
ribus, & inprimis è *Respons. Gener. II.*  
*Pentad. V.*

## PENTAS OCTAVA.

### *Argum. I.*

Quemadmodum se habent Elemen-  
torum formæ & qualitates, ita etiam se  
habent mistorum dispositiones & qua-  
litates. Sed Elementorum formæ &  
qualitates non abolentur, sed in misto  
sub alienâ formâ materiæ quandam vi-  
cem sustinentes permanent. Ergò et-  
iam mistorum dispositiones & qualita-  
tes priores sub ultimatis formis non  
planè exspirant.

### *Argum. II.*

Ubicunq; sunt nobiliores formæ, ibi  
etiam sunt nobiliores qualitates. In mi-  
sto sunt nobiliores formæ. Ergò et-  
iam in misto sunt nobiliores qualitates.  
& per consequens ex variarum rerum  
mitione oriuntur qualitates occultæ.

### *Argum. III.*

E quocunq; pulcherrima resultat de  
rerum generibus & speciebus specula-  
tio,

tio, illud negandum non est. Ex corporum mistione & variâ remissione, ad formam ultimam tendente & generationem perficiente; pulcherrima resultat de rerum generibus & speciebus speculatio. Ergo corporum mistio & varia remissio ad formam ultimam tendens & generationem perficiens, neganda non est. Minor probatur, quia sic videmus quomodo natura formas universales & essentielles genericas assumat, illisq; particulares & existentiales jungat; quomodo rerum genera & essentiæ in universalibus conserventur; quomodo ex materiâ fluat ratio generis, & ex formâ ratio differentia; quomodo actus dans essentiam non simul det existentiam; quomodo rosa tempore hyemali hæreat in principiis essentialibus, quibus per formam ultimam actuatis consequitur essentiam & omnia quæ speciem rosæ propriè comitantur; nec non quomodo in semine animantium principia ejus delitescant; materiæ vicem sustinentia, ex cujus potentiâ exortâ formâ, quæ actu non inerat, prognaſcit ut animal.

*Argum.*

*Argum. IV.*

Quicquid ad corporis partes integrantes non spectat, nec ab eo decisum, sed saltem utile excrementum est, illud inanimatum est. Semen ad corporis partes integrantes non spectat, nec ab eo decisum, sed saltem utile excrementum est. Ergo semen inanimatum est. Minor probatur, quia corpus non mutilatur cum semen profunditur, nec pars integralis aut membrum deperditur.

*Argum. V.*

Quicquid formæ hominis contrarium est, illud actu non vivit, potentiâ tamen proximâ, virtute uteri in actum deducendâ, vitam adipiscitur. Semen humanum formæ hominis contrarium est. Ergo semen humanum actu non vivit, potentiâ tamen proximâ, virtute uteri in actum deducendâ, vitam adipiscitur. Major probatur & declaratur simili de ovo, quod non est vivens, sed convenienti caloris adminiculo & fotu, & vivificatur & in actum excitatur.

Adver-

## Adversarij Verba.

## THESIS XXII.

Fiunt itaq; istae mistiones & mistorum remissiones non frustra, atq; uti primorū corporum elementarium formae & qualitates non abolentur, sed in misto sub aliena forma materiae quandam vicem subeuntes permanent, ita & dispositiones & mistorum priores qualitates sub ultimatis postremo mistorum formis nobilioribus, non ita planè expirant, & uti propter rerum nobiliorum generationem varia fiebant mistiones, ita qualitates novae per novas formas acquisite non omnino pereunt. Nobiliores autem sunt formae mistorum quàm elementares, & formas digniores sequuntur qualitates praestantiores, aliam & diversam, atque excellentiorem quàm elementares virtutem habentes. Inflexuntur enim elementares in rerum variis ad optima tendentibus generationibus. Calor elementi hac ratione temperatur ut fiat animalis, neque urat sed vivificet, praecipuè cum praestantioris formae evadit instrumentum. Ceterae à formis mistorum generatae qualitates, partim sub ulti-



sub ultimata manent (mista misceri in mola, seminaq; ad generationem misceri videmus) recedentibusq; iisdem, in subiecto perdurant, veluti calor piperis in sanguine, quo pacto in sanguineis & carnalendis partibus, sanguinis, & in spermaticis, seminis qualitates observare est. Ex variarum rerum mixture, quarum formarum qualitates non expirant sub ultimata, occultarum qualitatum rationem exstruendam jamdudum arbitratus sum, quarum actiones sunt mirabiles propter indicibilem variarum qualitatum idiosyncrasiam, precipue si a forma dirigatur.

### THESIS XXIII.

Ex hac mixture & varia remissione ad formam ultimata tendente, generationem perficiente, pulcherrima resultat de rerum generibus & speciebus speculatio. Adsumit enim natura primo formas universales & essentielles genericas, dein particulares & existenciales. In & sub illis rerum generibus & essentia perpetuant. Et ne his pereuntibus deficerent, in illis conservantur ad aeternitatem quandam. Ulti itaq; ex communibus elementorum & mistorum corporibus, animalium corpora tam brutorum quam homi-

num producantur, ita commune habent genus. Redolet etiam genus materiam. Et ut per certas formas vicissim est distinctio generis in species, ita forma specierum in rationalibus & brutis contrahunt illud & determinant & definiunt, ut ex essentia generali in certum ens specificum contrahatur, fiatq; rationale & irrationale existens in singularitate. Proinde actus qui largitur essentiam non dat protinus existentiam, sed qui existentiam adfert, quia generaliorem determinat & quasi aliquid potentie habentem definit, potiore naturam & essentiam impertiri dicitur, cujus merito specificam habet ab aliis differentiam, & operationes omnes simulq; nobiliores speciei peculiariter convenientes perficit. Rosa tempore hyemali haeret in principiis essentialibus, quibus per formam ultimatam actuatis consequitur essentiam & omnia quae speciem rose propriè comitantur. In semine animantium principia ejus delitescunt, materia vicem sustinentia, ex cujus potentia exorta forma quae actu non inerat, prognascitur animal.

#### THESIS XXIV.

Semen non est pars corporis, nec ab eo deciduum, sed utile excrementum tertie con-

P

coctio-

coctionis in testibus genitum, uti lac in mammis: non enim mutilatur corpus cum profunditur semen, nec decedit ut pars integralis vel membrum. Est autem corpus simile, cujus partes omnes sint homogeneae eandemque definitionem & essentiam habent cum toto; estque per suam formam id quod est, ita tamen constitutum, ut extra suum locum, ubi gignitur, videlicet testes, aut ubi ad generandum recipitur, statim pereat. Scipsum extra eundem nec conservare, nec ad actiones suas, nisi in materia eaque legitime disposita & temperata ac sana in actum excitari potest. Est itaque corpus mixtum inanimatum, perque propriam formam, quae sub sua materia divisibilis est, est id quod est. Unde Zabarella cap 7. libr. 1. de mat pr. inquit. Hac ratione contrarietatem pra se ferunt, forma hominis & forma seminis, quanquam verè contraria non sint, quod, nempe, quatenus simul in eadem materia existere nequeunt, & una habet conjunctam privationem alterius & quando desinit incipit altera. Non eadem autem ratione est forma amica & inimica alteri formae, sed inimica est secundum se quicumque sit forma, non potest simul cum aliena forma

*forma existere in materia, amica verò non secundum se, sed ratione qualitatum, quas habet conjunctas, hæc namq; materiam illam preparant ad formam hominis recipiendam, retinet enim semen qualitates quasdam illius animalis à quo defluxit, quæ faciunt ut materia non possit aliam recipere formam, quàm illius animalis. Actu proinde semen in testibus, uti & cætera excrementa utilia, & sanguis in venis, non vivit, potentia tamen proxima, virtute uteri in actum deducenda vitam adipiscitur, quemadmodum ovum non videns convenienti caloris adminiculo & focu, & vivificatur & in actum excitatur.*

## Responsiones Generales.

### 1. *Adversarius agit actum.*

*Ex Jeros.*

Pergit de missionibus & remissionibus, quas & novas formas & novas qualitates secum trahere, caloremq; elementi & igneum in animale & vivificum mutari putat; seq; jamdudum arbitratur esse, ex variarum rerum mi-

*Adversarii confusio.*

stione & remissione occultarum qualitatum rationem extruendam venire, quarum actiones sint mirabiles propter indicibilem variarum qualitatum idiosyncrasiam, præcipuè si à formâ dirigantur, scribit. Verùm non quærimus, quàm diu, sed quàm benè, & quas ob rationes, Adversarius hoc vel illud senserit. Saltem rem eandem subindè repetit, aliter disponit, ἀλλότρια inmiscet, & ad ea, quæ jamdudum ab *Excellentiss. Dn. Sennerto* & in *Institut.* & in *Conf. & Diss.* contra illas indicibiles qualitates, & missiones ac remissiones, prolata fuere, nil reponit. Hoc sanè est rem suam mirè & miserè defendere.

### 11. *Adversarius sibi contradicit.*

Ἐκθεσις.

*Adversarii  
contradictio.*

Substantiales formas in misto non aboleri, sed sub alienâ formâ materiæ vicem quandam subire refert, cum tamen in *Disput. de Morb. Subst. lib. 37.* acriter neget, formam in materiâ formâ præditâ esse posse, & accedente novâ formâ priorem perire existimet, sicut ad generationem pulli forma ovi perire solet. Unde ibidem re hinc inde pen-

penſitatâ ita concludit: *Dispoſitio materiae, quæ facit ut forma accedat, & per quam immanet & operatur, non eſt alia forma, quæ nunc materia vicem, & eadem poſtea ſubſtantialis formæ perſonam ſuſtinere poteſt, quæq; primò & per ſe nihil & à nullo paſſi poſſit, & cui nihil contrarium ſit, ſed apparatus qualitatum & temperies commoda formæ idonea, quâ vi contrariorum labefa-cta formam perire, & incolumi manere, contingit. Huc pertinet regula philoſophica: forma non habet formam, & illud Scali-  
*g. Exerc. 6. multò minus audiendus erit, qui dicet formas informari. E quibus Adverſarij verbis ſic argumentari lubet: Quicunq; formas in miſto non aboleri, & tamen nil niſi apparatus qualitatum in miſto eſſe, ſtatuit, ille ſibi contradicit. Adverſarius formas in miſto non aboleri, & tamen nil niſi apparatus qualitatum in miſto eſſe, ſtatuit. Ergò Adverſarius ſibi contradicit.**

## Reſponſiones Speciales.

### *Ad Argum. I.*

- I. An Adverſarius ſaltem concludere velit, pro permanentiâ diſpoſitionis & qualitatum, & non unâ pro per-
- In plantis & animalibus non ma- ſaltē qua-*

*lirates, sed  
etiam for-  
ma Misto-  
rum per-  
manent.*

manentiâ formarum, non patet. Puto  
tamen illum etiam formas non exclu-  
dere, quia id postulat 1. *comparatio* in  
Majore facta, nempe, quemadmodum  
se habent Elementorum formæ & qua-  
litates, ita etiam se habent mistorum  
formæ & dispositiones seu qualitates.  
Comparatio enim fieri debet inter  
qualitates & qualitates, ac inter formas  
& formas. 2. *arctissima priorum &  
subjectorum conjunctio*, unde argumen-  
tari licet: *Ubicunq; sunt propria qualita-  
tes, ibi etiam sunt istarum forma. In plan-  
tis & animalibus sunt propria mistorum  
qualitates. Ergo etiam in iis sunt mistorum  
forma.* Major est Canon: Propria e-  
nim inseparabilia sunt à suis subjectis.  
Minor est Adversarij. II. Si jam Ad-  
versarius concludit etiam pro perma-  
nentiâ formarum, sibi, ut in *Respons. II.*  
*Gener.* notatum, contradicit. In Dispu-  
tatione enim de *Morb. Subst.* materiis se-  
cundis nihil concedit præter qualita-  
tum temperiem & apparatus, quia for-  
ma non informet formam. III. Nos  
argumentum totum concedimus. I-  
dem enim dicitur Dn. Sennertus, qui  
sem-

*Contradi-  
ctio Ad-  
versarij.*

*Adversa-  
rius pu-  
gnat cum  
larvis.*



semper ingeminat, non solas Elementares formas in plantis aliisq; quærendas, sed & alias nobiliores considerandas esse. Hinc in *Institut. Med. Libr. 5. part. 1. sect. 1. cap. 2. p. m. 913.* ita ait: Cum anima seu forme viventium sint nobilissima, & forma σώματ<sup>ος</sup> φυσικῆς ὁργανικῆς: & forma qualibet sibi convenientem & idoneam requirat materiam ac dispositionem, in quâ recipi, & per quam actiones suas exercere possit: sola elementorum forma eam tot viventibus prestare non possunt: verum materiam, quæ subjici formis animatorum, & corpus ὁργανικόν constituere debet, adhuc nobiliori, & quæ pluribus qualitatibus instructa sit, quàm elementorum sunt, formâ exornari oportet. Quæ quidem respectu anime, & quamdiu cum animâ est, rationem quasi materiae habet: verum animâ decedente remanet aliquandiu, & forma officio fungi incipit, ac in primis causa est facultatum & operationum, quæ in pluribus rebus amplius non viventibus deprehenduntur, neque tamen ex Elementorum qualitatibus vel formis provenire possunt.

## Ad Argum. II.

*In mistis  
quidē sunt  
qualitates  
occultae,  
sed non ex  
mixture  
factae.*

Concedimus argumentum, sed illud consequens negamus. Nempè, in misto propter nobiliores formas etiam esse nobiliores qualitates, concedimus: sed exinde non sequitur, qualitates occultas ex illa mixture & remixture oriri. Qualis enim foret Syllogismus? Talis: *Quicquid est in misto, illud factum fuit ex mixture. Qualitates occultae sunt in misto. Ergo factae fuerunt ex mixture.* Major sanè nulla est, quia esse potuit in miscibilibus. Hinc si calor in igne non esset, per nullam ignis, aeris, aquae & terrae, mixturem & remixturem produci posset. Idem est ergo ac si sic argumentarer: *Quicquid est in misto, illud factum est ex mixture. Qualitates Elementorum sunt in misto. Ergo factae sunt ex mixture.*

## Ad Argum. III.

*Non pro-  
tinus ve-  
rum est,  
quod huic  
vel isti pul-  
chrum est.*

I. Major nulla est. Pulchritudo speculationum nostrarum rem veram facere nescit. Dependet veritas à rebus, non ab intellectu, sæpiusq; suaviſſimas speculationes mens hominum sibi fingit & pingit, non magis tamen veras quam veri sunt aurei montes. II. Mi-

nor

nor caret fundamento. Suum cuique pulchrum, hinc quod Adversario pulchrum est, aliis deforme putatur. Miscet enim Physica cum Metaphysicis & Logicis, falsa cum veris, & præconcep-  
tas opiniones cum orthodoxiâ. Quoad *primum*, quomodo Natura format singularia? Non sanè per adsumptionem universalium, sed ex singularibus & per singularia. Singularium enim tantum est, nasci, interire, agere, pati: & nihil in Petro (imò in toto Mundo) est, quod singulare non sit. Vana ergò est speculatio, quâ fingitur naturam adsumere primò formas quasdam universales, dein particulares, (malè existentiales ab Adversario dictas) & ne specierum interitus fiat, has conservare in illis, & quæ sunt nugæ ceteræ. Non Natura hoc facit, sed mens tua, mi *Freitag*. Hæc enim cum universalia in Mundo non existant, è singularibus ea abstrahit, adeò ut ab unico Petro speciem hominis, speciem animalis, speciem animati, speciem misti, speciem corporis &c. abstrahere non dubitet. Quoad *secundum* 1. Verum quidem est, ex materiâ fluere rationem generis, & ex for-

*Confusio  
mater pul-  
chri esse  
nequit.*

*Quomo-  
do fiant  
singula-  
ria.*

*Precisiva  
Abstractio*

*Ratio ge-  
neris un-  
de.*

*Existen-  
tia quid.*

*Existencia  
& Essentia  
quomodo  
differant.*

*An Rosa,  
qua in suis  
causis ad  
huc est,  
rosa sit.*

mâ rationem differentiae. Sed non tantum. Nam etiam ibi habentur genera vera, & verae differentiae, ubi nulla est materia, nullaq; forma; in accidentibus nempe. Hinc non saltem Prædicamentum Substantiae est ordo & dispositio generum & specierum, verum etiam Prædicamentum Quantitatis, Qualitatis, Relationis &c. 2. Existentiam Adversarius malè & intelligit & usurpat. Ratio Specifica ipsi est Existencia: sed Metaphysicis (ad quos terminus hic spectat) existencia pro rei extra suas causas positione sumitur, competitq; & materiae & formae, & quantitati & qualitati, & omnibus entibus singularibus. Imò, juxta saniores, existencia & essentia realiter non differunt, sed solâ ratione, quæ primò concipit essentiam ut possibilem, post addit actualitatem, & sic in unâ eademq; re *precisivâ abstractione* modò essentiam, modò existentiam pensitat. 3. Exemplum de rosâ valdè est suspectum. Nam (1.) Rosa, quæ adhuc in suis causis est, rosa non est. Nam, *estne effectus, an causa?* Omne enim ens vel est causa, vel effectus. Si effectus est, quomodo in causâ

causis est? Effectus enim est extra suas causas, & nunquam ejus realitas in efficiente est. Si causa est, actu est: & si actu est, potentiâ non est: & si potentiâ non est, in causis non est. Realitatem potentialium quidem in causis comprehendimus, sed entitatem ipsius entis potentialis in causis reperire non possumus, nisi quis dare velit creaturas in creatore, naturata in naturis, & artificia in artificibus. Uno verbo: Entia potentialia sunt non entia. (2.) Rosa planè non est species Mundi, sed saltem speciei alicujus vel flos, vel semen, vel effectus. Quâ de re cum egregiè disputet *Job. Combachius Phys. lib. 4. cap. 5. in sec. Comment. p. m. 709.* verba ejus adscribere non piget, quamvis quoad ens potentiale in communi Metaphysicorum hæreat errore. Ita autem ille: *Quæritur, & est communis questio, quomodo rosa definitio possit esse perpetua, & quomodo de eâ possit esse scientia, cum hyeme non existat, & quomodo non intereat species quadam, quando rosa interit? Hic multi Resp. quod ad veritatem definitionis non requiratur existentia rei, sed tantum essentia: Ideoq; si vel maximè rosa non existat: essen-*

*An causa-  
m sint in  
causis.*

*An Rosa  
sit species  
Mundi.*

essentiam tamen ejus esse perpetuam à quâ definitio petatur. Hic tametsi verum est, quod existentia definitionis mensura non sit, quod multa definiuntur quæ in esse suo definitionis perfectionem non habent, namq; definitiones Elementorum quidditatem singulorum puram complectuntur: ipsa tamen non existunt purè, quia quodlibet elementum aliorum commixtionem admittit. Quia in definitionibus rem unam præcisè ab alterâ distinguimus quomodo habet essentiam à quacunq; re aliâ distinctam. Secus verò in existentia sæpè est. Et in eum modum dicit Scaliger Exerc. 72. Etiam si nullus homo sit justus, tamen justitia est habitus anime distribuens secundum realem rationationem ab humanitate, quæ est hominis essentia dimanans & pendens. Hoc tamen manet dubium, quomodo integra quedam species interire possit, sine totius universi interitu; consistit enim integritas & complementum universi in perfectione specierum, quarum unâ ablata, mundum de necessitate perire sapientes concluderunt. Quo sensu dixit Scalig. Exerc. 250. f. 5. Tanta est rerum series, tanta affinitas: ut si minimum aut re ipsa abfuerit, aut in causis non sit: mundus ipse desiverit esse mundus. Ideoq; dicendum vide-

videtur, quod Rosa propriè speciem non faciat: ipsa enim non existit separatim à quacungq; re alia, quæ specierum perfectarum est proprietas, ipsa ut obtineant esse & ab aliis speciebus distinctum. At rosa semper existit in sua stipite. Sed ipsa obtinet rationem floris seu seminis, ordinata ad propagationem & conservationem speciei, ut ipsa species non sit. Secus verò in speciebus se habet, eadem enim non ordinantur in modum seminis, sed fovent semen ad sui esse propagationem. Tametsi igitur rosa non est hyeme: tamen in virtute stipitis, ceu causa continetur, quæ in eo semper elaborat, ut ne species intereat, quo propaganda speciei desiderio vi nature semen molitur, ut ejus virtute conservetur. Ideoq; rosas non inter plantas, sed inter plantarum flores numerabimus, & speciei effectum potius quàm speciem nominabimus. Hactenus Combachius. Et tantum de secundo. Quoad tertium, respatet. Quia repetit suam præconceptam opinionem, de formarum educatione è potentiâ materiæ.

#### *Ad Argum. IV.*

Adversarius scopum non ferit. Verum est, semen non esse corporis par-

*Semen autem pars integralis corporis.*



tem integrantem aut membrum : verum est , semen non decidi à toto ut partem quandam : verum est , ad seminis emissionem non mutilari parentes sed verum etiam hoc est , de semine in parentibus adhuc contento nostram non esse controversiam. Si autem quaerit Adversarius, unde ergò anima? Respondéo, accuratè loquendo , non ex semine , non à semine , non ex parentibus , nec ex animabus parentum : sed à parentibus & ab animabus parentum mediante semine ut medio à Deo & Natura ad hoc munus insignè ordinato. Quà de re suprà sæpius.

*Ad Argum. V.*

Transcat quod regeri possit ad Majorem per Instantiam : *Quicquid formæ hominis contrarium est , illud actu non vivit , potentiâ tamen proximâ , virtute uter in actum deducendâ vitam adipiscitur. Formæ brutorum formæ hominis contrariae sunt. Ergò actu non vivunt &c.* Minor patet ex oppositione Rationalis & Irrationalis. Transcat etiam , quod aliud sit actu vivere , & aliud animam continere : hoc enim respicit animæ actum *Formalem* illuc

illud *Entitativum*. Minorem saltem considero, & quamnam contrarietatem Adversarius intelligat, quæro? Dubio procul illam Scholasticorum, quâ principia corporis naturalis contraria esse statuuntur. Verum quam multa hîc & falsa & inexplicabilia occurrant, temporis ratio non fert proferre, alia forsân erit hæc proponendi & exponendi occasio. Breviter tantum Foxij & Clariss. Dannbavveri judicia adponâ, applicationem subjungam, liberumq; Lectori iudicium relinquam. Sebastianus Foxius de *Nat. Philos. Lib. 1. cap. 7. p. m. 39.* ita ait: *Nec obstat huic* (privationem non esse tertium principium Physicum) *sententie, quod principia rerum contraria esse dicantur, cum in qualitatibus Elementorum id ita fiat, non in aliis rerum initiis, atque hac sit ignota plerisq; hominibus præter Physicos hypothesis. Nam si omnia initia (seu principia) contraria esse deberent, vel cause etiam, quæ initia sunt, sibi mutuò repugnarent, ut efficiens materie, aut forma fini, id quod fieri è diverso cernimus, cum eadem potius mutuò se adjuvent. Itemq; si ars naturam imitatur, eaq; in efficiendo contrariis initiis non utitur, multò etiam*

*Principia  
corporis  
naturalis,  
an, & quo  
modo, con-  
sistat.*

etiam minus ipsa natura. Atqui nec opifex in exsculpendâ imagine quicquam contrarium habet, nec Grammaticus in docendo quinquam Grammaticam &c. Et Clariss. Dn. M. Johan. Conrad. Dannhavverus in Colleg. Psychol. Disput. 6. theor. 4. p. m. 193. inquit: Semen duplicem habet potentiam, vel ad actum primum, quatenus adhuc est intra vasa spermatica, sic est ille non homo ex quo homo generatur: vel ad actum secundum, id est, ad functiones vitales, quatenus jam prolificum & in utero conceptum est, sic est totum essentiale, id est, homo constans ex animâ & corpore: verum non integrale, quia desideratur adhuc partium organizatio. Dico ergò 1. Semen non est contrarium animæ: & generationem fieri inter contraria, falsa est hypothesis, 2. Si tamen loquendum cum multis, sapiendum cum paucis; contrarietas ad semina in vasis spermaticis restringenda, non verò ad semina prolifica, hoc est, in uterum effusa, legitimè mista, retenta, & suscitata, extendenda est. Minor ergò de semine modo sapiùs notato accepta fallit. Probario petit principium, quia de hoc controvertitur, an ovum contineat animam, an verò ea

rò ea demùm adminiculo & fotu calor-  
ris inferatur & invehatur,

## PENTAS NONA.

### *Argum. I.*

Quicquid non est corpus organi-  
cum, illud vitâ non potitur. Semen  
non est corpus organicum. Ergò se-  
men vitâ non potitur. Major patet,  
quia vita est actus corporis organici.

### *Argum. II.*

Quicunq; contra seminis rationem  
similarem excipit, quod constet ex hu-  
more & spiritu, ceu partibus, illè malè  
excipit. Mercatus contra seminis rã-  
tionem similem excipit, quod con-  
stet ex humore & spiritu, ceu partibus.  
Ergò Mercatus malè excipit. Major  
probat, quia spiritus & humores sunt  
materia, non partes organicæ; neque  
enim extra, neque in corpore, spiritus  
& humores constituunt partes organi-  
cas.

### *Argum. III.*

Si vitale est semen, vivit vel ad sui  
conservationem, quæ fit nutritione, vel  
ut augeatur & crescat, vel ut generet

Q

sibi

sibi simile. Atqui horum nullum intendit. Siquidem est in potentiâ aliud, & propter aliud, videlicet ut eo generetur animal. Non intendit sui conservationem, quia ut fiat animal, semper perire necesse est; neque accretionem, quod ut semen illud indigeat; neque generationem sui similis, quam tamen omne vivens medatur. Ergo vitâ & animâ semen caret.

*Argum. IV.*

Si anima est in semine, sequitur semine canis quod est actu canis, tot esse canes actu, quot ibi sunt guttulæ seminis, quæ seminis essentiam tueantur. Sed posterius non est. Ergo non prius. Consequentia Majoris hæc est, quia anima inest tota toti & tota omnibus totius particulis.

*Argum. V.*

Si anima est in semine, triplicis naturæ erit informativa: fuit enim prima forma generantis, secundò est forma seminis, tertio est forma animalis ex semine nati. Sed posterius falsum est. Ergo & prius.

Advo

## Adversarij Verba.

## THESIS XXV.

*Verumenimverò animatum esse & vivere semen, cum & ex Scaligero & Themistio definit Clariss. Sennertus, animamq; in eo ex eodem sibi fabricare corpus: quaratione anima canis cum semine ejusdem propagata sui corporis domicilium construit. Vitâ autem non potiri semen ex eo liquido patet, quod sit actus corporis organici, hoc autem sit simile. Contra Mercatus excipit: semen constare ex spiritu & humore qua sint partes ejus. Cui responsum velim, hæc esse materiam non partes organicas neque etiam extra, neque in corpore spiritus & humores constituunt partes organicas. Et si vitale est semen, vidit vel ad sui conservationem, qua fit nutritione, vel ut augeatur & crescat, vel ut generet sibi simile. Atqui horum nullum intendit. Siquidem est in potentia ad aliud, & propter aliud, videlicet ut ex eo generetur animal. Non intendit sui conservationem, quia ut fiat animal, semen perire necesse est, neque accretionem, quod ut semen illa non indigeat, neq; generationem sui similis, quam tamen omne videns meditatur.*

## THESIS XXVI.

*Sed an anima fabricatrix est in semine  
 uti volunt? semen est corpus simile, cu-  
 jus qualibet particula essentiam totius tu-  
 tur, & forma cum parte est divisibilis: Quo-  
 circa in semine canis quod est actu canis, ne-  
 cesse est tot esse canes actu, quot guttulas ve-  
 portiones, quæ seminis essentiam tuentur  
 continet; est enim anima tota in qualibet  
 sui corporis parte, licet ab altera dividatur.  
 Neque enim reponi potest, animam ex sem-  
 nis gutta vel tenui portione non posse inte-  
 grum corpus fabricare, quod Clariss. Sen-  
 nertus ipsemet asserat in lib. de Galen. cur  
 Chymic. conf. & diff. eam esse formarum di-  
 gnitatem, ut in minimo corpore aque suam  
 essentiam & potentias integras retinere po-  
 sint, ac in maximo: non enim insunt locati-  
 ve, sed totæ toti omnibusq; rei particulis. Et  
 si forma quercus in exiguo germine, quod  
 plantâ pullulat, aquæ integra est, ut in anno  
 postea & procera, cur non eadem quoque in  
 glande? neque prohibet molis semineæ por-  
 tio exigua, quo minus fiat generatio, qui  
 forma seminis corpus fabricans, aque est in  
 parte minore quam magna, uti videre est in  
 grano tritici, alia centum vicissim ex se pro-  
 mune. Et cum forma uti volunt sunt mul-  
 tiph*



tiplicativa sui, quid vetat tot exsurgere ex  
 animalis semine, quot actu insunt vel inesse  
 possunt? Verum banc rationem mittimus,  
 neque enim in illa assertionis nostrae funda-  
 mentum est collocatum. Anima quae est in  
 semine, & sibi fabricat corpus ejusq; est for-  
 ma, siquidem illa quae nunc est forma semi-  
 nis, postea futura est animalis, ut ait Scalig.  
 exerc. VI. no. 7. estq; pars genitoris, tri-  
 plicis materiae erit informativa: (cujus rei  
 ineptiam supra vidimus) fuit enim primò  
 forma generantis, secundò est forma semi-  
 nis, tertio est forma animalis ex semine na-  
 ti, quod si verum est rerum individua sunt  
 perpetua, & res non per species, sed per exi-  
 stentias suam habent perpetuitatem (omne  
 enim quod existit, eo ipso quo existit, singu-  
 lare est) siquidem per actum existentialem,  
 & formam ultimam propagantur, quae  
 cum corruptibilis sit, necessum est rerum  
 species, vel jamdudum defecisse, vel natura-  
 liter deficere posse, quam absurditatem  
 sana philosophia non  
 tolerat.

## Responsio Generalis.

*Vilis & exilis seminis substantia,  
ne moveat Adversarium, ut illi  
animam neget & perneget.*

Ex 9<sup>o</sup> tit.

*Quodnā  
sit semen  
illud, cui  
anima in-  
esse statui-  
tur.*

Præmonendum ad nauseam usque est, quale hîc intelligatur semen. Nam  
1. Dantur semina indisposita & infæ-  
cunda, quibus nulla cum formâ est so-  
cietas. Ut enim non per quamvis cor-  
poris partem (paucissimis exceptis) for-  
marum fit propagatio : ita etiam non  
per quamvis certæ & ad id ordinatæ rei  
dispositionem eadem quit peragi. Hinc  
inter alias generationis læsæ causas, &  
ratione viri, & ratione foeminæ, etiam  
seminis numeratur vitium. 2. Dantur  
semina causarum sociarum. Ubi iti-  
dem nec maris nec foeminæ semen di-  
visim, sed utriusque conjunctim sum-  
ptum, in loco naturali rectè disposito  
mistum, retentum, & suscitatum, pro  
prolifico & foecundo habemus. Stant  
enim causæ sociæ pro causâ unâ. De  
hoc semine jam dicimus, quod ani-  
mam

mam actu in sese habeat, si non ob plures, vel ob unicam hanc rationem, quia in eo animæ operationes apparent. Hinc talis est Syllogismus: *Ubi dantur animarum operationes, ibi dantur anima actu. In seminibus dantur animarum operationes. Ergo in seminibus dantur anima actu.* Major apud omnes saturata est, nemoque eruditorum negat, quod positis operationibus ponantur facultates, & positis facultatibus ponantur formæ. Unde & Scholastici tria illa Naturæ proferunt momenta: 1. *Essentiam.* 2. *Facultates.* 3. *Operationes;* ubi à tertio ad secundum, & à secundo ad primum legitima semper fit illatio. Minorem suppeditat Experientia. Nam in semine humano, (ut nihil hac vice dicam de seminibus plantarum, in quibus etiam res manifestissima est) in uterum tanquam feracissimum agrum effuso, debite misto & retento, statim fiunt ordinationes, secretiones, concretiones, densationes, rarefactiones, contractiones, & alia ejusmodi, adeo ut & olim ab Hippocrate dictum fuerit, genituram septimo die habere, quæcunque corpus habere potest.

*Abjectissi-  
ma semi-  
nis substā-  
tia, admi-  
ratione ple-  
nissima  
est.*

Ubi in rei veritate alia architectrix dari  
nequit, quàm divina & nobilissima ani-  
ma hominis, uti id satis probat *Excellentiss.  
Dn. Sennertus in Conf. & Diff. cap. 9.* Et  
licet semen videatur corpus ignobile,  
abjectum, exiguum & sordidum: tamen  
id argumentum nostrum non solvit, sed  
nova sapientiæ, potentiæ, & clementiæ  
divinæ argumenta ministrat. De quâ  
mirandâ seminis naturâ egregiè *Franc.  
Titelmannus in Phil. Natur. Libr. 8. cap. 11.*  
philosophatur, & non sine ratione in  
margine initij Capitis ad attentionem  
Lectorem, *Adverte*, inquit, *huc ani-  
mum spectator rerum novarum*, sedulo  
hortatur. Quæ cum suprâ uberius pro-  
lata fuerint, actum agere nolo, sed sal-  
tem ea quibus *Titelmannus* Caput cita-  
tum laudatissimum finire gaudet, ob rei  
mirandam amœnitatem, ad ponere nō  
dubito. Sic ergo ille: *Non ita multum  
videtur admirandum, si totam hanc conne-  
xionem dispositionem membrorum, quam  
nobis ipsis conspicimus, per semetipsum ita  
suâ omnipotenti virtute Deum asseramus  
condidisse: si quomodo in principio Adam  
creavit de terrâ, & de ejus costa Evam  
absq; ullius virtute seminis, terram solam*

pr

pro materiâ accipiens, & totam virtutem  
 per sese administrans : ita & nostra corpora  
 in suâ dispositione atque pulcherrimâ pro-  
 portione per se idem ipse similiter fabricaret.  
 Item, si ut in principio arbores & herbas  
 creavit, absq; virtute seminis, ita & nunc  
 potentissimâ suâ iussione, eas de terrâ face-  
 ret prodire. Scimus etiam, quoniam non  
 est ei impossibile, neque difficile omne ver-  
 bum. Non novum est nobis, si magna faciat  
 ille, de quo scriptum est, *Qui facit mirabilia* Psal. 71.  
*magna solus.* Verùm quod hec humani cor-  
 poris dispositio, ex operatione est virtutis,  
 quæ latet in paterno semine (fatidissimâ &  
 vix nominandâ substantiâ, quam absq; abo-  
 rinatione nemo conspicit) quodq; in eo tam  
 præclara lateat virtus, corpus tam admi-  
 rabile sic efficiendi atque fabricandi, quod tota  
 illius admirabilis dispositionis efficacia in  
 illo realiter inexistat, id nobis meritò in im-  
 mensum aggravat pondus considerationis no-  
 stræ, id prorsus stupidos & attonitos reddit,  
 cogitq; exclamare nos, & voce apertâ confi-  
 teri, quòd non solum ipse magnus sit in semet-  
 ipso, neque solum magnus in magnis, sed &  
 in abjectissimis, contemptibilissimisq; & mi-  
 nimis gloriosus. Hæc Titelmannus; qui-  
 bus absimilia non sunt, quæ Clariss. Dn.

Sennertus in Conf. & Diff. Cap. 9. his verbis ait: Neque quem exiguum illud seminis corpus offendat, sed potius Creatoris sapientiam, potentiam, bonitatem. qui cum exiguo corpore formas ad specierum conservationem, ad finem mundi usque transferri & multiplicari in prima creatione & voluit & iussit, hic attentius admiremur: formarumque præterea nobilitatem æstimemus, quæ in minimo corpore æquè suam essentiam & potentias integras retinere possunt, ac in maximo.

## Responsiones Speciales.

### Ad Argum. I.

Quid censendum de  
Definitio-  
ne Anima  
ab Aristotele  
pro-  
latâ.

I. Major est nulla. Idem est ac si sic argumentarer: Quicquid non est corpus organicum, illud animâ & vitâ non potitur. Ossa, cartilagine, nervi, vene, arteria, caro &c. non sunt corpora organica. Ergo animâ & vitâ non potiuntur. Quamvis ergo Aristoteles Libr. 2. de Anim. cap. 1. t. 6. animam actum corporis naturalis organici vitam habentis potentiâ definiat, dum inquit: ψυχὴ ὅταν ἐνπλέχεια ἢ πρῶτῃ σώματι & Φυσικῶ ζῶνι ἔχοντι & διδάμεν. τοῦτον δὲ, ὃ αὖ ἢ ὀργανικόν. Hoc est, anima est actus primus corporis naturalis poten-

*potentiâ vitam habentis, tale autem sit or-*  
*ganicum:* tamen 1. considerat ibi Aristoteles animam in *actu formali, simpliciter*  
*ita dicto, spectatam.* Cum enim descriptionem animæ formare voluit, non ad  
 animata constituenda, formanda, & elaboranda, sed ad constituta, formata,  
 & elaborata, (in Definitionibus enim perfectiones attendimus) respexit, quæ  
 cum organica sint, mirum non est animam actum corporis organici eum definivisse.  
 Quo ipso verò non negatur, etiam ibi animam esse ubi organizatio nulla est, imò eam organis propter partes  
 similes inesse, quia similarium cō-junctio facit organum. Hinc pes etiam si frangatur,  
 aut planè mollescat & flexilis fiat, animâ tamen informari nō cessat.  
 Ut ergò confundi non debet actus *Formalis* cum *Entitativo*, & actus formalis *simpliciter dictus*, cum actum formalem  
*secundum quid dicto:* ita quoque subiectum animæ, in actu Entitativo aut formali  
 secundum quid spectatæ, confundendum non est cum subiecto ejus in actu formali  
 simpliciter sumpto consideratæ. 2. Posito, non concessō, Aristotelem putasse, animam non  
 nisi

*Anima  
 inest or-  
 ganis ob  
 partes si-  
 milares.*



*Aristoteles non est norma Controuersiarum Physicarum.*

*Organum quot modis dicatur.*

*Semen humanum è pluribus conflatum est.*

nisi in corpore organico esse posse, tamen non protinus & nos hoc putare debemus, cum contrarium ipsam loqui naturam deprehendamus. Malumus cum naturâ confiteri veritatem, quàm cum Aristotele profiteri falsitatem. II. Minor etiam non adeò constat. Organum enim dicitur dupliciter: 1. *strictius*, 2. *latius*. Strictius sumptum definitur, *pars animalis perfectam actionem edere potens*. Quo sensu quatuor in organo observantur partium genera: 1. earum, à quibus primariò editur actio. 2. earum, sine quibus actio non fit. 3. earum, per quas actio meliùs editur. 4. earum, quæ actionem conservant. Latius dictum organum etiam iis tribuitur, quæ tantum partium & perfectionum apparatus non habent; imò similaribus quoque particulis, ut venis, arteriis, nervis, & cæteris, adscribitur. Hoc ergò sensu quidam etiam Minorem negare non dubitant. Benè enim notandum, in semine plura contineri quàm forsan iudicaret unus & alter. Siquidem è solo semine, citrà ullius sanguinis accursum, viscera interna, vasa, membranæ, ossa, crura, pedes,

pedes, brachia, nares, auriculæ, digiti, oculi, penis, scrotum &c. stamina & consistentiam suam habent. Hinc sanè uniusmodi & planè simile quid esse haud poterit. Imò, morbi hæreditarii semen nō saltem tribus aut quatuor constare substantiis satis ostendunt: unde enim aliàs ille morborum hæreditariorum numerus innumerus? Unde podagrici generarent podagricos, epileptici epilepticos, surdi surdos, muti mutos, calculosi calculosos, lienosi lienosos, & alij alios?

*Ad Argum. II.*

Quamvis *Mercati* responſionem defendere, nostri non adeò faciamus laboris: tamen falsam esse Majorem putamus. Quoad probationem dicimus 1. Licet spiritus & humores nō sint partes organicæ, non tamen exinde sequitur, eos conjunctos partem dissimilem facere non posse. Aliàs ita argumentaremur: *Quæcunq; partes non sunt organicae, illæ facere non possunt partes dissimiles & organicas. Organorum primi ordinis partes non sunt organicae. Ergò facere non possunt partes dissimiles & organicae.*

*An rectè  
Adversarius  
refutaveris  
Mercatū.*

*ganicas.* Minor pater, quia primum organum necessarium est non organis partibusque inorganicis componitur, alias non esset organum primum, sed haberet aliud prius, de quo idem diceretur, atque sic in infinitum procederetur.

*Organo-  
rum ordi-  
nes.*

Ordines organorum *Galenus* recenset quatuor, ita ut sint organa 1. simplicissima, quæ ex solis similaribus constant. 2. è primis coagmentata. 3. è secundis coagmentata. 4. è tertiis coagmentata: ubi satis videmus primi ordinis organa è partibus, quæ organicæ non sunt, conflare. Nec quicquam valet, quod ait *Adversarius*, spiritus & humores esse materiam: nam etiam organa ordinis primi sunt materia organorum ordinis secundi, & organa ordinis secundi sunt materia organorum ordinis tertii, & organa ordinis tertii sunt materia organorum ordinis quarti, & omnia organa totius corporis quocunque veniant nomine & honore materiæ rationem habent, si ad formam totius referantur.

*Except.  
Respons.*

*Quo sen-  
su spiritus  
& humo-  
res Mer-  
cato faci-*

2. Non quaeritur, an spiritus & humores absolutè quandam corporis partem faciant organicam: sed, annon illi spiritus & humores, tanquam substantiæ in se-

in seminis corpore contentæ, semen quodammodò faciant dissimilare? Si venæ & arteriæ rectè partes ad rem dissimilares, licet ad sensum similes, statuuntur, quia fibris & carne propriâ constant, cur non multò magis dissimilare erit semen?

*ant semen  
organicū,  
& dissimi-  
lare.*

*Ad Argum. III.*

Transcat falsa hypothesis de seminis potentiâ. Adversarius argumentatur ab animatorum, quæ species Mundi constituunt, affectionibus, ad naturam seminis; quod sanè est miscere terram cœlo & cœlum undis. Scilicet, argumentari à ratione specierum mundi, ad rationem mediorum propagandi, est species cum mediis, perfectum cum perficiendo, & actum formalem secundum quid dictum cum actu formali simpliciter sumpto confundere. Nulla ergò est Major. Siquidem nutritio, augmentatio, & procreatio, ad species Mundi spectant, unde quærere, an semen nutriatur, an augeatur, & an generet sibi simile, vanum & ridiculum est.

*Qua ani-  
matorum  
speciebus  
competūt,  
ad semina  
tribenda  
non sunt.*

*Ad Arg.*

Transeat, quod aliud sit, de canis semine prolifico, seu conjunctim sumpto, in utero misto & retento loqui, & aliud de eo solitariè spectato, differere.

*An in semine canis, tot animæ, quot portiones.*

I. Major miserrima est. Non sanè in semine canis tot animæ, quot portiones, sunt: sed una anima omnes portiones regit & dirigit. Sicut & in osse hominis viventis, non tot animæ, quot particulæ sunt, sed una anima totum os, quin imò totum corpus, actuat & informat. Probatio Consequentia Majoris animam canis turpiter facit spiritum. Ita enim argumentor: *Quaecunq; anima est tota in qualibet totius particulâ, ea est spiritus. Anima canis est tota in qualibet totius particulâ. Ergo anima canis est spiritus.* Major in confesso est. II. An semen canis canem appellare liceat, non adeò curiosi sumus. Scaliger illum loquendi modum adhibere voluit, ob formæ tanquam nobilissimæ canis partis præsentiam. Cautè tamen id fecit, additâ *Diminutione*, dum semen appellavit *canem imperfectum*. Jam stat Regula Summulistarum: *A diminuto ad absolutum non licet argumentari.* Ratio est,

*Adversarius animam canis facit spiritum.*

*An semen canis, sit canis.*

*Quid Scaliger.*

quia

quia aliàs oritur Fallacia à dicto secundum quid ad dictum simpliciter. Non ergo Adversarius illud diminuens omittere debet, aliàs Sophistam agit, & termini *suppositionem diminutam* cum *suppositione absolutâ & integrâ* confundit. Absolutè verò loquendo, si quæreretur, an semen canis sit canis, an semen equi sit equus, & an semen hominis sit homo; mallet nomen canis non nisi perfectò cani, nomen equi non nisi perfectò equo, & nomen hominis non nisi perfectò homini imponere. Hinc accuratè Hippocrates & Galenus conformationis tempora respectu hominis, 1. in γυνή. 2. in κύημα. 3. in ἐμφύον. 4. in παιδίον, distinguunt: ubi hominis absolutè sumpti titulo, non γυνή, non κύημα, non ἐμφύον, sed παιδίον ornandum censerem. Sed, ut dixi, adeò curiosi non sumus, nec ob vocabula ulli dicam scribimus. De Scaligerianâ appellatione Excellentiss. D. Sennertus cap. 9. in Conf. & Diss. ait: Si cui ita loqui non placet quia membrorum articulatio nondum adsit, me non offendet.

Homo  
quid &  
quis dicendus.

Ad Argum. V.

Major iterum nulla est. Nam (1.) hæc

R

nume-

*An anima  
triplicis  
materia  
informativa.*

numero anima in generante nunquam fuit, (2.) nec etiam seminis forma fuit, quippè in quo actum formalem simpliciter sic dictum non habuit: sed (3.) latem animalis è semine nati forma est. Hinc ita argumentor: *Quicquid officium forma non nisi in animali è semine nato & formato exercet, id triplicis materia informativum non est.* Anima animalis officium forma non nisi in animali è semine nato & formato exercet. Ergò triplicis materia informativa non est. Reliqua quæ Adversarius subindè inspergit, sunt partim calumniæ, partim mera sine pondere verba.

## PENTAS DECIMA.

### *Argum. 1.*

Nulla forma existentialis potest esse diversæ materiæ. Anima est forma existentialis. Ergò anima non potest esse diversæ materiæ. Majoris consequentia est, quia certum quælibet forma requirit apparatus in materiâ, alioquin quæcunq; quamcunq; informaret, è quolibet quodlibet fieret, & juxta Pythagoram anima de corpore in corpus migraret.

*Argum.*



*Argum. II.*

Nulla forma perit, nisi ex materiæ deficiente apparatu, cum quo consistit, servatur, & perit. Anima est forma, & quidem corporis organici. Ergò non perit nisi ex materiæ deficiente apparatu, neque etiam consistit & servatur in subiecto simplici & unicâ temperie disposito, quale semen est.

*Argum. III.*

Si nullus propagationis modus competit animæ in semine spectatæ, sequitur eam in semine non esse. Sed nullus propagationis modus competit animæ in semine spectatæ. Ergò ea in semine non est. Minor probatur, quia tres cum magno Scaligero modos proponit Clariss. Sennertus. Primus est, cum se promovet anima tali ratione, quali in accretione sese induit in novam materiam; secundus, quo pacto furculi aut rami ab arbore avulsi, terræque insiti novam ejusdem à quâ detracti sunt speciei arborem producant; tertius, qualiter à lampadis flammâ flammam excipimus, illâ nihilo secius integrâ manente. Primus & secundus modus non procedunt, quia ibi anima

seſe extra ſuum corpus ejuſq; partes nō prōtendit, nec fertur, & ramus avulſus fuit pars arboris, ac in carnem itidem anima promovetur quia caro fit pars corporis. Tertius modus ſimiliter non procedit, quia flammā in aliud corpus ſe non dividit, nec ſemper ab alia flamma generatur, ſed ex ſubjecto habili, diſpoſito, & proximam potentiam habente, ut celeriter in flammam aut ignē vertatur.

*Argum. IV.*

Si admirabiles illæ in ſemine potentia à forma admirandis virtutibus & vi plasticā ſemen inſtruente, quemadmodum anima vi vitali imbuit calorem, & ab uteri fomento, ſuperiorum cœleſtiumq; concuſſu, proveniunt, cadit egregium ſententiæ de formarum traductione fundamentum. Sed proveniunt inde admirabiles illæ potentia. Ergo.

*Argum. V.*

Si inutilis materia corporis calorem animantis in vermem mutatur, etiam, & multò magis quidem, ſemen in utero à calore proprio, coq; qui proportion

tione elemento stellarum respondet, vivifico calore matris affluente, fovente, dirigente, actuatur, atque ex ejus potentia forma educitur. Sed prius est. Ergo & posterius. Consequentia Majoris manifestior fiet, ponderanti semē primò unum fieri cum matrice, post cum corpore matris, cui ut pars instar brachij pedisvé adhæret, cujusq; vivifico calore fovetur, à quo & vis plastica à generante indita excitatur.

## Adversarij Verba.

### THESIS XXVII.

*Deinde forma existentialis, una eademq; non potest esse diversa materia, certum enim qualibet forma requirit apparatus in materia, alioquin quæcunq; quamcunq; informare, & sic ex quolibet fieri quidlibet, & juxta Pythagoram anima de corpore in corpus migrare valeat. Præterea non perit forma, nisi ex materia deficiente apparatus, cum quo consistit servatur, & perit. Corporis proinde organici forma varia specialiq; propter partium diversitatem, & non simplici neque unicâ temperie dispositum postulat subjectum. Anima est actus corpo-*

*ris organici, & vita est actus animæ, semen nec organicum corpus nec vitale est.*

### THESIS XXVIII.

*Sed si in semine anima, quomodo sodes propagatur? Tres cum magno Scalig. modos proponit Clariss. Scannertius. Primus est cum se promodet acima tali ratione, quali in accretione sese induit in novam materiam, vel quo pacto surculi aut rami ab arbore avulsi, terræq; insiti, novam ejusdem à quo detracti sunt speciei arborera producunt, vel qualiter à lampadis flamma flammam excipimus, illa nibilo secius integra manente,*

### THESIS XXIX.

*Verum ad primum & secundum modum propagatio formarum per semina procedere non potest, siquidem in illis anima sese extra suum corpus ejusq; partes non protendit nec fertur. Cum ramo avulso forma transit, quia fuit pars arboris, in carnem promovetur anima, quia caro fit pars corporis. Atqui semen animalis nec est, nec fuit, nec erit pars corporis à quo gignitur, sed utile excrementum; Lac, semen, sanguis, nec animata, nec corporis sunt partes.*

THESES

## THESIS XXX.

*Tertius modus similiter non procedit. Flamma in aliud corpus se non dividit, nec semper ab alia flammâ generatur, sed ex sub-  
jecto habili, disposito, & proximam poten-  
tiam habente, ut celeriter in flammam aut  
ignem vertatur. Nec enim flammâ acce-  
dente in sulphur eadem propagatur, sed sul-  
phur in ignem vertitur, veluti & pulvis py-  
rius, ob materiam igni proximam facili-  
tè ignescit. Unde igitur, inquiunt, mira-  
biles illa in semine potentia? A formâ, in-  
quam, admirandis virtutibus & vi plasticâ  
instruente, quemadmodum calor natus vi  
vitali ab animâ imbuitur, & ab uteri fo-  
mento, superiorum cœlestiumq; concursu si-  
quidem sol & homo hominem generant.*

*Semen primò sit unum cum matrice, &  
consequenter cum corpore matris ipsi ut pars  
instar brachij pedisvè a tharens, ejusq; vivi-  
fico; ab arteriarum & venarum influxu ca-  
lore fovetur, vis plastica à generante indita  
excitatur. Calore animantis in corpore ani-  
matur inutilis materia in Vermem, quanto  
magis in utero loco generationi destinato à  
calore proprio, eoq; qui proportionem elemen-  
to stellarum respondet, affluente matris vi-  
vifico,*

*visco, fovente, dirigente, aëtuatur semen,  
atque ejus ex potentiâ educitur forma.*

## Responsio Generalis.

- *Citharædus*

*Ridetur, chordâ qui semper ober-  
rat eâdem.*

*Ἐκθεσις.*

Nugatoriè Adversarius iterum refert, unam eandemq; formam existentialem non posse esse diversæ materiæ, omnem formam requirere certum materiæ apparatus, animam esse actum corporis organici, & quæ sunt farinæ hujus plura. Sed forsan semel ista methodicè proposuisse & perspicuè exposuisse, satius fuisset: verùm trahit sua quemque voluptas, & quot capita, tot sensus.

## Responsiones Speciales.

*Ad Argum. I.*

Transcant, quæ ad formam existentialem reponi possent. Vid. *Tract. de Morb. Tot. Subst. Antith. Quæst. 3. ad Exc. Resp. 5.* Transcant etiam, quæ de Pythagoræa

goréa metempsychosi dicenda veni-  
rent, de quâ itidem dictum loco citato  
*Resp. 1. Seq. 2.* Formam existentialem ad  
mentem Adversarij sumptam, semini  
non concedimus. Semen enim spe-  
cies mundi non est, unde etiam e-  
jusmodi formâ specificâ non indi-  
get. Est ergò anima, ut ad Minorem  
respondeam, non semper forma exi-  
stentialis seu specifica ubicunq, est. In  
semine 1. actu *entitativo*, seu ratione suæ  
substantiæ. 2. actu *formali secundum quid*  
dicto, seu ratione partialis exercitij sui  
officij: in animali verò est actu *formali*  
*simpliciter* sic dicto, seu ratione totalis  
& plenarij usus & exercitij sui officij,  
atque tunc rationem formæ Specificæ,  
& ut Adversarius loquitur Existentialis,  
habet. Unde cum in genere quæritur,  
quodnam sit subiectum informationis  
animæ; respondetur, corpus organi-  
cum. Res enim judicantur in statu per-  
fectionis, non imperfectionis. Si ob-  
icit Adversarius, ergò anima non est in  
semine, quia forma existentialis seu spe-  
cifica non habet diversa subiecta: re-  
spondemus, animam in semine non ha-  
bere rationem formæ Existentialis seu

*An semen  
habeat  
formam  
specificâ.*

*Quando  
anima sit  
forma  
Specificâ,  
& quan-  
do non.*



**Specificæ.** Si regerit, est & manet tamen anima in diversâ materiâ: respondemus, utiq; est manetq; , quia vinculum animæ & materiæ utrobiq; datur. Nempè quod vinculum est conjunctionis animæ & corporis organici, etiam vinculum est conjunctionis animæ & seminis, videlicet Calidum Innatum. Uno verbo: *confundendi non sunt diversissimi forme actus.*

*Ad Argum. II.*

Transcat, quod Adversarius ab animæ præsentia argumentetur ad vitam, hoc medio termino, quia *vita est actus anime.* Rectius Aristotelici definiunt vitam *actum corporis.* Sed forsan Adversario anima & corpus sunt idem. Verum transcat. Quoad argumentum 1. quomodo anima actus corporis organici sit, dictum fuit. 2. an semen subiectum simplex sit, etiam notatum fuit. 3. temperiem seminis *simplicem* esse, vix per somnium alicui in mentem veniret. Argumentor: *In quocundq; due qualitates superant suas contrarias, ibi est temperies composita, non simplex. In semine due qualitates superant suas contrarias. Ergo in*

*An semen  
gaudeat  
temperie  
simplici.*

ergò in semine est temperies composita, non simplex. Major est è temperiei simplicis & composita Descriptionibus ab omnibus receptis. Minor probatur, quia caliditas & humiditas superant frigiditatem & siccitatem. 4. anima subiecta sua informare cessat, non tam ob defectum organorum, quam ob extinctionem calidi innati & ob prohibitionem calidi influentis. Hinc anima fame mortui non sanè ob defectum organorum recedit: quis enim negaret omnia ibi adesse organa? Sed calidum innatum discessum illum causavit, non positivè, sed privativè. Imò si ob organorum defectum anima recederet, soli morbi organici forent lethales. Falsa ergò est præmissarum utraq; Major, quia Adversarius per apparatus materiæ intelligit organa, quæ ad animæ præsentiam nihil faciunt. Minor, quia actum formalem simpliciter dictum, ab actu entitativo, & formali secundum quid dicto, non distinguit,

*Ad Argum. III.*

Minor negatur. Utiq; qualiter à lapidis flammâ flammam excipimus, salvâ & integrâ manente flammâ lapidis,

*An omnes moriantur ob defectum organorum.*

*Animarum propagatio declaratur simili de flammâ.*

taliter etiam ab animâ parentum anima filij propagatur. Nec obstat Adversarij exceptio. Nam 1. ut flamma non dividitur, sed tota manens in lampade se multiplicat: ita & anima parentum nō dividitur, sed tota in parentibus, tota etiam in liberis est; & ut flamma producta in alio est corpore, quàm ea à quâ producta est: ita etiam anima liberorum in alio est corpore, quàm anima parentum. 2. flamma verò an semper ab aliâ flammâ generetur, sicut animâ semper ab aliâ animâ oritur, frustraneum est hoc loco inquirere. Nam ratio similis in hoc non consistit. Quorsum ergò opus est, vagari extra oleas? Similia claudicare novit Adversarius, cùm ergò saltem similis loco hæc de flammâ adferre voluerit Scaliger, è simili ne faciamus idem. 3. Flammam ex potentiâ deducere, est principium petere. Hæc enim nostra jam est Controversia, an nempe formarum origo, Scholasticam illam agnoscat potentiam, an verò altius quid sapiat. Si tamen reddenda ratio, unde forma ignis feratur in flammam, dicimus, interdum ab igne sese in idoneâ materiâ multiplican-

cante; interdum verò planè latitavit, & motu, attritu, aliisq; modis proleſta proſiliit; & qui ſunt modi cæteri ad inſtitutum præſens non ſpectantes: nunquam verò forma illa ignis è cœcâ illâ potentiâ provenit.

*Ad Argum. IV.*

Tranſeat quod Adverſarius ita loquatur, ut fermè intelligi nequeat. Major falſiſſima eſt. Nam I. à quanâm formâ operationes & admirandæ illæ potentiæ veniunt? An à formâ generantis, an à forma ſeminis, an forſan planè à formâ matris? (1.) Si à formâ generantis proveniunt, anima Patris in Italiam proſecti operabitur in utero gravidæ matris in Germaniâ degentis; & anima plantæ in Indiâ forſan jamdudum combuſtæ aut devorata mirabiles operationes in ſemine pullulante in Germaniâ exercebit. Sin excipit Adverſarius qualitates ſemini in generatione fuiſſe cōmunicatas, & illis mediantibus operationes iſtas peragi, quæritur, cujuſnâm ſubſtantiæ virtute illa accidentia agant? Agunt enim accidentia virtute ſubſtantiarum. Quæritur etiam, an illa acciden-

*An operationes in ſeminibus conſpicua, à formâ generantis proveniant.*

*Except.*

*Reſponſ.*

den.

dentia sine subiecto proprio communicata fuerint, an secus? Et, annón tutius nobilissimæ istæ potentia, in ipsâ animâ præsentē & per eas operante hæreant? Non repetam quæ de vi plasticâ dicta fuere suprâ, ne actum agam, sed saltem è doctrinâ Aristotelicâ de Animâ quid addam. Dividuntur Animæ Vegetativæ potentia in Principes seu Primarias & Ministras seu Secundarias. Principes sunt, Altrix, Auçtrix, & Procreatrix. Ministræ sunt Attraçtrix, Retentrix, Concoçtrix, Expultrix, Alteratrix, & Formatrix. Ultima hæc potentia Formatrix & illa vis plastica quomodo quæso differunt? Forſan, ut ær & panis. Hinc argumentor: *Cuicunq; inest aliqua potentiarum anima, illi etiam inest anima. Semini inest aliqua potentiarum anima. Ergò semini inest anima.* (2.) Si verò à seminis formâ dictæ operationes proveniunt, illa præter animam alia esse non poterit. Duplices enim sunt illæ operationes: 1. seminis & conceptus vivificatio. 2. partium omnium quæ ad vitæ actiones necessariae sunt efformatio. Quoad priores sic argumentor: *A quacunq; formâ venit seminis & conceptus*

*A vi plastica ad animam argumentari licet.*

*An operationes in seminibus conspicua, à formâ seminis proveniāt.*

plus vivificatio, illa est anima. A seminis formâ venit seminis & conceptus vivificatio. Ergò seminis forma est anima. Major probatur, quia vivificare opus animæ est, ad eò ut non possit ulla alicubi monstrari vivificatio sine reali animæ præsentia, & ubi vita, ibi anima, etiam ad mentem Adversarij. Quoad posteriores stat Syllogismus sequens: *Ubicunq; sunt eadem effecta, ibi etiam est idem agendi principium. In semine & animato sunt eadem effecta. Ergò etiam ibi est idem agendi principium.* Major patet, quia effectus testatur de causâ, certusq; insequitur certam, idem eandẽ, & diversus diversam. Quoad Minorem egregiè ait *Experientiss. Vn. Sennertus in Consens. & Diss. Cap. 9. Eadem operationes in semine & in plantâ omnibus numeris integrâ conspiciuntur: quæ propterea idem in utroq; principium & movens indicant. Eadem enim est omninò operatio, cum anima in semine latens ex attractâ materiâ corpus plantæ fabricat: & cum eadem postea singulis annis amissa folia & flores instaurat, novos surculos, ramos, radices, protrudit, & propterea ejusdem omninò facultatis, ejusdemq; animæ indicium est.*

*Neque*

Neq; hoc solum fit in plantis, sed & in animatum perfectorum seminibus idem fieri concedendum est. Nam si non fit ex sanguine caro, nisi caro ipsa animata sanguine in carnem mutet: multò minus fiet ex sanguine animal, si semen animâ careat; neq; attrahere posset semē sanguinem maternum, nisi esset animatum. (3.) Sin autem operationes istæ à formâ matris exercentur, non video an negotium hoc magis implicetur, an explicetur. Cedro digna sunt, quæ hac de re habet Excellentiss Dn. Sennertus loco citato, dum inquit: Neque tandem y ex hisce difficultatibus sese extricare possunt, qui & formandi partes officium animæ maternæ tribuunt, & ab animâ maternâ animam deducunt. Nam si hæc opinio vera esset, cur fœmina non absq; viris conciperent? cur ova subventanea, quæ à fœminis absq; mare concipiuntur, fœtui producendo sunt inepta? & quid omninò de oviparis dicemus, quæ viduum integrum fœtum non pariunt? quid etiam de plantis, quæ utero non concipiunt, sed maris solum munere funguntur, & semen maturum in terræ gremium conjiciunt, à qua tanquam intra uterum fovetur, ut inde suo tempore planta integra edatur. Unde enim in his animâ?

Quis

An operationes in seminibus conspicuæ, à formâ matris proveniant.



*Quis hic admirandarum operationum auctor? Quis omnibus partibus numerum, ordinem, situm, figuram, qualitatem, & similia tribuit, nisi illa ipsa anima quæ in plantâ postea omnibus partibus integra, si quid avulsu est, illud instaurat & reparat, & singulis annis, cum novos ramos producit, & flores & folia reparat, formationis opus quasi de novo aggreditur; eodem planè modo, quo cum primum in parvo seminis corpore lateret, ex attractâ materiâ plantæ architecturam inchoaret. Ad quæ forsân respexit Clariss. Dn. Dannhædderus, qui in Colleg. Psycbol. Diss. 6. theor. 4. p. 192. sic ait: Anima matris virtute plasticâ non producit animam: nam 1. pater non esset pater. 2. Cur fœminæ absq; viris non possent concipere? Cur ova subventanea, quæ à fœminis absq; matre concipiuntur fœtui producendo sunt inepta? Quid de plantis dicemus, quæ maris solùm officio funguntur, & semen maturum in terræ gremium projiciunt, ubi certè bruta terra non est causa tam nobilium operationum. 3. Virtus plastica patris esset superflua, nam eam supplere anima matris posset, cum utriusq; virtutes plasticæ non differant specie. II. Uteri calorem quod spectat, habet ille rationem instrumenti, un-*

ti, unde hîc quid solatij quærere vanum est. III. Concurfus Cœlestium Universalis est, ergò nec ille animâ gignere valebit. IV. Calorem nativum vi vitali ab animâ imbui, est petitio principij, quâ de re in *Tractat. de Morb. Tot. Substant.* *Quest. 7.* abundè dictum.

*Ad Argum. V.*

*Calor non  
producit  
vermes.*

1. Minor est nulla, probatq; dubium per æquè dubium. Probandum scilicet est, calorem facere vermes. Accidens substantiam producere nescit, & inanimatum si animatum efficit, effectus nobilior iuâ causâ erit. Quæ omnia suprâ, ut & in *Tractat. de Morb. Tot. Subst.* læpius fuerunt agitata. 2. In probatione & explanatione Majoris Consequentie, afferuntur ejusmodi absurda, quæ etiam refutare valerent rustici.

*An fœtus  
in utero,  
matri in-  
star bra-  
chij & pe-  
dis adha-  
reat.*

Nempè semen & fœtum in matrice, matri instar brachij & pedis adhærere. Ergonè parturientes mutilæ & mancæ redduntur? Argumentor: *Quicumq; amittit id quod instar brachij & pedis se habet, is mutilatur. Parturientes amittunt id quod instar brachij & pedis se habet. Ergo*  
mutil-

*mutilantur. Adjiciam verba Clariss. & Excellentiss. Dn. D. Greg. Nymmani, qui in Dissertat. de Vitâ fœtus in utero pag. 28. rem hanc ita dat expeditam: Dicit quidem, non autem sufficienter probari posse, respondeo, fœtum partem matris propriè dictam esse. Nam cum partes duplices sint: Essentiales & Integrales; mox quæro, utra harum infans in utero propriè vocari atq; indigitari queat? Partem essentialē ipsum non esse, me etiam tacente, quivis percipit. Siquidem hæc vel forma vel Matéria rationem habent, quorum neutrum fœtui propriè tribui potest. Præterea sublatâ unâ parte essentiali, penitus destruitur totum; at sublato Embryone matrem non destrui, omnibus in propatulo est. Neque etiam pars integrans propriè vocari poterit. Nam quamvis unâ harum sublatâ totum essentialē non semper tollatur; integrale tamen, ad quod refertur, sit mutilum. Quis autem nato infante matrem mutilatam diceret, eamq; suam integritatem nō amplius habere statueret? Cum quoq; sublatâ animâ matris, omnes ejus partes integrantes propriè ita dictæ, simul & semel & unico quasi momento moriantur; Embryo autem cum hisce,*

S 2

*Fœtus non est pars matris Essentialis.*

*Fœtus non est pars matris Integralis.*

*ut paulò post audies , non simul vitâ prive-  
tur, hicq; utero non continuus, sed quasi ag-  
glutinator sit, quemadmodum pluribus o-  
stendi, ipsum jure & propriè partem matris  
integrantem nominari posse nullo modo con-  
cedo. Illa verò, quæ de vivifico calore  
per arterias venasq; ruente Adversarius  
adfert, paulò altioris sunt indaginis, sed  
huc nihil faciunt, siquidem tunc animâ  
facta, non fienda est.*

## PENTAS UNDECIMA.

### *Argum. I.*

E quocunq; sequitur rem unâ habere  
duos actus existenciales, vel duas formas  
ultimas, vel per unum actum ultima-  
tum existere res duas specie diversas, id  
stare nequit. Ex sententiâ de reali animæ  
in semine præsentia, sequitur rem unam  
habere duos actus existenciales, vel du-  
as formas ultimas, vel per unum actum  
ultimum existere res duas specie di-  
versas. Ergo sententia de reali animæ  
in semine præsentia stare nequit. Mi-  
nor probatur, quia semē foret per pro-  
priam suam formam, & simul etiam a-  
nimal ex semine propagandum.

*Argum.*

*Argum. II.*

Equocunq; destruitur natura generationis, id ferendum non est. E sententiâ de reali animæ in semine præsentia, destruitur natura generationis. Ergò sententia hæc ferenda non est. Minor probatur, quia generatio non est principiorum, sed totius compositi. Quando ergò illa perficitur? Non tunc cum anima fabricat corpus, quia generatio fit in instanti, fabricatio autem corporis egregium postulat tempus. Nec etiam tunc, cum generatur semen, quia deest propria materia, quæ non tantum partes seminales, sed & sanguineas requirit. Et quomodo forma cum alterâ materiæ parte propagabitur, aut ei in-  
erit?

*Argum. III.*

Nulla forma existit extra materiam propriam. Animæ materia propria quam informat, non est semen, sed corpus organicum. Ergò extra organicum corpus non existit. Major probatur, quia si forma subsistere posset extra peculiarem suam materiam, esse posset in materiâ quâlibet, & sic res quælibet fieri quodlibet.

*Argum. IV.*

Nulla forma sibi disponit materiam, sed potius materia disponitur ut formam ingrediatur. Anima est forma. Ergo materiam sibi non disponit, sed potius disponitur materia ut animam ingrediatur. Major probatur, quia alias frustraneæ essent tot tantæq; mutationes & mixtorum generationes.

*Argum. V.*

Ut se habet sanguis respectu seminis, & ovum respectu formæ pulli, ita etiam se habet semen respectu animæ. Sed in sanguine non est forma seminis, sed proxima potentia; & in ovo non est actu forma pulli, alioquin ovum esset pullus, sed proxima ad pullum potentia. Ergo etiam in semine non est actu forma rei ex eodem nascituræ, sed potentia ad eandem.

## Adversarij Verba.

## THESIS XXXI.

*Si verò anima animantis, vel anima fabricans corpus actu existat in semine, sequetur rem unam habere duos actus existentes, vel duas formas ultimas, vel per unum*

unum actum ultimum existere res duas specie diversas. Foret enim semen per propriam suam formam, & simul animal ex semine propagandum. Semen enim canis esse canem imperfectum, quoad membra vel corpus organicum concedit Scaliger propter actum presentem formam.

### THESIS XXXII.

Generatio propriè non est principiorum, sed totius compositi. Perficitur cum à generante generatur semen vel cum anima fabricat corpus: non enim fabricat corpus, quia generatio fit in instanti seu puncto, quod forma per se primò sit indivisibilis; sed neque cum generatur semen. Etiam si enim dicatur continere formam, tamen istius forma propria materia non est quæ cum illa constituit substantiam generandam, (neque enim etiam, quod benè notandum, partes seminales tantum constituunt subjectum & corpus animalis sed & sanguinea. Quomodo forma cum alterâ materia parte propagabitur aut ei inerit?) caret itaq; alterâ parte, videlicet corpore organico, quod ex semine porro extrui debet. Res autem tota generari dicitur, non altera ejus pars, & anima est actus corporis organici.

## THESIS XXXIV.

Miror,  
quid factū,  
quod Ad  
versarius  
nullam  
formave-  
rit Thefin  
33.

*Nulla forma extra propriam existit ma-  
teriam, Anima subjectum seu materia, quam  
propria informat non est semen sed corpus  
organicum. Si autem forma subsistere que-  
at, extra peculiarem suam materiam. posset  
esse in materiâ quâlibet, & sic res qualibet  
fieri quidlibet verum pro dispositione pecu-  
liaris & propria materia recipitur, servatur  
& intercidit forma.*

## THESIS XXXV.

*Forma non disponit sibi materiam, ut e-  
am ingrediatur & habitet, sed materia di-  
sponitur, ut formam recipere possit. Quo-  
circa tot tantæq; sunt mutationes & mixto-  
rum generationes, ut tandem ad nobilissimæ,  
qualis humana est, acquisitionem pervenia-  
tur. Ex elementis generantur alimenta,  
ex alimentis chylus chymus, sanguis semen;  
& uti in sanguine non est forma seminis, sed  
proxima ad id potentia, ita in semine non est  
actu forma rei ex eodem nascitura.*

*Uti in ovo non est actu forma pulli, alio-  
quin ovum esset pullus, sed proxima ad pul-  
lum potentia, ita neque in semine est actu  
forma animalis sed potentia ad ean-  
dem &c.*

Respon-



## Responsio Generalis.

*Adversarius unum idemq; non sine  
tedio aliquoties ingeminans, adole-  
sciam committit, tempus perdit, le-  
ctorem fatigat, & se parum di-  
ectorum suorum memorem  
esse indicat.*

Ἐκθεσις.

Iterum adfert Adversarius, è forma-  
rum traductione sequi, duos actus exi-  
stenciales seu específicos in unâ esse ma-  
teriâ, & unum actum ultimum in dua-  
bus esse rebus: principia non generari  
sed compositum: semen non esse ani-  
mæ materiam propriam: rem totam  
generari & non alteram ejus partem:  
animam esse actum corporis organici  
&c. Sed cui bono? Forſan ut applicet  
sibi illud Plutarchi: *Ubi ubi dolet, ibi ma-  
num habemus: ita si quid delectat, ibi lin-  
guam habemus.* Verùm majore studio  
auribus, quàm linguâ, utitur.

## Responsiones Speciales.

*Ad Argum. I.*

Minor negatur. Anima enim in se.

S S

mine

mine non habet actum formalem simpliciter sic dictum. Quâ de re hætenus sæpius, & inprimis suprà in Respons. 1. Pentadis Tertiæ.

*Ad Argum. II.*

*Quando  
fiat gene-  
ratio.*

*Generatio  
Inchoata  
quid.*

*Generatio  
Consum-  
mata  
quid.*

Minor iterum negatur. Quoad probationem, generatio utique est principiorum, ut probatum suprà in Resp. ad Arg. 1. Pentadis Secundæ. Cæterum 1. quæstionem illam, *quando perficiatur generatio*, quod spectat, distinctè respondendum est. Generatio enim vel est *Inchoata*, vel *Consummata*. Inchoata est, cum forma generatur mediante aliqua li suæ speciei materiâ. Sic cum parentes semina emisserunt, eaq; utero rectè disposito commiserunt, facta est generatio, hæc nempè quæ Inchoata dicitur. Tunc enim nec pater amplius generat, nec mater. Consummata est, cum totum compositum cum omnibus suis partibus & membris productum est. Sic cum in utero generata fuerunt ossa, venæ, arteriæ, nervi, muscoli, cor, epar, cerebrum, pulmo, ventriculus, renes, lien, & reliquæ partes omnes & singulæ, tunc facta est hæc generatio Consummata. Et hæc poste-  
rior

rior nunquam esse potest sine illâ priorî, siquidem natura non facit saltum, sed semper ab imperfecto progreditur ad perfectum: illa autem sine hac sæpissimè est, ut cum fiunt abortus, cum ova gallinis non supponuntur, aut calore debito non foventur, vel cum alio modo naturæ conatus avertitur. 2. Quæstio ista, *an generatio fiat in instanti*, uno ore hodiè ab omnibus affirmatur. Verum pensitanti 1. generationem Consummatam, quæ pro varietate animalium est varia, & ad menses, imò ad annos aliquot, nonnunquam se extendit; & 2. generationem Inchoatam, prout natura semina deponit, & depositione illâ generat: res longè aliter videtur. Nunquam enim opera hæc in momento fiunt, sed & metalla, & plantæ, & bruta, & homines, & omnia generantia, certo temporis spatio sese expediunt. Fundamentum generationis in instanti, mihi falsâ videtur hypothesis, educitio scilicet formarum è potentiâ materiæ. Cum n. formæ nō habeant partes extra partes, oportet eas simul uno momento (si educuntur) educi, quâ educatione datâ generatio à Scholasticis dicitur facta.

*An generatio fiat in instanti.*

3. A materiâ generationis Consummata, ad materiam generationis Inchoata, argumentari non licet. Non enim si ibi anima in partibus spermaticis & sanguineis est, etiam hîc ibi erit. Sufficit semen calido innato esse refertum, & sic sat apta animæ erit materia. 4. Semē partem materiæ seu corporis esse, negare, & nihilominus quomodo forma cum semine, tanquam alterâ materiæ parte, propagetur, quærere, est sibi contradicere. Putarem semen in utero habere rationem totius, non partis.

*Ad Argum. III.*

*Quo sensu  
formis cō-  
petat ma-  
teria pro-  
pria.*

Distinguendum est, inter animam prout est in actu Formali simpliciter dicto, & prout est in actu entitativo vel etiam in actu formali secundum quid dicto. Priori modo Minor conceditur: sed non posteriori. Nempè, si hominem, prout speciem mundi constituit, consideres, & in sua principia essentialia divides, illius formam Animā Rationalem & materiam Corpus Humanum vocabis. Sed, sequitur né exinde, animam nullibi nisi in hoc corpore humano esse posse? Distingue perfecta

fecta à perficiendis, completa à complendis, & consummata ab inchoatis, & rem habebis manifestam. Nec metuendum, ne res quælibet fiat quodlibet, quia non per sanguinem, non per lac, non per chylum, non per quandam partem integrantem, sed unicè per semen, illa propagatio perficitur.

*Ad Argum. IV.*

Major est nulla. Siquidem utrumq; *Forma sunt in materiâ, quæ est respectivè & disposita & indispōita.* stat, formæ & materiam dispositam cum quâ propagentur desiderant, & illam dispositam materiam ulterius uberiusq; disponunt, ordinant, & elaborant. Perfectum enim non saltem est in perfecto, sed etiam in imperfecto: sicut anima quercus enim in surculo & radice est. Probatio Majoris itidem est nulla. Nam in speciebus naturalibus non saltem forma, verum etiam materia adesse debet, quæ per multas mutationes, mistiones, ordinationes, secretiones & concretiones, perficienda & elaboranda venit. Et, ut addam quid è thes. 35, non sine absurditate Adversarius, ad animæ Rationalis è potentiâ materiæ educationem inclinare videtur. Quâ de re infra clariùs.

*Ad Arg.*

*Ad Argum. V.*

Major est bimembris. Prius membrum est, *ut se habet sanguis respectu seminis, ita etiam se habet semen respectu animæ.* Qualis quæso hîc consequentia? Alio sanè sine natura format sanguinem, & alio semen. Medium propagationis confundendum non est, cum medio nutritionis. Posterius membrum est, *ut se habet ovum respectu pulli, ita etiam se habet semen respectu animæ, seu animati.* Quod facile concedimus. Sed sic Minor petit principium: probandum enim in ovo formam pulli non esse actu. Et quamvis dicatur, ovum alioquin esse pullum, tamen nihil dicitur. Pullum enim non sola anima cum aliquali materia, sed anima cum materiâ elaboratâ, corpore scilicet organico, constituit.

## PENTAS DUODECIMA.

*Argum. 1.*

Si generatio fit, cum forma sibi ex semine fabricat corpus, sequitur rem quamlibet seipsam generare. Sed posterius est absurdum. Ergò & prius. Et quamvis respondeant, rem generari cum generatur semen: tamen sic res  
 existen.

existentialis generata foret & non existeret, actu esset & simul non esset. Procreato in testibus semine foret animal, coq; perduto moreretur.

*Argum. II.*

Si canis anima est in semine actu, canis semen esset canis. Sed posterius non est. Ergò nec prius. Et quamvis respondeat Scaliger, se assentiri, videlicet semen esse canem imperfectum, carentē articulationibus : tamen 1. cum canis sit substantia non recipiens magis & minus, impropriè dicitur imperfectus. Aliud enim est, mutilum esse, & aliud imperfectum esse. 2. si ex semine necessum est fieri corpus organicum, ut fiat pars compositi & adæquata materia seu subiectum formæ, sanè forma animalis ipsa nec in semine actu persistere, nec in illo existens rationem animalis quamvis imperfecti importare potest. 3. cum forma in semine existens, ex semine fabricat corpus, fit successivè, & ut è semine fiat corpus organicum, necesse est semen corrumpi, quoniam interim dum fabricat corpus forma non est in semine, quia id jam interiit, neque in corpore, quia id nondum præparatum & absolutum est.

*Arg.*

*Argum. III.*

Quæcunq; sententia inexplicabiles continet contradictiones, illa defendenda non est. Sententia Scaligeri de præsentia animæ in semine, inexplicabiles continet contradictiones. Ergò defendenda non est. Minor probatur, quia Scaliger Exerc. 6. no. 7. & no. 9. ait, eandem formam seminis postea futuram esse formam animalis; & tamen no. 5. rotundè ait, in semine esse animam formatricem antecedentem animam, cui parat illud domicilium, illamque priorem hac posteriori esse sapientiorrem & nobiliorem. Ubi non tantum egregia adest contradictio, sed etiam multa falsa, siquidem sana philosophia præstantiorem esse formam seminis quam animantis ex semine nati non concedit; neque etiam opus est formis rerum corruptibilibus assignare scientiam, sapientiam, & intellectum, cum non agant suo sed universi fine, & opus naturæ sit opus intelligentiæ.

*Argum. IV.*

Si semen animam rationali præditum, non est homo sub formâ perfectâ &  
ma-



materiâ imperfectâ, sequitur etiam semen animâ canis præditum non esse canem imperfectum. Sed prius habet Scaliger Exerc. 290. Ergo & posterius negare nequit. Major patet, quia quod in rebus omnibus falsum est, cur in cane verum erit? Neque enim humana tantum, sed & rerum omnium forma, in imperfectâ & indispositâ materiâ subsistere & recipi non potest. Nec excipi potest formam canis esse materialem, quia ob id maiorem materiæ postulat perfectionem.

*Argum. V.*

Nulla forma inducitur nisi in materiam planè dispositam. Anima canis est forma. Ergo non inducitur nisi in materiam planè dispositam. Major probatur, ajunt enim philosophi, quod causa inducens ultimam dispositionem, sit etiam causa introductionis formæ, quod & de animâ rationali intellectum volunt.

**Adversarij Verba.**

**THESIS XXXVI.**

*Si generatio fiat cum forma ex semine sibi fabricat corpus, res qualibet seipsam gene-*

*T*

*rat.*

ut. Atque respondent: rem generari cum generatur semen, verum sic res existentialis generata foret, neque tamen existeret, actu esset, & simul non esset. Procreato in testibus semine, foret animal, eoq; perduto moreretur, cum nemo sanus humano vel canino semine perduto animal mori, sed principium ejus in quo potentia proxima erat inveniisse profiteatur.

### THESIS XXXVII.

Si canis anima est in semine actu, canis semen esset canis. Ad hoc respondet Scaliger, se assentiri, videlicet semen esse canem imperfectum carentem articulationibus.

Sed cum canis sit substantia, non recipiens magis & minus in suo genere, improprie dicitur imperfectus. Ulti enim homo corpore mutilo vel clauda non dicitur imperfectus, sic nec canis dicendo foret ab hoc imperfecto, quod corporis articuli sint imperfecti, si modo semen proprium canis foret corpus, quantumvis mutilum cum quo anima unam constituat substantiam, quæ canis nominetur. Verum anima non est actus seminis sed corporis organici. Proinde si ex semine necessum est fieri corpus organicum ut fiat pars compositi & adequata materia seu subiectum formæ, sanè forma animalis ipsa nec in se-

in semine actu persistere, nec in illo existens, rationem animalis, quamvis imperfecti importare potest. Cum forma in semine existens, ex semine fabricat corpus, sit successive, & ut è semine fiat corpus organicum, necesse est semen corrumpi, quocirca interim dum fabricat corpus, forma non est in semine, quia id jam interiit, neque in corpore; quia id nondum preparatum & absolutum est.

### THESIS XXXVIII.

Quid est quod Scaliger Exerc. VI. no. VII. inquit, eandem formam quæ nunc est seminis postea futuram animalis, quæ animal erit hoc quod erit. Et ibidem no. 9. animam sui domicilij architectam, cum tamen no. V. rotundè dicat, in semine esse animam formatricem, antecedentem animam cui parat illud domicilium, illamq; priorem hac posteriore esse sapientiore & nobiliorem, quod fabricantem non oporteat ignorare quid quantum opus habeat illa altera ingressura, quocirca sciat cum cor edificat quid sit vita, cum alias molitur partes, earum finem & usum notum habeat, pariter formam in fine meto fabricantem corpus nobiliorem esse, quàm sit forma informans, quia sit principium movens & efficiens & dans banc.

## THESIS XXXIX.

Conciliant illa summi philosophi, qui banc ejus sententiam de animâ suam sibi domicilium exstruente sequuntur & amplectuntur. Generantem hic à generato, seu formam construente corpus organicum, ab illa secuturâ formâ quæ id informat differre statuit, quod aliâ negat, & seminis formam esse animantis ex semine nati præstantiorem, quod sana philosophia non admittit. Tendit enim natura in generatione ad id quod præstantius & nobilius est, quocirca ultimata forma, existentiam largientes cæteris præcedentibus sunt præstantiores, quia propter hanc iverant. Res actu existens semper præstantior est re illa ex cujus potentia nascitur: animal semine præstantius est: proinde seminis forma nobilior non est animalis forma: per formam res est id quod est: ergo rei dignitas à forma est. Animalis forma tantò dignior est seminis forma, quâto actus potentia. Deniq; quid opus formis rerum corruptibilibus assignare scientiam sapientiam & intellectum, cum non agant suo sed universi fine, & opus nature sit opus intelligentiæ, ut non sit necessum formam edificantem cor intelligere quid sit vita. Magnes

gues trahit ferrum, quomodo verò & cur  
& quo fine ipsemet non novit, satis est qui  
creavit, & qui conservat dirigitq; id no-  
visse.

### THESIS XL.

Atqui redeundum eò unde excideramus.  
Idem exercit. 290. ait si in semen informe  
statim introducas intellectum, erit semen  
homo sub forma perfecta, materia imperfe-  
cta: Atqui hoc absurdum, de canis autem  
animâ id verum esse neque absurdum esse  
largitur: At quod in rebus omnibus fal-  
sum, cur in cane verum erit. Neque enim  
humana tantum sed & rerum omnium for-  
ma, in imperfecta vel indisposita materia  
subsistere vel recipi non potest. Nec est quod  
excipit philosophus formam canis esse mate-  
rialem: Idcirco enim majorem dispositio-  
nem & perfectiorem materie requirit, quia  
ex ejus potentia orta est. & cum certâ ejus-  
dem dispositione perdurat. Materialis for-  
ma ideo propriam peculiaremq; desiderat vi-  
delicet ex qua nata est, materiam, ejusq; sibi  
congruentem non imperfectam dispositionem  
nec enim ex imperfecta & indisposita mate-  
ria exsurgit nec cum eadem persistit. For-  
ma seminis non erit in materia sanguinis, ne-  
que hujus in alimento, neque animalis in se-  
mine.

*mine. Forma non inducitur nisi in materiam planè dispositam, & ultimata dispositio est velut forma introductio: ajunt enim philosophi, quod causa inducens ultimam dispositionem sit etiam causa introductionis forma, quod & de animâ rationali intellectum volunt.*

### Responsio Generalis.

*Adversarius arma sumit adversus Scaligerum, semen canis canem imperfectum, articulationibus carentem, vocantem: sed frustra & vanâ sine viribus irâ.*

Εχθρος.

Maximam partem contra Scaligeri verba, quibus semen canis imperfectum canem appellat, pugnat: cum tamen nescius non sit *Excellentiss. Dn. Sennertum*, de illâ Scaligerianâ locutione parum esse sollicitum, & sive toleretur, sive non toleretur, nemini ob id irasci. Si cui ita loqui non placet, ait in *Conf. & Diff.* cap. 9. quia membrorum articulatio non adsit, me non offendit. Si ergò *Dn. D. Freitagio* locutio illa non placet, quid hoc ad *Dn. D. Sennertum*?

Respon-

# Responsiones Speciales.

## *Ad Argum. I.*

Major est nulla. Cum enim generatio alia sit Inchoata seu Imperfecta, alia Consummata seu Perfecta, anima cum partes generat, seipsam non generat, sed id quod inchoatum & imperfectum est, consummare & perficere laborat. Nec metuendum, ne re existentialis (ut loqui gessit Adversarius) generata sit & non existat, actu sit & simul non sit : aliud enim generatione Inchoatâ, & aliud generatione Consummatâ generatur, ita ut illud utiq; sit, licet hoc non sit. Sic licet pes non sit, tamen anima est, quia hujus generatio non est istius generatio, & istius non hujus, ac impossibile est duas has generationes in animalibus perfectis fieri simul. Multò minùs metuendum, ne procreato in testibus semine fiat animal, eoq; perduto perdatur animal, & procreato semine in homine fiat homo, & perduto eo perdatur homo, aut forsan ne ἡζονες ἑθνοῦς poenâ capitis plectendi veniant. Nam 1. utriusque sexus semen in utero debite ac legitime mistum intelligimus.

*Quid post factam in utero conceptionem generetur.*

*An ἡζονες ἑθνοῦς perpetre homicidium.*

T 4

Quor.



Quorsum ergò huc semina vel in testibus contenta, vel temerè profusa? 2. Animal & homo (suppositione absolutâ) nil dicitur, quod necessariis caret partibus. Quorsum ergò hæc ad semina?

*Ad Argum. II.*

Fuit fermè ad omnia responsum: breviter tamen pauca repetam, & nonnulla addam. Nempè 1. Major est nulla. Canis enim vox *non diminuta* toti composito rectè elaborato competit. 2. Scaliger canis vocem diminuit: ergò à termino *diminuta* ad terminum *absolutum* argumentari, est Sophisticè à dicto secundum quid ad dictū simpliciter procedere. 3. Locutionem Scaligeri de cane imperfecto *Clariss. Dn. Sennertus* adeò non defendit, unde contra eum Adversarius malè excipit. 4. Nec quid *imperfectum*, nec quid *mutilum* sit, Ad-

*De Perfe-* versarius intelligit. Ait, *cum canis sit*  
*cto & Im-* *substantia non recipiens magis & minus,*  
*perfecto.* *improprie dicitur imperfectus.* Ratio hæc  
 egregia est. Sic non dabuntur metalla  
 imperfecta, quia metalla substantiæ sunt,  
 quæ magis & minus non recipiunt: non  
 dabuntur animalia imperfecta, quia ani-  
 malia



malia substantiæ sunt, quarum non est magis & minus recipere: non dabuntur ossa imperfecta, quia ossa substantiæ sunt &c. Quando quæso tota dicuntur perfecta & quando imperfecta? Dubio procul tunc, cum partes vel perfectæ vel imperfectæ sunt. Tota enim totius perfectio à partium perfectione est. Hinc Metaphysici (ad quos termini hujus explicatio spectat) non dubitant Bimum appellare imperfectum. Si jam *D. Freitagius* dicam istis scriberet, & bimum substantiam esse, quæ magis & minus non recipiat, regeret, Doctorem hunc nescire quid Perfectum & Imperfectum sit, protinus audiret. Si quidem cum Ens in Perfectum & Imperfectum dividitur, non essentialis perfectio intelligitur: quia sic omne ens est perfectum: sed accidentalis, respectu quantitatis, figuræ, dispositionis, finis &c. attenditur. Cur ergo Metaphysici bimum respectu quantitatis non dicerent imperfectum? Cur Physici embryonem respectu quantitatis, dispositionis, & finis, non appellarent imperfectum? Cur Scaliger semen canis respectu quantitatis, figuræ, dispositionis,

T 5

&amp; fi.

*De Mutilo.*

& finis, non vocaret seu canem, seu animal, seu corpus imperfectum? Et nihilum quidem huc pertinet, quod addit Adversarius, aliud esse mutilum, & aliud imperfectum. Verissimum sanè hoc est, sed quid ad rem, mi Freitag? Estné semen in utero ens imperfectum, an ens mutilum? Proceditné natura ab imperfecto ad perfectum, an à mutilo ad integrum? Miræ subtilitates contra subtilitatum afferuntur Magistrum. Est manetq; semen in utero ens imperfectum, licet substantia sit, quia imperfectio accidentia respicit, non essentias. Mutilum verò semen appellare, est planè delirare, quia mutilum propter partis alicujus integrantis defectum, non propter partium imperfectionem, nec etiam propter omnimodam partium omnium absentiam, est & dicitur. Hinc si dicis, omnes partes integrantes in semine abesse, & propterea id mutilum vocandum; respondemus, mutilum præsupponere aliquas partes integrantes, & ubi omnes partes unà desunt ibi mutilum non esse. Sic anima Rationalis à corpore separata, homo mutilus dici nequit, ob omnimodam omnium par-

partium integrantium absentiam : Substantia Incompleta tamen vocatur, quia differunt immensum, Incompletum, Mutilum, & Imperfectum. Hinc & bimulus mutilus non dicitur, quia habet omnes suas partes : imperfectus tamen dicitur, quia nondum justam suam habet magnitudinem. 5. Non sequitur, si ex semine fieri debet corpus organicum animalis, forma animalis non actu est in semine. Contrarium potius infertur, quia nempe anima ex illo semine facere debet corpus organicum, ergo in eo necessario actu esse debet. Ratio, quia non operatur ad distans. 6. Quid hoc est, anima in semine existens rationem animalis, quamvis imperfecti, importare non potest? Anima sane non facit, ut animal imperfectum dicatur, hæc enim satis perfecta est, sed corpus in causa est, quia hoc elaborandum, disponendum, formandum, & augendum est. 7. Quomodo semen dicitur corrumpi? An Cate-gorematicè, an Syncategorematicè? An in sensu Diviso, an in sensu Composito? Cate-gorematicè seu in sensu Diviso

*An semen  
Cate-gore-  
maticè, an  
Syncate-  
goremati-  
cè corri-  
patur.*

corrumpi dicitur id cuius singulæ partes mutationem substantialem sentiunt. Syncategorematicè seu in sensu Composito corrumpi quid dicitur, cum totum quâ totum mutatur. Sic dicimus totum hominem mori, non ac si unâ cum corpore anima etiam moreretur, sed quia homo non amplius manet homo. Idem contingit in semine, quod dicitur totum mutari & corrumpi Syncategorematicè, nempe, quatenus semen non manet semen. Frustrâ ergo hîc regerit Adversarius, animam interim dum corpus fabricat in semine non esse, neque etiam in corpore, quia id interiit, & hoc nondum est. Si semen Categorematicè interiit, è quonâm fiunt ossa, arteriæ, venæ, & omnes partes spermaticæ? Dubio procul, ex nihilo. At ex nihilo nihil fit, ad mentem Freitagii. Ergo ossa, arteriæ, venæ, & omnes partes spermaticæ sunt nihil.

*Ad Argum. III.*

Minor est falsa, frustra q̃, Adversarius exagitat Scaligerum, quem non intelligit. I. Contradictionem è verbis Scaligeri extorquet, idq̃ illi adscribit, quod

quod ne per somnium quidem cogitavit. Nempè *Exercit. 6.* non semel Scaliger ait, illam ipsam animam quæ in semine fuit, postmodum etiam animalis futuram esse formam. Quibus verbis Adversarius opponit id, ubi in semine esse animam formatricem, antecedentem animam cui parat illud domicilium, illamq; priorem hac posteriori præstantiorem & sapientiorem esse, idem Scaliger eadem *Exercit. 55.* habet. Hinc contradictiones, falsa & absurda, è verbis Scaligeri necere omni attentat conamine. Verùm mens subtilitatum Magistri altius si pensitatur, longè aliud sonat. Disputat enim ibi non è propriis, sed è concessis, hoc pacto: *Fabrica corporis aut sit à substantiâ, aut ab accidente, aut ab utroq;.* Non ab accidente solo. Ob rationes quas addit. Ergò à substantiâ. *Hac substantia, anima erit, quia easdem operationes habet, quas alias anima habet. Si anima erit, & nihilominus forma extrinsecus venire debent, erit in semine anima formatrix antecedens animam cui parat illud domicilium:* erit prior illa posteriore hac sapientior & nobilior, quemadmodum nos anteit potestate & sapientiâ.

Crea-

*Discursus  
Scaligeri.*

*Creator Opt. Max. qui nostra hæc utenda dedit nobis: erit non nescia, quid, quantum opus habeat illa altera ingressura: erit benè instructa, cum cor ædificat, quid sit vita: erit etiam illa forma quæ in finem fabricat corpus, nobilior quàm forma informans* Præter omne ergo meritum jam subtilissimus Scaliger à Freitagio carpitur & discerpitur. Disputat enim ille κατ' ἀνθρώπων, & illis qui formam extrinsecus venire putant sese opponit, falsa quæ nonnulla è sententiâ istorum nectit, quæ falsa cum sanis ipsius Scaligeri sententiis pugnare animadvertens D. Freitagius, mirum durumq; in modum vociferatur & indignatur. Ita nempe cum scopum dicentis non attendimus facile decipimur, stulte q; & inepte excipimus. 2. Transeat quod formas dicat corruptibiles, & tamen eas cum Scholasticis nec generari, nec corrumpi, statuatur. Malè nunc opponit, quæ sunt subordinata. Naturæ opus est opus intelligentiæ, dicit, ergò scientia, sapientia, & intellectus, istis formis corruptibilibus adscribi non debent, cum etiam agant non suo sed universi fine. Argumenta formarentur

tur hoc modo: (1.) *Quacunq̃ ita agunt, Argum.*

ut illorum opus adscribatur intelligentia, illa nullâ opus habent scientiâ & sapientiâ.

Forma corruptibiles ita agunt, ut illarum opus adscribatur intelligentia. Ergo for-

ma corruptibiles nullâ opus habent scientiâ & sapientiâ. Ubi Majorem oppo-

*Resp.*

nerere ea, quæ subordinata sunt, quis non videt? Do instantiam: *Quacunq̃ ita*

*agunt, ut illorum opus adscribatur intelli-*

*gentia, illa nulla opus habent scientiâ & sa-*

*pientiâ. Omnes natura ita agunt, ut illa-*

*Argum.*

*rum opus adscribatur intelligentia. Ergo o-*

*mnes natura nullâ opus habent scientiâ*

*& sapientiâ. Plura suprâ in Respons. ad*

*Argum. IV. Pentad. Sexta. (2.) Quacunq̃*

*non agunt sui, sed universi sine, illa non opus*

*habent scientiâ & sapientiâ. Forma cor-*

*ruptibiles non agunt sui, sed universi sine.*

*Ergo forma corruptibiles non opus habent*

*scientiâ & sapientiâ. Ubi Minor pessima*

*est, ut dictum probatumq̃ suprâ loco*

*modò citato.*

### *Ad Argum. IV.*

Iterum Adversarius locutionem Scalligeri de cane imperfecto impugnat, unde quid addere fermè supervacane-

um

um est. Hoc tamen summè urgere videtur, cur in cane saltem verū sit, quod semen ejus imperfectus canis audiat, in homine vero & aliis omnibus id falsum deprehendatur. Sed respondeo 1. Scaliger disputat è suâ hypothesi, ac si anima humana à Deo creetur, & in corpus rectè elaboratum introducatur. Unde subjungit: *De canis animâ, quæ est materialis, verum est: unam eandemq; esse in semine & in cane.* Neque primum plantæ vitam vivere: nisi quia caret instrumentis. At in homine longè alia ratio. Advenit enim à Cælo nova creata anima post fœtus articulationem: qua animâ tunc massa illa homo fit. Hoc ergo vult Scaliger: si in semen informe statim introducas intellectum seu animam hominis, erit semen homo sub formâ perfectâ, materiâ imperfectâ. Falsum autem & absurdum est, dari hoc sensu imperfectum aliquè hominem. Cur? Quia anima hominis advenit demum post articulationem, atque sic protinus fit homo perfectus, non autem prius imperfectus. Quâ autem fit, quod detur canis imperfectus? Respondet Scaliger, quia ibi anima nō demum accedit, cum membra sunt elaborata.

*Hypothesis Scaligeri.*



börata, sed statim ea unà cum semine propagatur. 2. Falsum est, in solo cane ad mentem Scaligeri verum esse, quod semen ejus sit imperfectus canis, sed de omnibus animalibus hoc verum est, uno excepto homine, de quò id falsum & absurdum esse putat Scaliger, cum anima hominis in semine nunquã sit. 3. Exceptio, de formâ materiali, utiq; ad mentem Scaligeri valet, quia hæc non creatur, sed traducitur: immaterialis autem creatur. Nec momenti alicujus est, quod Adversarius regerit, formam materialem majorem dispositionem & perfectionem materiæ requirere, quia ex ejus potentiâ orta sit, & cum certâ ejusdem dispositione perduceret: hoc enim Scaligero falsum est, unde probandum, non pro certo & probato assumendum, venit.

*Ad Argum. V.*

Transcat, quod forma in planè nullam, siue dispositam, siue indispositam, inducatur materiã. Aliud enim est induci, aliud traduci. 1. Majorem probat Adversarius probatione ridiculâ. Cui enim forma non nisi in materiã  
V
planè

*Mira Ad-  
versarii  
subtilitas.*

planè dispositam inducitur? Respon-  
det, quia ajunt Philosophi quod causa indu-  
cens ultimam dispositionem sit etiam causa  
introductionis formæ quod & de animâ ra-  
tionali intellectum volunt. Fiat Syllogi-  
smus: Quicquid ajunt Philosophi, illud ve-  
rum est. Philosophi ajunt, quod causa in-  
ducens ultimam dispositionem, sit causâ in-  
troductionis formæ. Ergò id verum est.  
Do instantiam: Quicquid ajunt Philoso-  
phi, id verum est. Animam esse actu in se-  
mine, & formas non induci, non educi, sed  
traduci, ajunt Philosophi. Ergò id verum  
est. Ergò D. Freitagius qui contrarium di-  
cit, falsum dicit. Vel: Quicquid ajunt Phi-  
losophi illud verum est. Nil tam absurdè di-  
ci potest, quod non ajant Philosophi. Ergò  
nil tam absurdè dici potest, quod non verum  
sit. Major est Freitagij. Minorem ajunt  
Philosophi, ergò vera est. In prover-  
bium enim abiit ante secula multa inter  
ipsos Philosophos: Nil tam absurdè dici  
potest, quod non ab aliquo dictum fuerit  
Philosophorum. 2. Jam tandem sese  
prodit humile & crassum Adversarii de  
Animâ Rationali judicium. Scilicet  
etiam hanc educi è potentiâ materiæ  
putat. Ajunt philosophi, dicit, quod  
causa

*Adversa-  
rio etiam  
Anima  
Rationa-  
lis è potē-  
tiâ mate-  
riæ educi-  
tur.*

causa inducens ultimam dispositionem  
 sit etiam causa introductionis formæ,  
 quod & de animâ rationali intellectum  
 volunt. Itanê ergò divinæ particulam  
 auræ humi affigere, & è cœcâ illâ Ele-  
 mentorum crâsi derivare non dubitat  
 D. Freitagus? Ajunt quidem id Phi-  
 losophi, sed paucissimi, plurimi verò  
 non sine reverentiâ quadam animam  
 rationalem excipiunt, illamq; creati,  
 quàm educi, malunt. Imò ipse Ad-  
 versarius semper κατὰ τὸ ῥητὸν Animam  
 Rationalem hætenus excepit, an verò  
 Creationem, an Traductionem istius  
 statuât, non addidit, & jam parùm so-  
 briè approbat id quod ajunt crassi illi,  
 & hîc non philosophantes Philosophi.  
 Approbat, inquam, non nudè recen-  
 set, quia philosophos loco medij ter-  
 mini quoad inductionem formarum  
 adducit.

### PENTAS DECIMA TERTIA.

#### *Argum. I.*

Ut se res habet de formâ, ita etiam se  
 habet de materiâ. Sed forma sanguinis  
 non potest esse forma seminis; neque  
 forma seminis forma animalis. Ergò

etiam materia sanguinis & seminis non sunt materia animantis.

*Argum. II.*

Si generatio fit per propagationem identicarum formarum, semina rerum suas propagabunt formas, & sic semina generabunt semina, chylus chylum, sanguis sanguinem, cibus cibum, & homo hominem, non autem semen, vel semē hominis erit homo. Sed posterius est absurdum. Ergo & prius.

*Argum. III.*

Si formæ propagantur sui divisione & translatione in semen, generatio nō erit mutatio à non esse ad esse. Sed posterius est paradoxum. Ergo & prius. Consequentia Majoris est, quia semen canis à Scaligero dicitur ipse canis; & semen quercus erit actu quercus, quia anima quercus in illo est; nec in semine stabit aliqua corruptio, quia forma seminis & rei ex semine genitæ est eadem, res autem illa perit, cujus forma perit.

*Argum. IV.*

Positâ formâ, ponitur formatum: ergo positâ animâ canis, ponitur canis: positâ animâ quercus, ponitur quercus.

cus

cus: positâ animâ hominis ponitur homo &c.

*Argum. V.*

Si anima eo modo quo se extendit in augmentando derivatur in semen & ex semine producit corpus, idem generat scipsum, & est à seipso, non ab alio. Sed posterius est falsum. Ergo & prius,

## Adversarij Verba.

### THESIS XLI.

*Quocirca cum sine dispositione convenienti forma esse nequeat, ejusq; apparatus intereunte ipsa intercadat, necessario sequitur illam non nisi in propriam & sibi peculiari-ter preparatam induci vel educi. Talis enim substantiarum pars altera est materia, ut ad rei constitutionem tam sui quam forma proprietates & ratio requiratur. Uti forma sanguinis non potest esse forma seminis neque forma seminis, forma animalis, ita quoque materia sanguinis & seminis accommodata & propria non sint formae animantis, nec cum eo corpus vel perfectum vel imperfectum & mutilum statuent, quia cum illis & in illis existere nequeunt.*

## THESIS XLII.

*Demum si generatio, sit per propagationem identicarum formarum, semina rerum suas propagabunt formas, & sic semina generabunt semina, chylus chylum, sanguis sanguinem, cibus cibum. Homo nec generabit semen ex quo homo, sed continuo producet hominem, vel necessum erit semen esse hominem, uti Scaliger dicebat semen canis esse canem, corpore saltem mutilum.*

## THESIS XLIII.

*Si anima rerum & forma propagentur ex sui divisione & translatione in semen, generatio non erit mutatio à non esse ad esse. Est enim semen canis ipse canis per formam à generante decisam juxta eorum placita. Et semen quercus est actu quercus, quia anima quercus in illo. Nec enim per corruptionem seminis res nascitur, quia forma seminis & rei ex semine orta est eadem; res autem illa perit, cujus forma perit.*

*Verum forma & formatum sunt tempore simul, nec forma formatum nec formatum precedit formam, quia generatio fit in momento.*

THES.

## THESIS XLIV.

*Si forma propagaretur participatione  
formæ generantis in semen, uti anima sese  
extendit in augmentando, & eadem anima  
ex semine producit corpus, idem generat sei-  
psum & est à seipso nec ab alio. In semen  
autem non posse propagari animam gene-  
rantis quemadmodum per augmentationem  
in corpus, quia semen non sit pars corporis,  
suprà ostensum est.*

## Responsio Generalis.

*Parum novi Adversarius adfert.*

Ἐκθασς.

Dicit Adversarius, ad formæ præsen-  
tiam requiri materiæ dispositionem  
convenientem, hinc eam non nisi in  
propriam & sibi peculiariter præpara-  
tam induci vel educi; chylum non ge-  
nerare chylum, & sanguinem sangui-  
nem; generationem fieri à non esse ad  
esse, positâ formâ poni formatum; ni-  
hil generare seipsum &c. Sed omnia  
hæc etiam suprà dixerat sæpius. Spera-  
bam nova ab Adversario, sed nova non  
sunt, quæ novit.

# Responsiones Speciales.

## Ad Argum. I.

*Quomodo corpora materia conveniant, & quomodo disconveniant.*

*Aliter se habet materia Permanens, & aliter Transiens: aliter Productionis, & aliter Constitutionis.*

1. Distinguo inter materiam *Proximam & Remotam*. Quoad Proximam concedo argumentum totum. Omnino enim alia materia proxima est animantis, & alia seminis, alia sanguinis. Quoad materiam Remotam verò Argumentum concedi nequit, aliàs ita argumentarer: *Quicquid habet rationem materia in sanguine & semine, illud non habet rationem materia in animantibus. Quatuor Elementa habent rationem materia in sanguine & semine. Ergo quatuor Elementa non habent rationem materia in animantibus.* Et hoc est, quod communiter docent, corpora naturalia materiâ convenire, formâ disconvenire. 2. Argumentari à materiâ sanguinis & seminis ad materiam animantis, est materiam *Transseuntem* cum *Permanente*, & materiam *Productionis* cum materiâ *Constitutionis seu Compositionis* confundere. Ratio manifesta est, quia omnium consensu sanguis & semen in constitutione animantis mutantur, totamq; essentiæ & naturæ suæ integritatem non retinent.

3. For-



3. Forma & materia conveniunt *in tantum*, sed non *in totum*. Hinc non in omnibus se habet materia, ut forma. Argumentarer enim: *Ut se res habet de forma, ita etiam se habet de materia. Sed forma, ad mentem Adversarii, è potentiâ materiae educitur. Ergo etiam materia è potentiâ forma educitur.*

*Forma & materia quomodo conveniunt.*

*Ad Argum. II.*

1. Falsa est Major. Propagatio enim est specierum, non nutrimentorum, non excrementorum, non partium integrantium &c. Homo ergo generat hominem, equus equum, & canis canem; non autem sanguis sanguinem, semen semen, chylus chylum, & forsan ventriculus ventriculum, pes pedem, & brachium brachium. 2. Generationem fieri per propagationem identicarum formarum, duplicem habet sensum. Primus est, de *identitate numerica*, & sic negamus generationem fieri per propagationem identicarum formarum. Retinet sanè suam animam pater, suam canis generans, suam equus, suam cætera, & aliam numero à seipsis distinctam producant. Secundus est,

*Quid generet.*

*An generatio fiat per propagationem identicarum formarum.*

de *identitate specificâ*, & sic concedimus generationem fieri per propagationem identicarum formarum. Generans enim & genitū numero sunt duo, specie unum. 3. Quærere, cur homo non immediatè generet hominem, sed prius semen, cum tamen debeat generare sibi simile, est (1.) nescire naturam non facere saltum, sed progredi ab imperfecto ad perfectum, & (2.) confundere generationē Inchoatam cum Consummatâ, seu, ut Aristotelici loquuntur, generationis terminum Partialem cum Totali.

*Ad Argum. III.*

*An, & quo modo, generatio sit mutatio à non-esse ad esse.*

Transeat quod confundatur terminus Diminutus cum Absoluto. 1. Illud non-esse, ille non-homo, & ille non-canis, quid notant aliud, quàm *Privationem* Scholasticorum? Hæc ergo cum sit suspecta, imò in rei veritate nulla, istis qui non tam hominum voces & mentes, quàm Naturæ dictamina, magni æstimant, inconueniens non erit, canem non fieri sensu Scholasticorum ex non-cane, hominem ex non-homine, & equum ex non-equo. 2. Si tamen loquendum cum multis & sapiendum

dum cum paucis iudicium *Clariss. Dann-  
bavveri* videtur tutissimum, qui in suo  
*Colleg. Psychol. Theor. 4. p. m. 192.* ita ait :  
*Obj.* Si anima statim adest in semine primo  
puncto conceptionis, sequitur, semen jam-  
dum esse hominem, adeoque ex homine fieri  
hominem, quod est contra principia Physica.  
*Resp.* Semen duplicem habet potentiam,  
vel ad actum primum, quatenus adhuc est  
intra vasa spermatica, sic est ille non homo  
ex quo homo generatur: vel ad actum se-  
cundum, id est, ad functiones vitales, qua-  
tenus jam prolificum, & in utero conceptum  
est, sic est totum essentiale, id est, homo con-  
stans ex anima & corpore: verum non in-  
tegrale, quia desideratur adhuc partium or-  
ganizatio. 3. Etiam si anima quæ in se-  
mine fuit, permaneat in genito: tamen  
stat seminis corruptio Syncategorema-  
ticè sumpta, quia semen non manet se-  
men. Neque eadem est forma seminis  
& rei ex semine genitæ: fuit enim ani-  
ma in semine, non ut forma Specifica  
in suo informationis subiecto.

*An semen  
corrumpatur.*

#### *Ad Argum. IV.*

Fuit responsum suprà, ubi eandem  
Adversarius cecinit cantilenam.

*Ad Arg.*

*Ad Argum. V.*

Simile non est idem. Animam multiplicare se sui promotione, eâ ratione, quâ in accretionibus induit sese in alimentum materiam novam, similis loco adfert Scaliger, & Clariss. Dn. Senner-tus cum ipso. Cum ergo omne simile sit etiam dissimile, ultra debitum similitudinis objectum extendi non debet. Hinc Major est nulla. Non enim sicut idem seipsum nutrit & auget, ita etiam idem seipsum generat. In promotione enim in certam materiam saltem conveniunt, non in omnibus.

## PENTAS DECIMA QUARTA.

*Argum. I.*

Si formæ per sui propagationem mo-ventur, dici nequit, quomodo ex chylo fiat sanguis, & ex sanguine semen. Nec enim per transmutationem nec per propagationem id fieri potest. Ergo formæ per sui propagationem non mo-ventur.

*Argum. II.*

Si forma propagatur, ubi interciden-te individuo manebit? an in nihilum  
redi.

redigetur? Sed id naturaliter fieri nequit. Quomodo enim rerum pars potior, totam complens perficiensq; essentiam redigetur in nihilum?

*Argum. III.*

Principia propriè non generantur, aut corrumpuntur, sed res ex iisdem natæ. Forma est principium. Ergò forma non generatur, nec corrumpitur.

*Argum. IV.*

Quicquid tollit omnem generationem æquivocam, id statuendum non est. Formarum propagatio & multiplicatio, tollit omnem generationem æquivocam. Ergò statuenda non est.

*Argum. V.*

Quicquid tollit omnem omnium inanimatorum generationem, illud concedendum non est. Formarum propagatio & multiplicatio tollit omnem omnium inanimatorum generationem. Ergò concedenda non est. Major patet, quia lapides, gemmas, & metalla, singulis seculis fieri observamus, & mista inanimata generari adhuc, non autem omnia à conditò mundo extitisse, fatetur ipsemet Clariss. Sennertus.

Adver-

## Adversarij Verba.

## THESIS XLV.

*Si forma per sui propagationem movetur, quomodo ex chylo fiet sanguis, ex sanguine semen: nec enim per mutationem à precedente factam, qualis est aeris in ignē, exoritur, nec per sui propagationem introducitur.*

## THESIS XLVI.

*Intercidente individuo ubi manebit forma? an in nihilum redigetur? id naturaliter fieri non potest. Quomodo enim rerum pars potior, totam complens perficiensq; essentiam redigetur in nihilum?*

## THESIS XLVII.

*Principia rerum sunt incorruptibilia, neque propriè generantur aut corrumpuntur, sed res ex iisdem nata.*

*Deniq; si forma fuerunt ab initio creationis tales ut se propagando & seipsas per sui divisionem multiplicando, rerum omnium generationem perficiant, omnis generatio erit univoca: nulla mixta inanimata ut metalla, lapides & gemma, à condito mundo generate sunt, nec bodiè generantur, vel in posterum generabuntur (mirum quomodo gene-*

generetur calculus in renibus & vesicâ) cum  
tamen & lapides & gemmas & metalla sin-  
gulis seculis fieri observemus, & mista inani-  
mata generari adhuc, nec à condito mundo  
exstuisse omnia. Clariss Senn. ipsemet in lib.  
de Galen. cum Chym. cons. & diss. fol. 233.  
fateatur.

## Responsio Generalis.

*Adversarius (1.) vagatur extra  
oleas, & (2.) eadem argumenta ter-  
tiâ & quartâ, si non quintâ,  
vice proponit.*

Εκ τούτου.

(1.) Sollicitus est, quomodo ex chy-  
lo fiat sanguis, & è sanguine semen; &  
ubi individuo intercidente maneat for-  
ma? Ad prius dictum fuit suprâ, nos  
hîc agere de formis substantialibus spe-  
cierum, non de formis nutrimento-  
rum & excrementorum; ad posterius  
respondemus, nos jam non disputare,  
de formarum interitu, sed de forma-  
rum ortu. Videat Tract. de Morb. Tot.  
Subst. Quæst. 4. ad Except. Respons. II.

(2) Re-

(2.) Refert, principia non generari & corrumpi, propagationem formarum tollere generationem æquivocam, & tollere etiam generationem inanimatorum: sed ad omnia responsum est aliquoties.

## Responsiones Speciales.

*Ad Argum. I.*

Fuit responsum.

*Ad Argum. II.*

Fuit responsum.

*Ad Argum. III.*

Fuit responsum.

*Ad Argum. IV.*

Fuit responsum.

*Ad Argum. V.*

Fuit responsum.

## PENTAS DECIMA QUINTA:

*Argum. I.*

Quæcunque se invicem pellunt, illa primò sibi sunt contraria. Formæ primò sibi non sunt contrariæ. Ergò formæ se invicem non pellunt, & p. c. etiam ille generationis modus, qui fit per mutuam formarum expulsionem, est falsus.

*Argum.*



*Argum. II.*

Si formæ Elementorum fiunt per mutuam expulsionem, illæ formæ se citius potiusq; periment, à quibus major contrarietas. Sed posterius est falsum, quia in aëre est potior potentia recipiendi ignem, quàm in aquâ, & in habentibus symbolum facilior est transitus & mutatio quàm in a symbolis. Ergò falsum etiam est prius.

*Argum. III.*

Si id quod in ligno aëreum & oleaginetum est, in flammam vertitur, terream verò & aqueum continuò flammam non recipiunt, sequitur Elementa in se mutuò transire per conversionem, non per expulsam vel propagationem formarum diversarum. Sed prius est. Ergò & posterius.

*Argum. IV.*

Si formæ Elementorum per expulsam & propagationem fiunt, non opus est dispositione præviâ. Sed opus est dispositione præviâ. Ergò formæ Elementorum non fiunt per expulsam & propagationem. Major patet, quia formæ per propagationem divisam translata etiam transeunt in materiam indis-

X

posi.

positam, qualiter anima canis transire  
dicitur in semen.

*Argum. V.*

Si in Elementorum generatione mutua contingat, ut perficiatur formarum  
expulsione, reddatur ratio, quomodo  
mistorum formæ educantur vel indu-  
cantur. An forma gemmæ expella-  
formam silicis, aut metalli, aut aliam.  
Siquidem per semen non propagantur.  
Sed ratio reddi non potest. Ergo etiam  
non stabit illa expulsio.

**Adversarij Verba.**

**THESIS XLVIII.**

*Haecenus quomodo per formarum pro-  
pagationem ex sui divisione non fiat rerum  
generatio, vidimus, superest ultimus, quem  
adferunt, modus, videlicet per mutuam ex-  
pulsionem, quam elementorum sese perimen-  
tium & generantium exemplo, quamvis ipse  
met in hac opinione fluctuent, demonstrar-  
satagunt. Sed neq. hoc dogma constare po-  
se coram tribunali veritatis philosophica ex  
inde patet, quia si per alterius forma expul-  
sionem elementa ex se mutuo generentur  
forma sibi invicem erunt primo contraria*  
Atque

Atqui sic illa forma sese citius potiusq; pertinet à quibus major contrarietas, proinde ignis magis aqua contrarius quàm aeri, potius ex aqua quàm aere generabit sui simile. Sed hoc falsum est, siquidem in aere potior potentia recipiendi ignem propter qualitatem magis cognatam, ita in habentibus symbolum facilior est transitus & mutatio, cujus contrarium fieret, si per contraria forma expulsiōem altera induceretur.

### THESIS XLIX.

Elementa autem in se mutuò transire per conversionem non expulsum vel propagationem formarum divisarum exinde liquido constat, quod illa ligni materia qua flamma rapax in flammam vertitur, scilicet id quod in ligno aereum & oleagineum erat; terreum verò quia indispositum uti & aqueum eundem continuo non recipiat.

Quocirca cum non continuo ab extremis in extrema fiat transitus, necessario etiam in elementis requiritur quadam dispositio ad recipiendam alterius elementi formam. Illa verò qua apparat materiam, ut sit habilis ad capescendam aliam formam, etiam facit ut sit amplius inhabilis pro presente talemq; eam statuit ut nullam aliam

X 2

quàm

quàm banc subsequenter peculiarem recipere possit. Hac ratione ex aqua non fit aer nisi illa maxime rarefacta & calefacta, & sic disposita ut accedente summa formæ generantis operatione similis educatur. Quod si per expulsum & propagationem fieret, non opus fuisset dispositione præviâ, per qualet futura formæ amicas, siquidem formæ per propagationem divisam translata etiam transeunt in materiam indispositam, qualiter anima canis, uti volunt, est in ejus semine. Sed si in Elementorum generatione mutua contingat, ut perficiatur formarum expulsiōe, reddant rationem, quomodo mixtorum formæ educantur vel inducantur. An forma gemmæ expellat formam silicis aut metalli aut aliam? siquidem per semen non propagantur.

## Responsio Generalis.

*Adversarius pugnat cum Aristotele & Aristotelicis, de quo viderint ipsi.*

Transmutationem  
Elementorum  
Aristoteles  
ex Ocello  
Lucano  
desumpsit.

Ex 9<sup>o</sup> c. 15.

Aristoteles ex Ocello Lucano repetit omnia Elementa apta esse inter se permutari.

mutari, propterea, quia τὰ στοιχεῖα πάντα  
 ἔχει ἐναντίωσιν εἰς ἄλληλα, διὰ τὸ τὰς δι-  
 φορὰς ἐναντίας εἶναι. 2. *de generat. & cor-  
 rupt. cap. 4. t. 24.* Permutationem istam  
 fieri putat, per mutuam formarum ex-  
 pulsionem, ita ut ignis expellat formam  
 aëris, aër formam aquæ, & sic conse-  
 quenter. Hanc transmutationem jam  
 negat Adversarius, qui tamen aliàs ma-  
 yult cum antiquis falsitatē, quàm cum  
 recentioribus veritatem, defendere, &  
 cui semper in ore & corde veneranda  
 illa antiquitas, veterum vera philoso-  
 phia, & similia, ibi etiam, ubi opinio ali-  
 qua vix à Scholasticis nonnullis fuit fi-  
 cta & picta. Rejici ergò possent sim-  
 pliciter argumenta hæc, quippè quæ  
 nos non feriunt: cum tamen miseris &  
 ineptis petere videatur Aristotelicos  
 armis, & expulsionem formarum subindè  
 adjungat propagationem earum, quid  
 respondere queant Aristotelici brevi-  
 ter sumus visuri. Interim de Elemen-  
 torum transmutatione quid cum Viris  
 Doctis sentiam, dictum fuit suprà in

*Respons. ad Argum. V. Pentad.*

*Tertia.*

X 3

Respon-

# Responsiones Speciales.

## Ad Argum. I.

Respondere possunt Aristotelici 1. *Indirectè*, per Instantiam: *Quacunq; se invicem pellunt, illa primò sibi non sunt contraria. Aves primò sibi non sunt contraria. Ergò aves se invicem non pellunt.* Minorem probare queunt eodem Adversarij medio termino, quia substantiæ sunt, quib; nihil est contrarium. Conclusio tamen falsa est, quia accipiter pellit columbã. Imò ejusmodi pugnas substantiarum ubivis deprehendimus: Pellit fumus apes, pellit unicornu araneã, pellit & expellit mare cadavera & sordes, pellunt corpora animalium excrementa &c. 2. *Directè*, negando Majorem. Sufficit enim contrarietas *Mediata*, & Canon Aristotelicorum, quod substantiis nihil sit cõtrarium, non nisi de hac *Immediata* contrarietate loquitur. Pellit ergò accipiter columbam, non ob concontrarietatem substantiarum ut sic, sed ob contrarietatem qualitatum occultarũ substantiis inhærentium: sic & pellit aqua ignem, nõ ob immediatũ substantiarũ dissidium, sed ob qualitates contrarias.

Ad Arg.

*Quomodo Substantiis nihil sit contrarium.*

*Ad Argum. II.*

Major planè est nulla. Citiùs enim superare licet hostẽ unum, quàm duos, & imbellem, quàm fortem. Non possunt ergò illæ formæ in quibus major est contrarietas, se citius cæteris perimere, & Elemēta asymbola ocyus symbolicis inter se transmutari, ob Reactionem, quia utraq; formarum se armat & viriliter esse suum defendit. Tota enim natura ab interitu abhorret. Semper igitur talis transmutatio Aristotelicis suadatur in excessu agentis, unde & Canon: *Omnis actio est à proportionem majoris inaequalitatis.* Sicut aliàs in duello, fortior & expeditior citius & felicius superare potest debilem & incautum, æqualem verò, & sibi nec fortitudine, nec velocitate, nec felicitate secundū, vix ac ne vix quidem superare valebit.

*Ne Hercules adversus duos.*

*Ad Argum. III.*

1. Pro Aristotelicis, quoad formarū expulsionem, dici potest, Adversarium opponere non opponenda. Vult enim Elementa transmutari per mutuam cōversionem, non per formarum expulsionem. Ubi faciliè respondebunt Ari-



Aristotelici, istam conversionem fieri non posse, sine formarum expulsionem, proindeq; Majorem esse falsam. Præsentem enim formam aquæ, ex aqua non generabitur aer, & præsentem formam aeris ex eo non generabitur ignis. Frustraneum ergo est, elementorum conversionem, formarum opponere expulsionem, cum illa hanc includat. 2. Pro nostra sententiâ, quoad formarum propagationem, respondemus, cum Elementa planè non transmutentur, etiam non opus habebunt tali propagatione. Sublatâ enim re, tollitur etiam modus. Hoc tamen dicitur natura, ignem nostrum nonnulla comburere, ob præsentiam sulphuris, in quo sese multiplicat, istum verò combuisse unquam vel aerem, vel aquam, vel terram, affirmanti incumbit probandum.

*Ad Argum. IV.*

Major est nulla. Quoad expulsionem respondent Aristotelici, priorem formam expelli non posse, nisi indispositione subjecti introductâ, quæ indispositio est quædam ad recipiendam alterius elementi formam dispositio. Sic



ex aquâ, ajunt, non fit aer, nisi ea prius indisposita & ad propriam suam formam inhabilis reddatur, quo facto etiamabilitas & dispositio ad recipiendam aeris formam facta fuit. Quoad propagationem dicimus 1. Unum Elementum non propagari ab alio, siquidem omnis propagatio est inter eadem species. 2. Formas quæ per propagationem se multiplicant, non transire in materiam indispositam, nec animam canis per semen sese multiplicantem, in indispositâ esse materiâ, cum in semine est, ut refert Adversarius. Organizatio illa non est dispositio, ob quâ anima inest corpori, ut dictum probaturumq; supra.

*Ad Argum. V.*

Adversarius confundit diversas generationis species. Generatio enim *Elementorum* & generatio *Mistorum*, sunt Aristotelicis distinctissimæ generationis species, & longè aliter iis generantur Elementa, quàm Mixta, & hæc, quàm illa. Idem est ac si dicerem: Si mista fiunt per miscibilium unionem, reddatur ratio, quomodo fiat ignis, aut aer.

De gemmis, lapidibus, & metallis, quæ profert, suprà refutata sunt. Seminale enim principium istis denegandum non est.

## PENTAS DECIMA SEXTA.

### *Argum. I.*

Quicunq; formas misti oriri docet coalitu formarum Elementarium, in novam novæ formæ constitutionem conspirantium, mixto gradus & partes tribuentium, ille formarum propagationem sine contradictione defendere nequit. Clariss. Dn. Sennertus formas misti oriri docet coalitu formarum Elementarium in novam novæ formæ cō-stitutionem conspirantium, mixto gradus & partes tribuentium. Ergò Dn. Sennertus formarum propagationem sine contradictione defendere nequit. Minor habetur in Epit. Phys.

### *Argum. II.*

Quicquid per se indivisibile est, id nec gradus, nec intensiones constituit, nec in partes primò dividitur, neq; easdem constituit, nec ex iisdem divisis coalescere potest. Formæ elementorum per se indivisibiles sunt. Ergò nec gradus

us, nec intensiones constituunt, nec in partes primò dividuntur, neque easdem constituunt, neque ex iisdem divisibilibus coalescere possunt : & p. c. ex iis non componitur forma misti.

*Argum. III.*

Quæcunque formæ in novam misti formam consuuntur, coalescunt, & uniuntur, illæ prima sua corpora necessariò sic deserunt, ut sine illis seorsim in materiâ horum corporum aliter dispositâ tanquam subjecto convenienti per se primò misceri possint. Formæ Elementares prima sua corpora non deserunt, nec sine illis in materiâ certâ per se primò misceri possunt. Ergò formæ Elementares in novam misti formam non consuuntur, coalescunt, & uniuntur. Major probatur, quia impossibile est, formas pristinum munus & statum servare & simul seorsim ad novam formam misceri. Vel enim miscentur formæ, quatenus inhærent & permanent in Elementis, vel quatenus excedunt & transcunt ad miscellam talem, ex qua nova oriatur forma. Si illud, una particula formæ informabit Elementū, quod

quod in misto integrè manet, & simul ipsum mistum, Elementaq; secundum idem & ad idem erunt materia & forma misti. Ergò excedunt & transcunt.

*Argum. IV.*

Si nihil est in composito, quod non prius fuerit in aliquo simplici, formæ mistorum è formarum Elementarium coalitu natæ non sunt. Sed prius est, testante Scaligero & Clariss. Sennerto, Ergò & posterius.

*Argum. V.*

Quicumq; sibi parum constat, illius sententia acceptanda non est. Clariss. Sennertus sibi parum constat. Ergò illius sententia acceptanda non est. Minor probatur, quia Libr. 3. Epit. Scient. Natur. cap. 3. causam generationis misti adscribit Elementis eorundemque qualitatibus; sed in Libr. de Chym. cum Galen. Conf. & Diss. cap. 12. misti generationem non ex pugnâ Elementorum, sed ab animâ oriri, & mistum ut mistum primò ab animâ generaria, b eaq; informari, statuit. Sennerto itaq; mistum quâ mistum modò generatur ab animâ, modò ab Elementaribus qualitatibus.

Et ta-

Et tamen generationem misti & inanimati corporis, ab animâ, beneficio caloris & spiritus nativi fieri, hæcenus sanæ philosophiæ ignoratum fuit, nemoque sanus credidit, vel persuadete induxit.

## Adversarij Verba.

### THESIS L.

*Res tota luculentius ex consideratione generationis misti apparebit. Clariss. Sennerius ipse, non ex propagatione formæ de misto in mistum, uti ex cane in canem, sed coactitu formarum elementarium in novam novæ formæ constitutionem conspirantium, mixto gradus & partes tribuentium, formas misti oriri docet in physico suo libro. Sed hæc opinio si ad lydium lapidem revocetur, nullas etiam non importat difficultates. Omne quod per se indivisibile est, id nec gradus nec intensiones constituere, nec in partes primò dividi, neque easdem constituere, neque ex istis divisis coalescere potest, quod fieri necessum foret, si ex formis elementorum componeretur forma misti. Quandoquidem mistio sit per tenuissimam partium debite alteratarum juxta positionem & unionem, in qua tamen quodlibet Elementum*

eam suam retinet formam, ita domitam ut  
 materia vicem sub alterius dominio gerat;  
 juxta Scalig. Atqui illa elementorum forma,  
 ut in novam misti formam consuantur, coa-  
 lescant, & uniantur, necessum esset prima  
 sua corpora sic deferere, ut sine illis seorsim  
 in materia horum corporum aliter disposita  
 tanquam subiecto convenienti per se primò  
 misceri possint. Impossibile siquidem est, for-  
 mas sua materia informantes seu elementa-  
 res permanere, eoque munere & statione ser-  
 vato, simul seorsim misceri ad formam no-  
 vam. Vel enim miscentur formae, quatenus  
 inhaerent & permanent in elementis, vel  
 quatenus excedunt & transeunt ad miscel-  
 lam talem, ex qua nova oriatur forma. Si  
 illud, una particula forma informabit Ele-  
 mentum, quod in misto integrè manet & si-  
 mul ipsum mistum. Et uti Elementa in misto  
 materia vicem gerunt, ita erunt secundum  
 idem & ad idem materia & forma mixti.  
 Verùm Elementares formae ut coalescant in  
 formam novi & diversa natura misti, eamque  
 constituent, necessum est informationem ma-  
 teria elementaris deferere, & transire ad in-  
 formationem novi misti, quod impossibile,  
 siquidem propria huius forma permanere,  
 & simul ad constituendam alterius rei con-  
 curre-

*currere nequeunt: quo ipso etiam res diversissima natura existerent sub unius generis formis.*

## THESIS LI.

*At quid reponet Scaliger concludenti, nihil esse in composito, quod non prius fuerit in aliquo simplici: omnes mistorum vires ad elementa referri non posse, cum nihil agat ultra virtutem sua speciei, quocirca formas harum opifices & actores, ex elementorum coalitu non esse natas consecutarium demonstrativum est. Nihil foret in mistis quod elementorum conditionem excederet. Unde igitur tractio magnetica vires gemmarum aliorumq; mistorum: ut res se habet in operari ita & in esse, differuntq; operationibus propter essentias. Reflecat ad illa qua Senner. ex Scal. mihi objicit in institut. suarum med. lib. 2. p. 1. C. 4. fol. 152. Omnem formam cujuscunq; perfecte misti, etiam si non est anima, ut in adamante, naturam esse quintã, longè aliam à quatuor elementis: & ibidem ex eodem profert: nobile est in quapiam re, quod non fuerit actu in suis principiis. Principia namq; sunt actus eorum quorum sunt principia; & alibi, qui omnia referunt ad elementa nihil sunt præter Elementa.*

*Hic*



Hic amplectitur sententiam Scaligeri, in  
 physicis longè ab eadem divertit. Procul  
 dubio autem respondebit, quod alibi videli-  
 cet in libro de Gal, cum Chym, cons & diff.  
 cap. 12. fol. 358. scribit, duplicem esse misti  
 formam. aliam quàm mistum, alià quàm species  
 misti est: de quo videbimus cum primum  
 dispexerimus, quomodo in doctrina de gene-  
 ratione misti sibi constet lib. 3. Epitomes sci-  
 ent. natural. cap. 3. fol. 235. Causam genera-  
 tionis misti ipsamq, misionem à deo adscri-  
 bit elementis eorundemq, qualitatibus, ut  
 ex horum coalitu formas misti oriri asserat,  
 forte Zabarellam secutus. Ejus citato loco  
 hæc sunt verba. Generatio misti & muta-  
 tio substantialis; facta à duabus qualitati-  
 bus activis, agentibus in duas passivas, tan-  
 quam materiam subiectam, iisq, domina-  
 tibus ea proportione, que ad cuiusq, misti  
 formam educendam necessaria est. Et ibi-  
 dem: Misti generationem & præviā ad  
 formam alterationem à calore per se prima-  
 riò proficisci. Et misti generationem in mi-  
 stione, & misionem in misti generatione  
 contineri, ex quibus uti & proximè præce-  
 denti capite ejusdem libri liquidissimè patet  
 elementarium qualitatum virtuti soli mistio-  
 nem & misti generationem adscribi, ubi ait:

Causa



*Causa efficiens mistionis generalis est cœ-  
lum, proxima est actio duarum qualita-  
tum.*

### THESIS LII.

*Verum enimverò quantum mutatus ab  
illo in libr. de Cbym. cum Galen. cons. & diff.  
cap. 12 fol. 252. ubi longè aliam generationis  
misti rationem sic scribit. Non ex mutuâ pu-  
gna elementorum res crescunt. Item, in  
rerum generatione specifica forma requiri-  
tur, quam elementorum concursus & mistio  
illa temeraria præstare non potest. Forma  
igitur & anima, cujusq; rei architecta est:  
Et primus motor in mistione est anima ac  
forma cujusq; rei Δημιουργός communis, &  
commune naturæ instrumentum quoad vir-  
tutes rerum fovendas utitur, calor est &  
spiritus cujusq; rei insitus & Φύσις illa  
Ἡ δὲ πάντων διήκουσα. Habet nimirum animâ  
suas facultates ministras, attractricem, quæ  
sibi utilia & similia attrahit, retentricem  
concoctricem & alteratricem, quæ attracta  
sibi similia reddit, secretrix & expultri-  
cem, quæ id quod alienum est separat & eji-  
cit. Eaq; omnia caloris & nativi spiritus  
beneficio peragit. Hīs directoribus elementa  
pro cujuscunq; rei naturâ miscentur, quæ  
aliàs suo concursu & pugna nunquam tale  
mistum*

mistum producerent. Hactenus Clariss. Sennertus. Ex quibus apparet ipsi missionem fieri, mistumq; generari ab anima propagata ex speciei similis misto, quemadmodum ea ex semine fabricat corpus animalis & animatum. Unde sequentia ducuntur inconvenientia; Quod omnia mista sint animata, siquidem nulla generentur nisi ab anima, ubi anima ibi vita: vidunt itaq; omnia mista uti lapides, metalla, aliq; pro inanimatis habita, cum à totà antiquitate, tum ab ipso Clariss. Sennerto eodem libr. de Chym. cum Galen. cons. & diss. fol. 232. ubi lapides & gemmas nec vivere nec animata esse concedit. Liquidò autem satis patet Sennertum hic statuere mistum ut mistum generari ab anima, ab eaq; perfici missionē beneficio caloris nativi, quo attrahit, retinet, coquit, format: eandem porrò animam, quæ sui domicilij architecta, materiam sic preparatam informare, atque hoc pacto misti generationem perfici, cum tamen superius loco citato purè & primò elementarium qualitatum operationi missionem adsignasset, formam misti ex elementarium formarum coalitione eduxisset & misto jam formato animam supervenire dixisset. Nec est quod effugium querat in duplici misti forma, quarum alia

*fit specifica, alia misti, quia mistum qua mistum, primò ab anima generari ab eaq̃, informari docuit. A quo generatio ab eodem juxta Scalig. & Sennertum fit informatio, anima videlicet fabricante ex materia sibi corpus idemq̃, informante Quod si ipsi concedatur formam misti ex elementarium formarum coalitu natam in misto quatenus mistum est, manere, nihilominus cause naufragium perpetitur, quod ante docuerit omnes formas prima creatione singulis rebus indicatas, per propagationem suiq̃, multiplicationem in res diffundi, non verò ex aliarum coalitu fieri, aut ex materia potentia exsurgere. Forma specifica misti est ipsamet anima, nullum mistum est animatum, careret proinde forma specifica. Imò forma vel anima generans mistum erit in Elementis siquidem mistum ex iisdem generetur, & erit in iis ut anima canis in semine canis à canina divisa, vel uti arboris in surculo. Erit autem in illis ante vel post missionem, nò ante, quia in nullo seorsum, non post, quia est missionis auctor. Sed ipsi in mente & arbitrio est, omne mistum generari à sua speciei misto, uti canis à cane, & homo ab homine, & nullum primò ex Elementorum coalitu exsurgere aut à causis equivocis produci.*

Sed & hoc asserere ipsi non convenit, qui  
 gemmas, aliq̃ ibi generari, ubi nulla ejus  
 rei species antè fuerit vel observata vel in-  
 venta & prorsus eruta. & postea ibidem re-  
 nata, constat, quod nec ipse ita negatum. Ge-  
 nerationem mixti & inanimati corporis, fieri  
 ab anima, beneficio caloris & spiritus natu-  
 rivi, qui viventium proprius est, hæc tenue  
 sane philosophia ignoratum, siquidem mix-  
 tum quæ tale, nec vitale, nec calore embry-  
 to, qualis animatorum, spirituq̃ vitali præ-  
 ditum, non ex dissimilaribus uti animatum  
 corpus, sed similaribus compositum, elemen-  
 torum syncrissi per calorem elementarem fa-  
 cta & conservata sub peculiaris formæ su-  
 nature convenienti dominio contentum est.  
 Sennerto itaq̃ mixtum quæ mixtum modò ge-  
 neratur ab anima, modò ab elementaribus  
 qualitatibus. Anima destitutorum mixto-  
 rum generationem esse ab anima nemo sane  
 hæcenus credidit, vel persuadere induxit.

### Responsio Generalis.

*Adversarii tela Clariss. Dn. Sen-  
 nertum non feriunt.*

Εκθεσις.

Transcat, quod Adversarius genera-  
 tionem Elementorum declarare labo-  
 re

ret per generationem mistorū. Transcant etiam quæ è superioribus nota esse queunt. Formas non *intendi* & *remitti*, indeq̃, mistum non coalescere, & missionem per *corporum minimorum juxta positionem* & *unionem* ad mentem Scaligeri fieri, & *Elementares qualitates mista non facere*, contra *Clariss. Dn. Sennertum* Adversarius probare conatur. Verum contra nonnullos *Aristotelicos* hæc proferuntur, non contra *Dn. Sennertum*, qui licet in *Physicis* cum *Aristotelicis* loquatur, tamen ibi scopum unum habuit propositum, doctrinam *Aristotelicam* maximam partem compendiosè exhibere. Hinc longè aliter de multis in *Libr. de Chym. cum Aristot. & Galen. Conf. ac Diss.* docet, è quo de mente istius certior esse poterat Adversarius. Nam I. de Controversiâ, *an formæ Elementorum in mistis sint integræ, an remissæ*, Cap. II p.m. 152. ita ait: *Est questio valde intricata & difficilis, ut nemo, qui in hac ab alio dissentit neq̃, statim id quod in questione est, fundamenti loco presupponi concedit, convictis impetendus aut Physicis ad unum omnibus contradicere dicendus sit. Dissentiunt enim, si ullibi hic inter se Physici. Acu-*

*An formæ  
Elemento-  
rum in  
mistis sine  
integræ,  
an remissæ*

tissimi certè Philosophi hic barent, atque inter  
 eos Jul. Cas. Scaliger Exerc. 101. fatetur,  
 se non faciliè dicere posse, utram sententiam  
 magis probet, in hac humanâ caligine. Itaq;  
 quemlibet in re dubia suo abundare sensu  
 permuto. Ut tamen meam sententiam li-  
 berè aperiâ, re hinc inde diligenter pensi-  
 tatâ, cum iis jam facio, qui elementa secun-  
 dum formas integra in misto remanere, ac,  
 dum mistum in elementa resolvitur, elemen-  
 ta redire non specie tantum, sed numero et-  
 iam eadem statuunt, atque in istâ sententiâ  
 persisto, donec solidis rationibus contrarium  
 monstratum fuerit. Solis verò autoritatibus  
 vel Scoti, vel alius alicujus me moveri non  
 patior. Neque enim unius Scoti, qui in suam  
 sententiam, quam non sine causâ Fernel. lib.  
 Physiol. cap. 6. puerilem, serè inanem & por-  
 tentissimam nominat, Latinos plerosq;, dum  
 Veterum Philosophorum disciplinam, permi-  
 stionisq;, rationem assequi minimè volue-  
 runt, ut idem Fernelius loquitur, pertraxit,  
 autoritate standum vel cadendum mihi exi-  
 stimo. Etiam docti viri fuerunt Philoponus,  
 Albertus, Zimara, Avicennas, Fernelius, qui  
 contrarium sentiunt & acriter defendunt,  
 ita quidem ut nonnulli ex iis scribant, eum  
 qui ipsorum argumenta leget, nisi molaris  
 lapide

lapis sit, manus daturum: & qui aliter sentiunt, sophistas agere, natura operibus imponere, veteris disciplina splendorem obtinere & inquinare. Non equidem ignoro, sed eorum opinionem olim in Physicis secutus sum, Averroen & Zabarellam, cum negare non possent, elementa in mistis remanere, ne vero integra remanere statuerent (cujus tamen rei nullam causam evidentem habuerunt) ad formarum refractionem confugisse. Verum refractio illa formarum merum figmentum est, ut à Latinis contra Averrois sententiam disputantibus satis monstratum est; neque ullam Averroes & Zabarella pro ista sententia rationem saltem probabilem afferre, & monstrare potuerunt, formas elementorum recipere magis & minus, & gradus aliquos habere ut aliqui tolli possint, reliquis manentibus, sed simpliciter saltem illud affirmarunt. Vider ergo hic Adversarius, quamnam formarum intentionem & remissionem defendat Excellentiss. Dn. Sennertus. II. De Scaligerianâ Mitionis descriptione Cap. 12. p. m. 210. sic habet: Ego, ut Scaligeri verbis, Exerc. 101. utar, si cogor effari, quod in hac humanâ caligine sese offert mihi, fateor, me jam vinci à sententiâ Scaligeri,

An Mistio  
nis Defini-  
tionē Sca-  
ligerianā  
acceptet  
Dn. Sen-  
nertus, an  
qui secus.



*An Mistū  
per quali-  
tates Ele-  
mentares  
produci,  
statuat D.  
Sennertus*

*qui missionem definit motum corporum mi-  
norum ad mutuum contactum ut fiat u-  
nio.* III. De mitti productione pe-  
qualitates Elementares, ipse Adversarius locum sat clarum è *Cap. 12. Conf. a  
Diff. p. m. 207.* allegavit. Nihil ergò ha-  
vice adfert contra *Dn. D. Sennertum*, li-  
cet benè multa contra Aristotelem &  
nonnullos Aristotelicorum. Putaban-  
tamen Adversarium Aristotelem for-  
defensurum & propugnaturum, non  
offensurum & oppugnaturum. Sed for-  
san in gratiam *Dn. Sennerti* hoc facit  
qui si (in *Physicis*) contra Aristotelem  
fuiſſet, Adversarius pro Aristotele scri-  
pſiſſet, sed cum ille cum Aristotele  
fuerit & scripserit, Adversarii contra  
Aristotelem & esse & scribere fuit. Jus-  
ta illud: *Semper contrarius esto.*

## Responsiones Speciales.

### *Ad Argum. I.*

Minor est nulla. Contrarium illius  
ut dictum, è *Libr. de Chym. cum Arist. &  
Galen. Consens. ac Diff. cap. 11. p. m. 152. se-  
patet.* Probatio Adversarii huc non spe-  
ctat. Judicandum enim è cogitatione



bus posterioribus, non prioribus. αἰ δὲ  
τέρας Φεγνίδες σοφώτερας. Eurip.

*Ad Argum. II.*

Concedimus Argumentum totum.  
Idem docet *Clariss. Dn. Sennertus* loco  
modo citato.

*Ad Argum. III.*

Conceditur totum. Transfigat Ad-  
versarius cum *Zabarellâ*, quem suprà lo-  
co normæ & mensuræ Controversia-  
rum Physicarum attulit.

*Ad Argum. IV.*

Etiam hoc argumentum contra *Dn.*  
*Sennertum* non est. Videantur *Cap. II.*  
*Et 12. Libr. de Cbym. cum Arist. Et Galen.*  
*Cons. ac Diss.*

*Ad Argum V.*

1. Si veritati cedere, & cogitationes  
posteriores ac sapientiores absq; invi-  
diâ veritatis amatoribus communica-  
re, sibi parùm constare, est, Major ne-  
gatur. Invertenda potius erit hoc pa-  
cto: *Quicumq; sibi constat, hoc est, precon-*  
*ceptas opiniones contra veritatem pertina-*  
*citer defendit, illius sententia acceptanda*  
*non est; Et contra qui sibi non constat, hoc*  
*est, se hominem esse, Et proinde ex aliis Au-*  
*toribus errorem* (error si plañtus esset,

*An qui si.*  
*bi constat*  
*protinus*  
*audien-*  
*das.*

omnium ædes personarent ejulatu) *derivare potuisse agnoscit, veritati cedit, & posteriores cogitationes prioribus sapientiores reddit, ille utiq; & audiendus & in exemplum trabendus est. At de Dn. Sennerto stat prius. Ergò etiam posterius. Ad posteriores ergò cogitationes sese cōvertere debuisset Adversarius, non ad priores. 2. Si autem nō sibi constare sumitur, prout sonat & communiter accipi solet, nec illius qui sibi parū constat, nec istius qui sibi multū constat, sententia acceptanda est. Veritas enim non à nostro pendet arbitrio aut ludibrio, sed à rebus, cum quibus sententiæ concordantes acceptandæ, discordantes repudiandæ, veniunt. 3. Falsum est, *Excellentiss. Dn. Sennertum*, missum ut mistum ab animâ fieri, statuere. Benè novit, etiam *Dn. Freitagio* non momento, non quamlibet cujuslibet missæ formam animam esse, ut mirum sit, cui hîc tantâ verborum serie contra ipsum insurgere non erubescat Adversarius. Si respicit ad illa verba: *Forma & anima cujusq; rei architecta est: & primus motor in missione est anima ac forma cujusq; rei* nescio an Copulativam differre à Disjunctivâ*

*An omne  
mistum  
fiat ab a-  
nimâ.*

junctivâ intelligat, an secus. Annôn distinctè nominare voluit cùm animā, tùm formam? Omnis quidem anima, etiam est forma: sed non omnis forma est anima. Cadunt ergò omnia illa inconvenientiā, inconvenientissimè & confusissimè ab Adversario adducta. Et si porrò in adpositis illis prolixis thesibus quid latitat, id in superioribus abundè refutatum fuit. Quæ enim profert, unius fermè sunt valoris, tenoris.

## PENTAS DECIMA SEPTIMA.

### *Argum. I.*

Quicunq; deserunt materiæ potentiam, illi nullam dare possunt formæ misti originem, & ex naturæ theatro eliminant generationem. Clariss. Dn. Sennertus deserit materiæ potentiam. Ergò nullam dare potest formæ misti originem, & ex naturæ theatro eliminat generationem. Major probatur, quia forma illa nec à cœlo defluit aut inducitur, nec fit per expulsionem alterius, nec fit per propagationem formæ ex generante, quia ex lapide lapidem, aut ex gemmâ gemmam natam nullus observavit.

*Arg.*

*Argum. II.*

Quæcunq; formæ sat commodè ex Elementis & Elementatis remistis deducuntur, illæ frustrà ex coalitu formarum Elementarium fieri statuuntur. Formæ mistorum, quales sunt in magnete, gemmis, & metallis, sat commodè ex Elementis & Elementatis remistis deducuntur. Ergò frustrà ex coalitu formarum Elementarium fieri statuuntur.

*Argum. III.*

Si à creatore semina omnia ex quibus res nascuntur & propagantur non fuerunt creata, frustrà ad primævam hanc creationem recurrit Clariss. Sennertus. Sed à creatore semina omnia, ex quibus res nascuntur & propagantur, non fuerunt creata. Ergò frustrà ad primævam hanc creationem recurrit Clariss. Sennertus. Minor probatur, quia si Deus omnia concreasset semina, nulla equidem de novo generarentur prioribus consumptis, neque animalibus fuisset opus instrumentis peculiaribus ad eorum generationem. Concreavit ergò Deus saltem viventibus virtutem generandi semina, quâ his excretis

cretis, depositis & excussis, ad speciem  
tum propagationem nova generen-  
tur.

*Argum. IV.*

Quicumq; Mosén frustrà & sensu val-  
dè alieno allegat, is audiendus non est.  
Clariss. Sennertus Mosén frustrà & sen-  
sù valdè alieno allegat. Ergò audiendus  
non est. Minor probatur, quia illa Mo-  
sis: Germinet terra herbam producen-  
tem semen, arborem fructiferam faci-  
entem fructus juxta speciem: contra  
eum potius faciunt, quod ex terrâ ho-  
minem ipsum omnipotenti verbo (ipse  
dixit & facta sunt) fecerit, & herbam ex  
terrâ & semen ex herbâ de terrâ factâ  
fieri voluerit. Imò patet ex his clarè,  
facultatem producendi semen terræ  
primâ isthac creatione inditam fuisse.

*Argum. V.*

Si generatio fit, cum semen genera-  
tur, sequitur semen non esse causam  
Efficientem generationis, ut vult Clar.  
Sennertus. Sed generatio fit, cum se-  
men generatur. Ergò semen non est  
causa Efficiens generationis, ut vult  
Clariss. Sennertus. Major probatur,  
quia

quia propter formam quam semen continet generatio facta est, non autem demum à semine fieri debet. Cum ergo semen non largiatur formam rei, sed solummodò contineat, & illa sit propriè causa efficiens principalis quæ formam producit, ipsaq; corporis fabricatio non sit generatio, sed imperfecti saltem corporis perfectio, sequitur vim generandi principalem non sine gravi errore semini, quatenus semen, attribui à D. Sennerto. Et quamvis instet, semini non posse partes generantis instrumentarij duntaxat tribui, quia generans à quo semen communicatum, vel longè abesse, vel periisse potest: tamen nihil est. Quasi enim generans formam rei, juxta peculiarem illius sensum, aut potentiam ad formam cum semine nō communicasset; quæ actio Scaligero & philosophis generatio nuncupatur. Minorem habet Scaliger Exerc. 6. n. 10.

## Adversarij Verba.

### THESIS LIII.

*Ceterum nolo hic movere, an necessum  
sit in misto plures quàm unam esse formam,  
actibus.*

actibusne duobus substantialibus necessario  
substet. & num specifica recedente, sub misti  
forma subsistere & existere debeat vel possit,  
an specifica sola mistis in animatis non suffi-  
ciat quod concedere videtur in tractatu de  
Chym. cum Galen. Cons. & Dissens. cap. 12.  
fol. 357.

#### THESIS LIV.

*Ad misti proinde generationem cælestium  
corporum virtute excitantur & miscentur  
elementa indicem se suis qualitatibus alte-  
rantia & in unionem colligantia ut produ-  
catur res cujus natura ab Elementis sit di-  
versa.*

*Miscentur enim res ad acquirendam for-  
mam elementis nobiliorem quocirca non fa-  
cit natura ex coalitu formarum elementa-  
rium formam misti; sed vel aliam educit e  
subiecto, vel inducit prastantiorē. Hec  
autem forma nec à cælo defluit aut induci-  
tur, nec fit per expulsionem alterius (quali-  
ter ex aere ignis) nec per propagationem  
formæ ex generante, qualiter anima canis  
per semen ipsis propagari fertur. Generatur  
mistum omne inanimatū ab efficiente æqui-  
vocè agente, nec enim ex lapide lapidem, aut  
ex gemma gemmam natam quisquam obser-  
vavit. Unde igitur oritur forma? si poten-  
tiam*



tiam materię deferas, ex nibilo illam creari afferendum, quo ipso rerum per generationem propagatio, quæ est secunda creatio, ex hoc natura theatro eliminatur.

#### THESIS LV.

Forma itaq; misti non ex Elementaribus formis, sed ex Elementis in unum corpus mitione coalescentibus, tanquam è potentiâ materia natura naturantis beneficio educitur.

#### THESIS LVI.

Hoc pacto ex Elementis & Elementatis remistis, nobilissima etiam inanimatarum rerum formæ, qualis in magnete, gemmis & metallis quibusdam, aliisq; mistis inanimatis producuntur. Nec enim refellendis istis nugis teremus tempus, quibus somniant durissimis istis, nec nutritione nec vegetatione perfructis nec generationem meditantibus aut potentibus seminalem vim inesse vel revera vel analogicè. Rectius schola Medica consultum foret si tales affania junioribus haut instillarentur. Sed quis pœbus bas animorum intemperies delineat, qui pro opinionibus præconceptis & semel adstructis, quamvis falsis, plus quam religione & vita dimicent? de hac porro questione altera disputatione de rerum principis accuratius agemus.

Thes.



## THESIS LVII.

*Tempestivum nunc est, inquirere an semina omnia ex quibus res nascuntur & propagantur, num vero facultas generandi semina, quæ est anima vegetativa virtus, à creatore rebus sit concreata aut indita. Si omnia concreasset semina, nulla equidem de novo generarentur prioribus consumptis, neq; animalibus fuisset opus instrumentis peculiari-  
bus ad eorum generationem. Ulti itaq; Deus Opt. Max. ab initio creavit hominem vivum, omnibus partibus integrum, & in eo Cor, Venas, arteriasq; spiritum & sanguinem, cerebrum nervosq; spiritum, testes & vasa seminaria semine redundantia, imò arbores stirpesq; plenas fructibus; ita quoq; maxime indidit vim hæc contenta conservandi & procreandi, quod sint in fluxu perpetuo, & transitoria. Atq; ut concreavit facultatem generandi chylum, chymum, sanguinem, quibus substantia corporis in perenni fluore constituta resarciatur & conservetur; sic quoq; concreavit virtutem generandi semina viventibus, quâ his excretis depositis & excussis ad specierum propagationem nova generentur. Proinde frustra & sensu valde alieno illud Mosis allegatur à D. Sennerto: Germi-  
nes terra herbam producentem semen; arbo-*

rem fructiferam facientem fructus ju-  
speciem: hac enim contra illum potius fa-  
unt, quod ex terra hominem ipsum omni-  
tenti verbo ( ipse dixit & facta sunt ) fe-  
rit, & herbam ex terra & semen ex herba  
de terra facta fieri voluerit. Ex his prae-  
ea verbis Germinet terra herbam produc-  
tem semen, clare patet facultatem pro-  
cendi semen ipsi prima ista hac creatione in-  
tam: vide disputationem de rer: princip:  
Virtute testium ex sanguine & spiritibus,  
venas arterias & nervos, copiose eo dela-  
generatur semen, ideo albicans, quod omni-  
alterans assumilet sibi alteratum qualita-  
vel substantia, Et generatur ibidem uti fi-  
guis in Epate & lac in mammis ex mate-  
sanguinis & spirituum, quorum hi ex tenui-  
re sanguinis portione & attracto aere,  
ex chylo, chylus ex cibis, cibi ex Elemen-  
Quandoquidem verò semen à generante  
peratur, in animalibus ex cibo, chylo, sang-  
ne, in plantis ex allecti alimenti superfluo-  
te, generatio fit quia generans producit  
men, uti & subtiliss. Scalger docet, tunc fit  
generationem cum generatur semen Exerci-  
n. 10. Generat ( inquit ) arbor cum producit  
semen, non autem generatur arbor cum producit  
lulat è semine, sed generatum quod erat  
perfectum perficitur. Sic canis non gignit

cum nascitur catellus. sed cum semen gignit. Ex quo necessario sequitur, semen non esse causam efficientem generationis primariam sed instrumentalem. In semine enim non est vis generandi formam, sed juxta eorum opinionem, in eo tanquam subiecto ab efficiēte forma divisa & participata propagatur. Proinde illud quod formam rei producit, vere est causa principalis generationis, quia per illam res perficitur, & potissima rei est essentia. Forma non efficitur à semine, sed vel ex ejus potentia educitur, vel juxta illorum opinionem ab efficientis anima formam deducitur: quæ forma divisa cum seminali materia communicatur & unitur Scaligero, quem D. Sennertus hic sequitur, & generatio fieri dicitur. Forma hæc juxta Scaligerum ex semine instrumento caloris & spirituum attracto sanguine format corpus. Hanc formationem ipse, imperfecti corporis perfectionem non generationem nominat. Forma illa formans & informans est forma animalis, quia semen actu est animal (juxta eundem) imperfectum, propter formam animalis quam continet in imperfecto corpore. Nihil igitur in semine est quod ad operandum concurrat quàm calor & spiritus, quæ sunt instrumenta anime formantis pariter à generante.

seu efficiente primario profecta cum forma.  
 Cum itaq; semen non largiatur formam rei  
 sed solummodò contineat, & illa sit propriè  
 causa efficiens principalis, quæ formam pro-  
 ducit, ipsaq; corporis fabricatio non sit gene-  
 ratio, sed imperfecti saltem corporis perfe-  
 ctio, sequitur vim generandi principalem,  
 non sine gravi errore semini quatenus semen  
 attribui a D. Sennerto. libr. de Galen. cum  
 Chym. cons. & diff. cap. 9. Generatio enim sit  
 cum semen formam rei nascentis actu vel po-  
 tentia continens producit ab efficiente,  
 non cum id quod formam actu vel potentia  
 continet secundum partes sui corporis con-  
 formatur. Generatio siquidem est forme  
 productio non corporis constructio. Quo ja-  
 cto fundamento instantia Sennertiana loco  
 citato adducta facile diluuntur, & opinio-  
 nis, quæ assertitur, rerum generationem per-  
 petuari virtute seminum innata ab exordio  
 rerum, eaq; primas & principales esse gene-  
 rationis causas, patescit vanitas. Et cedo, quæ  
 hæc est argumentatio quam allegato profert  
 loco? Semini non possunt partes generantis  
 instrumentarij duntaxat tribui, quia gene-  
 rans, à quo semen communicatum vel longè  
 abesse, vel periisse potest, quasi generans for-  
 mam rei, juxta peculiarem illorum sensum,

aut potentiam ad formam cum semine non communicasset ; quæ actio Scaligero & philosophis generatio nuncupatur.

## Responsiones Generales.

*1. Sive moveat , sive movere nolit Adversarius , an plures formæ sint in misto, & an recedente formæ specificæ ceteræ remaneant ; nihilominus in rei veritate se res aliter non habet.*

ΕΚΘΕΤΙΣ.

Sive moveat, sive non moveat, & si- *Mistum*  
ve sibi metuat, sive non metuat Adver- *constare*  
sarius, tamen mistum constare pluribus *pluribus*  
formis probatu facilimum est, quia id *formis.*  
(1.) qualitatum præsentia, (2.) missionis  
natura, & (3.) resolutionis ratio, manifestè  
demonstrant. Quoad qualitatum præ-  
sentiam sic argumentor: *Ubi cunq; præ-*  
*sentes sunt qualitates Elementares, ibi et-*  
*iam præsentibus sunt formæ Elementares. In*  
*misto præsentibus sunt qualitates Elementares.*  
*Ergò in misto etiam præsentibus sunt formæ*  
*Elementares. Major certa est, quia qua-*

*Argum. I.*

Z 3

lita-

litates illæ à formis emanant, Minorem  
 Experientia docet, quæ nunc frigidita-  
 tem, nunc siccitatem, nunc calidita-  
 tem, nunc humiditatem, nunc gravita-  
 tem, nunc levitatem, nunc qualitates  
 alias, in aliis atque aliis mistis ostendit.  
 Quoad mixture naturam sic colligo:

*Argū. II. Quacumq; miscentur, illa non abolentur.  
 Elementa miscentur. Ergo non abolentur.  
 Porro: Si Elementa in misto non abolen-  
 tur, etiam eorum formæ in eo non abolentur.  
 Sed verum est prius. Ergo & posterius.  
 Ratio consequentiæ est, quia Elementa  
 sine suis formis manere nequeunt, cum  
 formæ faciant ut Elementa sint Elemē-  
 ta. Quoad resolutionis rationem stat*

*Argū. III. Syllogismus sequens: Quicquid per cor-  
 ruptionem in Elementa resolvitur, illud Ele-  
 menta in se habuit. Mistum per corruptio-  
 nem in Elementa resolvitur. Ergo Mistum  
 Elementa in se habuit. Hinc: Quicquid  
 Elementa in se habuit, id etiam Elemento-  
 rum formas in se habuit. Mistum Elemen-  
 ta in se habuit. Ergo etiam Elementorum  
 formas in se habuit. Et quemadmodum  
 jam plures hæ formæ in misto sunt, ita  
 quoq; per corruptionem specificā sup-  
 pressā eadem remanent, quod itidem  
 pri-*

primum illud argumentum cum tertio *Formas*  
manifestè evincit. Sive igitur jam Ad- *Elementa-*  
versarius *ibef. 53.* moveat, sive movere *res factâ*  
nolit, *an necessum sit in misto plures quàm* *misti cor-*  
*unam esse formam, actibusné duobus (si nō* *ruptione*  
*pluribus) substantialibus necessario substat, permane-*  
*Et num specificâ recedente sub misti formâ* *re.*  
*subsistere Et existere debeat vel possit: ta-*  
men in rei veritate res se aliter non ha-  
bet, ut modò probatum, & jamdudum  
à sanioribus Phylis concessum fuit.

## *II. Adversarius subindè petit principium.*

*Εκ θεσης.*

Petitio principij est, cœlum sine cau-  
sæ particularis influxu producere mi-  
stum. Petitio principij est, ex Elemen-  
torum mistione formas prodire Ele-  
mentis nobiliores. Petitio principij est,  
mista inanimata omnia ab efficiente æ-  
quivocè agente generari. Petitio prin-  
cipij est, formam misti ex Elementis in  
unum corpus mistione coalescentibus,  
tanquam è potentiâ materiæ, naturæ  
naturantis beneficio educi. Petitio  
principij est, formam magnetis, gem-  
marum & metallorum è mistione & re-  
mitione Elementorum oriri &c.

*Z 4*

*III. Ad-*



*III. Adversarius terminos usitados  
non intelligit & strenuum Ca-  
lumniatorem agit.*

*Ex Jeros.*

I. Transeat quod more suo formas modo educi, modò induci, scriptitet, atq; sic etiam hos terminos malè usurpet. Propagationem rerum per generationem *Thes. 54.* Creationem Secundam vocat: sed longè aliter terminum *Secunda Creationis* sumunt & Philosophi & Theologi. Cum enim dividunt Creationem in *Primam* seu *Immediatam* & *Secundam* seu *Mediatam*, illam describunt, quâ simpliciter ex nihilo facta sunt cœlum & terra & aqua, totaq; illa rudis & indigesta moles, quam Deus postea sex diebus in certa corpora ordine pulcherrimo digessit; hanc, quâ res productæ fuerunt ex quadam materiâ præcedente, sed inhabili & indispositâ. Quid ergò nunc terminus Creationis Secundæ ad corporum naturalium generationes? Creanturnè hodiè canes, equi, & boves, sicut in primo Hexamero creabantur? Nec excipere potest, conservationem creaturarum ni-

*Quid Cre-  
atio Pri-  
ma seu Im-  
mediata.*

*Quid Cre-  
atio Secū-  
da seu Me-  
diata.*



hil aliud esse, quàm continuatam creationem: aliud enim est secunda, aliud continuata creatio, differtq; consensu omnium & conservatio à creatione, & creatio Secunda à creatione Continuatâ. II. Meræ calumniæ sunt, quæ *ibesi* 56. his verbis habentur: *Nec enim refellendis istis nugis teremus tempus, quibus somniant durissimis istis, nec nutritione nec vegetatione perfructis nec generationem meditantibus aut potentibus seminalem vim inesse vel revera vel analogicè. Rectius scholæ Medicæ consultum foret si tales affania junioribus haut instillarentur. Sed quis phœbus hæc animorum intemperies delineat, qui pro opinionibus preconceptis & semel adstructis, quamvis falsis, plus quam religione & vita dimicent? de hac porro questione altera disputatione de rerum principiis accuratius agemus. Cum bonis benè & comiter agendum, mi Freitag, non autem ita crudeliter sæviendum, & in Viri de totâ re Medicâ optimè meriti famam debacchandum. Sed sis maneq; tuus, laus sua, te non obstante, manebit etiam post funera beata (utinam sera!) Dn. Sennertum, qui quicquid talenti à Dco concreditum habuit, bonâ*

nâ fide in ærarium literarium, sine omni invidiâ, contulit. Tu interim Naturam attende, & seminalem vim gemmis, metallis, & lapidibus, adscribere, nugas non esse, facile prehendes. Nec

*Objeſt. I.*  
*Reſponſ.*

est, quod duritiem Naturæ conatum impedire putes, cum ad seminum rationem propriam mollities non spectet, nec ab humano aut animalium, nonnullorum semine, ad omnia semi-

*Obj. II.*  
*Reſp.*

na argumentari liceat. Ac quamvis non nutriantur, nec vegetentur metalla, nihilominus tamen sese multiplicare valent, sicut & ignis qui itidem non nutritur aut vegetatur, & tamen egregie sese multiplicat. Et si omnis forma est sui multiplicativa, ut *Zabarell. in Libr. de Sens. ag. cap. 5. ex Alberto* refert, cur generationem ad sola traheremus animata, & angustissimis includeremus cancellis, quod cancellari nequit?

*Obj. III.*  
*Reſp.*

Quod autem generationem non meditentur metalla, dicitur, sed non probatur. Exhaustæ venæ aluminis, vitrioli, & metallorum, post pauca temporum intervalla metallis ac mineralibus iterum replentur: quod si per propriam formam specificam, in materiâ certâ latent-

tentem & vim sese multiplicandi habentem, fieri negas, vel accidentia virtute propriâ producere substantias, vel causas universales determinatum & specificum gignere effectum, vel simile quid, contra principia Philosophica etiam tyronibus nota, concedere cogeris. Quâ de re suprâ uberius. An autem Scholis Medicis rectius hactenus consuluerit, & etiamnum consulat, *Dn. D. Sennertus*, an verò *D. Freitagius*, & uter pro opinionibus præconceptis plus quàm pro aris & focis dimicet, meum non facio edisserere. Res ipsa hoc loquitur, & ea quæ manifesta sunt demonstrare velle, *ὃ δυνάμει καὶ οὐκ ὡς ἐστὶν ὅτι, τὸ δὲ αὐτὸ καὶ μὴ δὲ αὐτὸ γινώσκον.* 2. *Physic. cap. i. t. 6.* Disputatio de *Principiis* à te, mi Freitag, promissa, suum inveniet Examinatorem, si modò digna vel lectione, vel examinatione, vel refutatione fuerit. Utinam in eâ accuratum, ut gloriaris, ageres Disputatorem! Utinam non pro opinionibus præconceptis, plus quàm pro religione & vitâ, ut loqueris, dimicares! Utinam vel tandem inanes & immanes tuas calumnias seponeres! Quid enim hiscè opus?

Resp.

# Responsiones Speciales.

## Ad Argum. I.

*Metalla  
propagā-  
tur.*

I. Major est nulla. Quoad probationem, utiq; formæ illæ fiunt per propagationē & traductionem, gemmæq; à gemmis, metalla à metallis, lapides à lapidibus, similiaq; à similibus generantur. Stant adhuc, & stabunt porro, facta & tecta verba *Experientiss. Dn. Sennerzi*, qui in *Epit. Phys. Libr. 5. cap. 4.* sic ait: *Uti autem varij lapides & gemma generentur, id à specificâ cujusq; formâ proficiscitur. Habet enim quævis gemma propriam & specificam formam, quâ ab aliis omnibus discernitur, quam à seminali, ut sic dicam, sui generis principio nanciscitur. Quæ non ex elementorum misturâ provenit, sed, ut rectè Scaliger nominat, essentia quinta est, à Deo Opt. Max. in primâ rerum creatione huic naturalium rerum generi indita. Quod seminale principium & spiritus architectonicus etsi in peculiariter distincto corpore, ut in plantis plerisq; non apparet, neque etiam ejus essentia satis explicari possit: idcirco tamen negandum non est. Ut enim salix, etsi semen non gignat, ut alia planta: tamen principium seminale per totam arborem dispers-*

spersum habet, & hinc per ramum amputa-  
 tum propagatur: ita & seminale gemmarum  
 ac lapidum principium in materiâ lapidificâ  
 latet; & in hac humanâ mentis caligine ejus  
 essentia nobis ignota est, ut reliquæ formæ o-  
 mnes; & non nisi ex facultatum & opera-  
 tionum ac qualitatum diversitate illarum  
 differentia cognoscitur. Si lubet, mi Frei-  
 tagi, paululum *Anselmum Boëtium*, *Lib.*  
*1. de lap. ac gem. Cap. 8. 9. & 10. Jac. Mo-*  
*ckium de Caus. Concret. & Dissol. nec non*  
*Andr. Libavium in Comment. Alchymia*, at-  
 tentiori animo inspicere non erubescere,  
 & facile *Dn. Sennertum*, nec primum,  
 nec solum, talia de lapidibus & gemmis  
 proposuisse, animadvertes. Quæ non  
 intelligis, & ob præconceptas opinio-  
 nes capere nequis, illa tibi nugæ sunt,  
 forsantq; Nugatores facies *Anselmum*  
*Boëtium*, *Jac. Mockium*, *Andr. Libavium*,  
*Theophrastum Eresium*, aliosq; Viros Cla-  
 rissimos & Meritissimos. Sic trahit sua  
 quemq; voluptas, multiq;, ne quid an-  
 nis prioribus nescivisse videantur, erro-  
 res inveteratos defendere, quàm me-  
 lioraprehendere, malunt. II. Annon  
 Adversarius misti generationem è na-  
 turæ theatro, quod *Dn. Sennerto* sine re  
 obji-

Adversa-  
 rius è na-  
 turæ tollit  
 generatio-  
 nem lapi-  
 dum, gem-  
 marum,  
 aliorumq;  
 mistorū.

obijcit, eliminat, judicent candidi &  
 cordati. Thesis enim ss. sic habet: *For-*  
*ma itaq; misti non ex Elementaribus formis,*  
*sed ex Elementis in unum corpus misione*  
*coalescentibus, tanquam è potentiâ materia*  
*natura naturantis beneficio educitur.* Hinc  
 argumentor: *Quicunq; formas misti è po-*  
*tentiâ materia natura naturantis beneficio*  
*educi statuit, ille generationem misti è natu-*  
*ra theatro eliminat.* Adversarius formas  
*misti è potentiâ materia natura naturantis*  
*beneficio educi statuit.* Ergò *Adversarius*  
*generationem misti è natura theatro elimi-*  
*nat.* Major sat clara est, quia illa natu-  
 ra Naturans est Deus, qui sanè formam  
 misti nō generat, nullusq; Philosopho-  
 rum tam crassus erit, qui Deum genera-  
 re lapidem aut gemmam statuere ausit.  
 Mistorum ergò formæ è sententia *Frei-*  
*tagg* creantur, non generantur. Ita scili-  
 cet cum formis specificis vim sese mul-  
 tiplicandi & propagandi negamus, no-  
 lentes volentes vel ad accidentia, (ad id  
 opus ineptissima) vel ad sidera, (agentia  
 universalissima) vel ad ipsum Deum,  
 (cujus non generare, sed creare est)  
 confugere, & unâ cum generante prin-  
 cipali

cipali proximo ipsam generationem tollere, necessum habemus.

*Ad Argum. II.*

Fuit responsum. Nempè I. *Ubicunq;* *An forma*  
*nobiliores potentia & qualitates apparent,* *gemma-*  
*quàm quæ ab Elementis proficisci queunt, ibi* *rum, alio-*  
*etiam nobilior est forma, talis scilicet quæ ex* *rumq; mi-*  
*nullâ elementorum mistione & remissione* *storû, com-*  
*fieri potest. In mistis nobiliores potentia &* *modè ex*  
*qualitates apparent, quàm quæ ab Elemen-* *Elementis*  
*tis proficisci queunt. Ergò etiam in mistis* *deducan-*  
*nobilior est forma, talis nempè, quæ ex nullâ* *tur.*  
*elementorum mistione & remissione fieri*  
*potest. Hinc Scaliger loco sæpiùs citato*  
*(Exerc. 307. s. 20.) inquit: Quin istis edica*  
*simul, omnem formam cujuscunq; perfectè*  
*misti, etiamsi non est anima ut in adamante,*  
*naturam esse quintam, longè aliam à qua-*  
*tuor Elementis. Quò ex loco deducitur*  
*Herculeum argumentum contra Alexan-*  
*drum, qui animam ex quatuor Elementis*  
*constituebat. Falsa ergò est Minor. II.*  
*Conclusio Syllogismi contra nos non*  
*est, quia formam magnetis, gemmarû,*  
*& metallorû, ex coalitû formarû*  
*Elementarium fieri, nullibi Dn. D. Sen-*  
*nertus asseruit. Pugnat ergò Adver-*  
*rius more Andabatarum.*

*Ad Arg.*

## Ad Argum. III.

Quo pa-  
cto à Cre-  
atore pri-  
mitus o-  
mnia se-  
mina fue-  
runt crea-  
ta.

Adversarius miserrimè confundit se-  
mina *specierum* cum seminibus *indivi-*  
*duorum*. Non omnia semina à creato-  
re fuisse creata, sed multa etiamnum de  
novo prioribus consumptis generari,  
magno molimine probare conatur,  
verùm ausu planè jejuno. Quis enim  
adeò mentis dementis esset, ut hujus  
canis, hujus equi, & hujus hominis, se-  
mina numericè sumpta, in primâ crea-  
tione producta fuisse, somniare non  
erubesceret? De *specierum*, non de  
*individuum*, seminibus *Clariss. Dn.*  
*Sennertus* loquitur: & sicut individua  
omnia non sunt creata, ita nec omnia  
omnium *individuum* semina creati-  
onis opus habuerunt. Nulla ergò est Major  
quia ad primævam creationem *Experi-*  
*entiss. Dn. Sennertus* recurrit, saltem ut  
monstret, non tumultuario quatuor  
Elementorum concursu factum esse se-  
men canis, semen equi, aut semen quer-  
cus, sed Deum jussisse terram germina-  
re germen, herbam producentem se-  
men, arborem fructiferam facientem  
fructum juxta speciem suam, & Deum  
benedixisse piscibus, volatilibus, & cun-  
ctis



etis animalibus, iisq; vires fatificandi & generandi concessisse, ut opus non sit, ad nescio quas causas vel remotas, vel instrumentales, vel peregrinas confugere. Sed mittimus hæc, fermè pueris nota.

*Ad Argum. IV.*

Adversarius neicit à creatione ad generationem non licere argumentari. Dixit sanè Deus, *terra germinet germen*, & terra germinavit germen. Sed quid inde? Ergo né terræ facultatem semina arborum etiamnum hodiè producendi, indidit? Idem est, ac si sic colligerem: Dixit Deus, *producat terra animam viventem*, quæq; secundum speciem suam, jumenta & reptilia atque bestias terræ secundum speciem suam, fuitq; ita. Fecit ergò Deus bestias terræ secundum speciem suam, & jumenta secundum speciem suam. &c. *Gen. 1. v. 24. & 25.* Ergò terra hodiè adhuc habet facultatem semina jumentorum & bestiarum producendi, & forsan generabit equos, boves, oves, capras, apros & leones. Hoc sanè est Mundum primitùs creatum cum mundo propagatione conservato, & creationem, solius Dei omnipotentis opus,

*Formarū  
traductio-  
nem ipse  
Moses do-  
cet.*

*Crescite  
& multi-  
plicamini.*

cum generatione creaturis vi benedictionis (non frustrâ factâ) largiter concessâ, confundere. Corruit ergò Minor cum probatione suâ ineptâ. Vim & nervum locorum è Sacris allegatorum & ad traducem applicatorum, si manibus palpare gestit Adversarius, attendat Syllogismum sequentem: *Quicquid à creatore jussum fuit, speciem sibi similem producere, id etiam formam specificam istius speciei producere tenetur. Animantia è terris & aquis producta, à Creatore jussa fuerunt, speciem sibi similem producere. Ergò animantia è terris & aquis producta, etiam formam specificam istius speciei producere tenentur.* Major probatur, quia id speciem producere nequit, quod non unâ formam specificam producit, sine hac enim species non est species. Ut corpus facere sine materiâ, est panem facere sine farinâ, & somnium sine somno: ita speciem sine formâ specificâ, & v. g. canem sine animâ caninâ, equum sine animâ equinâ, & quercum sine animâ quercus, facere, est contra Dei jussum & mandatum, non canem, non equum, non quercum, & non speciem producere & generare.

*Ad Arg.*

*Ad Argum. V.*

Adversarius confundit generationē *Inchoatam* seu *Imperfectam*, cum generatione *Consummatâ* seu *Perfectâ*. De priori loquitur Major cum suâ probatione, non de posteriori. Nempè Imperfecta & Inchoata generatio fit, cum semen generatur & excernitur: Perfecta autem & Consummata demùm fit, cum omnes partes formantur, totumq; cum omnibus membris quæ ad esse suum spectant producitur. Sic in generatione canis primùm Imperfecta generatio fit cum seminis generatione & excretionem, hinc Perfecta post seminis generationem & excretionem in membrorum elaboratione, totiusq; corporis organici constitutione. Quâ de re dictum suprâ in *Respons. ad Argum. 2. Pent. Undec.* Nec obstat, quod Adversarius ait, illam corporis fabricationem ex *Scaligeri* sententiâ non esse generationem, sed imperfecti saltem corporis perfectionem. Luditur enim termino generationis. Nam membra ac partes corporis generari, & *Aristot. 2. de Gener. Anim. cap. 2.* & alij saniores cum ipso, lubenter fatentur. Et si non generarentur, crearentur, quod absurdum.

*Quando fiat generatio Imperfecta?*

*Quando fiat generatio Perfecta?*

*Object.*

*Respons.*

Hinc cadit gravis ille error, quem *Dn. Sennerto* assuere conatur Adversarius, quod semen, ob animæ præsentiam & operationem, principalem generationis causam dixerit: nam 1. de generatione membrorum, quæ ad Consummatam & Perfectam generationem (quæ utiq; formâ jamdudum introductâ exercetur) spectat, loquitur. 2. ipsum Aristotelem sequitur, qui 7. *Metaph. cap. 9.* semen ad agentia univoca referre, non veretur. Salva etiam adhuc *Clariss. Sennerti* est ratio, videlicet, semini non possunt partes generantis instrumentarij duntaxat tribui, quia generans à quo semen communicatum fuit, vel longè abesse, vel periisse potest. Agentia enim Instrumentalia agunt virtute principalem, quibus sublati ultrò istorum etiam cessat actio. Sic proprio Marte penna non scribit, nec malleus ædificat, nec acus vestes confuit. Exceptio Adversarij est inepta, quia non jam queritur, quidnam generans communicaverit, sed saltem cujus virtute communicatâ illa sive forma sive potentia agat. Si propriâ, agens instrumentale non est: tunc alienâ, id quod longissimè abest, vel etiam

*Cur semen non sit Causa Instrumentalis.*

etiam planè perit, per illam formam  
aut potentiam operabitur, quod ἀλο-  
γov.

# PENTAS DECIMA OCTAVA.

## *Argum. I.*

Quicquid lubrico superstructum est  
fundamento, id stabile firmumq; esse  
nequit. Doctrina de præsentia animæ  
in semine, lubrico superstructa est fun-  
damento. Ergo doctrina de præsentia  
animæ in semine, stabilis firmaq; esse  
nequit. Minor probatur, quia funda-  
mentum illius inprimis est Syllogismus  
sequens: Ubi datur actio animi, ibi est  
anima præsens. Generatio est actio  
animæ &c. Sed negamus Majorem &  
Minorem. Hanc ex ipso Sennerto in-  
ficiamur, qui in Epit. Phys. lib. 3. cap. 2.  
mitionis causam efficientem genera-  
lem cœlum, & proximam actionem  
duarum qualitatum esse asserit: & ca-  
pite sequenti misti generationem esse  
in mitione, & mitionem in misti ge-  
neratione scribit; & paulò ante etiam  
in generatione prius formã misti quàm  
animam produci existimat. Et si ipsa  
misti forma est vera pro animã recipi-

endâ dispositio , & proximum animæ  
 subjectum, ut ipse ait Sennertus, eamq;  
 hac ratione præcedit , sanè actiones  
 quas animæ adscribit, absente animâ  
 fieri posse necessum est.

*Argum. I. F.*

Quicumq; verum modum quo for-  
 mæ specificæ sese multiplicant, non at-  
 tendit, sibiq; ipsi contrarius est, ille do-  
 ctrinam de generatione malè explicat.  
 Dn. Sennertus verum modum quo for-  
 mæ specificæ sese multiplicant, non at-  
 tendit, sibiq; ipsi contrarius est. Ergo  
 doctrinam de generatione malè expli-  
 cat. Minor probatur, quia cum formæ  
 specificæ sese multiplicant, disponunt  
 subjectum vel materiam sibi conveni-  
 entem, quod fit per commodam mi-  
 stionem; quo ipso etiam sibi contrarius  
 est Dn. Sennertus, primò quod mixtio  
 & misti generatio fiat ante animam vel  
 formam specificam, ipso afferente, se-  
 cundò quod sola ipsi sit mitionis pri-  
 maria causa.

*Argum. III.*

Quicumq; alimenta non simpliciter  
 ex Elementis constare asserit, is anima-  
 lia ex

lia ex Elementis non nutriri, sed aliâ sublimiori substantiâ, quale est humidum radicale, & spiritus quidam elementis & elementatis connatus con-creatusq; , concedat necessum habet. Dn. Sennertus alimenta non simpliciter ex Elementis constare asserit. Ergò animalia ex Elementis non nutriri, sed aliâ sublimiori substantiâ, quale est humidum radicale, & spiritus quidam elementis & elementatis connatus con-creatusq; , concedat necessum habet.

*Argum. IV.*

Si homo nutritur humido radicali, quod balsamum & quinta essentia à Dn. Sennerto vocatur, sequitur quod nutriatur quintis tantum essentiis, & quod etiam id quod in nobis verè humanum corpus constituit, tantum ex iis quintis essentiis constet. Sed posterius est falsum. Ergò & prius.

*Argum. V.*

Si homo constat etiam è quintis essentiis, fortè per separationem substantiarum Elementarium, minus utilem, immortalis esse poterit, sicut rosarum & herbarum essentiae spirituales à Quercetano productae, & à Sennerto non

pro fabulis aut præstigiis, sed veris factis habitæ. Sed posterius falsum censent cordati & docti omnes. Ergo & prius.

## Adversarij Verba.

### THESIS LVIII.

*Quod verò adeò mordicus urget Sennertus, ubi datur actio animi, ibi est anima præsens. Generatio est actio animæ &c. Negamus majorem & minorem. Hanc ex ipso Sennerto inficiamur. In physica sua, seu Epitome naturalis scientiæ libr. 3. cap. 2. fol. 224. inquit. Causam misionis efficientem generalem esse cælum, proximam vero actionem duarum qualitatum. Et ibidem capite sequenti adserit, misti generationem esse in misione, & misionem in misti generatione, Et paulò ante inquit: In generatione prius producit forma misti quam anima. Et licet dicat Sennertus formas específicas habere vim seipsas multiplicandi, tamen cum multiplicant sese, disponunt subjectum vel materiam sibi convenientem, quod fit per commodam misionem, quo ipso sibi ipsi iterum est contrarius, primo quod mistio & mixti generatio fiat ante animam vel formam specificam ipso asserente, secundo quod*  
sola



sola ipsi sit primaria missionis causa. Cum itaq, missionem primarium anima munus esse asserat, & tamen baud fieri antequam anima superveniat, imò si ipsa missi forma est vera pro anima recipienda dispositio & proximum anima subjectum, uti ibi inquit, eamq, hac ratione precedat, sane actiones quas anima adscribit, absente anima fieri posse necessum est. Pari modo ex limo rana, mures, & ex re putrescente vermes generantur, cum vi caloris nativi tum cœlestis, non per actionem animæ.

#### THESIS LIX.

Progrediendum ad alia non absimilia hactenus commemoratis; uno inconvenienti admissio innumera sequi par est.

Alimenta quibus homo ceteraq, nutriuntur animantia, non simpliciter ex Elementis constare aut mista esse, sed esse humidum radicale, & spiritum quendam insitum, quibus in escam cedentibus, noster vitalis insitusq, spiritus & humidum radicale restauretur & conservetur asserit D. Senn. libr. 1. Instit. cap VI. Istius humidi radicalis quod cum spiritibus & calore quasi entelechia & vita conservator est, omnibus partibus & in continuo fluxu constituti causa alimenti

oritur necessitas, ita ut nutritio semper ex hoc sit in actu secundo. Quid hinc sodes? Animalia scilicet ex Elementis non nutriri, sed alia sublimiori substantia; quale est humidum radicale, & spiritus quidam elementis & elementatis connatus, concreatusque quem lib. V. Instit. cap. 2. balsamum & quintam essentiam vocat. Homo proinde nutritur quintis tantum essentiis, & cum ex iis constemus quibus nutrimur, id quod in nobis verè humanum corpus constituit ex elementis non constat. Hinc Paracelsici isti homines astrales, qui si instar ceterarum quintarum essentiarum possent ab elementorum coalitu tanquam matriculis & thecis ad veram substantiam non pertinentibus liberari, forte cum ceteris essentiis & seminibus & spiritibus Paracelsicis, alternis mundi scenam & Iliadum beatitatis sue repetentibus immortales essemus, cujus farina procul dubio illa rosa & herbarum spiritualis essentia è cinere apud Quercetanum emergens & exiliens libr. de defension. Hermet. philosoph. quam cum fabulam aut manes prestigiasque arbitrarer, uti censent etiam cordati & docti omnes, mirifice vapulo apud D. Sennerium libr. de Galen. cum Chym. conf. & diss. cap. X.

Sed

*Sed qui & veritatis & antiquioris solidag, philosophia & medicina assertor & doctor praeclarus toti mundo videri cupit, sub persona Dogmatici Medici paracelsica deliramenta sensim, quasi aliud agens in scholam Esculapicam introducere, & prurienti juventuti, ingeniisq, novarum & monstrosarum opinionum avidis instillare non debebat; quid enim magis Paracelsicum, quam docere Elementa esse nudas thecas & matrices, rerum essentias continentes non constituentes.*

## Responsio Generalis.

*Adversarius ἀνδρεία adfert, & calumniari pergit.*

*Ἐκθεσις.*

Animas seminibus denegare omniconamine tentat. Idq; ut expediat, ad Motionis naturam relabitur, quam ad mentem Aristotelis per miscibulum nionem in *Epit. Phys. Dn. Sennerti* descriptam animadvertens, à misli constitutione ad animatorum generationē argumentari conatur. Verum, diversa hīc generationum genera cōfundi, apparet ultrò. Hinc Aristotelici, quos in *Epitome Phys.*

*Adversarius confundit diversa generationū genera.*

*Physicâ* maximam partem *Clariss. Dn. Sennertus* sequitur, distinguendum esse inter generationem Elementorum, Misti, & Animatorum, nec ab illa ad istam, neque ab ista ad hanc, argumentari licere, dicuntur. Adversarius ergo præter rem ad mitionem hîc sese confert. Deinde, ad alimenta etiam progreditur, quæ non beneficio calidi innati nutrire nō sine bile contendit, Sed quorsum ad ista devolvitur ordo? Ait quidem *ib. 59. Progrediendum ad alia non absimilia hæctenus commemoratis; uno inconuenienti admissio innumera sequi par est.* Verum, quænam inter originem formarum & rationem nutrimentorum est similitudo? Sic forsân omnia omnibus erunt similia. Inconuenientia quæ è formarum traductione sequi videntur, hæctenus sat discussa & dispersa sunt, videat Adversarius quomodo suam ab inconuenientibus & falsitatibus liberet Educationem. Dolendum verò est, quod virulenta lingue suæ tela iterum exerere & in famam gloriamq; *Sennerti* nostri crudelissimè debacchari non dubitet. *Sed qui & veritatis, ait, & antiquioris solidæq; philosophiæ & medicinæ assertor*

*Adversarius præter rem ad alimenta se convertit.*

*Adversarii si omnia.*

sertor & doctor præclarus toti mundo videri cupit, sub persona Dogmatici Medici paracelsica deliramenta sensim, quasi aliud agens in scholam Æsculapicam introducere & prurienti juventuti, ingeniusq; novarum & monstrosarum opinionum avidis instillare non debebat &c. Sed bona verba, mi Freitag. Accidit jam Dn. Sennerto, quod eventurum prævidit in *Libr. de Chymic. cum Aristot. & Galen. Conf. ac Diff. Præfatione ad Lectorem*. Ita enim ibi ait: *Etsi verò nullo alio fine, quàm veritatis investigande, atque artis Medicae propagande studio istud negotium à me susceptum esse, noverit Is, qui novit omnia; & instituti mei ratio bonos viros, qui me norunt, non lateat: tamen facile conjicere possum, non omnium idem de hoc meo labore futurum judicium, nec omnes eo, quo à me hæc profecta sunt, animo accepturos. Indignabuntur enim procul dubio quidam rigidi & pertinaces Peripatetici & Galenici, qui in magistrorum verba jurarunt, ac cum Aristotele, Hippocrate & Galeno errare, quàm cum recentiorum aliquo verum dicere malunt, quod Chymicorum quasdam opiniones non planè rejici, sed, si dextrè explicentur, recipiendas censui: atque Aristotelicam Philosophiam, &*  
*Gale-*

*Galenicam Medicinam Chymicorum opinionibus contaminari conquerentur. Contra egrè Chymici nonnulli ferent, quod non omnes Paracelsi opiniones pro oraculis habui, & quod studiosam juventutem à Pseudochymicorum absurdissimis & portentosis opinionibus debortatus sum. Verùm quid aliud facerem, qui unicum scopum veritatem præfixam habui, & tantum quid diceretur, non à quo diceretur, spectavi, veritatemq; omnibus autoritatibus præposui? Non tanè Virum hunc, quantum ad Peripateticos, proprium hoc fefellit præsagium, dum planè pro absurdo & deliro Paracelsi assellâ ab Adversario suo, à quo omnis modestia & moderatio exulat, qui & se nihil refutare posse, nisi autoris eruditionem & existimationem mirum dirumq; in modum laceret, existimat, traducitur. Sed res Deo committenda, cui soli vindicta, qui suo tempore lucem è tenebris proferet, & calumniæ tela confringet. Gloriæ cupidum esse, aut fuisse unquam, Dn. Sennertum, totique mundo, nescio quid, videri eum velle, aut voluisse unquam, filamenta è corpore aranæ genita sunt. E tuo ingenio, mi Freitag, alios judicas. Sed*

res plena periculi est. Multi gloriæ studiosissimi & appetentissimi audivêre istud: *Speras futurum ut dicta tua in memoriâ hominum durent post tuam mortem: sed hæc nulla cum sint, dum sunt, quæ poterant esse, dum non erunt?* De Sennerto nostro longè aliter judicant, qui familiarius cum eo conversantur. Gloria autè quæ cum hæctenus non sine splendore comitata fuit, nō tam sequentem, quàm fugientem illum habuit. Agit quæ sua sunt, cætera commendans DOMINO, & de hoc unico non semel conquerens, quod res omnium pessima rem omnium optimam comitetur, nempe umbra Invidiæ lucem Virtutis.

*Ut rosa suadeolens spinis miscetur acutis,  
Sic virtutis bonos pungitur invidia.*

## Responsiones Speciales.

### *Ad Argum. I.*

Transseat, quod Adversarius *animum* & *animam* pro Synonymis habeat, cum tamen non parùm differant, uti apud *Scalig. Exerc. 307. f. 2.* videre est. Minor negatur. Quoad probationem Adversarius

*Syllogis-  
mus pro  
præsentia  
anime in  
semine.*

farius mentē *Clariss. Senn.* pervertit. Non  
n. Minorē hanc, Generatio est actio ani-  
mæ, *Dn. Sennertus* format, sed aliam nō  
parū diversam intendit. Benè novit,  
etiam tacente Adversario, multas fieri  
generationes absq; animæ ullius vel in-  
fluxu vel præsentia. Ita ergo vult argu-  
mentari: *Ubi datur anime operatio, ibi et-  
iam datur anima præsens. In semine viven-  
tis datur anime operatio. Ergo in semine  
viventis datur anima præsens.* Minor pro-  
batur, quia ibi est (1.) seminis vivifica-  
tio, & (2.) omnium partium efforma-  
tio. Hic jam Adversarius animi inten-  
dat nervos, & neget si absque rubore  
potest & Majorem & Minorem. Major  
nonne sat firma est? Nonne ab opera-  
tionibus ad facultates, & à facultatibus  
ad formas argumentari licet; cum in-  
evitabili necessitate operationes de fa-  
cultatibus, & facultates de formis te-  
stentur? Et si quid habet Adversarius;  
quo Majorem hanc infringat, cur So-  
lem metuit, & id non apertè promit?  
Cur è spuriâ Minoris probatione Ma-  
jorem firmissimam infirmitatis alicujus  
arguere indirectè & re quasi malè actā  
conatur? *Si, inquit, ipsa misti forma est*  
*verā*



vera pro animâ recipiendâ dispositio, & pro-  
 ximum animæ subjectum, ut ipse ait Sennertus,  
 eamq; hac ratione precedit, sanè actio-  
 nes quas animæ adscribit, absente animâ fie-  
 ri posse, necessarium est. Pulcherrima pro-  
 batio! Nam 1. Dn. Sennertum statuere  
 misti formam esse veram pro animâ  
 recipiendâ dispositionem; & proximū  
 animæ subjectum, fallum est. De cali-  
 do innato passim, & in *Instit.* & in *Libr.*  
*de Cbym. cum Aristot.* & *Gal. Cons. ac Diff.*  
 hoc dicit, sed non de formâ misti: at  
 calidum innatum & formam misti dif-  
 ferre, quis sanorum negabit? 2. Pona-  
 tur, istam misti formam, veram pro ani-  
 mâ recipiendâ dispositionem esse, sed  
 quid hoc pro Adversario? Fuisse tne per  
 actiones animæ; & quidem absentis,  
 producta? An hæc digna sint, quæ vel  
 recenseantur vel refutentur dubito:  
 Manet inconcussa & ab omnibus doctis  
 concessa Major, *Ubi datur animæ opera-*  
*tiō, ibi datur anima præsens.* In Minore  
 solatium, si sperandum, quærere non  
 tantæ foret absurditatis. Sed & illa ro-  
 bore non caret, omnesque Adversarij  
 negotio facili eludit insultus. Quæ enim  
 profert de generatione misti, quid quæ-

Except.

Adversa-

rii ad Ma-

jorem.

Respons.

*Except.*

*Adversarii ad Minorem.*

*Resp.*

so ad rhombum? Generanturné mi  
per operationem animæ? Ad vivifi  
tionem & partium efformationem  
spondere debebat, & nescio quo fa  
*Libr. 3. Epit. cap. 2.* arripuit, doctrinam  
de generatione misti, ut sic, cum doct  
nâ de generatione vivētium, mare cu  
cœlo, & cœlum cum mari, commiscet.  
Ita saltem conquirat *ἐπιζώματα*, ex  
gitat effugia, & indagat latibula, mo  
ne vanas deponere præsumptiones  
errasse se errorisq; convictum esse, fa  
ri necessum habeat.

*Nam nescire pudens prædè, quàm discere  
mavult.*

Plura supra in *Resp. Gener. Pent. OEt.*

*Ad Argum. II.*

Minor falsa est. Probario indicat, A  
versarium nec se nec alios intelligere  
*Formæ specificæ ita se multiplicant*, ait,  
*per commodam misionem subjectum vel ma*  
*teriam sibi convenientem disponant.* Po  
ut exemplo Adversarius id declare  
loco exempli canis. Hujus formæ sp  
cifica dicitur se multiplicare ita, ut p  
commodam misionem subjectum  
materiam sibi convenientem dispon  
Quæro, an hoc faciat canis forma s

*Quomo-  
do Adver-  
sario sese  
multipli-  
cent for-  
mæ specifi-  
cæ.*

ci

cifica præſenter, an abſenter? Dubio  
procul non abſenter. Quia actio requi-  
rit contactum. Si præſenter, quæro  
quodnam ſit illud ſubjectum aut mate-  
ria conveniens quam per commodam  
miſſionem diſponit? Semen forſan id  
ſubjectum erit. Ergo anima canis in ſe-  
mine erit. Ergo Adverſarius id propu-  
gnat, quod oppugnat, & dubio procul  
propria verba non intelligit. Et ſi hæc  
non intelligit, quid intelligeret verba

aliorum? Dicit *Dn. Sennertum* ſibi con- *Except.*  
trariari 1. quod miſſio & miſſi genera-  
tio fiat ante animam vel formam ſpecifi-  
cam, ipſo aſſerente. 2. quod ſola ipſi  
ſit miſſionis primaria cauſa. Sed con-

trariationem non video. Si locum è *Reſponſ.*  
*Dn. Sennerto* Adverſarius allegaſſet, res  
plana fuiſſet. Miſſi, ut tale eſt, quo ſen-  
ſu in *Libr. 3. Epit.* tractatur, genera-  
tionem cum animati generatione cõfun-

dere non licet. Et ſolam animam mi-  
ſſionis cujuſvis primariam cauſam eſſe,  
Adverſarius pro lubitu ſuo *Dn. Sennerto*  
aſſingit. Cætera è ſuperioribus patent.

### *Ad Argum. III.*

Nunc Adverſarius tranſit à forma-  
rum origine, ad rationem nutrimento-

Bb 2

rum.

Cujus na-  
tura nu-  
trimenta  
sint.

rum. Status ergò Controversiæ est,  
an Nutrimenta planè Elementaris sint na-  
tura, an secus? Hac de re in *Instit. Med.*  
*Libr. 1. Cap 5. p. m. 40.* ita ait *Experientiss.*  
*Dn. Sennertus*: Pabulum verò, quo ani-  
malia & homo utitur, etsi concretionis Ele-  
mentaris non sit expers: tamen planè Ele-  
mentare non est. Deus enim omni bestie  
terra, cunctisq; volucris cœli, atque omni-  
bus reptantibus super terram, in quibus est  
anima vivens, omne olus herba dedit in  
escam: Et homini omnem herbam produ-  
centem semen, quæ est in superficie totius  
terrae, & omne lignum, in quo est fructus  
arboris producentis semen, dedit in escam;  
& postea etiam omne reptile quod est vi-  
vens, Animalia autem & planta quæ homi-  
ni & animalibus, cibi loco sunt, non simpli-  
citer mista sunt ex elementis, sed suum humi-  
dum radicale suumq; spiritum insitum obti-  
nent, quo animalium quibus in escam cedunt,  
spiritus insitus, calidum innatū, humidumq;  
radicale conservatur & instauratur. Quod-  
libet enim animal quicquid est in carnibus  
vel plantis humidi radicalis calidq; insiti,  
suo corpori apponit, corporiq; suo aptum  
reddit, & οἰκείον facit: reliquum corpus  
mistum, ut inutile excernitur. Contra ten-

ter.

tentiam hanc nonnulla profert Adversarius, quæ certis *Argumentis* includere iisq; *Responsiones*, more hætenus sucto, *Nutritio* subjungere constitui. Præsens ergò at- *fit per Calidum Innatum* gumentum conceditur totum. *Id enim in animalibus per nutritionem restaurari debet, quod absumitur. At non quatuor Elementa absumuntur, sed Calidum Innatum. Ergò etiam Calidum Innatum restaurari debet.* Si hoc, ergò etiam non per quatuor Elementa, sed per simile, nempe per calidum innatum cibis insitum, restaurari debet. Et cur non vescimur lapidibus? Dubio procul enim quatuor Elementis non carent. Si jam per Elementa fit nutritio, cur silex & pumex non nutriunt? Res sanè clara est. Quò plus calidi innati rebus inest, eò magis nutriunt; quò minus, eò minus; & quibus nihil, ad nutrimenta non spectant. Hinc nutrimenta è solo viventium ordine sumenda veniunt.

*Ad Argum. IV.*

Duo sunt, quæ in Majore sequelæ instat inferuntur. Alterum est, hominem nutriri quantis tantum essentiis: alterum, id quod in nobis verè humanum

corpus constituit, tantum ex iis quintis essentiis constare. Quoad prius præcavendum, ne Adversarius ludat terminis. Notandum ergò quid, & de *nutrimento*, & de *quintâ essentiâ*. Nutrimentum communiter ex Hippocrate triplex

*Nutrimẽ-  
tum tri-  
plex.*

dicitur: 1. Nutrimentum quod nutrit. 2. Nutrimentum quod velut nutrimentum est. 3. Nutrimentum quod nutriturum est.

Τροφής δὲ τὸ τρέφον, τὸ τρεφὴν, καὶ τὸ οἷον τροφή, καὶ τὸ μέλλον τροφή. Nutrimentum, quod nutrit, est id quod jam assimilatur. Nutrimentum, quod velut nutrimentum est, est id quod jam appositum agglutinatumvé est. Nutrimentum quod nutriturum est, est reliquum omne, sive in venis, sive in ventre, sive

*Quinta  
Essentia  
quid sit  
Chymicia.*

alibi contentum, Quinta Essentia Chymicis dicitur, purissimum, nobilissimū, & efficacissimum illud, quod in frumẽto, vino, melle, aliisq; mistis inest, & neque Elementum, neque Elementatum, sed θειότερον τῶν καλαμῶν στοιχείων σώματ' καὶ ἀναλόγῃ τῶν ἄστρον στοιχείων φύσεως est. His præmissis, prius quod

*Quale Nu-  
trimentum  
sit quinta  
Essentia.*

sequelæ loco in Majore insertur, pro ratione locutionis ambiguae, & affirmatur, & negatur. Affirmatur hoc sensu, Nutrimentum quod nutrit, & Nutri-  
men-



mentum quod velut nutrimentum est,  
 quinta essentia, seu calidum innatum,  
 aut humidum radicale est. Atque sic  
 Adversarius infert id, quod est ipsa The-  
 sis. Negatur, si res de nutrimento quod  
 nutriturum est, & de quintis essentiis  
 indifferenter sumptis intelligatur. Id  
 enim quod in ventre & venis est, non  
 quinta essentia, sed mistū quintā essen-  
 tiā refertum, est: nec quibusvis quintis  
 essentiis nutrimur, aliās etiam pura me-  
 dicamenta degenerarent in nutrimen-  
 ta. Quoad posterius, sequela illa non  
 sequitur. Licet enim homo nutriatur  
 dicto sensu quintā essentiā, non tamen  
 ob id quoddam in eo est quod verè hu-  
 manum corpus constituit, & tantū ex  
 iis quintis essentiis constat. Non enim  
 saltem Calidum Innatum, sed etiam E-  
 lementa verè corpus humanum con-  
 stituunt, siquidem nulla in toto corpo-  
 re humano pars est, quæ quatuor Ele-  
 mentis non constet, unde ridiculum  
 est astralem quendam fingere velle ho-  
 minem, cum homo corpus organicū,  
 nō autem spiritum quendam aut quin-  
 tam essentiā, denotet. Nec obijci potest  
 Canon, *Ex iis constamus, ex quibus nutri-*

*Quale  
 Nutrimē-  
 tum non  
 sit quinta  
 Essentia.*

*An dentur  
 homines  
 astrales.*

*Object.  
 Respons.*

*Bb. 4*

*mar,*

*mur*, cum ille (1.) de identitate non *vera*, sed *proportionis & similitudinis*, & (2.) *Inclusive*, non *Exclusive* intelligendus sit. Aliàs, quoad prius, homo homine, & forsan vivente, canis cane, equus equo, & quercus quercu, nutrentur: & quoad posterius, anima rationali homo nō constaret, nec equinā equus, nec caninā canis, & nec quernā quercus.

*Ad Argum. V.*

Calumnias spargit Adversarius, unde vix ullâ responsione est dignus. De quintis Chymicorum essentiis sinistrè loquitur, & extracta cum integris pessimè confundit. Chymicos corpora naturalia concreta resolvere, ac qualitates præcipuas cum suis propriis subjectis, à fecibus crassioribus & materiis terrestribus & aqueis, ceu inutilibus, separare audit: hinc etiam hominem ita extrahi posse per absurdum colligere tentat. Sed salva res est. Quintæ Chymicorum essentiæ steterunt hucusq; & stabunt porro. Errores quos nonnulli Paracelsistarum hîc sovent, suos non facit *Dn. Sennertus*, transigat Adversarius cum illis, & *Dn. Sennerto* non affingat quod in mentem ipsi nunquam venit.

*Mim &  
misera  
Obiectio.*

*Respons.*



nit. Nos Elementa ad hominis constitutionem inutilia esse negamus, & nec in plantis, nec in animalibus, pro nudis thecis & matriculis ad veram substantiam non pertinentibus, ea habemus. Aliud enim est, *secundum quid*, quoad nonnullas medicamentorum facultates, & aliud *simpliciter*, quoad plantarum & animalium constitutionem, ea vocare inutilia. Calumniis ergo etiam Sophisinata adnectit Adversarius. Rosas & plantas spiritales à *Quercetano* relatas, alius perpendere, rationes inquirere, naturam non raro seipsam explicantem audire, eaq; quæ historiæ confirmant non pro fabulis, manibus, & præstigiis habere, debuisset Adversarius; sed suo utitur genio, quod assequi nequit negat, veritatis inquisitores ridet, ad omnes doctos & cordatos vanâ gloriatione (ac si *Quercetanus*, *Libavius*, *Cornarius*, & alij, docti non essent) provocat, & se apud *Dn. Sennertum* mirificè vapulasse indignabundò conqueritur. Ut verò querelæ hæ, & res ipsæ auditu mirabiles, meliùs patefiant, locum è *Dn. Sennerto* de verbo ad verbum adjungam, atque sic Pentadem hanc

Historia  
mirabiles.

concludam. Ita autem ille in *Libr. de Chym. cum Aristot. & Galen. Cons. ac Diss. Cap. 10. p. m. 126.* Conclusionis loco notatu dignam, & quæ ad naturam spirituum investigandam, non parum animum informare, & multo plura in natura ambitu concludi, quam nonnulli existimant, persuadere possit, historiam proponere libet, ex *Quercetano*, in *Defens contra Anonym. cap. 23.* Refert autem in eo loco *Quercetanus*, se aliquando vidisse Medicum quendam, *Cracovienf. Polonum*, qui adeo artificiosè noverat ex omnibus plantæ cujusvis partibus pulverem parare, qui Spiritus plantæ, facultatum & functionum autores, contineret; Ita ut si quis rogaret sibi rosam aut calendulam, aut papaver monstrari, pulverem illius plantæ, vitreo vasculo, Hermetico sigillo obsignato, inclusum, lucernæ admoderet, ut in fundo incalesceret. Quo facto illum pulverem sensim, in speciem plantæ se extulisse & crevisse refert, plantamq; omnibus partibus absolutam exhibuisse, ut planè quis corpoream putarit. Cum tamen saltem spiritualis esset, & vase refrigerato, & tempore languescente iterum in cineres vel pulverem resideret; non sine Resuscitationis & regenerationis ad alteram vitam imagine. Atque talia vitæ plura, quam 30. habuisse scribit. Cui non est  
dis-

*disimilis historia, quam recitat Libavius  
 Syntagm. Arcan. Cbyt. lib. 1. c. 22. communi-  
 catam à Jeremiâ Cornario, Archiatro Bran-  
 deburgico, Culmbachij. Is n. cum anno Cbri-  
 sti 1608. mense Junio aquam quandam de-  
 stillari curasset, eamq; in vitro, qualibus as-  
 servari solent aquæ destillatæ, asservasset:  
 mense Novembri in vitri ejus fundo plantu-  
 la crevit, cujus picturam & totam historiã  
 loco allegato videre est. Jobannes Freitagius  
 quidem, in Noctibus Medicis, cum nō viderit  
 rosam illã in vitro è cinere pullulantẽ, eã pro  
 fabulis vel prestigiis habet; & rationibus  
 nescio quibus, cap. 64. monstrare conatur; id  
 quod Quercetanus se vidisse testatur, fieri  
 non potuisse. Verum confirmat historiam  
 Quercetani altera Cornarij, ideoq; rectius  
 fecisset, si quod prudentissime Scaliger, in lib.  
 1. de plant p. 218. scribit perpendisset. Longẽ,  
 inquit Scaliger, sapientius Aristoteles: Ubi  
 res constet, si opinio adversetur rei, quaren-  
 dam rationem, non rem ignorandam: Si ni-  
 mirum Chymia osiores & ἐκ βίβλων κρυβεμένη-  
 ται, manum ipsi operibus Chymicis admove-  
 rent, viderent procul dubio multa, quæ jam  
 non credunt. Hæc Dn. Sennertus. In  
 quibus quàm mirificè vapulet Freita-  
 gius non video.*

PEN-

PENTADES DUÆ ULTIMÆ.  
PENTAS XIX.

*Argum. I.*

In quæcunq; resolvuntur mista, illa sunt prima, ex iisq; mista constant. In Elementa resolvuntur mista. Ergò Elementa sunt prima, ex iisq; mista constant. Minor probatur, quia resolutio vel fit ab arte, vel à naturâ. Utraq; ab it in Elementa. Arte separantur spiritus & olea, phlegma & cinis, caputq; mortuum. Hæc omnia transeunt ad suum, unde nata sunt, Elementum, coq; reducuntur. Spiritus in aërem & ignem re-vertuntur: oleum in flammam seu ignē: phlegma est aqua quæ vinculū & compagem terræ mista ad soliditatem præstabat corpori.

*Argum. II.*

Ut se habet ratio conservationis animalis, ita etiam est ratio constitutionis illius. Sed corpus animale vitâ non potitur sine calore, neque calor conservatur sine aeratione & eventatione humidiq; nutritione, neque sine terreâ soliditate ab humido compactâ corpus vitale existit, muniaq; necessaria obit,  
aut

aut humidi calidiq; subjectum idoneum & capax est. Ergò etiam tam ex terra & aqua quàm ex aëre corpus nostrum fabricatum est, nullaque pars corporis seu solida terram & aquam magis redolens, seu calidior limpidiorque aere & igne magis constans, pro recrementitia, inutili, & non necessariâ reputanda.

*Argum. III.*

Si sal etiam in spiritum oleumve, & hoc in ignem demum vertitur, sequitur omnia ad sua prima redire elementa. Sed prius est. Ergò & posterius.

*Argum. IV.*

Si omnia redeunt in Elementa, sequitur in mistis virtutes à mistorum formis variis, subindeq; novis, sibi per varias mitiones succedentibus, profectas esse. Sed redeunt omnia in Elementa. Ergò etiam in mistis virtutes à mistorum formis variis, subindeq; novis, sibi per varias mitiones succedentibus, profectas esse sequitur.

*Argum. V.*

Si ossa (1.) sunt pars corporis terrea & pulverulenta, & (2.) ex semine nata, sequi-

sequitur terrenum quidpiam in semine  
fuisse. Sed prius est. Ergò & posterius.

## PENTAS XX.

### *Argum. I.*

Si Hydropici ex alimento proferunt  
aquam, sequitur alimentum quatenus  
tale ex Elementis constare. Sed ante-  
cedens est. Ergò & consequens. Ra-  
tio Majoris est, quia si alimentum quin-  
ta quædam foret essentia, uti vult D.  
Sennertus, ex eo sanè non fieret humor  
aqueus.

### *Argum. II.*

Si ex alimento potest fieri aqua, vel  
illud in aquam & elementa resolvi, ne-  
cessariò ex Elementis vicissim potest  
generari alimentum. Sed prius est. Er-  
gò & posterius. Ratio connexionis  
est, quia redit ad sua principia alimen-  
tum, & resolvitur in aquam, quia calor  
epatis imbecillis humidum elementa-  
re cum sicco debite unire, determina-  
re, & massam sanguinis per coctionem  
idoneè generare nequibat.

### *Argum. III.*

Si quale nutriens, tale etiam est nu-  
tritum,



tritum, sequitur alimentum non esse  
quintæ cujusdam essentia, ab Elemento-  
rum naturâ diversæ. Sed prius est.  
Ergo & posterius.

*Argum. IV.*

Quicquid nutritur, per id quod ma-  
ximè convenit nutritur. Animatum nu-  
trit. Ergo animatum per id quod ma-  
ximè convenit nutritur. Porro: Quic-  
quid per id quod maximè convenit nu-  
trit, illud per id quod in naturam par-  
tium converti potest, nutritur. Anima-  
tum per id quod maximè convenit, nu-  
trit. Ergo animatum per id quod in  
naturam partium converti potest nu-  
trit. Porro: Quicquid per id quod  
in naturam partium converti potest, nu-  
trit, illud per id cujus tota substantia  
communione & similitudinem secū  
habet, nutritur. Animatum per id quod  
in naturam partium converti potest,  
nutrit. Ergo animatum per id cujus  
tota substantia communione & simi-  
litudinem secum habet nutrit: & per  
consequens alimentum ratione elemē-  
taris substantiæ nutrit, cum quale est a-  
ctu nutritum, tale necessum est ut sit  
nutriens potentiâ.

*Arg.*

Per quas qualitates intemperies Epatis corrigitur, ut ex chylo chymum sanguinemq; bonum generet, illæ etiā & in Epate & in cibo sunt. Per qualitates Elementariās intemperies Epatis corrigitur, ut ex chylo chymum sanguinemque bonum generet. Ergo etiam qualitates Elementariæ & in Epate & in cibo sunt. Ratio Majoris est, quia calor non miscet nisi corpora Elementaria sicco humidoq; terminabili & miscibili constantia.

## Adversarij Verba.

### THESIS LIX.

*Adversarius sui  
obliviscitur, du-  
asq; theses  
59. for-  
mat.)*

*Et ut hoc penetratilius dispiciamus, cum Galeno dicimus corpus ex iis constare in qua resolvitur: Elementum definitur Aristot. Lib. 3. de Cælo, corpus simplex in quod cum insit corpora dissolvuntur, ipsum vero in alia quæ specie differunt, dissolvi nequit. Proinde si solvuntur in illa quæ in alia specie dividi nequeunt solvuntur, & sic necessario hæc sunt prima cæteraq; ex iisdem composita. Resolutio fit ab arte vel naturâ. Arte separantur spiritus & olea, pblegma & cinis caputq;*



putq; mortuum. Hæc omnia transeunt ad suum, unde nata, Elementum, eoq; reducuntur. Spiritus ex aere & igne, uti principia sua sapiunt ita in illa revertuntur. Oleum facilius concipit calefacientem arentemvè flammam seu ignem, specie & actu actioneq; nihil ad Elementarem accedentem & euntem. Phlegma est aqua quæ vinculum & compagem terræ mista ad soliditatem præstabat corpori. Cum enim omnis mistio circa centrum mundi sit, terra necessario inerit, si terra & aqua quoque quæ terra siccitatem continet & formabilem efficit: si terra & aqua, & horum contraria, ignis scilicet & aer, alioquin perfecta mistio & misti dissolutio nunquam erit. Verum in mistis quæ consistentia prædita sunt, terra aquam mole superat, in cæteris non item. In omnibus autem terra & aqua, ut præcipua materia, mole sua ignem & aerem excedunt, sed non virtute. Nam Igni prima virtus & efficacia tribuenda, quæ homogenea in unum cogit; deinde aeri qui tenuitate sua massam ex terra & aqua penetrat, temperat, & quasi fermentat, adeo ut aer terra & aqua permistus idoneum igni pabulum suppetat: & calor igneus cum aereo junctus, totam illam massam permeare, permiscere, definire & con-

Cc

coque-

acquirere queat, ac ad eum finem perducere, quem natura, qualis in animatis anima ac plastica vis in semine, ad cetera cœlestium corporum motus intendit & dirigit.

### THESIS LX.

Uti corpus animale non poterat vitâ potiri sine calore, neque calor animantis pulmones, vel quod ipsi respondet habentis, sine aeratione & eventatione humiditatis nutritivæ conservari, neque sine terræ soliditate ab humido compacta, corpus vitale existere, muniaque necessaria obire, aut humiditatis caliditatisque subjectum idoneum, & capax esse, ita tam ex terrâ & aquâ quam aere & igne corpus nostrum fabricatum esse oportuit, quod universim & per omnes partes tam solidas ex terra & aqua, quam reliquas animâ suâ informatum vivens est & sentiens, ut nulla pars corporis seu solida terram & aquam magis redolens, seu calidior limpidiorque aere & igne magis constans, pro recrementitiâ inutili & non necessaria reputanda. Si reponis sale è cineribus educto, terram remanere insipidam: Respondeo sale in spiritum oleumve, hoc in ignem deum verti, omnia ad sua prima redire elementa, nihil præter elementa virtutis habentia. Unde sequitur in mixtis virtutes à mixtorum formis variis, fab.

subindeq; novis sibi per varias missiones succedentibus profectas esse. Ossa sunt pars corporis terrea & pulverulenta, vivunt tamen, consumuntur & nutriuntur: ex semine verò nata sunt, terreum itaq; in semine quidpiam fuit. Eo nutrimur, ex quo constamus. Hydropici ex alimento proferunt aquam, quod calor Epatis debilior non possit alimentarium naturalemq; producere sanguinem, quamobrem sibi quantum potest, gignit simile, cum omne alterans assimilet sibi alteratum qualitate vel substantia, juxta eam quam possidet virtutis quantitatem.

Non verò posset ex alimentis producere aquam, nisi alimentum quatenus tale ex Elementis constaret. Si alimentum quinta quidam foret essentia, non ex elementis composita, uti vult D. Sennert, utiq; ex eo non fieret humor aqueus. Quocirca si ex alimento potest fieri aqua, vel illud in aqua & elementa resolvi, necessario ex Elementis vicissim potest generari alimentum redit enim ad sua principia alimentum & resolvitur in aquam quia calor Epatis imbecillis humidum elementare cum sicco debite unire determinare & massam sanguinis per coctionem idonee generare nequibat. Atqui sic alimentum non est quinta quidam essentia ab Elemento-

*rum natura diversa, siquidem quale nutriens tale nutritum: omnibus partibus corporis inest desiderium convenientis & odium alieni. Illud autem maxime convenit, quod in naturam partis converti potest. Quare oportet ut toti nutrientis substantia cum nutriti natura commanio similitudoq; sit, ut vera dicatur nutritio, alimenti in substantiam nutriti conversio. Quale est actu nutritum, tale necessum est, ut sit nutriens potentia. Demum cum Epatis intemperies corrigatur per qualitates Elementarias, ut ex chylo chymum sanguinemq; bonum generet, necessum est & epatis & cibi qualitates & substantiam esse ex Elementis: calor enim non miscet nisi corpora Elementaria sicco humidoq; terminabili & miscibili constantia.*

## Responsio Generalis.

*Adversarius mirâ confusione confusum suum Chaos concludit.*

*Εκ θεοῦ.*

*Omnia tunc bona sunt, clausula quando bona est. Hinc Adversarius telam confusè coëptam & continuatam, confusissimè finire gaudet. Denuò thesîn quin-*  
*quage*

quagesimam nonam format, atque sic trigesimam tertiam quam suprà omiserat, per quinquagesimam nonam bis positam tam concinnè & elegàter supplet, quàm appositè & exactè quadrant quadrata rotundis. In sexagesimâ verò thesi, quæ ultima totius Disputationis est, quid non sese ostentat? Varia variarum materiarum adest coaccervatio, omnem respuens ordinem, ac Physica, Chymica, Anatomica, aliâq; diversissima, indiscretè offerens, ut ex unicâ illâ thesi duas fermè Argumentorum Pentades extrahere, sicque binas ultimas Pentades conjungere, coacti fuerimus. Nil enim prætereundum videtur, ne sibi ad sua nihil fuisse responsum clamare habeat.

## Responsiones Speciales.

Ad Pent. XIX.

*Argum. I.*

Minorem exclusivè sumptam negamus. Misti non in nuda Elementa, sed maximam partem in mista alia abire, accuratissimè (ut suprà etiam dictum) jamdudum in *Lib. de Cons. & Diff. Cap. II.*

Cc 3

& 12.

*Mista non  
in nuda  
Elementa  
resolvi.  
De Putre-  
factis.*

§ 12. *Experientiss.* Dn. Sennertus demon-  
stravit. Adversarius naturæ opera non  
ita superficialiter, sed paulò intimiùs  
pensitet, & rem aliter se non habere et-  
iam invitus deprehendet. Putrefacta  
adire si tentet, merum aërem esse quod  
evaporat, haud dixerit. Contrarium  
enim foetor, inquinatio spirituum, læsio  
cerebri & cordis, aliaq; plura loquun-  
tur. Hinc & aliter nos afficiunt putre-  
factæ plantæ, aliter putrida cadavera: &  
aliter plantæ istæ, aliter illæ, aliter aliæ;  
aliter etiam cadaver equi, aliter cadaver  
felis, aliter cadaver hominis, aliter ca-  
davera cætera. Et simus ac urina si pu-  
trescant, quàm tetrum ac noxium de  
se se odorem spargant, nemini est igno-  
tum. Combusta si spectare non erube-  
scat, in suffitis, in pulvere, aut sulphure,  
accensis, nudum vel aërem, vel ignem,  
vel alia Elementa, seu pura, seu impura,  
seu etiam imperfectè mixta, adesse di-  
cere haud poterit. Potius ipsissimæ cor-  
porum è quibus exhalant substantiæ  
& essentiæ, illic adhuc præsentēs & vi-  
gentes sese ostentant. Quæ de re aurea  
verba *Excellentiss.* & *Experientiss.* Dn. Sen-  
nerti l. c. c. ii. p. m. 169. leguntur. *Ex sul-  
phure*

*De Com-  
bustis.*

phure accenso, inquit, flores sulphuris colliguntur. Fumus, qui è Mercurio aut sale armoniaco exhalat, ipsissimus est Mercurius & sal armoniacus & longè aliud, quàm fumus, qui ex ligno querno, vel tartaro, vel vitriolo elevatur. Aut si saltem metallorum fossores & coctores, quorum sæpè longè major, quàm ex βιβλῶν Physicorum & otiosorum speculatorum in hoc genere est peritia, consulerent, aut eorum caminos inspicerent, aliter se rem habere quàm putant, facile doceri possent. Quibus certè fides hic non deroganda, cum docent, arsenicum, pompholyga, cadmiam, Mercurium, & ejusmodi alia multa è metallorum fusione & coctione, ac sublimatione exhalare, & in fornacibus & alembicis colligi, non verò elementa vel simplicia, seu pura seu impura, vel imperfectè mixta & meteora. Nullà hic demonstratione opus est, sed sensu potius: & si Chymicus dixerit, illud quod fumi specie elevatur, esse sulphur, Mercurium, arsenicum, cadmiam, istud sal aliquod volatile, non aliquod meteorum: cur sensibus fidem derogem, & Chymicis ac metallorum coctoribus, quibus talia usitatissima sunt, non credam? Imò credunt omnes Medici, qui ea pro iisdem etiam, pro quibus à metallurgis venduntur, usurpant.



Certè sensibus hic fidem derogare & demon-  
 strationes poscere, ἀπώρια Ἀγνοίας est, &  
 qui hoc facit, idem facit, ac qui piscatori, qui  
 lucium se cepisse dicat, carpionem vel can-  
 crum cepisse Syllogismo persuadere conetur;  
 imprimis cum effectibus res tales naturas  
 suas satis prodant, & proprietatibus suis se  
 manifestent. Et paulò post p. 161. Non  
 ergo ita obiter & superficialiter de natura  
 operibus judicandum, sed paulò penitius ea  
 introspectienda sunt. Et quod nobis fortui-  
 tò non objicitur, arte & industriâ inquiren-  
 dum. Nimirum in natura externis resolu-  
 tionibus judicandis, multa occurrunt impe-  
 dimenta: neque partes resolutæ ad examen  
 sese sistunt, ut cognosci possint, An elementa  
 pura sint, vel alterius generis, sed in auras  
 diffunduntur & aufugiunt. Major autem  
 certitudo est in operibus artis, ubi nihil pe-  
 rit, sed vasis clausis omnia administrantur,  
 partesq; resolutæ inclusæ colliguntur, & he-  
 terogenea ab homogeneis discernuntur, ut  
 rectum de omnibus possit fieri iudicium:  
 absq; quo si sit, impossibile est, ut quisquam,  
 etsi pro absolutissimo Philosopho, vel Physico  
 se venditet, ex solo vapore adscendente de  
 natura rei judicare possit; cum vapores ad  
 aspectum sint similes, id verò quod in vase  
 reci-



recipiente colligitur, diversitatem monstret,  
 & hoc esse spiritum vini, illud rosarum, hoc  
 cerasorum, illud salis, vitrioli vel alium; hoc  
 flores sulphuris vel salem armoniacum doce-  
 at, quæ, etsi pura puta principia non sint, quia  
 tamen ea in iis abundant, ab iis corpora illa  
 denominationem accipiunt &c. Hinc nul-  
 lam esse Minoris probationem, sat cla-  
 rum est. In Elementa enim ea omnia,  
 quæ & artificialiter & naturaliter resol-  
 vuntur, abire, simpliciter falsum est. Spi-  
 ritus & olea in aërem & ignem mutari  
 qui putat, videat, ne mutem farinâ a-  
 spersum, cundem cum domino pistrini  
 faciat. Non enim id omne ignis est,  
 quod in flammâ est; nec id omne aër,  
 quod in aëre invisibiliter degit. Optima  
 ac subtilissima quæq; rerum, aut fugiunt, aut  
 fallunt sensum, teste Scaligero. Et pro-  
 phani sunt, qui nihil esse putant, nisi illud,  
 quod manibus palpare & prehendere pos-  
 sunt, monente Platone. Phlegma verò,  
 cinis, caputq; mortuum, plurimum qui-  
 dem aquæ & terræ continent, atomis  
 tamen à terrâ & aquâ diversis in totum  
 non carent. Et posito, tam exactè sepa-  
 rationem & resolutionem fuisse pera-  
 ctam, ut pura puta ibi remanserint Ele-

*An spiri-  
 tus & olea  
 in aërem  
 & ignem  
 mutantur,*

*Object.*

*Respons.*

menta, tamen nihil aliud exinde sequeretur, quàm in misto terram & aquam præfuisse, quod nemo negavit. Ac quamvis Elementum ab Aristotele describatur, *corpus simplex, in quod cum insit corpora dissolvuntur, ipsum verò in alia, quæ specie differunt, dissolvi nequit*: nihilominus tamen contra hæcenus dicta nihil infertur. Priora enim Descriptionis verba Inclusive intelligenda sunt: posteria planè nihil quod contra nos sit, proferunt. Hoc est, Mista resolvuntur in Elementa, sed nec tantùm, nec immediate, sed maximam partem in atomos etiam specie ab Elementis diversas: ipsa verò Elementa in alia priora specie diversa resolvi nequeunt.

*Ad Argum. II.*

Conceditur Syllogismus totus. Audivit Adversarius, non omnia quæ in plantis, metallis, aliisq; mistis habentur, iisdem gaudere facultatibus, sed per extractions Chymicas, efficacissima & nobilissima ab aqueis, terrestribus, & (quoad certum usum) inutilibus, separari posse: hinc, ut semper contrarium se præstet, corpus humanum tam ex

ternu

terrâ & aquâ, quàm ex aëre & igne constare, probare conatur. Sed cui bono? Omnia Elementa ad metallorum, plantarum, & animalium constitutionem concurrere, quis negat? Omnia autem non inservire omnibus, nec negaturum spero Adversarium ipsum.

*Ad Argum. III.*

Fuit responsum in Resp. ad Arg. I.

*Ad Argum. IV.*

Transcat Major. Minorem petere principium, quis non videt?

*Ad Argum. V.*

Argumentum hoc contra Dn. D. Sennertum non est. Conceditur ergo totum.

AD PENTAD. XX.

*Argum. I.*

I. Falsum est, Hydropicos ex alimento proferre aquam; quod ut pateat diversæ Hydropis considerandæ sunt differentię. Hydrops ergo absolute & ἀνδὲ περιόχης sumptus, tres habet species seu differentias, quarum prima ἀσκήτης, secunda πυμπανίτης, tertia σκελίτης seu ἀνασπίεχα, aut ὑποσπίεχα, vel λοβοφλεγματία, dicitur. Astites est, cum totus venter inferior, ad

*Hydropia species.*

*Astites mo. quid.*

*Tympani-  
tes quid.*

*Anasarca  
quid.*

*An Hydro-  
pici ex ali-  
mento fa-  
ciant a-  
quam.*

*Unde a-  
qua in Hy-  
dropicis.*

modum *αὐξή* seu utris, aquarum copia tumet. *Tympanites* est, cum venter ille flatu distenditur, & pulsatus tympani instar sonum edit. *Anasarca* est, cum per universam corporis molem humor albus & pituitosus diffeminatur, qui totum corpus instar spongiæ replet & tumidum madidumq; reddit. Sive jam consideretur *Ascites*, sive *Sarcites* seu *Anasarca*, (*Tympanites* enim huc non spectat, quia non aquam, sed crassum flatum includit) nunquam alimentum mutatur in aquam, quod egregiè demonstrat *Excellentiss. & Experientiss. Dn. Sennertus Libr. 1. Pract. Part. 6. sect. 2. cap. 3. pag. 713.* dum inquit: *Equidem in Anasarca libenter admitto chylum in crudiores & pituitosum sanguinem mutari; at in aquam totus mutari non potest; Neq; serum, quod per urinas naturaliter excernitur, & in hydropicis præter naturam detinetur, in epate vel Liene primùm generatur, sed è ventriculo transmittitur & attrahitur, estq; ille humor, qui bibitur & cibis admiscetur. Unde etiam observatum, quosdam hydropicos omnimodâ à potu abstinentiâ sanitati restitutos fuisse. Et experientia atq; ipsa corporis nutritio, & sanguis, qui in venis etiam in hy-*

in bydropicis continetur, docet chylum, non in aquam, sed in sanguinem in Ascite mutari, serosum verò & aqucum in primis viis subsistere. Et ibidem Quæst. 1. pag. 755. ait: Neque coctione, sive bonâ sive malâ, plus humoris & aqua ex chylo fieri potest, quàm quantum ejus in eo est, & illa ipsa aqua, qua sanguini permiscetur, in chylo jam fuit ex cibo potuq; relicta, ut esset ὀρνυμα τροφῆς & distributioni alimenti inserviret. Ille verò ex chylo corpore composito & heterogeneo aqua saltem fieret, impossibile est: neque in venasectione, si in bydropicis ea instituat, aqua mera, sed sanguis, & sæpè paucò sero dilutus emittitur: & aquam illam bydropicorū non in epate ex lasa sanguificatione fieri, sed ex cibo & potu assumpto colligi, etiam illud docet, quod quidam à potu omnino abstinentes ab hydropè liberati sunt. Ita refert Plinius, natural. histor. lib. 7. cap. 18. Julium Viatorem, equitem Romanum, voluntate sitim vicisse, cum aqua subter cutem fusa morbo laboraret; & Benovenius, de abdit. sanat. & morb. caus. cap. 13. refert, se rustico cuidam, quem aqua intercus malè habebat, consulenti respondisse, sanari eum non posse, cum morbus jam inveterasset, nisi ultra non tibat, quàm ut vitam

Historia  
utilissima.

tam

tam sustineat. Rusticum dicto obtemperasse, & per annum nihil bibisse, & sanatum fuisse. Quæ omnia cum ita sese habeant, vero consentaneum non videtur, in ipso epate serum, proximam hydropis causam generari, sed citra epar colligi, & aquam in hydropicis cumulari, quod quicquid ejus cibo & potui permistum est, ad convenientes evacuationis vias non pervenit, & neque per lienem, neque epar, ad renes penetrare potest, sed in venis mesaraicis gastricisq; & epiploicis citra epar subsistit. II. Ludit Adversarius Homonymiâ. D. Sennerto nutrimentum quintam quandam essentiam esse, ait, sed si nutrimentum quod nutriturum est, intelligit, toto cælo errat. Quis enim panem, carnes, caseum, butyrum, chylum, & sanguinem, quintas vocaret essentias? Si verò vel nutrimentum quod nutrit, vel nutrimentum quod velut nutrimentum est, (ut in *Resp. ad Argum. 4. Pent. 18.* dictum) intelligit, utrumq; quinta aliqua essentia est, sed neutrum ad Hydropem confert quicquam.

*Ad Argum. II.*

Transseat Major, quæ tamen iermè  
col-

*Distincta  
Nutrimē-  
torum ge-  
nera con-  
fundenda  
non sunt.*

colligere videtur hunc in modum: Si e cadavere equi sunt scarabai, etiam e scarabais fiet cadaver equi; aut, Si ex semine fit homo, etiam ex homine fiet semen. I. Falsum est, ex alimentis fieri aquam, ut dictum probatumq;. II. Falsum est, Hydropem semper ab imbecillitate epatis provenire, quia epate salvo Hydropem non raro fieri, & experientia, & rationibus, & autoritatibus fretus, exacte Excell. & Experientiss. Dn. Sennertus Lib. 3. Pract. Part. 6. sect. 2. cap. 3. demonstrat. De Anasarca quidem concedit, quod epatis vitio, & in specie intemperie frigida, quae pro sanguine bono crudus & pituitosus generatur, & per omnes venae cavae ramos distribuitur, tertiaq; coctio frustratur, ac corpus totum tumidum & aqua quasi suffusum redditur: verum de Ascite & Tympanite rem ita non procedere, non sine re contendit. *Vulgata*, inquit pag. 746. *equidem & antiqua in scholis Medicorum est sententia*, omnem hydropem accidere epate primario affecto, & proximam ac precipuam omnis hydro-pis causam esse αιματων Epatis lasam, & quidem ab intemperie ejus frigida.

*An omnis  
Hydrops  
ab imbe-  
cillitate  
Epatis  
proveniat.*

*Docuit*



Docuit id Galenus libr. 5. de loc. aff. cap. 7. ibid. lib. 7. cap. 1. 6. apb. 12 & 42. 2. Progn. 1. 1. & 2. 4. de prasag. puls. cap. 9. Galenum sequitur Avicennas, lib. 3. fen. 14. tr. 4. cap. 4. & alij Medici pleriqz, & adducti sunt in eam sententiam, quod cum epar officina sanguificationis sit, ibi sanguinem vitiosum generari probabile sit, ubi bonus generatur. Et quia calor innatus epatis, precipuum sanguificationis instrumentum est, eo laeso & epate refrigerato sanguinem serosum generari, & tandem hydropem induci crediderunt. Reperti tamen sunt, precipue nostro seculo, non pauci Medici, qui à communi opinione ista discesserunt, & quidem primò ea de causa, quod in sectione hydropicorum sepe epar saluum inventum sit. De quo Mauric. Cordaeus, comm. 5. in libr. 1. Hippocr. de mulieb. scribit: In hac, inquit, Parisiensi Asclepiadarum familia per celebri magnus est & frequens numerus Medicorum caterve ubiqz sunt multa atqz conventus; vix verò inter eos ullum reperias, cui non contigerit Hydropicum cadaver aliquod eviscerare. Quid verò in illis commento superiori simile reperias? Integrum est in multis epar ex omni parte, quibus exortus est hydrops ab aquoso Liene. Refert quoque Schenckius, Libr. 3. observ.



*observ. ex observation. D. Francisci Tidicai,*  
*qua historia integrè infra de Tympanite re-*  
*censebitur. Virum quendam sexagenarium,*  
*cum diu à flatibus & anhelandi difficultate*  
*molestatus esset, tandem in Asciten incidisse,*  
*eoq; mortuum esse, in cujus cadavere aperto*  
*epar nihil ferè à sana epatis constitutione monstan-*  
*differre visum est, neque quicquam in eo vel*  
*alio viscere vitij oculis notari potuit. Quæ*  
*confirmare videtur id, quod Job. Pascha-*  
*lius, de med. morb. libr. 1. cap. 34. refert:*  
*Mulierem quandam annos 59. natam labo-*  
*rasse Ascite sex annos, & ex casu in lapidem*  
*ventrem ejus fuisse vulneratum, per quod*  
*vulnus cum subito omnis aquositas evacuata*  
*fuerit, incidisse quidem illam in animi deli-*  
*quium, sed postea in Xenodochio Patavino*  
*bonis alimentis assumptis pristinam recupe-*  
*rasse sanitatem. Nam si in muliere quïn-*  
*quagenaria epar refrigeratum fuisset, ut*  
*Ascitem generaverit, certè œconomia illius*  
*ita turbata fuisset, ut post aquæ evacuatio-*  
*nem tam subito sanitatem recuperare non pò-*  
*tuisset. Quibus accedit & illud, quod Be-*  
*nivenius, Dodoneus & Langius narrant;*  
*quosdam aquæ potu largissimo ab hydropè*  
*sanatos fuisse aperto umbilico. Nam si epar*  
Historia  
hydropem  
absq; epa-  
tis vitio  
provenire  
posse de-  
tes.

D d      tam

tam valdè refrigeratum fuisset, non tam facile sanitati aqua evacuata restituti fuissent, præcipuè post aqua potū largissimum. Neq. in eo effugium patet, quod nonnulli dicunt, hydropem provenire ab intemperie epatis frigidâ, quæ oculis videri non possit. Etenim hydrops, si ab intemperie epatis proveniat, non à levi aliqua ejus alteratione oritur, sed à calidi nativi ejus extinctione vel absorptione, quam caloris & qualitatum epatis talis mutatio sequitur, ut epar malè affectum fuisse etiam oculis pateat, quale tamen nihil in hydropicis demortuis sæpè invenitur. Deinde epar salvum esse posse, & nihilominus hominem in hydropem incidere, eo probatur, quod non solum epar, sed & lien sanguificationis organum sit, & propterea eo læso etiam hydrops oriri possit. Quod præter experientiam confirmatur autoritate Hippocratis, qui libr. α' ἐὶ πρῶτον scribit: γίνεται ὕδρωψ καὶ διὰ τοῦ σπληνός, ὅταν νοσήσῃ: generatur hydrops etiam à splene, cum agrotaverit. Et libr. 1. de morb. mulier. docet, splenem humorem aquosum ad se trahere, ut qui rarius & spongiosus est, & secundum ventriculum situs, generationemq. hydropicæ ex splene eo loci integrè describit. Idem do-

oet libr. 4. de morb. Hæc Dn. Sennertus, quibus & illa adjungenda, quæ pag. 755. habet, his verbis: *Si in epate serum illud generaretur, cur non à venis attraheretur, & in totum corpus distribueretur, ut in anasarca fieri solet? aut, cur non per patentes vias, præcipuè urinam, excerneretur; cum nullum in renibus vitium sæpè deprehendatur in hydropicis?*

### *Ad Argum. III.*

Major est miserrima. Verum quidem est, quale est nutriens, tale etiam esse nutritum, & contrà, quale est nutritum, tale etiam esse nutriens, nempe *proportionaliter*, non verò *essentialiter*: sed quid inde,? Scilicet I. pro nutrito, non autem pro nutrimento quid concludi potest. Talis enim foret Syllogismus: *Quale est nutriens, tale est nutritum. Nutriens est Elementare. Ergò etiam nutritum est Elementare.* Ubi & principium petit Minor, & statum Controversiæ non ferit Conclusio. II. Quid hoc est dicere, *Quale est nutriens, tale etiam est nutritum*, ergò alimentum non est quintæ

D d 2                      essen-

essentiæ? Nutriens & nutrimentum  
 Adversario sunt, & in hoc passu esse de-  
 bent, Synonyma, inde hoc dicitur: *Nu-  
 trimentum non est quinta essentia, quia  
 quale est nutrimentum tale est nutritum.*  
 Puræ putæ nugæ sunt. III. Calidum  
 Innatum quod quintæ est essentiæ, cum  
 in nutriente, tum in nutrito est, nemo-  
 que unquam vel nudis Elementis, vel  
 Mistis calido innato destitutis, quamvis  
 aliàs optimè commistis & remistis, quit  
 nutriri. Hinc saxa & metalla non nu-  
 triunt, non ob Elementorum penuri-  
 am, nec ob misionis pravitatem, sed  
 unicè ob calidi innati absentiam.

*Ad Argum. IV.*

Verum est, animatum per id quod  
 maximè convenit nutriri: verum et-  
 iam est, animatum per id quod in natu-  
 ram partium converti potest nutriri:  
 verum & id est, animatum per illud cu-  
 jus tota substantia communionem &  
 similitudinem secum habet nutriri: sed  
 falsum est consequens istud, quod ali-  
 mentum ratione Elementaris substan-  
 tiæ nutriat, quia animatum non pure  
 Ele-

Elementare est, sed inprimis calido innato gaudet, quod probare, esset cœcum, dari colores demonstrare conantem, imitari.

*Ad Argum. V.*

I. Qualitates Elementares in Epate esse non negamus, sed id saltem cavendum censemus, ne unius *inclusio* fiat *Cautela I.* alterius *exclusio*. Qualis enim Consequentia? *Ubi sunt qualitates Elementares, ibi non sunt qualitates Elementis nobiliores, à formâ nobiliori proficiscentes. In Epate sunt qualitates Elementares. Ergò in Epate non sunt qualitates Elementis nobiliores, à formâ nobiliori proficiscentes.*

II. Intemperiem Epatis qualitatibus Elementaribus corrigi, itidem non negamus, sed non solum ad intemperiem, verum etiam ad *appropriata* & peculiarrem cum epatis natura convenientiam habentia, respiciendum esse urgemus. *Caut. II.* Ut enim affecto cerebro cephalica, thorace thoracica, corde cordiaca, ventriculo stomachica, splene splenetica, uteri hysterica, aliaq, parte, appropriata alia: ita & affecto epate epatica,

Dd 3

adhi-

*Caut. III.* adhibenda & exhibenda veniunt. III. Cum intemperies alia *Materialis*, alia *Immaterialis* sit, indeq; Morbus vel *Factus* vel *Fiens* dicatur, illa quæ cum materiâ est, solâ alteratione, sive per qualitates Elementares, sive per alias nobiliores factâ, tolli & amoveri haud potest. Effectus enim non tollitur, nisi causâ, à quâ in fieri & in esse dependet, sublata: hinc causæ etiam, quæ intemperiem fovent, sui remotionem postulant. IV. In nutrimento (nutrituro) reperiri etiam qualitates Elementares, Adversarius probare non tenetur. Hoc enim non est quod controversitur, sed illud, *an nutrimenta planè & in totum Elementaris natura sint, an verò præter quatuor Elementa etiam Calido Innato, quod quinta essentia & τῷ τῶν ἁσπῶν στοιχείῳ ἀνάλογον ἐστὶ, consent?* Hic Rhodus, hîc salta.

*Quid Adversario probandum.*

Con-

# Conclusio.

Emerſi tandem , & non absq; deſiderio emerſi, ex hoc inſigni pelago, recto tramite tendimus ad ILLUM, pro cuius Potentiâ, Sapientiâ, Clementiâ, & Providentiâ , hilari certavimus animo : qui ſingulis diebus, horis, & momentis, copioſè & Sapientiæ, & Potentiæ, & Miſericordiæ ſuæ theſauros, ſuper omnes effundit & diffundit: qui in quibusvis, etiam minutiffimis herbulis & lapillis, gloriæ ſuæ infinita ſpectula formavit & firmavit : qui manu ſuâ Cœlos extendit, & dexterâ ſuâ luminaria magna, omnia moderantia, omniaque menſurantia, plasmavit: ad quem omni temporis puncto omnis rerum Natura gutture pleno clamat: *IPSE fecit nos , & non ipſi nos.* Ipſi ergò in tantâ rerum bonitate *Optimo*, in tantâ rerum amplitudine *Maximo*, in tanto rerum decore *Pulcherrimo*, in tantâ rerum perfectione *Perſectiſſimo*, & omni omnium linguarum eloquio, omniq; omnium animorum cogitatione, præſtantiore, ſit Laus, Honor, & Gloria.

Cæterum, ad Te etiam, *Clarissime*  
*Freitag*, mea sese convertit oratio. De  
 tuâ enim *Disputatione AntiSennertianâ*,  
 fusè hætenus à me examinatâ & refu-  
 tatâ, si absque ullo cum *Personarum*,  
 tum *Officiorum* adpectu & adfectu, jam  
 tandem omnibus actis & transactis Co-  
 lophonis loco quid dicere tenerer, li-  
 berè & candidè adferrem illud: *Lo-*  
*quentia multum, Eloquentia parum, Sapi-*  
*entia nihil*. Judicium esto penes æquum  
 Lectorem. Centuriam quidem *Ar-*  
*gumentorum* inde extruere & extrahere  
 laboravi, verum non ac si tantâ ratio-  
 num vel *Quantitate* vel *Qualitate* instru-  
 ctus, in arenam publicam cum *Excellen-*  
*tissimo* Dn. *Sennerto* descendere gavisus  
 fuisses, sed quia veritatis amantissimus  
 & avidissimus quicquid vel divinando  
 (conjectore enim Oedipo ubiq; opus  
 habes, & an omnes qui hæc tua legunt,  
 eodem modo te intellecturi sint, ad-  
 modum dubito, forsan multi in multis  
 te nec intelligent, nec eodem modo  
 intelligent, cum fermè intelligibilis  
 non sis) è tuis confusissimè prolatis  
 thesibus haurire potui, hausi & exhau-  
 si, ac



si, ac an dignum quid genio ingenuo,  
 anxie inquirendo & disquirendo, pre-  
 hendere possem, omni molimine ten-  
 tavi. Et nullus planè dubito, te ipsum  
 hanc Argumentorum copiam, in pro-  
 prio tuo foetu, nunquam quærere fuisse  
 ausum; & tot rationes & ratiuncu-  
 las ibi latitasse, prorsus ignorasse, &  
 etiamnum ignorare. Proinde mihi  
 meisque laboribus haud succensebis,  
 cum propria tibi monstraverim, for-  
 maverim, & expoliverim, arma: hoc  
 autem dubio procul inficias ire non  
 valebis, mitius longè & amicius tecum  
 actum esse, quàm ob convicia, quæ  
 passim in *Dn. Sennertum* evomere ge-  
 stis, promeritus fuisses. Vile & exile  
 ingenium est, quod casu Virorum o-  
 ptimè meritorum inclarescere tentat,  
 quod nihil nisi quod & quatum ipsum  
 assequi potest rectum & verum, cæte-  
 ra omnia falsa, vana, ficta, frivola,  
 stulta & absurda, esse judicat; quod  
 meram Antiquitatem sonat, sæpeque  
 novum diffamat quod vetus & anti-  
 quum esse ignorat. Pro *Aristotelicis*  
 autem & *Peripateticis*, cum in *Thesi*,

D d 5

tùm

tum in *Ancithesti*, subindè *Scholasticos* nominare volui, non absq; mente & consilio; sed partim, quia verissimè per infelicissimas illas *Scholasticorum* lucubrationes, à Naturæ pulcherrimis, amœnissimis, divinis, ac stupendis operibus, ad nescio quas futes & inutiles subtilitates, è Metaphysicorum scholis in Physica Acroateria infausto fidere relatas, retractæ fuerunt mentes veritatis amâtes: partim, ne ipsum *Aristotelem*, vel etiam *Philosophos Peripateticos*, è manibus Discipulorum extorquere, & omnia Ant-Aristotelicorum dogmata velut oracula venerari, iudicer, cum utriq; & ij qui pro Aristotele, & isti qui contra Aristotelem scripserunt, mihi sint charissimi. Sæpè enim multa præclara & in illis & in istis occurrunt, licet sæpè etiam *Iliacos intra muros peccetur & extra*. Ut ergò apes hinc inde circumvolitant, & ex omnibus pratis optima quæq; libant, colligunt, inq; cellulas suas transportant: ita & veritatis Studiosus, non solum Aristotelem, non solos Aristotelicos, nec solos Ant-Aristotelicos, sed & illum, & istos, & alios, adire & audire

audire, ex omnibus selectissima excerpere, & in augustissimas rationis suæ cellulas reponere, tenetur. *πάντα δοκιμάζειν, τὸ καλὸν κατέχειν.* Si verò novum quid, & ab iis qui ante nos fuerunt non animadversum, huic istique anxio Naturæ scrutatori sese ostendet, cur id vel reticendum. vel contra sensum & rationem negandum, vel in fraudem veritatis amatorum quovis modo palliandum, veniret? Maneat potius altâ mente repositum illud Senecæ: *Multum egerunt, qui ante nos fuerunt, sed non peregerunt; multum adhuc restat operis, multumq; restabit, nec ulli post mille secula precludetur occasio aliquid adhuc adjiciendi.*

#### ADIECTANEA.

Cum præter spem & Typographi promissum, pagellas aliquot spectare vacuum, calamo currente vacuum illud replere non dubitavi. Placuit ergò in gratiam Vetusissimorum Philosophorum unicam movere quæstionem, eamq; brevibus ac rotundis responsionibus dare expeditam. Est igitur

QVÆ.

## QVÆSTIO.

*Quanam Philosophorum Veterum fuerit  
sententia de Atomis?*

R.

Per Atomos veteres Philosophi non intellexerunt Corpuscula illa, quæ loco opaco per transversos Solis radios in aëre volare videntur, sed longè minores particulas, præ summâ parvitate individuas, quæ conjunctæ videntur, disjunctæ videri nequeunt. Viderunt enim è particulis invisibiliter è terrâeductis, nunc nebulam, nunc rorem, nunc pruina, nunc nubem generari; post autem & nebulam, & rorem, & pruina, & nubem iterum dissolvi, hominumque sensus & mentes ludere & fallere. Viderunt fumum primum totius continui ostentare faciem, post levi aëris aurâ in multa millia dispergi atomorum. Viderunt aquam igni adpositam ita turbari & conturbari, ut è fundo ad latera & operculum, & hinc in aërem etiam cursu vagabundo vergat & profiliat. Viderunt aurum in minimas & invisibiles partes agi, & post  
ite-

iterum cogi & incrassari. Viderunt homines, bruta, plantas, cæteraq; corpora in corruptionibus in multas atomorū myriades abire, & in generationibus etiam ex atomorum numero innumero conflari. Hinc

I. Interrogati Veteres, de numero Principiorum Physicorum, Infinita principia esse, responderunt. Infinita, ob has ipsas atomos infinitas. Infinitæ enim atomi sunt, si eas quæ ejusdem speciei sunt spectes. Nam etiam ad guttulæ unius constitutionem, plures atomorum aquæarum myriades concurrunt. Infinitæ etiam sunt, si illas quæ specierum diversarum sunt consideres. Quot enim quæso ludunt pisces in undis, avesq; in aëre? Innumerabiles dubio procul, non saltem individuorum, sed & specierum respectu. At species quævis sua propria & peculiaris habet principia. Innumeræ ergo species innumera & infinita postulant principia.

II. Interrogati Veteres, de Generationum, Corruptionum, aliarumq; Mutationum, Causis, Atomos eas esse dixerunt. Sæpè enim cum aqua limpi-

diffi-

diffima per canales decurrit, lapides canalibus adnascuntur. Jam unde hæc saxea, dura, & crassa corpora? Utiq; è tenuissimis & invisibilibus lapidū particulis, quas appellitavêre Atomos. Sic & sæpè incendium fit, ob paucas ignis scintillulas, quæ ob parvitatem suam latitarunt in cineribus. Sæpè venenum invisibiliter per atomos suas sumitur, & miras miserasq; mutationes corporibus infert. Sæpè januæ redduntur majores, vina potentia fiunt debiliora, & integra exsiccantur flumina; unicè pro variâ variarum atomorum positione, dispositione. Sic & poma frigefacta, in hypocaustum delata, frigiditatem in & cum atomis aqueis ejiciunt. Et quomodo frigus è parietibus & muris exeat, nec docti nec indocti ignorant.

III. Interrogati Veteres, de Mistionis naturâ & ratione genuinâ, iterum ad suas respexerunt Atomos. Cum enim dimensionum penetratio possibilis non sit, ibi ubi in misto aer est, ignis, aqua & terra esse nequeunt, & ubi ignis, aqua, vel terra sunt, ibi aer esse  
non

non potest. Corpus enim in corpus non migrabit. Juxta minutissimas ergo particulas in misto quatuor stant Elementa. Sic & si manum acupungas, dolorem habebis, qui vel solus te de mistione per atomos factâ erudire valebit. Ubi enim dolor, ibi spiritus animalis & præsencia & efficacia est: ubi spiritus animalis efficacia, ibi spiritus vitalis præsencia est: ubi spiritus vitalis præsencia, ibi & spiritus naturalis, & spiritus insitus, & Elementa, & principia Chymica, negari nequeunt. Quæ omnia in particulâ acu læsa in quantâ quæso aderunt magnitudine?

IV. Interrogati Veteres, de modo Mistionis, Generationis & Corruptionis, ad Atomorum σύγκρισιν & ἀσκήσιν confugerunt. Ex atomorum n. conjunctione res naturales generari docuerunt, non secus ac ex lapidibus, luto, & lateribus formantur domus; & quemadmodum ex viginti quatuor literis, aliter atque aliter dispositis, omnes gignuntur dictiones, orationes. Contrâ, ex atomorum disjunctione corpora naturalia vicissim  
inte-



interire & corrumpi, dicuntur: adeò, ut corruptio sit mera copulatorum segregatio, nihilq; unquam vel in privationem, vel in nihilum abeat atq; discedat. Hinc ligno corrupto aut cadavere putrefacto, aliquot millia atomorum egredi dixerunt, id quod per nares, oculos, aliaq; sensuum organa, subindè experimur.

V. Interrogati Veteres, quid in aëre, terrâ, aquâ, igne, totoq; Mundo sit; Atomorum plenum esse aërem, plenâ aquam, plenam terram, plenum ignem, Mundumq; totū nil nisi atomorum domicilium & compagem esse, responderunt. Cujus rei indicia haud levia hinc inde in naturâ habentur. In aquis enim omnis generis herbæ & pisces nascuntur & aluntur, imò lapides etiam vermesq; copiâ magnâ generantur & formantur. In terrâ etiam quot millia corporum naturalium non absq;

stupore latitare videmus & recognoscimus?

*Hæc, ut dictum, calamo currentes.*

DEO LAUS ET  
GLORIA.







